





Antonius

Antonius









# DECLARA- TIO VERA QVIBVS DE caussis Ordines Ciuitatis Gedanen-

sis cum Serenissimo Principe ac Domino Dño  
STEPHANO Rege Poloniae &c. aduersa-  
riorum suorum impulsu, iampridem in  
eam, quæ nunc etiam durat, contro-  
uersiam pertraclisint.



Pro innocentia suæ rationibus, &  
ipsius negotijs circumstantijs palam demon-  
strandis in lucem edita.



GEDANI:  
Anno Dñi M. D. LXXVII.

Ingenio. Et honesto viri in his operibus eximis. sum  
Bartholomaeus Wagnerus patri dilectiss.  
I. mittit Georgius Nohm arans

LIBRARY OF THE  
UNIVERSITY OF TORONTO LIBRARIES  
CAMPUS LIBRARIES CAMPUS LIBRARIES  
223079 I  
REKA SLAVIC LIBRARY  
UNIVERSITY OF TORONTO LIBRARIES

To innocents this is no offence.

<sup>2</sup> Bibliotheek  
Wenckebach

GEDVNI:  
LXXXVII. Q. M. P. T.



MNIBVS AC SIN-  
gulis, harum literarū noti-  
ciā habituris, inuictissimis,  
serenissimis, reuerēdiss: il-  
lustrissimis, illustrib. magni-

ficis, ac generosis, Christianę professionis  
Cæsaribus, Regibus, Electoribus, Prin-  
cipibus, tam Spiritualibus quā seculari-  
bus, Prælatis, Palatinis, Comitibus, Ca-  
stellanis, Baronibus, Dominis clemēti-  
simis, gratiosissimis, gratiosis, ac plurimū  
honorādis, necnō Præcōsulibus, Consu-  
libus, Ciuitatibus, Statibus, ac Ordini-  
bus, amicis, vicinis, Fæderatis, ac cæte-  
ris quorum quoquo modo interest, Ser-  
vitiorum ac obsequiorū nostrorum stu-  
dia paratiissimis animis, humilimè, subie-  
ctissimè, demissè, reuerēter diligenterq;  
pro cuiusuis ordinis conditione deferen-  
tes, notum testatumq; facimus Nos Præ-

A ij consules,

cōnſules, Consules, Scabini, Centum-  
uiri, totaq; Cōmunitas Ciuitatis Ged-  
vensis, quod cūm (proli dolor) hoc affli-  
ctissimō temporū statu, dubio procul  
inſtituū malī Dæmonis, qui ſemper odit  
pacem, et administrorum eius opera, qui-  
bus mero quodam odio complures iam  
annos vnum illud maximē curę fuit, quo  
Ciuitatem hanc ex feliciori ſuo ſtatū, in-  
perničiem & feruitutē coniſcerent, Nos  
cūm Sereniffimo Potentiffimoque Prin-  
cipe ac Domino, Dño Stephano Rege  
Poloniæ, Magno Duce Lituaniæ, Rus-  
ſiæ, Brufſiæ, &c. Dño noſtro clementiſ-  
ſimō, in id genus controuersiæ deueniſ-  
ſemus, qua nobis aduersarij noſtri, non  
ſolum rebellionis & perfidiæ (quod v-  
trūque longiſſimē ſemper à nobis ab-  
fuit) inotam iniurere conarentur, Verum  
etiam reorūndem cōſilijs, ſtylo proſcri-  
ptionis.

tionis illegitimo perculsi fuerimus, mox  
Ciuitatis possessiones, spoliatae, deua-  
statæ, exultæ, Subditi hostiliter afficti,  
nunc verò tandem appareat, vim arma-  
tam manifestè nobis intētari, nec ab ex-  
tremis temperatum iri: quantumuis ho-  
nestas & luculentas conditiones propo-  
suerimus, nec quidquam, quod ad officij,  
fidej, vel æquitatis rationem faceret, de-  
trectauerimus, neque nunc detrectemus;  
Nec his iniurijs aduersarij contenti, fa-  
mam insuper & existimationem nostrā  
indignis planè modis passim traducere,  
homines oēs, ac in primis Status & Ordi-  
nes inclytj Poloniæ Regni magis ac ma-  
gis aduersum nos exacerbare, quæcun-  
que demum hactenus à nobis animo  
nec malo nec infideli proposita, dicta,  
vel scripta sunt, in deteriorem partem in-  
terpretari nō adhuc intermittat: Idcirco

A iii necessi-

necessitatē omnino nobis impositā ani-  
maduertimus, rerum harum rationes &  
circumstantias, vnde primum ortæ, quō  
progressæ, quib. modis tractatæ, quæ no-  
bis interea difficultates obiectæ fuerint,  
per quæ tandem impedimenta steterit, quo  
minus pacificè iamdudū componeretur,  
quod ipsum literæ scripta, cōditiones, re-  
sponsa, quātum illorum hoc loco sat est,  
verbotenus abundè testantur, in publicū  
edendi : Præsertim, quod in his actioni-  
bus pertractādis, Internuncij nostri To-  
runum ad Comitja missi, in Regiæ Ma-  
iestatis conspectum, vt corām Ciuitatis  
melius expedirēt negotia (nisi postremò  
fermè semel) quanquā sæpius nobis hu-  
milimè supplicantibus, haudquaquā fue-  
runt admissi, quod nec alienis à nomine  
Christiano Turcis & Tartaris negatum  
meminimus. Ex ijs ergo q̄ deinceps in

medium

mediū afferemus, suo quibusq; loco, ne-  
mo nō & innocentia nostrā, & aduersari-  
orum conatus & consilia, facilimē poterit  
intelligere. Testamur autem liquidō pu-  
bliceque, nos nihil harum rerum ipsi Re-  
giæ Maiestati, ne minimō quidē acceptū  
ferre, nec ignoramus enim, ad Eandem  
Ciuitatis huius rationes, non semper eo  
quo per se modo fuerit, esse relatas: nec  
iūthæc animo certè Regiam Maiestatem  
offendendi scribimus, sed innocentiam  
saltēm nostram apertius tam ipsi Regiæ  
Maiestati (quandoquidem id alia via nō  
licuit) quam in vniuersum omnib. demō  
strandi gratia, nec non honorem & exi-  
stimationem publicam, vti viros probos  
debet, contra tot improbables malo-  
rum hominum calumnias et iniuri-  
as, honestis rationibus asse-  
rendi.

Principio



Rincipio, nemini iam inco-  
gnitum est, quibus initijs anno superio-  
ri, Regni Poloniae coniunctarumque  
provinciarum Status & Ordines, an  
Comitijs noui Regis creandi causa cō-  
dictis, in dissidium iuerint. Quo tem-  
pore Ciuitas hæc, cum cæteris vna Terrarū Prussicæ Con-  
siliarijs, pro iure suo, quo ad noui Regis electionem vo-  
cantur, suffragium suum, in serenissimam familiam  
Austriacam, tandem etiam ipsius Cæsareæ Maiestatis per-  
sonam, augustissima recordationis, contulit, ac in eodem  
voto, licet sententijs in partes didiclis, quamdiu rerum  
honesta ratio inhebat, constanter perseverauit. Postea-  
quam autem Serenissimus Princeps, qui nunc rerum po-  
titur, Dominus noster clementissimus, regnum obiuiisset,  
ac fermè cæteri status omnes subiectionis fidem in eius  
verba profiterentur, nihil tum nobis aliud ex fide nostra  
faciendum putauimus, multò verò deinde magis, quan-  
do diem suum functa Cæsarea Maiestas humano iure ces-  
sisset, quam ut ex præscripto vetustissimæ Coniunctionis  
Maiorum nostrorum cum inclito Poloniae Regno, à qua  
secedere nunquam in animum induximus, Serenissimo  
Regi coronato, fidem & subiectionem, saluis sane cum  
Terrarum, tum nostris speciatim iuribus, Prærogatijs, &  
libertatibus, debito cum obsequēdi studio deferremus. Vti  
hoc ipsum Consiliarijs & Statibus harum Terrarum, nō  
semel

semel in publicis Conventionibus verbis & literis abunde significauimus. Quinetiam ipsi Regiae Maiestati simul & semel eodem cum alijs tempore subiectionem & obedientiam offerre decreueramus. Verum iam tum ab initio varijs machinationib<sup>o</sup> res omnes aduersus Ciuitatem vehementer adeò fuerunt exacerbata, vt Internuncij & Secretarij nostri, ne quidem in communi Terrarum Senatu ab iniurijs verborum, & minis insolentibus, nec in itinere postea publico satis à periculo fuerint immunes ac securi (quanquam nihil aliud in commune pro virili consuleremus, q̄ cum vt publica subiectionis testificatione, patriæ quoque, singulorumq; Statuum Priuilegijs & libertatib. comprimis rectè cauaretur) nedum vt in ea rerum perturbatione, de cæteris certi quippiam, vel secundi vel aduersi, tutò nobis esset constituendum.

**Q**uanquam autem Serenissima Regia Maiestas Regno iam inaugurata, Secretarium suum generosum Nicolaum Kussobutzkj Notariū Ploceñ: cum literis & mandatis ad nos ablegasset, qui die quarta mensis Iulij superioris anni Septuagesimi sexti quæ in commissis habebat Ordinibus Ciuitatis exposuit: Tamen, quoniam tum temporis nō solum Status Terrarum Prussiae, de publicis inter se rationibus non æquè conuenirent, neq; de priuilegijs & libertatibus cōmunis patriæ (nedum de eo, quod adhuc in viuis agente Cæsarea Maiestate, quæ Poloniae Regnum iam acceptauerat, iuramentum præsterat,

B

terat, literas vniuersales promulgauerat, expectandum  
erat) satiscautum esset:

Verum etiam perendie post, dum de responso delibe-  
ramus, nunciaretur Cæsareæ Maiestatis Legatum gene-  
rosum dominum Henricum Kurtzbacchium Baronem,  
dum iter hoc facit, in via publica ab Ernesto VViero  
circumuentu, tribus globis tormentarijs vehementer vul-  
neratum, literis, auro, argento, pecunijs, catenis etiam  
aureis, quæ partim eius comitibus detraclæ fuissent, prä-  
ter opinionem hostiliter spoliatum, & certa vadimonij  
formula cōstrictum: Quibus rumor etiam accedebat To-  
runio perlatus, quo pacto Ciues in portis excubias agen-  
tes, à quibusdam Polonis vim passi, primo verborum in-  
cūrijs mox etiam verberibus affecti, & in ea turba ex Ci-  
uibus unus Sigismundus Rese globo peremptus, & alia-  
sanè inciuliter acta fuissent: His de caussis, cum iam in  
propatulo positum videretur, quam res omnes inconsueto  
more agi passim inciperent, haud immerito nobis cogi-  
candum erat, nunquid ad eam Legationem prä manu  
responderemus, eoque magis adducti fuimus, ut Inter-  
nuncio dimisso rem ad yltereorem deliberationem  
eorum ad quos nobiscum simul pertinebat, pro-  
ferremus, quod ex sequentibus longè fuisse  
cognoscetur.

Literæ

Literæ fidei quas Nicolaus Kossobutzkj  
Ciuitatis Gedanensis Ordinibus exhibuit.

Stephanus Dei gratia Rex Poloniæ, Ma-  
gnus Dux Lituaniae, Russiae, Prussiae, Masouiae, Sa-  
mogitiae, Kyouiae, Volbyniae, Transiluaniae Princeps, &c. &c.

**S**pectabilibus & Famatis Burgrabio, Proconsulibus,  
Consulibus, Scabinis, Centumuiris, totiq. Communi-  
tati Ciuitatis nostræ Regiæ Gedanensis fidelibus nobis di-  
lectis. Spectabiles fideles nobis dilecti. Commisimus Gene-  
roso Nicolao Kossobutzki Notario terrestri Plocensi,  
& Secretario nostro nonnulla cum Fid: vestiis nomine  
nostro agere. Quamobrem voluntus, ut illi omnibus in  
rebus fidem adhibeant. Quicquid autem nobis Fid: ve-  
stra & hac in re studij declarabunt, id nobis gratissimum  
erit, dabiturque operam, ut nostrum quoque fauorem erga  
se Fid: vestra experiantur. Datum in Blonie die xj.  
Mensis Iunij, Anno Domini M. D. LXXVL

Regni nostri Anno primo.

Stephanus Rex.

Legatio eiusdem ex Idiomate  
Polonico translata.

**C**VM Sacra Regia Maiestas singulari prouidentia  
& voluntate DEI opt: Max: in soli Regale incly-  
ti Poloniæ Regni collocata fuisset, atque secum reputa-  
set, quale talentum sibi creditum esset, Salute Reipub:  
By huus

huius Regni nihil antiquius nihil potius habuit, Cuius bas-  
sis ac fundamentum cum sit ciuitatis concordia, omnem dat  
operam cumque quasi scopum propositum habet, ut dissiden-  
tes hominum voluntates componat, & distracta membra  
ad unitatem corporis reducat. In quo sancto planè ac nun-  
quam satis laudato proposito, si quis Majestatem eius ad-  
iuuet, & non tantum suas sed aliorum etiam cogitationes  
eò conferat, is rem gratiorem & perpetua commemo-  
ratione digniorem Majestati eius præstare non potest.  
Et cum Majestatem R. non latuisset, quid in consilio ter-  
rarum Prussiae, tam in Noua ciuitate, quam Culme etiam  
actum fuisset, quod nimur illa consilia quæ perniciem  
ne dicam interitum prouincie huic minabantur postpo-  
suerint, & ea cæperint atque explicauerint, in quibus Sac-  
lus Regni Poloniae & harum Terrarum posita est, hoc  
est, coniunctionem & concordiam amplexi fuerint, &  
Majestatem Regiam Regem & Dominum suum profes-  
si sint. Hoc ubi Majestas Reegia cognouisset sum-  
mopere letata est & DEO gratias egit, non ducta nimia  
imperandi vel libidine, vel inimicorum aut minis alicu-  
ius territa, cum Sceptrum Regni Poloniae non usq[ue] adeo  
ambuerit unquam, cui vires ad se Regnumque suum tu-  
endum sufficiunt. Sed quod DEVIS illius Majestati ad  
propositam huius Regni administrandi rationem, pro-  
diuina sua voluntate viam sterneret, ut benignitate potius  
que severitate subiectos sibi regat populos. Verum ubi via-  
cissima

cissim audiisset D. vestras tam in conuentu Nouen quā  
Culmæ quoque dilationibus quibusdam laborasse, mirari  
satis non potuit, quod D. vestræ consensu omnium Or-  
dinum ac prouinciarum repudiato, aliud aliquid, à cate-  
ris differens, præsumere constituisset: Idq; eò magis admis-  
sata est, quod D. vestræ non ita pridem, cum laniorum  
causa tractata fuisse, receperint, se cum reliquis statibus  
& prouincijs communem concordiam & coniunctionem  
culturas esse. Eamq; ob rem Maiestas R. uti principem  
prudentem & sapientem decet, qui videt si alicui alteri  
huic præcipue ciuitati pace, quæ sine cōmuni coniunctio-  
ne consistere nulla ratione potest, opus esse, per me D.  
vestras hortatur, vt tuta consilia amplectantur, commu-  
nem concordiam colant, & cogitationes de alio Rege, tanto  
quam DEO contrarias & Reipub: nocuas abijciant.  
Considerent D. vestræ, quod Regna & imperia non hu-  
mana sed diuina voluntate conferantur. Si quid ea in  
parte humana ratio vel ars potuisset, potuisset in domo  
Austriaca. Sed non est hominis ea dare, Dominus est per  
quæ Reges regnant, cui ille vult Sceptrum confert, quodq;  
ita collatum nulla ratio, nulla vis hominis ex manu eius  
eripiet, quemadmodum etiūtum est neminem præter DE-  
VM id Maiestati eius dedisse. Et quod nam potest esse  
certius inditium & testimonium diuinae voluntatis supra  
illud, quod in concessione huius principis ostendere digna-  
tus est? Non hic vobis in memoriam reuocabo, quid in

B ij electione

eleclione aetum fuerit, Non quod ali⁹ Legatos cū autho-  
ritate, hic parui respectus miserit, Non etiam quod alius  
sibi vel filio Regnum, Hic vero prius domui Austriae,  
deinde sibi optauerit, Non horum mentionē faciam, sed  
hoc solum rogo considerate, & voluntatem manifestam  
DEl perspicite. Cæsari Vienna Cracoviā usque saltem  
quinquaginta erant confienda millaria, huic centum  
septuaginta, nihilominus hic aduenit, & ille ad hoc usq;  
temporis spaciū domi sedet. Cum hic iam fines Regni  
Poloniae attigisset, Cæsar primum in propositas conditio-  
nes iurauit. Hic iam Regni diadema insinuit, cum  
alter comitia edicit ad exquirenda consilia mendicandaq;  
auxilia. Vnde quæso huius celeritas illius vero mora pro-  
fecta est, quam ex voluntate diuina, quem Dominus re-  
gnare voluit, huic sensus, cor, & reliqua ad gubernatio-  
nem necessaria iam pridem præparauit, & viam certam  
strauit. Quem vero reprobauit huic & sensus & cor ade-  
mit, & omnibus ne effarijs priuauit. Parvum ne igitur  
id diuinæ voluntatis testimonium esse iudicatis? Perpen-  
dite aliud non minus Venit in Regnum non tantum va-  
rijs hominum voluntatibus, sed etiam intestinis dissidij  
distraustum, quomodo nihilominus omnia ex voto succe-  
dant, quemadmodum ipse Dominus viam construxerit  
vitetis, Quod enim ali⁹ Reges vix magnis artib⁹ consecu-  
ti sunt, id huic vltro, sine aliquo labore, obtigit, Contri-  
butionis exactio permissa, Cōmunis militia laudata, &  
amborum

imborum dispositio eius potestati permisſa est. Adhac, qui anteā ipsi aduersabantur, quomodo se ei sua sponte adiugauerint, vt de quibus existimatū fuerat, quod nō nisi vi à proposito abducendi eſſent, ſola fama prudenter & bonitatis illius vici, fidem & obedientiam illi deferant. Iam Archiepiscopos Regem & Dominum illum agnoscit. Iam Marschalcus Regni baculum in ſignum adeptæ gubernationis præfert, Iam hic publicatione, is nominatione deceſſit, Iam Episcopus Plocensis, Iam Palatinus Rauen: in verba Regis iurarunt, Iam etiam Lithuaniorum proceres obedientiam & fidem ſuam Maieſtati Regiae die Louis proxima detulerunt, Status quoque Terrarum Prussiae eadem ratione Legatos ſuos ad Regiam Maieſtatem mittunt. Considerent igitur D. veſtræ, num hic Princeps à DEO huic Regno datus fit? Quam verò difficile fit conſilium Domini mutare ipſa ratio docere potest. Et ſi quis huic tam apertæ prædestinationi diuinæ acquiescere noluerit, ſed ſuæ rationi plus tribuere, & maiora cōmoda ex alio quam hoc principe huic Regno ſperare voluerit, illum ſaltem rogo dicat mihi, quis potior habendus fit, nūm hic qui ſubditorum, vel is qui proprium cōmodum ſpectat. Non credo illum tam futurum insipientem, vt non magis hunc quam alterum laudet. Cōferant D. V. ambo, Cæſarem cum Maieſtate Regia Dño noſtro clemētiſſ: uter illorum ſubditis, uter vero ſibi ipſi cōſulat, Ambo fuerunt elecți, ambo nominati & publicati, ambo

ſtudia

studia hominum ardenter habuerunt, Conferant, in-  
quam, D. vestræ, cuius partis studia & labores à suo  
nominato compensati fuerint. Sacra Cesarea Maiestas  
amicitij & coniunctionis necessitudinibus nemini secun-  
dus, non ita pridem tot exercitus equitum, tot legiones pe-  
ditum, tot millions aureorum suis promiserat, & ma-  
gnificis promissis multorum animos alias mites & humi-  
les inflauerat, Sed quid præstitit, vel quantum lucri vo-  
bis qui eius partes secuti estis additum fuit? Expectatio-  
nem vestram, Expectationem, inquam, vestram frustra-  
tus est, spem omnem irritam esse iussit. Vos cum statibus  
Regni implicatos derelinquit & suo compendio studet,  
nihil pensi habens quid D. V. fieri debeat. Quare? Quia  
non studio D. vestrarum, sed suo & posteriorum Rego-  
num ambiebat, Quod vero cum non tam facile, quemad-  
modum existimauerat, illi obtingit, plus sibi quam D.  
vestris consulit. Neque credite hos Vicariolos, qui ita-  
at vos cursitant, boni aliquid adferre, Nihil aliud ille  
quærat, quam ut D. vestræ, magnificis illius promissis,  
quaæ tam certa nunc sunt, quam priora fuerunt inducti,  
à proprio suo Domino, hoc est Rege Poloniae & Regno  
dissentiant, & nos ea ratione cōmissos & intestino bello  
debilitatos Mosci libidini exponat & distrahat. Hæc  
sunt illa fœdera quaæ nouo & inusitato Germanis modo  
cum Mosco sanxit. Hæc illa Mosci literarum contenta,  
quaæ D. V. ignari malorum vestrorum audiissimè legi-  
stis.

9  
stis. Sunt ne hæc Principum Christianorum facta, imperia malo subditorum querere, & iter nisi prius sanguine suorum maduerit ingredi nolle?

E diuerso vobis ab oculos ponite facta Maiestatis Regiae Domini nostri clementiss: Qualem se is suis exhibuerit, cum tantum fuerit Transyluanæ Palatinus, quemadmodum quidam scripserunt Cæsari inferior, Ni bilominus magnanimus heros studijs suorum non defuit: Quamvis magna difficultates voluntati illius & diligen-  
tiae allatae sint, aditus vndiquaque concisus & pseptus, Ac metus tam à Romano Imperio quam vniuerso Christiano  
orbe incussus fuerit: tamen pectus eius generosum, neque difficultates, neque viarum præceptiones, neque pericula,  
neque metus à proposito abducere potuerunt, quo minus suis adesset, Omnia, respectu istius benevolentie, quam illi Regnum Polonie exhibuit, floccifecit, Reliquit insignem principatum suum, pericula adire non dubitauit, & ho-  
nestam famam quam quidquā aliud excitare maluit, va-  
letudinem & omnes facultates suas ad eorum defensionē attulit, qui suam vicissim valetudinem & bona ad illius augendam dignitatem contulerunt, Atque cum in solio Regali admiranda DEI prouidentia desedisset, nihil aliud quam cōmodum Reipub· spectauit, Non vt nos distra-  
bat, sed ad unitatem potius reducat, omnem adhibebit ope-  
ram, non vt dispergat, sed colligat & alat, Licet quidā existiment nimis asperè quosdam traclatos fuisse, cum

C Maiestas

Maiestas R. in eo prudenter medicos imitata fuerit, qui contra ingentem vim morbi & venenata aliquando porrigunt pycula. Salutaria haec fuisse cōsilia Salus ipsa Rei publicae declarabit. Non hoc reprehendit in quoquam aut puniri Maiestas R. quod in electione ipsi aduersatus fuerit, Nouit enim in Republica libera liberas esse debere voces, Sed hoc pœna dignum esse indicat, si quis in Regem coronatum & in Solium Regale collocatum aliquid molitur, Maiestatemq; eius Sacrosanctam prauis oppugnat consilijs Optasset Maiestas R. ut instituta animi moderatione sibi vti licuisset, sed hanc cauteriorum acris tadinem Salus ipsa patriæ ab eo exigebat.

Quamuis D. vestræ maximum moderationis illius argumentum inde colligere possunt, quod, licet Legati Regni aliquoties rebus infœcbris discesserint, licet non ita pridem Graudenti Amplissimo Regni Senatori & Legato Maiestatis Regie nō satis aptè responsum fuerit, (quæ re non paucos offensos fuisse constat) nihilominus Sacra Regia Maiestas tanquam benignus Princeps, plus temporis & Saluti Reipub: quam cuiusquā affectibus concedere & indulgere velit. Nihilominus ad D. vestras iterum atque iterum mittit, & hortatur ut saniora & tutiora amplectantur consilia. Nouit Maiestas Regia opes D. vestrarum & facultates in cōmercis & mercimonijs postissimum positas esse, quæ ambo pacem requirunt, q; Sacra Regia Maiestas D. vestris offert, ad illam pacem inuitat,

cunz

10

cum ad concordiam atque unitatem vocet. Ferat igitur  
qui volet iudicium, uter inter hos laude dignior, Num  
is, qui in se benevolos seduxit, & in periculum valetu-  
dinis atque omnium facultatum nonnullos coniecit,  
& qui nihil aliud quam similitates & dissidia querit,  
quae interitus comitatur. An is, qui nec valetudinem nec  
facultates suas aliquid esse voluit, studio et amore eorum,  
qui suam in eum benevolentiam contulerunt, qui concor-  
diā & coniunctionem inter subditos querit, quam pax,  
pacem vero diuitiae & cōmune bonū sequuntur. Possem  
hic, & fortassis nō abs re, inferre dotes Sacrae Maiestatis  
Regiae, quam sit Princeps pius, prudens, doctus, in rebus  
equestrib. exercitatus, iustus, benignus, comis, & ad om-  
nes explicandas actiones facilis, ita vt mirabile quiddā &  
singulare natura finxisse, & veterum illorū Imperatorū  
exemplar exhibere voluisse videatur. Sed tacere malo quā  
non ita dicere, quemadmodū id insignes illius detes expo-  
scere videtur, Hoc saltem cōmemorabo, quod insignis ille  
philosophus Plato tradidit, Tunc bene cum Rebus publi-  
agi, cum summa prudentia, summa iustitia, summaq; po-  
tentia in vnum locum conuenerunt Est quod Deo gra-  
tias agamus, quod post tot labores, post tot pericula, post  
tot denique Rēpub: nostrā naufragia, nobis eum dederit  
Principem, qui praeclaris istis virtutibus ornatus, cōmodè  
Rēpub: nostrā recreare, & pristino nitori restituere po-  
terit. Atq; non tantū fortē Polonia, sed yniuersus Chri-

Cyrianus

nus orbis merito sibi gratulari debebat, quod talis ad gubernacula Reipub: nostræ, q̄ antemurale est totius Christianitatis, sedeat, qui inimicis Crucis Sanctæ, modo illi artes honorum nostrorum Christianorū non noceant atq; officiant, quolibet tempore terrori esse possit. Et cum talem habeamus principem, quid aliud subditis quam pax q̄ omne bonum sperandum erit? Queruntur D. vestræ de violatione turium & aliarum libertatū, At hic princeps prudens est, facile iniurias propulsare poterit, Iuslus est, facile ius suum vnicuique tribuet. Quemadmodum etiam Sacra Regia Maiestas hoc vobis significari voluit, Quocunque ad utilitatem Reipub: & ornamenta provinciæ istius pertinere visum fuerit, in eo facilem Majestatem Regiam futuram esse, tantum D. vestræ & presumptam opinionem, funditus ex corde et cogitationibus suis extirpent atque eyciant, & fidem & obedientiā Sacrae Maiestati Regie constanter referant.

Nota est D. vestris societas & cōmerciū Polonorum, & scitis quantum inde boni ad vos peruererit, non aliunde omnis fœlicitas, non aliunde diuinitæ quā ex Polonia, Inde iura, libertates omnes promanarunt. Nosstis etiam fortassis & legitimis, quam seruitutem Maiores vestri sub aliorum cōmercio & societate passi fuerint, Illis itaque constanter adhærete, qui vobis omne bonum attulerunt. Et ab illis vobis cauete, qui vobis omne malū conciliarunt. Facile admodum facile Cæsar, Domini mei,

in aliquē ex Cruciferis transmutari poterit. Vos qui Iura  
Cæsarea legitis nostis quid sit ius postliminy. Non frustra  
Imperium Romanum Prussia Magistrum alit, Quam  
primum in Cæsar's potestate perueniret Prussia, illi ce-  
deret & redderetur, Cum quo omnia vestra iura, immu-  
nitates, donationes, libertates conciderent, & ex his Ter-  
ris extirparentur. Sed dato à Cruciferis nullum esse peri-  
culum, quod tamen absque difficultate nullatenus fieri  
poterit, cum Cæsar sine viribus Imperij Regnum non in-  
uadet, si vero auxilia Imperij habiturus est, iam ius po-  
stliminy locum habebit, Sed quamuis (inquā) hoc vobis  
non sit metuendum, tamen totius negoti seriem diligēter  
expendite, & facile deprehendetis, Cogitationes alio con-  
uertere, de alio principe cogitare esse rem & indecoram et  
periculi plenam, Cum vniuersum Poloniae Regnum,  
Magnus Lithuaniae Ducatus & Terræ Prussiae in eum  
Regem consentiant, & una mente ac voce Dominum ac  
Regem suum profiteantur. Et D. vestræ iuramentū de-  
derunt non tantum Regi Poloniae sed etiam Regno. Et  
præterea Regni Poloniae vos membrum esse fassi estis, ita  
ut reuniti, reincorporati, reinuiscerati, & in unum cor-  
pus redacti estis. Qomodo quæso cogitationes vestras alio  
conuertere poteritis sine defectionis aut rebellionis nota?  
In primis vinculum illud iuris iurandi rumpent, quo fidem  
suam adstrinxerunt, quod fideliter atque constanter ve-  
lent adhærere Poloniae Regno. Rumpent illam reunitio-

Cij

nem,

nem, reincorporationem, reuinificationem, q̄ cum Polo-  
nie Regnos sanxerunt, Ad nihilum redigentur omnia  
ista verba, quibus omnia ista parata sub fide & honore  
nostris colligata sunt, Ita ne omnem Maiorum vestrorum  
ac vestri etiam memoriam abijcietis, & iuramenti vincu-  
lum tam parui facietis? Sciunt D. vestrae fama nihil  
esse melius, nihil preciosius. Sciunt etiam DEV M periu-  
ria seuerè punire, Quamvis id sibi Sacra Maiestas R. de  
vobis persuadere non potest, sed ea spes subest, quod D.  
vestrae, quemadmodum semper prudentiae laude & fidei  
obtinuerunt, ita nunc quoque eandem relatuos esse,  
Quamdiu distractio illa fuerit inter status Regni Polo-  
niæ & Magni Ducatus Lithuaniae, Quādiu Maiestas R.  
diademate Regni nondum insignita, neque in Regalem  
Sedem reposita fuerit, integrum & liberum tum fuisse  
D. vestris de alio Principe cogitare. Sed cum iam diuina  
adstipulante voluntate & corona eius capiti imposta sit,  
& Regni sedem teneat, atque omnium Statuum & Or-  
dinum consensus accesserit, iam alijs suscipiendis cogita-  
tionibus locum nullum esse, Quodcunque D. vestrae ea  
in parte facturæ essent, contra iuslurandum suum, cōtra  
fidem & honestatem facturas, Quam etiamsi D. vestrae  
parui penderent, quod Maiestas R. in animum inducere  
non potest, ne esse tamen erit vt aliud sibi ob oculos po-  
nant. Non parua res est à vero Domino secessionem pa-  
rare, & alteri adhærere. Cogitandum vobis erit, ubi Re-  
gem

gem & Regnum in vos concitaueritis, num eius viribus  
resisteret vobis sit integrum. Cogitandum & hoc num  
absque Regno cōmodē vivere possitis. Et non minus num  
eam felicitatem & rerum omnium abundantiam habitu-  
ris sitis, quae nunc per Deum gratiam est, ubi Regnum a  
vobis offensum, vel portum præcluderet, vel alio trans-  
ferret, in quam rem iam non pauci intenti sunt, Hoc v-  
num est. Alterum etiam si id præstaretis, quod tamen Deo  
us iuste fauēs Regni Poloniae causa nunquam vobis per-  
mittet, Et dato (quod dicunt) & non cōcesso. Quantum  
quaeso lucri aliunde ad vos perueniet? Cæsar omnem eius  
ciuitatis nomine adhibet diligentiam, facile credo, illum  
ad eam vehementer aspirare, cum non sit res usque adeo  
vulgaris, Sed ne credant D. vestrae illum in rem vestram  
hoc facere. Potest nunc quæ cupitis promittere, Sed si  
modo illum pedem hic inferre contingere, Tum cernere-  
tis quam ob rem eam diligentiam adhiberet, res vestras,  
credite, contraheret & in angustum adduceret. Notum  
est enim D. vestris quid alibi fiat. Existimant ne Domi-  
nationes vestrae illum vestri gratia quidquam facturum,  
nisi priuatum perfriceret commodum? Dicant mibi  
quaeso D. vestrae quantum pecuniae in earum subsidium  
& defensionem miserit, tantum fortassis quantum Po-  
lonis qui eius partes secutis sunt. Faxit DEVS ne, vos  
eludendi & vobis imponendi aliquam occasionem habeat,

Tantum

Tantum largis promissis onerat pectora D. vestrarum,  
et eò inducit, ut proiecta Maiestate Regni Poloniae sibi  
ipsis imponat necessitatem petendi ab eo auxilia, Et is ubi  
aduerterit vos aliorum auxilijs indigere, ibi subsidij et  
defensionis conditiones proponet, sed non eas quae sint ex  
re vestra, Et quod dici solet, ubi iam inimicus stricto gla-  
dio ceruicibus imminet, ut cunque saltem componendum  
est. An non satius est, eas difficultates atque molestias,  
cam fortunarū, valetudinis, atque libertatum discrimi-  
ne subterfugere, et vero primæno Principi cum earum  
omnium conseruatione fidem atque constantiam probare?  
Sed quidam D. vestris hunc metum incutiunt, et his ar-  
gumentis atque rationibus abducere student. Quod Regia  
Maiestas in verba Imperatoris Turcorum in pernitiem  
totius Christianitatis iurare debuerit, unde jugum Tur-  
cium pertimescunt, Deinde quod Regia Maiestas Guber-  
natorem Terris Prussiæ, et Gedanësibus Capitaneū dare  
decreuerit. Mirum in modum dolet Maiestas R. eius mo-  
bi dese nouitates shargi, quæ nunquam ad illius cogitatio-  
nes penetrarunt. Fidem in qua natus et educatus est,  
eam constanter retinuit et retinet, communem christianā,  
Et pietatem quilibet in eo animaduertit, talem ut suspi-  
cionem omnem ab eo facile segreget, quod velit esse Princeps  
Christianus, et pacem cum uniuersa christianitate  
cole, et nunquam in verba Imperatoris Turcici iura-  
xit, quemadmodum id à pessimis hominibus excogitatur:

Eadem

13.  
Eadem ratione de Gubernatore Terrarum Prussiae &  
Capitaneo Gedanen nunquam cogitauit neque cogitat.  
Vix iuramentum illud, quod in Comitys coronationis sue  
præstítit, exiccatum est, quo iura, libertates harum Ter-  
rarum & huius Ciuitatis comprehenduntur, nōdum, in-  
quam, benè exiccatum est, & iam ad earum violationem  
cogitationes conuertere deberet? Et Amplissimus is Re-  
gni Senator, cui hoc adscribunt, nunquam talia ad cogi-  
tationes suas admisit. Tam enim est publicæ libertatis a-  
mans, vt id nec admitteret ipse, nec alteri eius rei perpe-  
trandæ facultatem concederet. Monet Maiestas R. ne ijs  
omnibus fidem habeat, sed pro excogitatis & fidelis à pes-  
simis hominibus ad cōmouendum harum prouinciarum  
statum accipient. Vult Maiestas R. quemadmodum om-  
nes reliquias prouincias, ita & hanc ciuitatem penes im-  
munitates, iura, libertates, cōsuetudines & Priuilegia,  
quæcumque ad hæc usque tempora habuerunt ita conser-  
uare, vt D E O immortali gratias acturi sitis, & quem-  
admodum à reliquis Poloniæ Regibus conseruati estis,  
Tantum D. vestræ dilationes & moras iam, quæ semper  
in rebus eiusmodi pernitios & Rebus pub: extiterunt, rum-  
pant, & cum reliquis Prouincijs & statibus Regni Po-  
loniæ, Magni Ducatus Lithuaniae, & Prussiae, suam si-  
mul sententiam peragant.

Non abducant D. vestras metus vel pericula ex  
parte Cæsaris vel alicuius alterius, sed date operam ne-

D per

per inobedientiam vestram vobis met pericula contrahatis. Promittit Maiestas R. vnde quaque omnem securitatem, tam à Cæsare quam Danoru Rege. Iam ad manum sunt illi rationes, quibus omnes quicunq; vel huic Regno vel Ciuitati incōmodare velint, retardari possint. In eam rem Maiestas Regia valetudinem suam attulit, In eam rem omnes Regni Poloniae status consenserunt, vt potius omnes fortunas suas & valetudinem profundere velint, quam ab hoc Principe, quē DEV Seis ostendit, decedere.

Et quemadmodum Maiestas R. vobis omnem securitatem promittit, ita etiam cum intestinis & domestisis qui erunt (cum hoc in magnis ciuitatibus non sit nouum) clementissimam complanationem atque compositionem pollicetur. Sciunt D. vestrae quid officio eius Regali competit, vt videlicet omnes inter Vniuersos Regni Poloniae status enatas cōtrouersias amicabiliter componat. Hoc etiam faciet Maiestas R. & dabit omnem operam vt omnes cōtrouersiae inter status amicabili compositione sopiantur & complarentur.

Ad Religionem quod attinet, quemadmodum Regno Poloniae & omnibus Provincijs libertatem fidei iure iurando firmavit, ita etiam eam huic ciuitati conseruabit. Et quod D. vestrae hactenus diversam ab alijs sententiam fecutifuerint, & R. Maiestatem offenderint, haec omnia Maiestas R. perpetua obliuione inducere & obliterare vult, & D. vestras tam omnes in genere quam numerique que

numquemq; seorsim in gratiam suam Regiam recipit, Et quodcumque Maiestati R. D. vestræ ostenderint, pertinere ad amplificandas libertates ornamentaq; ciuitatis istius, in illis omnibus Maiestas R. gratiam suam Regiā pollicetur, & facilem se præbebit, modo D. vestræ quoad obedientiam se difficiles non præbuerint.

Iam D. vestræ perspexerunt quæ sit DEI voluntas, qualem is nobis Principem dederit, & quæ pericula huic ciuitati immineant, si Maiestati R. contrauenire præsumperint. Quis per DEV M inter D. vestras tam erit incogitans ne dicam vesanus, qui nollet DEI voluntatem quam in eo Principe manifestè ostēdit cognoscere? Ex longinquis Regionibus inter tot difficultates totq; pericula obiecta potenti manu eum deduxit, & in Regnum Poloniae deductum Sedem Regiam tenere voluit, Ad quæ omnium hominum corda & cogitationes infleūit atque inclinat, Ad cuius pedes & inimici eius, virtutē illius admirati, se abiiciunt, Quem DEVS dotibus animi & corporis ita ornauit, vt omnes totius orbis Monarchas non tantum æquet sed etiam superet. Apud quem non tantum omnibus fidelibus subditis facile erit veteres immunitates & libertates innouare, sed etiam noua impetrare. Erit ne, inquam, quisquā tam insipiens, vt Principem à Deo prædestinatum, illustri fama ad Regni gubernacula sede-re iussū, Principem optimum, multis dotibus ornatū, iustum, repudiet, & ad alium cogitationes cōuertat, cum

Dij prius

prius, ante quam illum consequi possit, omnia pericula  
& mala, quæ bellum secum trahit perpeti cogeretur,  
Hic enim nihil sibi eripi patietur. Et ubi iam omnia ea  
mala perpeccus respirare volueris, loco solatij noua obo-  
rietur calamitas, & talis quidem quæ omnes facile supe-  
ret, cum videbis charam illam libertatem tuam, in qua  
natus sis, in qua per non paruum temporis spatiū vixe-  
ris, à crudeli Magistro Ordinis & Cruciferis, qui ex-  
pulsionem illam suam vlcisci volent, labefactari & ad  
nihilum redigi. Per DEV M immortalem Domini mei  
probè expéndite & deliberate quid vobis potissimum ac-  
cipiendum sit, si enim hæc omnia euenire contingat, diffi-  
cilis liberatio. Non est hoc inconstantis mutare proposi-  
tum in melius, sapiens non semper idem dicere, sed sem-  
per idem spectare debet. Salus Reipub. D. vestras ad Cea-  
sarem impulit, Salus eadem Reipub: vos apud Regiam  
Maiestatem retineat, Quia habet Regem coronatum &  
nihilominus alium velle inducere, nihil aliud est, quam  
Rempublicam in discrimen congiere, in quod ubi semel  
implicata fuerit, DEO soli notum est, quando se tandem  
extricare possit. Ne D. vestras vtæ minæ abducant, qui  
discordiam amat, is concordiae studere non potest.

Reuocate vobis in memoriam benefacta Jagello-  
nicæ domus, per quam à crudeli Cruciferorum tyran-  
nico in libertatem vindicati estis, Is nunc de celo ve-  
stras actiones respicit, qua gratitudine illustria illius  
beneficia

15  
beneficia erga Regiones has pensare constitueritis, num illius posteris dominatum potius quam cuiquam alteri concessuri sitis, vt debitam vobis vltionem à DEO expetat. Commoueantur miseratione fortunarum suarum, iurium, immunitatum, libertatum, liberorum, vxorum & valetudinis, quæ omnia vel amittere vel varijs periodis exponere necessum erit, si alium Principem superinducere volueritis. Memores estote fidei, qua vos Regno & Rebus Poloniae adstrinxeritis, Nulli vñquam Ciuitati vel prouincie rebellio aut defectio benè cessit, quamvis aliquandiu eas fouerit.

Placeat D. vestris, quod prouidente DEO omnibus statibus Regni Poloniae, Lithuaniae, Prussiae placuerit, in eorum vos quoque sententiam descendite, vt simul cum reliquis Internunciois vestros ad Maiestatem Regiam, cum obedientiae delatione, mittere possitis: Et Sacra Regia Maiestas, ubi vestram fidem & constantiam perspexerit, cogitationes omnes suas eò conuertat, vt cum communi Reipub: bono et huius ciuitatis emolumentum simul querat, etiam si ei ciuitatis causa sanguis funditus sit.

### DIXI.

Responsum ab Ordinibus eidem Legato datum.

Dij Literas

**L**itteras quas Generosa Dominatio vestra Ordinibus  
huius Ciuitatis exhibuit, ea qua decet venerationis  
obseruantia perquam reuerenter Ordines acceperunt.  
Agunt pro ea, qua initio significata fuit, singulari gra-  
tia, propensione, clementia ac benignitate, gratias, sum-  
mo quo debeant studio, longè maximas, ac submisso pe-  
tunt, sua vicissim obsequia & inserviendi studia meliore  
de nota benignè cōmendari. Deinde ad Legationem pro-  
positam ita respondent.

**E**a quæ Nobilis & Generosus Dominus Orator in  
Legatione sua prolixè exposuit, Ordines huius Ci-  
uitatis diligenter quidem audiuerunt, sed non leuem inde  
mœrorem animis se concepisse testantur. Primum quod  
ea legatio verbis durioribus, neque solum cōminaciones  
quasdam præ se ferentibus, composita, sed nonnihil etiam  
ad iniuriam & derogationem & existimationis & fidei  
nostræ pertinere videbatur, vt taceamus literas fidei diu  
antea scriptas, quam eorum nonnulla agerentur vel in  
rerum natura essent, de quibus oratio differebat. Ceterū  
quemadmodum Ordines nihil vñquam antiquius habue-  
runt, quam fidei & existimationis apud omnes homines  
conseruandæ studium, ita ne nunc quidem secus de se ve-  
rè dici posse putant. Cōminaciones autem eiusmodi in so-  
lentes non meminerunt, ne ab ijs quidem qui in Ciuitate  
hanc imperium haberent, vñquam ad se perlatas. Enim  
nemo magis etiam mirantur, quod in proxima conuētione  
Culmensi

16  
Culmensi ab eodem Legato dictum audirent, de hominib.  
palo suffigendis, crudele sanè cōminationis genus, apud  
barbaros fortasse facilitatum, inter Christianos certè vix  
vnquam auditum. Deinde cum in his actionibus Ordines  
omnia sua consilia ad concordiam & tranquillitatem pu-  
blicam semper retulerint, nec vnquam rationes suas ab  
inlyti Poloniae Regni rationibus, cui se vetustissima vni-  
one, vna cum iuribus & priuilegijs suis, incorporatos  
sciunt, seiungere decreuerint, non possunt non vehemen-  
ter dolere, his in rebus multa per vim & iniuriam potius  
quād ordine & ratione perpetrari. Quæ turbæ non ita  
pridem Torunij sint excitatae, ab ijs, à quibus minimè  
debuerat, quanta cum insolentia Legati nostri in ipsis  
publicis conuentionibus accepti, adeò vt neque in vijs pu-  
blicis à periculo, neque in consiliorum loco ab iniuria fue-  
rint immunes, nolunt nunc Ordines pluribus cōmemora-  
re. Illud vero detestandum facinus omnium honorū ani-  
mos merito cōmouet, quod in hoc ipso tractatu, legatione  
vixdum exposita, interim dum de responso Ordines eti-  
amnum deliberant, Cæsareæ Maiestatis Legatus iter hic  
facies, in Prussiae territorio, in via Regia, non vi solu m  
& armis oppressus, tornantis vulneratus, sed etiam lite-  
ris, pecunia, rebusq; ceteris hostili more spoliatus est.  
Quæ res tam violēt e quorsum spectent, Ordines nō affe-  
quuntur, facile saltē intelligunt, his rebus ad longè atro-  
viora cauſam & alitum præberi posse, per eos, qui ne-  
ius

ius quidem Gentium in uiolatum relinquunt. Vrbs hac in  
propugnaculo Regni & ipso Germanie limine posita,  
quales habitura sit hostes, si quid præcipitater agatur, re-  
bus nondum compositis, non Cæsaream solum Maiestatem,  
vicinos Reges, Principes, Ciuitates, sed cum vniuerso si-  
mul Imperio Reges etiam & Monarchas exteroros circum-  
circa, quorum ditionibus carere non possumus, præser-  
tim quod nunc etiam bona pars nauium & mercium no-  
strarum inde reuersæ nondum sint: quibus item periu-  
lis Ciuitas obnoxia futura sit cum summo et harum Ter-  
rarum & totius Poloniae Regni detrimento, mari clau-  
so, nauigatione inhibita, commercijs omnibus sublati &  
in manus hostium redactis, Ciuitate ipsa velut à vicinis  
obessa, nemo est qui nesciat. Quibus alijsq; de causis plus  
ribus hoc tempore non possunt Ordines ad eam Legatio-  
nem respondere, sed ad ulteriorem deliberationem neces-  
sario recipiunt. Re deinceps maturius deliberata sententi-  
am suam ijs, ad quos ea res pertinet, prout tum cōmodis-  
simè videbitur, latius explicabunt. Datum Gedanj 9:  
Iulij Anno M. D. Lxxvj.

**S**Ecundum has literas, cum Terrarum Prussiae con-  
uentus Lobauiae fuisset indictus, ad Consiliarios in  
eandem fermè sententiam quæ necessariò succurrebant  
perscripsimus, eaq; nunc subiungimus.

Litere

17  
Literæ Gedanensium ad Consiliarios  
Terrarum Prussiæ.

R Euerendissime, Magnifici, generosi, Nobiles, Spe-  
ciales, Domini gratiosi, fautores & amici plu-  
rimū colèdi &c. Meminerūt R. Magnifica, Gen. Sp. D:  
vestræ, quid causæ fuerit, cur ad proximum Conuentum  
Culmensem Internuncios nostros mutere, vel tractationes  
festinanter sānē tum suscep̄tas probare non potuerimus.  
Neque certè nunc etiam videmus, his consilijs vel cōmunis  
patrie saluti, vel vniſ cuiusque nostrum rationibus offli-  
elis, uti par erat, prospectum. Ac quanquam nihil mai-  
ribus votis optamus, nec alium cōſilij nostri finem specta-  
mus, q̄ ut cōmuni consensu honestè & prudenter ad con-  
cordiam omnia reducantur, nec enim quoq̄ modo nos ab  
antiquissima societatis vniōne Regni Polonie & harum  
Terrarum separari volumus: Eae tamen obiectæ sunt no-  
bis difficultates, eaq̄. impedimenta iudicata, vt quo  
minus huic etiam intersimus Conuentui Lobauensi, non  
leuibus de cauſis permoueamur. Primum enim animad-  
uertimus, in præteritis deliberationibus nondum quidem  
fundamenta iacta, quibus vel ad incolumitatem iurium,  
privilegiorum, libertatum stabiliendam, & vitiorum q̄  
in contrarium irrepererunt emendationem sperādam, Ter-  
rarū Ordines nisi queant, ad ea verò consequenda, quan-  
tum nos pro captu quidem exili, sincero tamē animo sen-  
timus,

timus, alijs longè tractationibus opus esse, res ipsa de-  
monstrat. Deinde consilia publica, nullo præter morem  
ordine, nouoq; prorsus exemplo, cōperimus haberi, homi-  
nes armatos introduci, sententias per vim extorqueri, nec  
in hospitijs, nec in itinere publico cōminationib. et iniurijs  
abstineri: q; turbæ Torunij fuerint date, quæ vis facta;  
satis omnib. constat. Nos certè cōsilijs hoc periculo circu-  
septis interesse paulò securi minimè posse nos exstimas.

Tum illud etiā non immerito vehementer nos per-  
turbat, interim dum concordia rationes tractantur, Cæ-  
sare Maiestatis Legatum, in via Regia, vim hostiliter  
passum, grauissimè vulneratū, ac rebus omnib; inhuma-  
niter spoliatū. Quorsum actiones eiusmodi violēt. & spectet,  
quid ex ijs atrocius fortasse consequi possit, non est diffi-  
cile coniectari. Nobis illud ex isthac re venit in mentem,  
quando tanti Principis, qui Christiani orbis caput est, ra-  
tio non habetur, eò nos esse periculo propiores, quo facil-  
ius arida ligna quam virentes arbores iniurijs exponi cō-  
fuerint. Enim uero si vi atque impressione res peragen-  
da sit, non sanè videmus, alijs eam tractationibus, consi-  
lij, conditionibus, vel legationibus indigere.

Porrò non dedignentur Reuerendissima Magnifi-  
ce Gen. Sp. D. vestræ, quas non sibi solum, sed toti pro-  
vinciae consulere magis æquum est, inter cætera, Ciuita-  
tis etiam huius, ad Regni limitem positæ, rationes nonni-  
bil ad animum reuocare: quas nimirum illa sit hostes ha-  
bitura,

bitura, si tam p̄cipitanter, rebus nondum cōpositis quicq̄  
peragatur, nō ipsam modò Cæsaream Maiestatē, sed Re-  
ges etiā ac Principes cognatos, tam vicinos q̄ exteros fer-  
me oēs, quorum ditionib. propter cōmerciorū vsum care-  
re non possumus. In Germania multi nostratum rem fa-  
miliare exercent, plures in transmarinis regionibus, mul-  
tae naues et merces haud exigui precij, in Hispanijs, Lusi-  
tanija, Gallijs, Anglia, & Belgio nunc etiam absunt ( ijs  
autem p̄freti Danici fauces reuerti necessum est, ubi iam  
antea satis onerum habemus ) quarum nauium & mer-  
cium iactura Ciuib⁹ longè futura sit pñciosissima. Quid  
inde cōmodi ad cæteros Prussiae Status, atq; adeo regnum  
ipsum Poloniae peruenturum sit, mari clauso, cōmercijs  
terra mariq; interdielis, nauibus ac mercibus in manū ho-  
stilem pertractis, nemo est qui facile non intelligat. Fieri  
quidem potest, quod dicitur, vt in hisce actionibus per-  
tractandis illud cum primis excipiatur, quo Terrarū Sta-  
tus à Cæsareæ Maiestatis parte tuti sint & periculi im-  
munes: Verum an isthæc exceptio sufficiat, controuersijs  
non compositis, abusu iurium et priuilegiorū non subla-  
to, prudenter expendendum est. His de causis & alijs  
pluribus perquam reuerenter & diligēter petimus, vt Re-  
uerendiss: Magnifica Gen. Sp. Dom. vestræ non solum  
absentiam nostram benignè excusatam habeant, verum  
etiam rem tam grauem & periculosam, qua communis  
patriæ salus agitur, non adeò festinanter aggredi velint,

E y

vi

ut non aliquanto maturius, in loco præsertim cōmodiori, cis Vistulam, deliberare malint: nobis verò qui cum vniuersæ Prussiae, tum Ciuitatis huius incolumentem maxime cupimus, non magis vitio vertant, quām ipsæ met suas dignitates, officia, conditiones, & bona; salua sartaque conseruari exoptent, ac singulorum ordinum non sescus ac totius corporis sine dissensionis aliqua pernicie, cumram amplectantur.

Ceterum si præterquām speramus, rationes nostræ locum non inuenient, & postpositis ijs, quæ ad harum Terrarum incolumentem maximopere pertinent, cuiq; in nostri præiudiciū (quod nostra pluris interest, quām aliorum, qui extra fines Regni non negotiantur) nobis absentibus, decernetur, itidem nunc ut antea publicè contestamur, nos neque consentire, neque ratum id habere posse, nec si quid inde detrimenti exoriatur, culpa nostra fuisse cōmissum. Evidem cum tantillæ moræ nullum sit impendium, de Dom. vestris meliora nobis persuademus, & quid hac in parte sentiant, per hunc tabellarium rescribi petimus &c. Datæ Gedani die nona mensis Iulij. Anno 1576.

**P**Ost hæc mandato Regie Maiestatis magnificus & generosus Dñs Andreas Zborowsky Curiæ Regni Marscalius in Prussiam missus, quanquam ad Ordines huius Ciuitatis mandata haberet, quorundam tamen non postremū

19  
postremi nominis procerum monitu', Marienburgi sub-  
stitit, ac inde literas ad nos misit idiomate Polonico in  
hanc sententiam perscriptas:

## Literæ Dñi Andreæ Zborovvskj.

Domini Gedanensis vobis valetudinem & rerum  
omnium prosperos successus opto.

**Q**UAMuis in his negotijs, quibus à Sacra Regia  
Maiestate ad omnes Status harum Terrarum, &  
non minus ad D. vestras omnes Stat° Ciuitatis Gedaneñ  
missus sum, nullam moram interponere constitueram,  
sed profecionem Mariæburgo in rebus tam arduis, in  
quibus tam nobis quam vobis etiam non parum situm est,  
maturare: tamen cum intelligerem causam ipsam, quod  
multū est, D. vestras non solum per se monere, sed quod  
etiam multoties à Dominis Senatoribus Regni & per li-  
teras, & initio huius noui regiminis per homines alicu-  
ius authoritatis, & oretenus & scriptis interpellatae &  
admonitæ fuerint, idq; non ita pridem ante meum aduen-  
tum post Culmen & alias Conuentiones luculenter & di-  
lucidè factum esse, quantum quidem ex Scripto & Re-  
latione D. Nicolai Cossobuci colligere patui, ita vt non  
videam quidquam superesse, quod diu iam agitato nego-  
tio, & quidquid ab ipso electionis die ad hæc usque tem-  
pora intercessit, ac debito iam fine terminatum est, addit

E ij possit,

possit, nec D. vestras aliqua alia admonitione opus habere, pro sua qua semper in rebus agendis præcelluerunt prudentia, Ut non prætermittam, quæ non ita pridem illis per D. Palatinum Sandomiriensem magniloquo ore memorata sunt, cuius opera Sacra Maiestas Regia ut in cæteris negotijs omnibus, ita etiam seorsim quæ has Terras concer- nunt tanquam prudentis & præcipui Senatoris utitur, & res omnes per eundem conficit.

Quare cum non existimem quidq[ue] prætermissum esse, quod ad finalem, & volente DEO, sanam delibera-  
tionem, in tam arduis ac magni mometi negotijs pertine-  
re possit, quā Respub: absque aliqua mora à D. vestris  
exposcit, licet & literas & mandata à Sacra Maiestate  
babuerim, tamen gradum sistere constitui, cum Sacre  
Regiae Maiestatis in has Terras neutiquam differendum  
aduentum me præstolari, & quoad eius fieri poterit, tan-  
quam officialis, ad præstanta officia mea, eidem obuiam  
occurrere oporteat. Interim vero facere nolui, quin D.  
vestras hisce meis literis amicè pro benevolentia mea  
compellarem & admonerem, vt tandem his naufragijs  
quibus totum Regnum cum reliquis adiacentibus Regio-  
nibus ab obitu Regis Sigismundi Augusti piæ memoriae,  
ad hæc usque tempora, periclitatur, hunc insignem colo-  
phonem imponant, & vniuerso orbi testentur, se subie-  
ctionem & debitam obedientiam non detrectare, sed  
eam Maiestati Regiae deferre paratas esse, quemadmodū  
omnes

annos reliqui status Regni, Magni Ducatus Lithuaniae  
& harum Terrarum iam fecerunt & adhuc faciunt: Et  
ne se Dom. vestræ segregent, vel (quod DEVS auertat)  
peruersum iudicium induant, quasi una illæ ciuitas vel  
etiam quevis alia vnanimij totius Regni voto iure resiste  
re posse videatur, vel hunc Principem Regem suum non  
profiteri. Quæ omnia cum ita sint, quid moram trahi  
mus? Videmus ex omnibus vestris literis & ore propositis  
declarationibus, quod D. vestræ sibi turpitudinis, impie  
tatis, & periuri loco ducant & habeant, si rationes su  
as ab incliti Regni Poloniae rationibus seiungere unquam  
in animum induxisserent. Quod me factum laudare opor  
tet, video enim DEV M ipsum, iuramentum vestrum,  
antiquam incorporationem, & quidquid iuris & diuini  
et humani in his unquam esse potest, id à vobis requirere,  
& ita fieri conuenit. Si itaque rationes vestræ à Regni  
rationibus non separandæ sunt, per summam consequen  
tiā neque à Regis Poloniae segregari possunt. Quis au  
tem legitimus poterit esse Rex Poloniae, quam is qui au  
gustum sedem legitime obtinuit, Stephanus Deigrā &c.  
Quare Dom. vestræ eas res non separabunt quas ipsa  
natura coniunxit. Ne Dom. vestras vel ingrata ali  
qua persona vel otiosi sermones à rerum cardine ab  
dincant, Saluis vobis, Salua Repub: hæc omnia in suum  
locum deduci poterunt, quemadmodum econtra omnia  
pessum ire necesse esset.

Ne

Ne D. vestras vel nauigatio vel alia cōmoda que Regno  
vobiscum cōmunkia sunt abducant vel remoram faciant,  
Nam quemadmodum ipsi omnibus concordia nostra viam  
strauit & fores aperuit, post tot bella & rerum pertur-  
bationes, inter nos & Germaniae proceres, ita & his fa-  
cile viam inueniet. Necesse est ut D. vestrae diligenter  
expendant, vtrum maiorem mereatur laudem, quibus  
dam personis aliquid concedere, & apud eos Principes  
gratiā inire, cum quibus cōmercia sua exercent, qui ta-  
men Regno Poloniae certis pactionibus & fæderibus obli-  
gatis sunt, ne aliquam negotiationis iacturam faciant, vel  
Poloniis fidem fallere, cum quibus ipsam negotiationis  
medullam concidere & interire necesse esset, ipsis portum  
præcludentibus. Scio D. vestras tam esse prudentes &  
sagaces, vt nouerint se magis nostra cōmunione q̄ ipsa  
negotiatione indigere. Et cum tantum inter D. vestras  
& Polonie Regnum de cōseruandis Priuilegijs & li-  
bertatibus pacia intercedant, vt taceam illam coniuncti-  
onem & necessitudinem quæ iuramento Regio firmata  
est, & alia indicia, quæ probitas & integritas Regia se-  
cum ferre videtur, adhac quod præter cæteros Poloni  
libertatum suarum acerrimi sint defensores, qui propter  
consequentia non permittēt, vt etiam minimo, qui Regno  
addictus est, de suis libertatibus & Priuilegijs quidquam  
decedat; D. vestrae de Polonorū constantia nihil dubio-  
tabunt, neque se cuiusquam machinationibus abduci pa-  
tientur

tientur, Sed si in quibusdam modus excessus videtur, quemadmodum id in rebus humanis fieri necesse est, saltem corda & sensus per cōmunem concordiam coniungamus, & his omnibus oportunè mederi poterit. Quare moram amplius non trahant, sed quātocyus cum ea liberatum & Priuilegiornm, quæ legitimè obtēta sunt, præseruatione, suos Internūcios ad Sacram Maiestatem Regiam mittant, neq; sinistram illam opinionem apud eandem magis augeant, cum paratissima fidei & obedientiæ delatione, quemadmodum reliqui harum Terrarum Statutus faciunt. Præterea D. vestras tanquam fidelis Senator pro meo interesse, & pro singulari mea erga vos benevolentia hortor, ne istos Cursores accipiāt, qui medicinæ loco certa venena adferre consueuerunt, licet interdum Saccaro incrustata videantur, neque eos Legatorum numero habeant quibus ius gentium patrocinari possit, sed cogitant quomodo tali casu per vniuersum Christianū orbem traedentur, De Ethnicis nihil dicam, qui maiorem rebus suis curam adhibent. Hisce D. vestras DEO omnipotenti & me ipsis diligenter commendo. Data Mariæburgi die 24. Iuly Anno 1576.

D. vestris addictus

Andreas Zborovvski à Zborovv Regni Poloniæ Curiæ Marschalcus & Capitaneus Radomieñ &c.

Spectabilibus, & Famajis Dominiis Proconsuli cum Consulib. & roti cōmunitati Ciuitatis Gedaneñ amicis suis obseruandissimis.

F

Ordines

Ordines ad eas literas hisce ver-  
bis responderunt.

**M**agnifice ac generose Dñe. &c. Literas Ma-  
gnificæ Dom. vestræ Marienburgi scriptas per-  
quam reuerenter accepimus, eoq; maiori cum voluptate  
perlegimus, quo propensiorem eius erga nos animum ex-  
yisdem cognouimus. Quamobrem & gratias agimus sin-  
gulares, & eam erga nos benevolentia, quibus possumus  
officiorum generibus, perpetuo conseruare studebimus.

Porro quod ad rem ipsam attinet, qua varijs iampridè  
difficultatib; in hoc periculosisimo temporum statu cōflicta-  
mūr, à multis verò, p̄sertim ijs qui malè nobis volunt, in  
odium, inuidiam, & sinistram suspicionem vocamur ac  
traducimur, quemadmodū antea s̄cpius verbis ac literis  
testati sumus, ita nunc in eadem perstamus sententia, ni-  
hil nos ijs quæ necessario sequimur cōsilijs, alienum à fide  
officioq; nostro cōmissuros, nedum rationes nostras ab in-  
clyti Poloniæ regni rationibus, cui vetustissima nos vnio-  
ne incorporatos scimus, saluis iurib; ac priuilegijs, seiun-  
turos. Ea sunt nobis maiorum nostrorum exempla ob-  
oculos posita, & illustria fidei constantiaeq; documenta,  
vt ab illorum vestigijs defleclere nefas existimemus.  
Negari quidem non potest, superioribus annis, cum vni-  
uersitatem Prussiæ, tum huius Ciuitatis iura & priuilegia va-  
rijs modis interrupta, violata, ac penè non pessundata:

Meminimus

22

Meminimus prob̄ dolor quibus nos artibus oppugnati, in  
quas difficultates coniecti, quot granatum oneribus to-  
ta Ciuitas afflcta fuerit: Singula recensere non est huius  
loci, quinimo nunc etiam re ipsa experimur, nos ab ijs dē,  
quibus antea semper nihil potius calamitate nostra fuit,  
calumnys premi ac traduci, quicquid pro Reipub. salute  
vel utilitate agimus, in contrariam partem detorqueri, in  
nos arma parantur, aduersum nos expeditiones in Polo-  
nie Regno audimus indici, q̄ certe omnia etiam constan-  
tissimum quemque ad alia consilia impellere solent. Ve-  
runtamen his causis nunq̄ adduci potuimus, vt propterea  
fidem, iustiurandū, ac officiū negligenteremus, et in posterū  
etiam in his malis meliora sperare malumus, q̄ ob p̄sentes  
iniurias ad secessionem animos inclinare. Quomin⁹ vito  
nobis à quoq̄ recte verti poterit, quod maiorem aliquanto  
iurium priuilegiorū ac libertatum huius Ciuitatis rationē  
habemus, q̄ vt rebus sic stantibus ac nondum cōpositis, &  
priusquam iurium indemnitatē & granatum abolitio-  
nem exploratam habemus, p̄cipiti quopiā consilio, nos in-  
voluamus. Reuocet ad animum Mag. D. vestra superio-  
res actiones, cōsideret & regni totius & p̄uinciae Prusiae  
ac cōprimis hui⁹ Ciuitatis statum, expendat secum diligēti-  
us, quid ex harum rerū euētu, quamq̄ is nunc dubius sit,  
tandē cōsequi possit. Vrbs hæc in ppugnaculo regni, in  
ipso Germanie, & Imperij limine posita, nisi res cū Cæsa-  
rea Maiestate cōponatur, hostes habitura est f̄sentissimos,  
non Cæsaream solum Maiestatem, vicinos Reges, Prin-  
cipes,

Fy

cipes, Ciuitates, quod per se grauiissimum est, cum vniuerso simul Imperio Reges etiam & Monarchs exteros circum circa, quorum ditionibus exercendorū gratia cōmerciorum carere neutiquam possumus. Ciuium nostrorum multi passim in Germania, plures in transmarinis regionibus rem querunt, ibi fortunarum suarum rationes implicatas habent. Nauium nostratum ac mercium numerus non contemnendus, in Hispanijs, Gallijs, Anglia, Belgio, domo procul absunt, eae cum redeunt, per fauces maris Danici nauigant necesse est, quibus difficultatibus eō loci subinde premimur (qualiacunque paēla vel fœdera cum Poloniæ Regno intercedant) non libet nunc com memorare. Nauium certè merciumq; is valor est, vt si hostes ijs potiantur, multò diutius quam proprijs viribus bellum aduersus nos gerere possint. Quod in discrimen, si Ciuitas hæc, quod absit, incidat (vt præ reliquis certè omni periculo terra mariq; vicinior est.) quantum inde in cōmōdi ac detrimenti ad terras Prussiæ, Regnumq; vniuersum Poloniæ peruenturum sit, mari clauso, littoribus infestis, nauigatione inhibita, cōmercijs omnibus sublati & in manus hostium redacti, ipsa Ciuitate velut à vicinis obsessa, nemo est qui nescit, nos recordari saltem abhorremus. Verum quidem est, quod Magnifica Dom. vestra literis suis innuit, pluris faciendam esse fidem quam fortunas, ac maioris esse momenti vetustissimam cum Poloniæ regno coniunctionem, quam eam que cum exte-  
ris

23  
ris intercedit cōmerciorum communicationem. Ceterum si vtrumque salua existimatione conseruare, tueriq; possumus, nemo est nostra quidem opinione, qui id merito reprehendat. Priuatorum fortunæ nerui sunt Reipublicæ, in extremis necessitatibus fidem etiam periclitari compertum est. Florenti cōmerciorum vſu, quanta Polonis factum accessio facta sit ex hac saltem Ciuitate, res ipsa testatur. Hæc ideo prolixius Magnificæ Dom. vestræ prescribimus, vt benignè intelligat, procul à nobis esse eas consilia, eas machinationes, quibus aduersary nostri fingunt nos vel defectionem vel rebellionem meditari, quod flagity genus ne quidem ad cogitationes nostras unquam penetrauit. Quod autem iura, libertates, & Priviliegia nostra salua volumus, eaq; tuemur, nec ab ijs nos depelli patimur, non est hoc rebellionis argumentum, sed fidelitatis indicium. Etenim quò constantiores rerum nostrarum fuerimus, eò maiori fiducia nobis Respublica partes suas cōmittet.

Proinde si in posterum eæ rationes ineantur, quibus salua fide & conscientia, saluis iuribus, grauaminibus abolitis, sine Reipublicæ periculo ex superioribus actionibus expectando, honesta ratione possimus acquiescere, nihil unquam de fide officioq; nostro, quod ad constantiam subiectionis testandam, ad tuendam & conseruandam universi Regni salutem, concordiam, dignitatem & incolumitatem pertinebit, in nobis desiderari merito nostro patiemus.

F ij Quapropter

Qui propter Magnificam Dom. vestram, quam  
candidè hac in parte nobiscum agere planè confidimus,  
perquā reuerenter & diligentissimis verbis rogamus, be-  
nevolè dignetur omnem de nobis, si quam concepit, fini-  
stram suspicionem animo suo dimouere, nec ipsa saltem  
Ciuitatē hanc saluam & incolumem optet, sed apud om-  
nes etiam in Vniuersum suo fauore, gratia, ac benevolentia  
benignè operam det, vt Ciuitatis rationes loco sint q̄  
tutissimo, nedum hoc tēporum statu, ab ys, quorū aucloritatem  
ac patrocinio nituntur, detrimento per vim aliquā  
Vniuersae Reipublicæ perniciosa afficiantur. Faciet rem  
non nobis solum exoptatissimam, & tranquillitati publi-  
cae maximè utilem, sed quam summo studio, & omnibus  
quibus par & equum est officiorum generibus promere-  
ri perpetuo conabimur. &c, Gedani die 27. July Anno  
M. D L X X vi.

**I**N dicto deinde Conuentu Prusiae Meuam ad diem  
mensis Augusti xvij. Internuncios nostros eò misimus,  
eiusmodi cum mandatis, vt ex Instructione ipsa & De-  
claratione paulò pōst subsecuta latius potest cognosci.

Literæ Reuerendissimi Dñi Episcopi  
Culmensis quibus Conuentus  
Meuensis indicitur.

Salute

**S**alute p̄missa, &c. Nolumus latere Spec̄t: vestras,  
 quod certō nobis compertum sit, Regiam Maiestate,  
 Dñm nostrum clementissimum, breui in Prussiam ad nos  
 peruenientram. Nobis autem, ex placito præsertim M̄tis  
 eius, cōsultum visum fuit, ut status Terrarū Prussiæ, oēs  
 & singuli, ante Regiæ M̄tis aduētum, certō tēpore et loco  
 cōuenienter, ad deliberandū vnanimiter & cōmuni con-  
 silio, quomodo Regiæ Maiestati dño nostro clementissimo  
 obuiam eundum, eiusq; Maiestas debito cū subiectionis et  
 venerationis studio honorificè excipiēda, quid itidē ad cō-  
 firmationē nostrorum priuilegorum, libertatum, cōsue-  
 tudinum, ad augmentum Reipub. & salutem coīs patriæ  
 cōmodum & necessarium fuerit. Quapropter ex officij de-  
 bito, & genuino erga patriam amore, Conuentionem pu-  
 blicam oībus statibus harum Terrarum Prussiæ Meuam  
 indiximus, ad diem qui festū Assumptionis Marie sequi-  
 tur, hic est decim⁹ sextus mensis Augusti, quò oēs & sin-  
 guli pridie eius diei cōueniant. Vos etiam amicē hortamur,  
 vt ad p̄stitutum tēpus eō veniatis, & ea q̄ pro cōmodo &  
 salute patriæ noſtræ fore videbuntur in cōmune consula-  
 tis. Neq; dubitamus nihil in vobis ad conseruationem Li-  
 bertatū & Salutis patriæ desideratum iri. Spec̄t: vestras  
 Dei tutelæ cōmendamus. Datum in arce nostra Lobauia  
 enī die quinta Augusti. Anno 1576.

Sp. vestrarum

bonus amicus.

Petrus Cöstka Dei gratia  
Culmensis Episcopus.

Instructio,

Instructio Internunciorū Gedanensium  
Dñi: Reinholti Mollerī, & Georgij  
Rosenbergij ad Conuentum Me-  
uensem.

**D**ilecta salute, cum obsequiorum nostrorum commen-  
datione, Dominis consiliarijs proponent Internun-  
cij, conuentionis istius denunciationem nō parum animos  
nostros cōmouisse, cum intelligamus de excipiendo & ac-  
ceptando nouo Rege, nunc præ manu consultari, cū sum-  
mo nostrorum omnium præiudicio, siquidem neque de iu-  
ribus ac priuilegijs nostris, neque de vitiorum & abusu-  
um emendatione nobis adhuc cautum sit, quod utrumq;  
illud ipsum primum est, quo superiores & deliberationes  
& ipsius adeo patriæ salus quasi fundamēto quodam ni-  
tuntur. Vellemus etiam Reuerendiss: Dñni Episcopum,  
more maiorum, ex cōmuni consensu cæterorum Consilia-  
riorum de indicendis Conuentionibus, & rebus in con-  
sultationem proponendis statuere, quòd facilior esset con-  
siliorum expediendorum ratio, nec eiusmodi difficultati-  
bus vti nunc fit implicaremur.

Etenim nouum Regem & dominum agnoscere,  
cuius arbitrio vitam, honorem, & fortunas committant  
Subditi, priusquam ipsis de iurium & priuilegiorum in-  
demnitate cautum sit, perperam agitur, & hoc præsertim  
statu temporum admodum periculose. Non ignorant  
Domini.

25  
Domini Consiliarij, quibus modis iura, libertates & pri-  
uilegia Terrarum oppugnata, & interrupta, tum cum  
iuramento Regis sancta fuissent: eoq; nunc maioris est  
periculi sine idonea cautione properanter quidpiam com-  
mittere. Constat ex publicis Actis, maiores nostros, etiam  
tum cum nulla esset vel electionis vel ipsius Regis caussa  
dissensio, non prius subelectionis fidem professos, q; iuri-  
bus illorum iuramento noui Regis abunde fuisse prospe-  
ctum, cuius rei vel vnum exemplum Divi Sigismundi  
Augusti satis est perspicuum. Varia irreperunt vitia,  
varijs abusus in singulorum ordinum iuribus & libera-  
tibus, quorum ut aqua ratio publicè priuatimq; habeatur,  
nostrorum omnium incumbit officio Senatorio. Quapro-  
pter non iam illud consultandum venit, quo obsequij ge-  
nerre nouus princeps excipiatur, sed quibus rationibus  
iura & priuilegia tot locis interrupta prius restau-  
rari possint. Neque sufficit ea quæ priuilegijs desunt,  
articulatim conscribi, sed alia conventione opus est, ut  
maturius singula capita examinentur: res ipsa prefecto  
demonstrabit, plura accuratius perpendenda esse, quam  
ut hunc in modum consilia præcipitentur. Tum illud eti-  
am Dñis Consiliarijs benignius animaduertendum erit,  
quod Ciuitatum intersit, cum Ciubus suis, consilia tantis  
de rebus cōmunicare, neque verò tam celeriter isthac ex-  
pediri possunt, nec quiq; tamen est in tantilla mora pe-  
riculi. Maiores nostri pro tuenda libertate quatuordecim

G annos

annos continuos bellum gesserunt, nobis ut pauxillum in  
eadem conseruanda temporis impēdamus, molestum esse  
non debebat.

Deinde nec illud quidem negligi sed prudenter  
prouideri oportet, quo pacto, Terrarum harum rationes  
ex parte Cæsareæ Maiestatis, quæ & ipsa Regnum acce-  
ptauit & iuramentum præstítit, rationes possint esse sal-  
uae & illibatae, ne ex isthoc electionis dissidio natum peri-  
culum, in has potissimum terras erumpat. Quod eò magis  
nos præ reliquis sollicitos habet, quò nos periculo quam alij  
sumus propiores, quod equidem Ciues nostros obruere nō  
potest, quin simul etiam Regni & Terrarum incolas at-  
tingat. Ac quemadmodum hac in parte vetustissimæ con-  
iunctioni cum inclito Poloniae Regno firmiter & con-  
stanter inhærere decreuimus: ita par est etiam cōmuni  
consilio nobis singulis indemnitatēm præstari.

Quibus & alijs de causis Internuncij Dños Consi-  
liarios diligenter admonebunt, ut maturius patriæ ratio-  
nes omnes, & difficultates inde propendentes ad animum  
reuocare dignentur, quam rebus nondum compositis, iu-  
ribus, priuilegijs et libertatibus nulla cautione cōmunitis,  
in aliquod damnum irrecuperabile fese cum ceteris Ordio-  
nibus bac festinatione conyiciant: quin nouum potius Re-  
gem humilimè precentur, ut tantisper aduentum suum in  
Prussiam clementissimè suspendere dignetur, quoad de-  
rebus omnibus ad cōmunem patriam pertinentibus inter-

nos.

nos conueniat. Quo pacto peregrinus etiam miles prouinciae non erit oneri vel detimento.

Neque certe Regia Maiestas, hanc Consiliariorum curam officio fideiq[ue] suae conuenientem in sinistram partem accipere, vel tantulam moram quae necessario rebus constituendis interuenit, pro ea qua virtutum Regiarum cumulo passim celebratur prædicatione, & innata manueldine reprehendere poterit. Sin autem his posthabitis Dñi Consiliarij propositum adeò festinanter vrgere velint, Internuncij nostri consilio potius abstineant, quam ut ijs deliberationibus quae cum summo totius patriæ præiudicio coniuncte sunt assentiantur. Datum Gedani die xiiij. mensis Augusti Anno Dñi 1576.

## Declaratio Ordinum Meuam missa die 17. mensis Augusti Anno 76.

**I**nternuncij ciuitatis Gedanen ex præscripto prioris Instructionis, Dominis Consiliarijs & reliquis Ordinibus harum Terrarum eam nostram esse sententiam dicent, Quod nuper coronatum Regem Poloniae, eo quo postulatur modo, hoc tempore vel excipere vel in has Terias deducere nondum apud nos deliberatum habeamus, antequam de Privilegijs & libertatibus nobis sufficienter cautus sit, & multiplicita incomoda atque difficultates, quae contra eas irrepererunt, realiter, actualiter & in effectu abrogatae fuerint, ac à parte Sacrae Cæsareæ Maiestatis nobis pax Gy & securio

& securitas queratur, & omnibus imminentibus periculis prospiciatur, Eamq; ob causam rogabūt ut alius Conuentus indicatur, Vbi denuo conuenire & tam de omnibus ac singulis tum publicis tum priuatis Privilegijs conferre, quam etiam de omnibus & singulastam publicis quam priuatis grauaminibus constituere, & ea in loco conuenienti producere & exhibere possimus. Atque quod non constituerimus quidquam tentare, antequam nobis ijs omnibus sufficienter caueatur, cum non ignoremus, quantum antehac periculi & damni ex eiusmodi festinatione & negotiorum proiectione contraxerimus. Ac ubi id eo modo factum fuerit, nos nulla ratione in animum induxisse rationes nostras vel ab incliti Regni Poloniae vel harum Terrarum rationibus seiungere, sed vigore antiquissimae incorporationis ijs constanter inherere, quod aliter accipi non potest, quam quod nuper coronatum Regem una cum eis agnoscere & acceptare constituerimus. Si vero, expositente ipsa necessitate, id nobis permitti non debet, tum Internuncij Ciuitatis ex prescripto Instructionis testabuntur, id non temeritate quadam, sed ad conseruandas libertatum cum harum Terrarum tum huius ciuitatis rationes a nobis necessario susceptum esse, & ita ad nos reuertentur.

**Q** Vid insuper ex eodem Conventu de rebus nostris Status Terrarum ad Regiam Mitem prescripsint, quid Maiestas eius responderit, ex sequentib. liquet.

Littere

27

## Literæ Statuim.

**S**erenissime ac potentissime Rex &c. Posteaq; hoc lo-  
co frequentes conuenissemus factum singulari DEI  
beneficio est, vt vnamimi omnium nostrorum consensione  
in eam iuerimus sententiam, qua Regiae M. vestra, vt ab  
Equestri ordine, ita & Ciuitatibus, nullis exceptis, fides  
& obedientia & fidelißima subiectionis officia deferren-  
tur. Ac cū nostro nos munere functi simus, à Regia Maie-  
state vestra humilimè petimus, vt (quod eam spōte ac pro  
sua ingenerata Clementia ac rei æquitate facinrā certè cō-  
fidimus) pro more maiorū ac iure nostro nobis priuilegia  
atq; iura nostra, sublati omnibus grauaminib. atq; incō-  
mōdis, iureiurando, vt ppetuo à Sereniss: Regiae Mīs ve-  
stra Prædecessoribus facilitatū est, confirmet. Quid vero  
ad Ciuitates attinet, cū habeant, q̄ sigillatum Regiā Mīem  
vestrā cognoscere et p̄stare exoptet, id peculiaris scripto, hi-  
scē literis addito Regiae Mīs vestrā humilime significant.  
Quarū vt Regia Mīas V. clemētiss. habere rationē digne-  
tur, à Regia Mīē vrā demissē rogamus. Quod superest fe-  
līcē Regiae Mīs V. aduentū cupidissimē expeclam⁹. Si ve-  
ro M. vestra R. ppter grauiora Reipub. negotia iter illud  
ad nos (q̄uis exoptatis.) in aliud tēpus differre, & nobis  
ad se veniēdi certū diē p̄figere visum esset, neg. in eo Mīi  
V. deerimus: sed vt p̄ Internūcios nostros ad p̄stitutū diē  
properem⁹, dabim⁹ operā. Ad quæ oīa vt M. V. clemētis-  
simā voluntatē suam nobis primo quoq; tempore declara-  
re dignetur, submissis precibus etiam atq; etiam rogamus.

G ij Eandem

Eandem Regiam Maiestatem vestram protectioni diuinae &c. commendamus. Datum Meuae in Conventione Statuum & Ordinum Terrarum Prussiae generali, die 18. Augusti Anno a Christo nato 1576.

Serenissimæ R. Matris vestræ

Humilimi Subditi

Status & Ordines Terrarum Prussiae.

Schedula hisdem literis inclusa.

Serenissime Potentissimeq; Rex & Clemetissime Domine, Perferuntur ad nos multæ grauissimæque relæ, militem illum, qui iam ad præstolandum Maiestatis vestræ aduentum in has Terras immissus est, subditos nobilium & aliorum etiam hominum passim spoliare, & bona illorum publicæ quasi prædæ exponere. Quod vero cum non tam cum eorum, sed totius Reipub. periculo ac damno coniunctum sit, Maiestatem vestram enixo studio maiorem in modum rogamus, ut ei rei pro suo Regio munere ita in tempore prouidere dignetur, ne ex scintilla magnum aliquod (quod Deus omen auertat) incendium oriatur.

Lidem qui in literis.

Responsum Serenissimi Regis Poloniæ ad præcedentes literas Statuum & Ordinum Terrarum Prussiae.

Stephanus

28  
Stephanus Dei gratia Rex Polonie, Magnus Dux Lithuaniae, Russiae, Prussiae, Masouiae, Samogitiæ, Liuoniaeque ac Princeps Transiluaniae &c.

**R**euerendi, Magnifici, Generosi, Nobiles, Speculatorum, Famati, Syncerè ac fideles nobis dilecti, Ex literis Sync. & fidelitatum vestrarum intellectimus, quæ in conuentu Meuen Terrarum Prussiae acta sunt. Gratissimum nobis est Sync. & Fid. vestrarū in nos ac Rempub. studium, cum testificatione subiectionis sue ac fidei & obseruantie erga nos Regem suum. Cum vero cernamus Sync. & Fid. vestras omnibus consilys alienoribus à quiete & tranquillitate publica spretis, ad eam curam incumbere, ut in communione Reipub. eius salui & iure ac libertatibus suis perfruatur, & ipsi hoc vestrum studium benignitate nostra complexi, operam dabimus, ne haec à nobis nulla ex parte imminutæ videri non quam possint, & ne de ipsis tanquam sacro sanctis seruandis non satis vobis cauisse existimari possimus. Qua de re cum Synceri: & Fidel: vestris coram cōmodius conferemus.

Etenim quod vos optasse ex literis vestris videmus, ut quamprimum in Prussiam proficeremur, iam eò iter facimus, Itaque facile id à vobis effici potest, ut nobiscum alicubi conueniatis. Quod ut cum maiori vestra opportunitate fiat, mittimus ad vos descriptionē dierum & opidorum ac urbium, per quas iter facturi sumus, ut ad tempus & locum, qui vobis videbitur, ad nos veniatis.

Ea

Ed tamen ratio negotiorum cōmūnū est, vt id maxime  
ē Repub fore iudicemus, si quām minimam moram in-  
terposuerint. Hoc vero silentio prætermittere noluimus,  
valde nos mirari, quid causæ sit, cur soli Gedanē maiori,  
vt ex p̄scripto Legationis ipsorum Nuncij Meuam mis-  
sis dato apparet, cunctatione & hæsitatione, quām ullus  
alius ordo vel ciuitas ad concordiam accessuros se ostend-  
ant, nec à verborum pplexitate refugiant. Sed quid hoc  
sit fortasse à Sync. & Fide. vestris, cum ad nos venient,  
pleniū cognoscemus, atque etiam sicut ceteris de rebus,  
ita quid hac in parte nobis faciendum sit, cum Since. &  
Fide. vestris agemus.

De iniurijs istorum militum graue nobis & acerbū  
auditu fuit, de quibus ad Magnificum Palatinum Sane  
domiriēn, quem illis præfecimus, literas dedimus, vt effi-  
ciat vt damna sarciat, & neminem in posterum ullo in-  
cōmodo afficiant. Bene valere Sync. & Fid. vestras cu-  
pimus Datum Gostinini, die 22. mensis Augusti, Anno  
à Christo nato 1576. Regni nostri verò primo.  
Stephanus Rex.

**S**cripserunt itidem ad nos Torunio Dñi Consiliarij  
terrarum, quibus in eam sententiam respondimus,  
quæ susequitur;

Literæ dñorum Consiliariorum Prussiæ.

Salute

**S**alute premissa, &c. Non dubitamus quin Sp: Dom: vestræ tam de aduentu Regiæ Maiestatis Dñi nostri clementissimi in has terras Prussiae, quam de consensu Internunciorum vestrorum, qui nuper Meuam missi fuerant, vna nobiscum Torunium proficisciendi, factæ sint certiores. Nos quidem huc venimus, sed neque Internuncios vestros offendimus, & planè nunc etiam a venturi sint nec ne, sumus incerti. Cuius rei cum ignoremus caussam, mirari satis non possumus, & varia non sanè leta cogitationibus nostris occurunt.

Etenim hoc modo Speci. vestræ non nobis solum suspicionem alienam injiciunt, sed multò magis ipsi Regiæ Maiestati, quæ iam nunc hac de caussa permouebitur, ut seuerius rem peragat, militem peregrinum in prouinciam adducat, terras colonosq; deuastet, & omnibus tandem communem patriam calamitatibus affligat.

Quod quidem à Sp. vestris profectum iri minime sperabamus, praesertim quod aliud nuper in Conuentione Meuensi probassent. Quapropter in hac festinatione nunc hortamur & rogamus Sp. vestras, ut ad animum reuocent, quid inde calamitatis & periculi toti prouincie, nobis omnibus & fortassis Ciuitati Gedanensi longè magis exoriri possit, rem istam melius & maturius perpendant, nec in hunc modum a nobis secedat, sed omni postposita mora nobiscum se coiungant, sic vt omnes vniuersales carissime nostræ patriæ libertates & Priuilegia ha-

H nesté

nestè parta, conseruare possimus. Ac constat nobis, Regiam Maiestatem utpote prudentem & probum Principem, in omnibus ijs, quæ ad omnium nostrorum utilitatē pertinent, clementem se præstituram. Quod si Spect. vestrarum peculiaria quædam sunt grauamina, uti non nihil esse coniectamur, illud iam operæ damus, ut apud Regiam Maiestatem diligenter elaboremus, quo grauamina primum omnibus communia, deinceps singulorum etiam aboleantur, idq; nos per DEI gratiam consecuturos confidimus. Idcirco iterum atq; iterum petimus, ut Spect. vestræ se nobiscum saltem coniungant, uti planè nobis persuademus, ideoq; literas hæc raptim ad easdem perscribi curauimus. Quas Dei optimi maximi tutelæ deuote commendamus. Datum in Conuentione Torunensi die xxv. mensis Augusti Anno 1576.

Prælati, Palatini, Castellani Cionitates &c. Terrarum Prusias Consiliarij.

### Responsum Senatus Gedaneñ.

**R**euerendissimi, Magnifici, Generosi, Nobiles, Speciabiles &c. Ex Reuerendissimæ Mag. Gen. & Spect. Dom. vestrarum literis, hesterno vesperi per hunc tabellarium allatis non sanè libenter intelleximus, illud nobis vicio verti, quod yna cum ceteris dominis Consilia-  
rij

rijs ad excipiendum Serenissimum Regem coronatū, In-  
ternuncios Torunium non miserimus, atque in eam fero-  
mē partem accipi, quasi à cōmuni consensu Statuum ha-  
rum Terrarum secedere, & Regie Maiestati contraue-  
nire soli velimus. Quod vtique nunquam ad cogitationes  
nostras peruenit: quinimo semper testatum fecimus, quā-  
primum omnium & singulorum Priuilegia fuissent con-  
firmata, grauamina abolita, periculum hostilitatis ex al-  
tera parte sublatum, per omnia nos cum Reverendissima  
Gen. Sp. Dom. vestris vnanimiter consentire. Quod au-  
tem Torunium non misimus, angustia temporis nos ex-  
clusit, neque Regiae Maiestatis aduentū tam celerem fore  
credere potuimus, cum de alijs non postremi loci hominib:  
edo clifuisse mus, profectionem eam in dies quatuordecim  
esse prorogatam.

Neque verò ex Internuncijs nostris qui Meuæ fuerant  
exactum tempus Regij aduentus cognouimus, multò mi-  
nus certam diem designatam, qua Terrarum Priuilegia,  
& quæ in contrarium irrepserūt vitia, singulorumq; sta-  
tuum grauamina explorari conferriq; potuissent. Interim  
de nostris rationibus, cum Ciuitatis Ordinibus consulta-  
mus, quæ eius sunt ponderis & difficultatis, vt ne nunc  
quidem satis idoneæ sint expeditu.

Cæterum ita res est, vt non nobis solum nostra, sed  
etiam singulis Statibus totius prouinciae sua sint graua-  
mina, quæ & merito animaduertenda, & cum non eorū  
modò Consiliariorum, qui Torunij præstò fuerūt, sed in-

Hij feriorum

feriorum etiam Statuum intersint, maturiore prius con-  
filio tractanda fuerant, quām ad iuramenti professionem  
deueniretur: pro vt publicorum actorum testimonio, cum  
Serenissimis Regibus antecessoribus, semper vitia pri-  
mum & grauamina componi consueverunt. Et sanè me-  
tuendum, ne præstito iuramento, incommoda isthac, &  
quidquid illis coniunctum est, vt iam antea factum me-  
minimus, prorsus inexplicata relinquuntur. Ac quando-  
quidem ipsa Regia Maiestas literis suis innuit, se à Reu-  
rendissima Mag. Gen. Spect. Dom. vestris de rerum no-  
strarum ratione plenius cognitaram, eò minus ægrè feret,  
vt non solum huius Ciuitatis gratia, quæ præ ceteris in ea  
difficultate & discrimine posita est, vt planè extrema  
subsit pernicies, verum etiam cæterorum caussa, quæ ad  
prouincia totius incolumentem spectant, Dñi Consiliarij  
denuò conueniant, inter se de rebus cōmunib[us] deliberēt,  
omniaq[ue] consensu solidō, manu coniuncta proponantur,  
& vni non minus q[ue] alij, pro grauaminibus emendandis  
suppetiæ ferantur. Etenim quemadmodum vigore vetu-  
stissimæ incorporationis, saluis iuribus et libertatibus, nec  
à Regno Poloniæ, nec à Terrarum harum coniunctione  
secedere, nec consensu publico Regni & coniunctarum  
prouinciarum contravenire decreuim: ita vicissim non  
iniquum fuerit, in tuenda publica omnium salute, Ciuita-  
tis etiam huius, quæ dubio procul maiorib[us] quām alij for-  
, tasse Status, implicita est difficultatibus, honestam rati-  
onem

31  
onem haberi. Quapropter Reuerendissimā Mag. Gen.  
Sp. Dom. vestras perq̄ reuerenter, diligenter, & amicē  
rogamus & obsecramus, vt non ipsæ solum absentiae no-  
stræ excusationem, angusti temporis ergò, benignè acci-  
pere, verum etiam ipsi Regiæ Maiestati meliore vota cō-  
mendare, ac illud in primis pro paterna sua sollicitudine  
operam dare velint, ne quid in præiudicium Terrarū, con-  
tra libertates & consuetudines earūdem Regia Maiestas  
admitti, neue nos vel Ciuitatem hanc circumueniri vel af-  
figi, rationibus nostris nondum auditis, nedum prouinci-  
am à peregrino milite onerari vel deuastari patiatur,  
sed omnes potius difficultates, omnia vitia, & grauami-  
na, rationibus æquis præcidere vel emendare, clementissi-  
mè dignetur.

Quod vti pro virili nostra, nec quicq̄ aliud maiorie  
bus votis optamus vel petimus, ita longissimè à nobis abo-  
sit, vt ad quampliam cōmunis patriæ calamitatē, causam  
præmeditato præbere velimus, quin potius ad nostrorum  
omnium incolumentem tuendam facultates omnes con-  
ferre non recusamus.

Hoc pacto prouincia peregrini militis onere probe-  
leuabitur, & cum rebus istis ritè prospectum fuerit, ite-  
rum nunc quod antea testamur, nos fidei, et officio nostro  
minime defuturos. Datum Gedani die xxvij mensis Au-  
gusti Anno M. D. LXXVj.

Gijj Deinceps

**D**Einceptis cum Regia Maiestas Torunium venisset,  
ac à Consiliarijs & Ordinibus harum Terrarum  
honorifice suscepta fuisse, neque diu post Marienburgum  
processisset, Legatos suos hic misit die Septembris quinta,  
Reuerendissimum & Magnificum Dominum Petrum  
Kostka Culmen Episcopum & Ioannem de Slusewo Palau-  
tinum Brestensem cum literis infrascriptis:

Stephanus Dei gratia Rex Poloniæ, ma-  
gnus Dux Lituaniæ, Russiæ, Prussiæ,  
Masouïæ, Samogitiæ, Liuoniæq; &c.  
necnon Transiluaniæ Princeps.

Spectabilibus & Famatis, Proconsuli ac Consulibus, totisq;  
cōmunitati Ciuitatis nostræ Gedaneñ fidelibus dilectis.

**S**pectabiles Famati, fideles dilecti. Miramur quid  
causæ sit, quod non modo consensum Ordinum Re-  
gni Poloniæ, in deferenda nobis subiectione, vt debuistis,  
minime secuti, verumetia ne exemplo quidē proximo Ter-  
rarum Prussiæ permoti sitis. Itaq; vos monemus pro no-  
stra clementia, vt ab hac animorum abstinatione & ce-  
meritate recedatis, et si quem in animo scrupulum habe-  
tis, eum ejciatis, ac coram Reuer. Dom. Petro Kostka  
Episcopo Culmen, & Magnifico Ioanne à Slusewo Pa-  
latinio Brestensi Consiliarijs & Cōmissarijs nostris, quos  
eius rei caufa ad vos mittimus, iuriandum nobis more  
maiorum

32  
maiorum detis. Ni dederitis pro ijs qui nostram &  
Regni Maiestatem spernunt, vos habere, & rationes  
necessarias iuris ac dignitatis nostra ac Reipub. tuenda,  
nos inire oportebit. Cetera ex Reuerendo Episcopo, &  
Magnifico Palatino Brestensi intelligentis. Valete. Ma-  
riemburgi die 4. mensis Septembris. Anno Domini 1576.  
Regni vero nostri anno primo.  
Stephanus Rex.

**A**ddiderunt Domini Legati verbis etiam prolixior-  
ibus admonitionem sedulam, ut Ordines Regiae  
Maiestatis voluntati iam iam obsequerentur, iuramentū  
fidelitatis præstarent, nec Ulterius officium subterfuge-  
rent, quandoquidem receperisset Regia Maiestas, se cuiusq.  
Statuum iura ac priuilegia clementissimè confirmaturā:  
ne si secus fieret Maiestas eius magis ac magis ad alia cō-  
filia permoueretur, & mittendis in posterum Legatis,  
cum insigni pcul dubio Ciuitatis detrimēto supersederet.  
Ad quae Ciuitatis Ordines responsum suum scripto  
consignarunt, & Dñis Legatis exhibuerunt, quod cum  
illi ad Regiam Maiestatem eo modo referre nollent (non  
enim quidpiam disceptandi sed saltem exigendi iurisu-  
randi gratia se missos aiebant) necessum fuit Ordinibus,  
pro rerum suarum ratione, id ipsum alia quapiam via,  
manui Regiae precibus humilibus insinuare, prout ex pro-  
ximis fusis liquebit.

Litera

Literę Gedanensium ad Regiā M̄tēm.

**S**erenissime potentissimeq; Rex ac Donine, dñe clemē-  
tiſſime. Serenissimæ Regiæ Maiestati vestræ, obsequi-  
orum nostrorum studia, ſumma qua debemus in ſeruien-  
di alacritate demifſiſimè deferimus. Serenissime Rex,  
Domine clementiſſime.

**Q**vi proximis diebus Regiæ vestræ Maiestatis ad  
nos miſi fuerant Legati non mediocrem nobis  
ſpem attulerunt, tandem aliquando nos occaſionem habi-  
turos Regiæ Maiestati vestræ Ciuitatis huius rationes fu-  
ſius & luculentius exponendi, ac vt difficultates & gra-  
uamina quibus haclenus premitur abolerentur, ab eadem  
Maiestate vestræ demifſiſimis precibus impetrandi.

Venerunt illi quidem, & legationem ſuam expoſue-  
runt, que ſaltem eō pertinebat, vt fidelitatis iuramentum  
Regiæ Maiestati vestræ praſtaremus: Ad quod poſtu-  
latum non ita ſanè reſpōdimus, vt debitum recuſaremus,  
Sed vt ea qua iuribus, libertatibus, & priuilegijs obſtāt,  
in primis Maiestati vestræ plenius innoſcerent, eaq; de  
cauſa rationes noſtras ad Maiestatem vestrā perferen-  
das ſcripto conſignauimus. Quas cum illi legi audiuiſſet,  
& ſeptius & diligenter & multis precibus rogati recipere  
nollent, non potuimus non magis magiſq; fuſſicari, res  
noſtras non eo, quo per ſe ſunt modo, ſemper ad Regiam  
Maiestatem vestrā perferri, ſed varijs nos interdum  
praiudicys

33

preiudicis hactenus fuisse, dubio procul, oneratos. Quid enim acerbius nobis accidere possit, quam preces nostras, quae nihil iniqui, nihil a dignitate clementissimi principis alienum desiderant, a Maiestatis vestre benignissimis auribus prorsus excludi? Fuerunt nobis etiam cum Diuis Antecessoribus Poloniae Regibus, quorum memoriam san-  
ctam habemus, variae de iurib. & priuilegijs nostris actio-  
nes, & saepe tales, in quibus necessum fuit Diuorum Re-  
gum postulatis, iurium nostrorum conditionem opponere.  
Nec unquam meminimus pientissimos principes tantopere  
mandatus suis instituisse, ut non simul etiam rationes no-  
stras ad aures suas admiserint. Quia clementia & equi-  
tate, cum Regiam Maiestatem vestram non minus ac se-  
renissimos Antecessores praeditam audiamus, omnino pro  
rerum praesentium necessitate faciendum putauimus, ut  
illud Responsum quod Legati recipere noluerunt, per pra-  
sentium exhibitem, Regiae Maiestati vestre, demissio-  
ne venerationis studio ad manus proprias insinuaremus.

Eapropter quam possumus diligentissimis precibus  
demissione rogamus, dignetur Ser. Regia Maiestas ve-  
stra, Ciuitatis huius rationes q̄ isthuc scripto comprehen-  
se sunt (is enim scrupulus est, qui iam dudum animos no-  
strros excruciat) clementissimis auribus accipere, sinistras  
omnes, si quas de nobis concepit, suspiciones abijcere, eaq̄  
consilia benignissime suscipere, quibus Ciuitatis huius iu-  
ribus, libertatibus, & incumbentib. grauaminibus quam

optime consilatur, neque durius à quorumuis hortationes aliquid statuere, prius quam alterius etiam partis, quod  
verè Regium est, rationes clementiae cognoverit. Dabi-  
mus vicissim operā, quantū in nobis est, ut Regia vestra  
Majestas in posterum nos in p̄stantis Eisdem fidei et sub-  
iectionis studys ac obsequijs nō minus paratiſſimos quām  
etiam re ipsa constantiſſimos experiatur. Eandem DEO  
optimo maximo diutissimē superstitem, bona valetudine  
perfruentem, & Regia fortuna florentiſſimam, ac nos  
eius gratiæ clementiae et votis omnib. cōmendamus. Da-  
cum Gedani die xiiij. mensis Septembris Anno Dñi 1576.

Serenissimæ Reg. M̄tis vestræ  
Obsequentiſſ:

Proconsules, Consules, Scabini,  
Centumuiiris, &c tota Cōmunita-  
Ciuitatis Regiæ Gedanensis.

Respoſum ad Legationem Serenissimæ  
Reg: M̄tis Poloniæ &c. Reuerēdiſſimo  
& Magnifico Dñis Dño Petro Costka  
Episcopo Culmensi, & Ioanni de Slu-  
ſevvo Palatino Brestensi, ab Ordinibus  
Regiæ Ciuitatis Gedaneñ datum, die xij.  
Septembris Anno Dñi M. D. Lxxvij.

Ea

**E**A qua nomine Serenissimæ Reg. Miss Polonia &c.  
Reuerendissima & Magnifica Dôes vestra ex praescripto Regiarum literarum, decenter, & singulari cum benevolentia Regie Ciuitatis huius Ordinibus exposuerunt, ea qua decet venerationis obseruatio diligenter Ordines audiuerunt. In primis agunt gratias quam possunt maximas, pro Regie Maiestatis gratia, clementia, ac favore, quibus Ordines benignissime prosequi dignatur: nec quicq; in se studij vel diligentiae desiderari merito vellent, quod in Eiusdem obsequium, et summam gratificandi ac inseruendi cupiditatem ab ipsis praestari possit.

**L**Egationem ipsam eò maximè pertinere intelligunt, quod Regia Maiestas fidelitatis iuramentum, coram Reuerendissima & Mag. Dom. vestris ab Ordinib. posta posita animorū obstinatione, more maiorum dari postulat. Ni dederimus pro ijs qui suam & Regni Maiestatem sfernunt nos haberi, & rationes necessarias iuris ac dignitatis sue tuenda iniri oportere, uti ea literis Regijs & earundem Dom. vestrarum orationelatius sunt proposita.

Ad ea possent quidē Ordines breuiter & bonis rationibus causas explicare, quibus iampridem adductis fuerint, quò minus eò progrederetur, quo cæteros Terrarum Status progressos intelligunt, neque magna difficultatis existimat, Reuerendiss: & Mag. Dom. vestras, quibus Ciuitatis huius rationes alioquin non sunt incognitæ, rerum istarum conditionem edocere. Verum cum longè fu-

I y rit alia

erit alia ratio Serenissimorum Poloniae Regum Antecē-  
sorum, quib. ex vetustissima subiectionis incorporations,  
cōtinua successionis serie Prussia paruit, qui in ipso Reg-  
no nati, educati, legum, iurium, priuilegiorum, libertatū,  
consuetudinum nostrarum in cōsilijs publicis erant assue-  
facti, quam nunc Sereniss. Regia Maiestate ab exercitis re-  
gionibus, ad populos, lingua, moribus, ac legibus diuersos  
adueniente: neque fieri possit, ut tam breui singularum  
prouinciarum iura cognouerit. Eam ob causam maxime  
sibi necessarium Ordines existimat, penes hanc tam splen-  
didam legationem, ea quae præ ceteris Ciuitatis huius ra-  
tiones ac fortunas afficiunt, ad Regiae Maiestatis plenio-  
rem informationem fusi nonnihil explicare. Perquam  
reuerenter ac diligenter petentes, ut non ipsæ solum Re-  
uerendissima & Mag. Dom. vestræ benignis animis hæc  
accipiant, Verum etiam ad Regiae Maiestatis aures clemē-  
tissimas perferre, Ciuitatisq; salutem ac incolumentem de  
meliore nota cōmendare non deditur. Ea firmissima  
spe Regiam Maiestatem suspicionem omnem temeritatis  
ac obstinationis si quā de ordinib; forte concepit, auditis  
iustissimis & aequissimis illorum rationibus, clementissi-  
mè remissuram.

Ac primam omnium historiarum & publicorum  
actorum testimonio satis cōstat, quo pacto maiores nostri,  
post abiectionem Marianæ seruitutis iugum, ad inclytum  
Regni Poloniae sceptrum, non vi neq; ferro subacti, quod  
perperam

perperam harum terrarum incolis exprobratur, sed sponte, & animo deliberato accesserint, & eidem Regno saluis iuribus & libertatibus suis incorporatis fuerint. Sic ut ipsi, homines germani, & germano sanguine oriundi, hasce Terras Prussiae suis sumptibus excoluerint, & pro cōmodo Regni totius ad eam quæ superioribus annis fuit frugem ac felicitatem perduxerint. A cuius accessionis initio, quam fidem, obsequentiā, & perpetuam operam in omnes casus belli pacisq; tempore, præ cæteris hæc Ciuitas Serenissimis Regibus ac Poloniae regno, cum impendio sanguinis etiam ac fortunarum constanter præstiterit, nolunt nunc Ordines pluribus cōmemorare, temporum illorum annales isthæc abundè testantur. Enimvero si Serenissimi Reges Ciuitatem hanc pluribus forte, quam alias, libertatum prærogatiis ac immunitatibus donarūt ac condecorarunt, patet ex ijsdem, egregia Ciuitatis merita, & operas fideliter præstas, hanc Regum munificenciam & liberalitatem prouocasse.

Quod ex literis & diplomatibus Diui Casimiri & Successorum eius, si necessum sit, liquidò potest ostendi. Quemadmodum autem maiores nostri, uti bonos viros & fideles subditos decet, in præstanto quod Regibus suis deberent iureiurando, nihil unquam æqui recusarunt: ita nunc etiam Ordines à maioribus suis minimè degeneres, saluis iuribus suis, & grauaminibus abolitis, haud certe, quidq; alienum à fide officioq; suo committere, vel in se.

I ij merito

merito vellent desiderari. Verum & hoc a maiorebus accepunt, ut Serenissimi Reges cum imperio caperent pro subditorum incolumente non solum priori loco iuris dū darent, sed etiam de cuiusque iuribus, priuilegijs, libertatibus cognoscerent, & si quid in illorum fraudem vel detrimentum fuisset admissum, corrigerent ac emendarent, priusq; Ordines & Status Prussiae Terrarum a fidelitatis iuramentum adigerent.

Neque maiores nostri, nisi ea legitimè confecta transacta q; fuissent, imperio se subiçere consueuerunt. Ostenditur id nouissimo Diui Sigismundi Augusti exemplo, in cuius regiminis ingressu de priuilegijs et grauamini bus harum Terrarum, in quartum usque annum varijs tractat<sup>o</sup> habiti, priusq; eius Maiestati Status harum Terrarum sacramenti vinculo more maiorum obligarentur. Quinimò Maiestatis eius parens Diuus Sigismodus eundem Filium in eandem causam Rescripto peculiari Status & Ordinibus harum Terrarum, tum cum Successorum eum abhuc impuberem sibi destinaret, obstrinxerat. Pollicemur illis (inquit) praesentibus literis, quod quan- docunque ipse Serenissimus filius noster post mortem nostram ad ætatem legitimam, nempe ad annos quindecim completos perueniens, possessionem Regni & dominiorum nostrorum adire voluerit, tenebitur illis id totum praestare, quod Antecessores nostri Reges Poloniae, & nos ipsi præstitimus ex debito, ad quod eius Maiestatem vt filium

& SUC

¶ Successorem nostrum tenore praesentium obligamus,  
videlicet quod iurare debet omnia iura, libertates, et pri-  
uilegia, literas, immunitates sue earundem Terrarum Prus-  
sie tam Ecclesiasticas quam seculares, Ecclesiis, tam ipsis  
Terris, earundemque praelatis, baronibus, Nobilibus, Cini-  
bus, incolis, & quibuslibet personis cuiuscunque Status  
& conditionis existentibus per Diuos praedecessores no-  
stros Principes tam spirituales quam seculares, Reges &  
Dominis terrarum praedictarum, iuste & legitimè dona-  
tas & concessas, & per nosmetipso confirmatas, manu  
tenere, seruare, custodire, & attendere, in omnibus con-  
ditionibus atque punctis, & omnia illicitè ab ipsis terris  
alienata aut dist. aëla, pro posse suo ad proprietatem ea-  
rundem Terrarum recuperare, terminos etiam earum no-  
minuere, sed pro virili defendere & dilatare: Et quam-  
du hoc ipsum iuramentum Maiestas sua non praestiterit,  
& huic debito suo Regio non satisfecerit, ipsi Vniuersi  
Status & Ordines earundem Terrarum & Ciuitatum  
nostrarum Prussie, ad seruandum iuramentum suum,  
quod Maiestati sue praestiterunt, non erant adstricti neq.  
obligati. Verum quandocunque possit mortem nostram su-  
pradiclis omnibus idem Serenissimus Filius noster in æta-  
te legitima existens satisfecerit, & huiusmodi iuramentū  
debitum praestiterit, Vniuersi earundem terrarum nostra-  
rum Prussie Status & Ordines Subditi nostri, illi ut ve-  
ro & legitimo dño & Regi suo coronato, omnem fidelita-  
tem &

tem & obedientiam obsequiaq[ue] secundum iuramentum a  
se illi factum præstare & exhibere tenebuntur. &c.

Hunc in modum cum Serenissimus Rex Filium suum  
Successorem & tanquam hæredem Regni, Statibus harū  
Terrarum obligauerit, nullum vident impedimentum Or-  
dines, quo minus etiam moderna Regia Maiestas Terris  
Prussiae peculiari iuramento clementissimè cauere possit,  
ac velit. Accum illius Maiestas iuramentum ab Ordin-  
ibus maiorum more dandum exigat, eo ipso disertè &  
iuramenti nouitas, & si quid aliud antiquæ consuetudi-  
ni, vel harum Terrarum iuribus ac libertatibus contra-  
rium sit, excluditur. Quanq[ue] itaque intelligunt Ordines,  
& ex actu Torunensi appareat, festinanter nonnihil ad  
iuramenti præstationem descensum, nec uno ab omnibus  
modo iuratum fuisse, priusq[ue] de patriæ libertatibus, priuile-  
gijs, & contrarijs defectibus sufficienter caueretur: Ta-  
men certissima sunt Ordines fiducia, totum id quod præ-  
ter morem maiorum, hac in parte factum fuit, neque  
Terrarum neque Ciuitatis huius libertatibus, iuribus ac  
priuilegijs, ulli fore præiudicio, sed in eam rem potius  
sufficienter cautum & prouisum iri. Porro quanq[ue] pro-  
ponatur, Serenissimam Regiam Maiestatem iuramento  
suo Craconiae præstito, omnibus Regni Prouincijs abun-  
dè cauisse, easq[ue] singulas eo iuramento comprehendisse:  
Tamen non assequuntur Ordines, quo pacto illud ad se  
pertinere possit, quod iuratum est in ea iura & priuilegia.  
que

que iuribus vtriusque gentis Polonicae et Lituaniæ non  
sint contraria. Quid enim iuribus, priuilegijs, & liber-  
tatis nostris magis est contrarium, quam Polonorum,  
aut Lituaniæ Constitutiones, mores ac leges? Illud po-  
tius inde colligendum videretur, eiusmodi iuramēto, leges  
ac libertates nostras planè tolli, subuerti, et abrogari: sic  
vt Pruteni demū quod DEVS auertat, illius vtriusque  
gentis mancipia sint futuri. Nec alia fermè ratione iura  
& Priuilegia nostra quasi non legitimè obtenta, in dubio-  
um reuocari cōperunt, cum & à Serenissimis Regibus a-  
bundè confirmata sciamus, & ipsa pacifica possessio vltra  
hominum memoria continuata firmissimum certitudinis  
sue præstet argumentum. Quibus si coniungantur ea,,  
qua in publicis sæpè Comitijs contra leges & consuetudi-  
nes Prutenicas agitata fuisse cōstat, præsertim quām ini-  
qua interpretatio præcipuo priuilegiorum capiti, de causis  
notabilibus harum Terrarum, contra expressa verba,,  
contra mentem principis, & perpetuum eius capitis usum  
adiecta fuerit, nihil aliud his omnibus rebus agi videtur  
quām quo modo Status & Ordines Prussiae, quæ æquè ac  
Lithuania vel alia quævis incorporatarum prouinciarū,  
liberum Regni membrum est, quæ peculiarem suam Rem-  
publicam, peculiares Senatores, Officiales, Ordines habet,  
olim etiam Cancellarium Germanicum peculiarem habuit,  
peculiaria iura, Priuilegia, cōsuetudines, peculiare sigillū,  
& iuramentum ad Regnum atculit, usque legitimè semp

K

vsa

vsafuit, nouo quodam oncre premantur, à cōmūnib⁹ et  
ſpecialib⁹ libertatib⁹ deponantur, ac tandem in extrema  
ſeruitutem redigantur. Quod nō minus, ſed forte magis  
etiam in buis Ciuitatis, q̄ cuiusuis alterius ſtatus præiu-  
dicium, iniuriam, & calamitatē, attentatum fuiffe, neq;  
nunc etiam attentari deſijſſe, muliis rerum argumētis po-  
teſt demonstrari. Ex quo conſequenter, præter publica-,  
priuata etiam Ciuitatis grauamina longē maxima, ſupe-  
rioribus annis in tantum excreuerunt, ut nullus fit aliis  
vel Regni Poloniae vel Prussiae Status, qui iuſtiores habe-  
at cauſas ea de re grauiſſimē conquerendi: eoque magis  
quod iſthæc grauamina non ſolum ad frequētissimas Or-  
dinum preces ne minimò quidem ad meliorem conditionem  
redacta, ſed in ſuper etiam de die in diem quò diutius eò  
grauius accumulata fuerūt. Cuius rei potiſſimum præter  
cætera documentum eſt, infelix illa Commiſſio, qua cum  
ſumma Ciuitatis infamia, publicæ fidei noxa, & fortuna-  
rum detrimento, præteritis annis r̄ſurpata fuift, qua Ci-  
uitas non ſolum concitatis tribubus ac cōtubernijs extre-  
num penè diſcrimen, ex magistratu nōnulli citra culpam,  
existimationis, honoris, bonorum ac vitæ periculum adie-  
runt, Verum etiam publicæ libertates, iura, priuilegia-,  
prouētus, bona terreftria, adeò impugnata, imminuta, &  
labefactata ſunt, ut hoc pacto nihil penè quod ad vniuer-  
ſe Ciuitatis perniciem agi potuiffet, prætermiſſum Ordinib⁹  
videatur. Atq; in iſdem actionibus eosdem & ac-  
cusatores

accusatores & iudices sedisse, vix usquam gentium, ubi  
legibus viuitur, comprobatum est.

Eodem modo bona Ciuitatis publica ad executionem  
Alexandrini Statuti perperam trahi cuperunt, cum neq;  
hoc neque ullum aliud Regni Statutum, neq;  
Prussiae ter-  
ras coniunctim neque Ciuitatem hanc separatim obliget  
vel cōcernat. Neq; verò æquum est Dñis Regni Consilia-  
rijs cōcedi, vt omnia quæ in nostri fauorem extra Regni  
Comitia sunt introducta, rejciant ac evacuet, nihil enim  
ad nos eiusmodi Comitia pertinent, & ea sarta tecta con-  
seruari benignius est, quæ Serenissimi Reges vel in terris  
Prussiae vel extra terras nobis indulserunt, cū hac in paro-  
te præter Regiam Maiestatem alios dominos nō agnosca-  
mus. Quād multa etiam in actionibus Executorialibus  
contra publicas Terrarum libertates, cum maximo Ciuita-  
tum præiudicio fuerint attentata: quinimo quod nōnulli  
dominorum Cōmissariorum eadem Ciuitatis bona sibi po-  
tius dari, quā Ordinibus conseruari voluerint, id eò gra-  
uius Ordinib. accidit, quod bona sua Ciuitas non à Regno  
lucrificet, sed vna secū ad Regnū attulit, eaq; longè antē,  
q; Diuus Alexander regnare cōpisset, iusto & legitimo ti-  
tulo possedit. Sunt insup alia grauamina plura, neq; his q;  
dicta sunt multo minora, q; Ciuitatē premūt, quæq; suo lo-  
co speciatī & exactius recenseri poterunt, In vniuersum  
tñ eius sunt generis, q; nisi tollantur ac emendētur, maiore  
etiam ac duriore, q; Mariana fuit, seruitutē huic Ciuitati,  
consequenter etiam ceteris Terrarū statibus importatura  
videantur.

Kij An

An igitur non grauiissimas & aquissimas cauſſas habeat  
Ordines, qui pro fide sua Ciuitatis ius & honorē tueri te-  
nentur, publicis grauaminib. q̄ diligentissimè possunt co-  
ſulēdi, Ciuitatis iura, priuilegia, libertates ſaluas pacificē-  
di, priusq̄ vlo ſe fidelitatis iureiurando cōſtringant, p̄rae-  
ſertim cum etiam antea multa quidem verbis promissa,  
parum autem reipsa consecutum fuiffe meminerint, id  
Reuerendiss: & Magnifica Dom. vestrī benignè diſpi-  
ciendum relinquunt. Evidem cum nullus in Regno Po-  
loniae ſit etiam ex infimo nobilitatis ordine, qui libertates  
ſuas infringi æquo animo facile patiatur, eò minus vitio  
verti potest Ordinibus, quod eius Ciuitatis debitam curam  
gerant, quæ licet nunc quām olim deſpectior & plurim  
iniurijs expoſita ſit, eiusmodi tamē Regni Polonie memo-  
brum est, quod nunquam deterius, quām qui uis alius Sta-  
tus de regno Polonie meritum ſit, cuius etiam vniuersum  
Regnum nunq̄ meritò pœnituerit.

Compertum eſt iam antea, cum ſuo iure Prussiae  
Status & Ciuitates viuerent, & à p̄ſentibus difficulta-  
tibus immunes eſſent, ipſorum etiam incolarum Regni  
fortunas bona cum pace ſimul creuiffe: quām primum ve-  
rò tot oneribus obrui cæperunt, Poloniae ſimul ac Prussiae  
conditionem paulatim euafiffe deteriorem. Nec aliud pro-  
feclō ſperandum, niſi res in meliorem adducantur ſta-  
tum, tot oneribus abrogatis, quām exitium Prussiae Ci-  
uitatumq̄ non parum ipli Regno ſimul fore pernicioſum.

Neque

Neque verò vellent Ordines in eam sententiam hoc accipi, quasi coactim & nulla Regie superioritatis habita contemplatione, cum temeritate quadam rationes suas tam pertinaciter urgeant, sed illud humanis estimari cuperent, quod libertatum, iurium & priuilegiorum quæ maiores satis magno redemerunt, tuendorum necessitas, id ipsum maxime efflagitat. Etenim Regem & dominum aliquē agnoscere, cuius potestati, fortunas, vitam, dignitatem et famam subditus permittat, priusq*ue* iuri & libertati suæ prospectum sit, præpostere agi putant Ordines, neque sine periculo admitti: cum fieri possit, & sœpe facilius sit, ut Regibus etiam iuratis, variæ nihilominus difficultates iuribus & priuilegijs obijcantur. Præterea existimant Ordines in deteriorē partem trahi minimè posse, si prouideant, ne superioris Electionis actus Ciuitati damno sit, quæ periculis, iniurijs, molestijs, et hostilibus contibus à Cæsarea Maiestate & confortibus, expeclandis, omnium prima videtur exposita, Quæ quo minus alios remotiores attingere videntur, eò sunt apud eosdem vilioris momenti. Quamobrem & æquum & necessariū censent, ut in oēm euentum Ciuitati de indemnitate caueatur. Neq*ue* verò isthæc eo dicuntur animo, quasi cōsensum publicum soli Ciuitatis huius Ordines sequi nolint, vel quod à Poloniæ regno secedere studeant, nunq*ue* enim hoc ab eis cogitatum, nedum ut eiusmodi conatus vel minimum documentum verè proferri queat: neque non intelligunt, ma-

K iij iores

iores suos excusso Mariane pressuræ iugo, prudenti consilio principatum Regni Poloniae præ ceteris elegisse, sub cuius tutela iuribus & libertatibus suis eo cōmodius fruērentur: Et sane nihil nunc etiam iniqui petunt ordines, nihil à iuris ratione dissonum, nihil à publicis commodis alienum, cum ea quæ maiores honestè acquisiuerunt, & posteris reliquerunt, intacta conseruari, & quæ in contrarium obrepserunt grauamina remoueri cupiunt, quo Ciuitas pristinæ felicitati restituta, quod à maioribus accēpit, idem ad posteros integrum transmittere, & statu suo tranquillo, cum incolis Regni in perpetua concordia, pace & amicitia consenescere possit. Etenim si tot incumbentia grauamina consultò non tollantur, eam res præ se ferre possit speciem, quasi hæc Ciuitas à societate Regni data opera repudietur, nec vt eius membrum amplius sit, digna iudicetur. Rationis enim est, vt in uno corpore singulis membris, atq. adeò digitos minimo, non secus ac maximo, si modo corpus vndeque sanum esse velit, æquè prospiciatur.

Ex supradictis causis, & yjs q̄ inde consequuntur, nequaq; ex re Ciuitatis Ordines esse censent, nunc quidem fidelitatis iuramentum, vt requiritur p̄stare, quibuscumq; tandem rationib. vt id facerent alij fuerint adducti, priusquam ipsa Regia M̄tas exemplo Diuorum Antecessorū Poloniae Regum, Terrarum Prussiae Statibus & huic Ciuitati, iuxta formam in priuilegijs expressam, debitum iusurano.

40  
iusiurandum dederit, Ciuitati de priuilegiis & libera-  
tum suarum indemnitate sufficiēter cauerit, ac graua-  
mina quae quo quis in contrarium modo irrepserūt, realiter  
& emendata; cassa, & abolita fuerint.

Quod cum recte præstitum & confeclum erit, vicis-  
sim huius Ciuitatis Ordines, iuramentum, fidem, obedien-  
tiam, & subiectionem p̄stabunt, & alioquin tanq̄ fideles  
subditi nihil in se quod officij fideiq̄ sua fuerit, desiderari  
patientur: Sic ut clemētissimè Regia M̄t̄s intelligat, hanc  
Ordinū cūctationem minimè (quod absit) ad M̄t̄s eius  
contemptum, sed vniuersæ Ciuitatis salutem et incolumi-  
tatem p̄tinuisse. Quo magis in eam sp̄em arrecti sunt, atq;  
idipsum diligētissimis precib. demississimè rogan, ut Reg.  
M̄t̄s pro innata clementia, & qua passim apud oēs homi-  
nes omnium Regiarum virtutum p̄dicatione celebris &  
illustris habetur, nō has solum Ciuitatis æquissimas ratio-  
nes & incumbentia grauamina benignissimè ad animum  
reuocare, nec ad ullā regiæ clementiæ offensionē interpre-  
tari dignetur, sed illud sibi potius de Ciuitatis omnib. Ora-  
dinibus p̄suasissimum habeat, eos in posterum, iuribus &  
libertatib. suis conseruatis, grauaminib. autē abolitis, in  
p̄standis eius Regiæ M̄t̄ subiectionis studijs & obsequijs  
eō fideliores futuros & longè constantiores. Neg. certe  
pptere tam multis verbis institutū suum Ordines expli-  
cant, quod de Sereniss: Regiæ M̄t̄s fide, sinceritate, vel  
clementia quicq̄ dubitent, quinimò iurium, libertatum,  
& priuile-

et priuilegiorum suorum accessionem potius in Maiestatis eius personæ munificentia, certò sibi repositam sperant, quām ut imminutionem eorundē timendam existimant. Verum quod non ignorent Ordines, quām varijs artibus Ciuitas, & hacenus oppugnata, varijsq; difficultatibus implicita fuerit, & necedum oppugnandi vel implicandi finem videant. Nam quid non ita pridemetiam in Regno Sweciae in maximam Ciuitatis calamitatem agitatum sit, publicis passim rumoribus non obscure demonstratur. Quocirca non imprudenter maiorem etiam cautionē Ordines adhibent, ad Ciuitatis tranquillitatem tuendam, & libertatum, iurium, ac priuilegiorum rationes fideliter vndique custodiendas.

Postremo cum insuper etiam Reuerendissimi, illustres, & Magnifici Dñi Consiliarij, Ciuitatis Ordines benignè hortari voluerint, ne fidei vel officio suo decessent, sed operam potissimum darent, qua & Ciuitatis & universae Prussiae quieti, tranquillitati, commodo & incolumentati quām maxime consulteretur: Eosdem Dominos Consiliarios vicissim perquām reuerenter & diligenter obsecrant Ordines, ut & ipsimet Ciuitatis huius rationes benignè & gratiose ad animum reuocent, neque committant, ut in posterum tam inquis oneribus, quibus hacenus contra maiorum merita, contra vetustissimæ cōmunionis necessitudinem, penè oppressa fuit, diutius prægreditur, sed eò potius sua consilia, suasq; actiones dirigat,

vt Ciuitatis nec honori, vel dignitati derogetur, nec iuri  
vel libertati praejudicetur, nedum vt ppter meritum vio-  
leta quapiam impressione, que nec terris Prussiae nec toti  
Polonie regno utilis aut cōmoda fuerit, perturbetur aut  
tranquillitatis statu dimoueatur.

Ordines itidem, quatenus summo studio, viribus,  
ope, & diligētia facere possunt, in tuenda fide, obsequio,  
& gratificandi voluntate, quod ad conseruandam digni-  
tatem, salutem, & tranquillitatem Regni Polonie, &  
Terrarum Prussiae ptinebit, ne quid pro virili sua negli-  
gatur, nihil omnino prætermittent. In cuius rei fidem  
Ciuitatis Sigillum subappressum est.

**Q**uanquam autem his in medium adductis humili-  
mē sperabamus, Serenissimam Regiam Maiestas-  
tem, eo clementer expenso, quod obedientiam, fidem, &  
officiū nūnimē detrectarem⁹, quod nihil noui, nihil iniqui-  
peteremus, eas ex Regia benignitate rationes initurā, qui-  
bus sine detimento iurium & libertatum, exemplo cate-  
rorum Statuum, in Maiestatis eius regimen & obsequi-  
am tutò concedere iam possemus: præter omnium tamen  
expectationem, his omnibus in partem reiectis, paulò pōst  
Citationes quædam inter Ordines sparsæ sunt, quibus cū  
summa nostrorum omnium infamia, hunc in modum  
qui verbotenus sequitur, euocabamur.

## CITATIO.

L Stephanus

Stephanus DEI gratia Rex Poloniæ,  
magnus Dux Lithuaniae, Russiæ, Prus-  
siæ, Masouïæ, Samogitiæq; &c. ac Prin-  
ceps Transiluaniæ.

**V**obis famatus, Burgrabio, Proconsulibus, Consuli-  
bus, Aduocato, Scabinis, Centumuiris, authoribus  
& capitibus causæ præsentis, ex officijs & personis, deq.  
bonis vestris omnibus, ubique locorum positis habitis  
& possessis, serio præsentibus mandamus, quatenus corā  
nobis & Consiliarijs nostris feria quinta proxima, in Ar-  
ce nostra Mariemburgen, aut ubique protunc cum  
Curia nostra feliciter constitutifuerimus, legitimè, perem-  
ptoriè, & personaliter compareatis, & singuli vestrum  
compareant, ad instantiam nostram, & instigationem.  
Instigatoris officij nostri, qui vos hoc uno ediclo pro tri-  
bus personaliter & peremptoriè citat, sicuti & nos cita-  
mus, propterea quod nos immemores fidei & subiectionis  
vestræ, ad quā vi reintegrationis, reunionis, incorpora-  
tionis, & inuiscerationis perpetuae, iure diuino & huma-  
no, astringimini, aliorumq; iurisurandi sacramentorum,  
diuis predecessoribus nostris Regibus Poloniæ, tam in  
verba illorum, quam eorum successorum regni coronato-  
rum ac regni præstitorū, obliti, eidem subiectionis & obe-  
dientiæ, quā omnes alij regni & magni Ducatus Lithuaniae,  
& Terrarum q; annexarum ordines & Ciuitates  
legitime

legitimè præstant, & vos præstare debetis, ausu teme-  
rario contrauenitis, rebellesq; vos, & spernentes Maiesta-  
tem ac superioritatē & dominium nostrum & regni, ex-  
hibetis, contra omnia iura, instituta, morem & consuetu-  
dinem regni, nouo & perniciose exemplo, & vt manife-  
stè appareat colore & arte varia, quibus reliquis nostris  
subditis ciuibus eiusdem Ciuitatis fucum fecistis, et ad re-  
bellionem manifestam viam strauistis, opportunitate &  
ingeniis vestris nisi, non attenden vos omnes & singulos  
post statuum atque ordinum inclytū regni, magni Ducatus  
Lithuanie, & Terrarum Prussiæ, ac aliarum fidei sub-  
iectionisq; legittimam professionem, per nos, Senatores, et  
Consiliarios regni nostri diuersis temporibus, ac tandem  
non ita pridem, benignè & paternè cum attestatione be-  
neficæ voluntatis nostræ Regiæ, officij vestri cōmonefa-  
ctos esse, quin potius cauſas cōminiscēdo, Ciuitatē nostrā  
muniendo, militem externum contra iura regni & con-  
stitutiones Terrarum Prussiæ conscribendo & fouendo,  
fidos nostros subditos, Ciues eiusdem Ciuitatis nostræ ad  
rebellionem non obscuram concitastis, sicuti adhuc conci-  
tatis, & omni genere versuciæ armatis, Insuper quietam  
& pacatam hanc prouinciam belli studijs & armis tur-  
batis, eaq; omnia audacter cōmisistis, sicuti adhuc cōmit-  
titis, postpositis fide, iureiurando, honore, obedientia atq;  
reuerentia nobis & regno nostro debitiss, per quæ omnia  
crimē laſa Maiestatis nostræ, manifestæ fadæ rebellionis,

L y & crimen

**E**cclisiam certum ignominiosæ defectionis de facto incur-  
ristis, Citamini itaque tam nostro, quam Instigatoris no-  
stri nomine præsentibus, peremptoriè & personaliter, ad  
audiendum & videndum vos oes & singulos in pœnas cri-  
minis laſae Mts, rebellionis, defectionis, Iure & legibus  
contra eiusmodi sanctitas incidisse declarari. Adhæc itaque  
& alia, quæ vobis latius, in præfixo termino obſcientur  
& declarabuntur, prout vobis pro vro intereffe de iure  
venerit, judicialiter responsuri. Certificantes vos præ-  
sentibus, quod siue in prædicto termino cōparueritis siue  
non, nos nihilominus absentia vestra seu contumacia nō  
obstantibus, ad ea quæ ius publicū dictauerit, diffinitive  
processuros. Datum Marienburgi sabbato post festum  
Exaltationis S. Crucis proximo, Anno Domini Millesimo  
Quingentesimo Septuagesimo sexto.

**Q**uod eò certè magis dolorē nostrum auxit, quod il-  
lud saltem agi manifestè videbamus ab ys, qui  
iampridē vos pbris et ealumnijs insectati fuerant, vt suo  
more materiam gliscenti flammæ subministrarent, non  
solum quicquid pro salute & viilitate Republicæ fidel-  
iter suscipimus, ad meram rebellionem detorquerent, sed  
Regem etiam ipsum al vim parandam; & arma in Ciui-  
tis perniciem sumenda concitarent. Etenim cum dies  
Edicti nondum cessisset, à peregrino milite Polonis &  
Hussaris peditibus, pagus noster Prustensis subita irru-  
ptione

ptione circumuentus, præda abacta, itinera circum circa  
hostiliter obfessa, in vicinia milites ab Ernesto quo-  
dam VVeiero concitati, eoque modo iudicium ab Executio-  
ne, plane contra iuris ordinem constitutum. Quibus in-  
ceptis, ad manifestam vim spectantibus, nec ea quidē iuris  
gentium nobis securitas relinquebatur, qua vel Internū-  
cios vel Procuratores in rem præsentem mittere potuisse-  
mū: præsertim cum ad animum exempla reuocaremus,  
quib. olim etiam in simili cauffa, Lublini VVarsouieā,  
iniurijs, calumnij, & periculis Internuncij nostri, cum  
famæ vitaq; discrimine, fuisset expositi: quinimò non ob-  
scure per hæc initia maiores aliquantò rebus nostris  
cautionem adhibere monebamur. Cæterum quid hac de-  
cauffa cum ad Regiam Maiestatem, tum ad Consiliarios  
perscriptum, quid itidem responsum fuerit, hoc ordine  
subyiciemus.

## Literæ Gedanensium ad Regiam Maiestatem.

**S**erenissime potentissimeq; Rex ac Domine  
Dñe clemetissime Serenissimæ Regie Ma-  
iestati vestræ obsequiorum nostrorum studia-  
cum summa inferuendi alacritate demississi-  
mè deferimus.

L ij      Sereniss:

**S**erenissime Regiae Maiestati vestræ proximis literis nostris rationes huius Ciuitatis prolixius exposuimus, quales hoc statu rerum essent, quibus etiam impediti, fidelitatis iuramentum adhuc quidem præstare non possumus. Quæ cum eius sint generis, ut nec ab officio sedq; nostra, nec ab æquitatis norma nobis alienæ videantur, omnino futurum sperauimus, ut quicquid hac tenus subiectionis præstandæ studio difficultatis obstitisset, benignioribus remedij temperaretur.

Verum præterquam quod nihil à Maiestate vestræ nobis literis responsum est, ea spe non mediocriter deiecti sumus, ijs Citationis literis, quæ nuper inter Ordines sparsæ sunt, quibus de lœsa Maiestatis, et rebellionis criminib; grauissimis, cum summa nostrorum omnium infamia, durissimis & ignominiosissimis sane verbis euocamur. Idq; magis eò dolemus, quod eius generis flagitia ne quidē ad cogitationes nostras vñquā penetrarunt. Aliud longè maiorum nostrorum exemplo didicimus, aliud etiam in colenda subiectionis fide, serenissimis antecessoribus debita, semper & in hunc usque diem præstimus. Neque verò videmus quo pacto crimen lœsa Maiestatis impingi nobis possit, cum Maiestati vestræ iurati nondum simus, nedum ut ipsius voluntatem de tuendis iuribus & libertatibus nostris, & abolendis quæ per contrarium irrepserunt grauaminibus, perspectam habeamus. Neque illud rebellionis argumentū est, quod iura, libertates, priuilegia nostra

44  
nostra sarta tecla cupimus, sed fidelitatis potius indicium:  
vt quò vigilantiores in tuendis illis simus, & Regia vestra  
Maiestas in comprobāda subiectionis fide nos experiatur  
constantiores. Præterea grauissimum illud omnium est,  
quod dum de Ciuitatis ac Ordinum rationibus tractamus,  
dum rerum componēdarum finem querimus aliquem, in-  
teriorim hostilibus irruptionibus pagi Ciuitatis infestantur,  
colonorum fortunæ diripiuntur, prædæ tanq; ex hostico  
abiguntur. Quæ quidem initia, quantorum sæpe malo-  
rum occasiones pariant, exempla non defunt: quas nunc  
etiam calamitates nō Prussiæ solum, sed etiam vniuerso  
Poloniæ regno cōciliare possint, ominari saltē abhorrem⁹.  
Nil armis opus est in eos, qui saluis iuribus & liberta-  
tibus suis subiectionem & fidem minimè recusant.

Nec ignorat Regia vestra Maiestas stabilius im-  
perium esse, quod benevolentia potius quam vi & armis  
acquiritur, cuius tota ratio non in terrore, sed in fide pa-  
rere volentium, consistit. Quapropter cum nihil iniqui-  
petamus, nihil magis in votis habeamus, quam vt in libe-  
ra Regni Poloniæ Republica, nostris iuribus & libertatio-  
bus illæsis vti frui possimus, quib⁹ rectè præstitis nec obe-  
dientiam, nec subiectionem detrectamus, quam maximis  
possimus precibus demississimè Regiam Maiestatem ve-  
stram oramus, vt inter cætera totius incliti corporis mē-  
bra, Ciuitatis etiam huius clementiorem rationem habere  
dignetur, quam vt eam quoquis iuriam aut libertatum su-  
arum

arum præiudicio vel possessionum detrimento prægrauari  
velit, nedum ut eius Citationis instrumento, maioribus  
quibusuis difficultatibus nos omnes implicari patiatur,  
sed hoc potius suæ clementiae proprium esse benignissime  
statuat, ut rebus omnib. pacatis, & Citatione isthac abo-  
lita, qua nostrorum omniū fidei et existimationi vehemē-  
ter obrectatur, honestis & legitimis rationibus, nobis si-  
mul & cæteris Prussiæ Statibus, vna cum regni totius  
incolumitate, quam optimè clementissimeq; consulatur.  
Faciet rem hoc regiarum virtutum prædicatione dignissi-  
mam, & nobis vicissim perpetuis inseruendi studijs ac  
obsequijs nullo non tempore promerendam &c. Datum  
Gedani 19. Septembris Anno Domini 1576.

## Ad Consiliarios.

**R**euerendissimi, illustres, magnifici, generosi &c.  
Cum Serenissima Regia Maiestas, dominus noster  
clementissimus, nō ita pridem Legatos suos hac misisset,  
vt coram eis iuramentum fidelitatis maiorum more præ-  
staremus, vniuersi Ciuitatis huius Ordines nō quidem fi-  
dem & subiectionem suam detrectare voluerunt, nedum  
vt quibusuis modis à vetustissimæ Unionis & Incorpora-  
tionis concordia secedere stuperent, sed rationes suas  
saltem, eo quo de: et venerationis studio, prolixius expo-  
suerunt, quibus nimirum impediti, rebus ita stantibus, ad-  
buc

45  
huc quidem ad iuriandum accedere non possent, cum neque Regia Maiestas ipsa Diuorum Antecessorum exē-  
plo statibus Terrarum Prussiæ iurasset, neque Ciuitatis iuribus, priuilegijs, libertatibus, grauaminibus, cautum & consultum fuisse, prout ex ipsius responsi exemplo, presentibus literis adiuncto, fusi ostendit. Quæ ra-  
tiones cum eius sint generis, ut nec à fide & officio no-  
stro, nec ab æquitatis norma nobis alienæ videretur, om-  
nino futurum sperabamus, ut quicquid haecen⁹ difficultatis studio præstandæ subiectionis obstitisset, benigno-  
ribus remedij temperaretur.

Verum præter expectationem nostram ijs omnibus in partem reieclis, Citationes literæ quædam inter Ordines sparsæ sunt, quibus omnes de laſæ Maiestatis, & re-  
bellionis criminibus grauissimis, cum summa nostrorum omnium infamia, durissimis & ignominiosis sanè verbis euocamur. Quod eò magis dolemus, quod eius generis flagitia ne quidem ad cogitationes nostras vñquam per-  
uenerunt. Aliud longè maiorum exemplo didicimus, ali-  
ud etiam in colenda subiectionis fide serenissimis Anteces-  
soribus debita, summa cum obsequientia, belli pacisq; tem-  
pore, cum impendio sanguinis etiam fortunarum in  
hunc usque diem constanter præstitimus. Neque verò  
videmus, qua ratione crimen laſæ Maiestatis impingi no-  
bis possit, cum Maiestati Regiæ iurati nondum simus, ne-  
dum ut ipsius voluntatem de tuendis iuribus & liberta-  
tibus

M

tibus nostris, & abolendis quæ per contrarium irrepererūt  
grauaminibus, perspectam habeamus.

Neque illud rebellionis argumentum est, quod iura,  
libertates, priuilegia nostra, sarta tecla cupimus, sed fide-  
litatis potius indicium, quod quò vigilantiores in ijs tue-  
dis simus, eò Regia Maiestas in cōprobanda subiectionis  
fide nos experietur constantiores.

Etenim negari non potest, superioribus annis, cum  
yniuersæ Prussiae, tum huius Ciuitatis iura, et priuilegia,  
varij modis interrupta, violata, ac penè non pessundata:  
meminimus prob dolor, quibus nos artibus oppugnati, in  
quas difficultates coniecti, quot grauaminum oneribus  
tota Ciuitas afflcta fuerit: Quin imo nunc etiam ex-  
perimur, nos non solum ijsdem quibus antea calum-  
nijs premi, quicquid pro salute vel utilitate Reipu-  
blicæ suscipimus, in sinistram partem detorqueri: Ve-  
rum etiam arma in nos parari, nec quicquam fermè  
prætermitti, quod ad extremam Ciuitatis perniciem per-  
tinere videatur.

Quo minus vitio nobis à quoq̄ rectè verti poterit,  
quod maiorem aliquam cautionem rebus nostris adhibe-  
mus, neque perpetua sacramenti religione nos illige-  
mus,

46  
mus, priusquam & iurium indemnitatem, & grauau-  
minum abolitionem exploratam habeamus.

Etenim Regem & dominum agnoscere, cuius  
potestati fortunas, vitam, dignitatem, & famam quis  
subiicit, priusquam sibi quoque prospectum sit, non  
sine periculo committitur, cum fieri possit, & saepe fa-  
ctum sit, ut Regibus etiam iuratis, literis & diplomati-  
bus confectis, variae nibilominus difficultates iuribus &  
privilegijs obijciantur.

Præterea maximoperè nos afficit, quod etiam  
ipsius de qua loquimur Citationis contextum cum summo  
nostrorum omnium præiudicio coniunctum intelligimus.  
Non enim euocamur ad tuendam innocentiam nostram,  
que certè legitimi cuiusvis iudicij præcipua pars est, in  
tam atroci præsertim criminis, sed saltē ad audiendum  
& videndum nos in pœnas perperam irrogati criminis  
declarari. Quasi iam hoc iuris in nos statutum sit, ut  
ad cuiusvis sinistram delationem, non audit, nedum  
conuicti, rationibus nostris omnibus reieclit, ad sup-  
plicium deposcamur, cuius quidem tam ignominiose  
Citationis exemplum antehac Ordines non meminerunt,  
& ut nunc res sunt longè fortassis atrociora, postquam  
iurati fuerint, vereri coguntur.

Mij Tandem

Tandem illud omnium grauiſſimum eſt, quod dum  
de Ciuitatis rationibus tractamus, dum rerum componen-  
darum finem querimus aliquem, interim hostilibus irru-  
ptionibus pagi Ciuitatis infestantur, colonorum fortunæ  
diripiuntur, prædae tanquam ex hostico abiguntur. Quæ  
quidem initia quantorum ſæpe malorum occaſiones pari-  
ant, exempla non defunt, quas etiam calamitates non  
Prussiæ ſolum, ſed etiam vniuerso Poloniæ Regno con-  
ciliare poſſint, ominari ſaltem abhorremus. Nihil armis  
opus eſt in eos, qui ſaluis iuribus et libertatibus ſuis, ſub-  
iectionem & fidem minimè recuſant: & longè ſtabilius  
imperium eſt, quod benevolentia potius quam vi & ar-  
mis acquiritur, cuius tota ratio non in terrore bellico, ſed  
in fide parere volentium conſiftit. Omnes certè Ciuitatis  
huius Ordines nihil magis cupiunt, quam harum Terrarum  
tranquillitatem apprimè conſeruari, nihil aliud in votis  
habet quam vt in libera vniuersi Regni Polonici Repu-  
blica, ſuis etiam iuribus priuilegijs & libertatibus tutò  
frui poſſint, quibus ſaluis & illæſis nec ſubiectionem nec  
obedientiam debitam detrectant. Qua in re cum nihil ini-  
qui petamus, nihil quod à Regia dignitate, vel Reipubli-  
cae cōmodo fit alienum optemus, Reuerendissimas Ill. &  
Mag. Dom. vestras perquam reuerenter & diligentif-  
mis verbis precamur, benignè dignentur ac velint, pro  
officio ſuo Senatorio, proq[ue] perpetua erga nos gratia, fau-  
re, ac benevolentia, clementer operam dare & intercedere,

• vt

47  
ut Serenissima Regia Maiestas, inter cætera totius inclyti corporis membra, pro innata sua pietate Ciuitatis etiā huius clementiorem rationem habere dignetur, quām ut eam memoratæ Citationis argumēto, quo quis iurium aut libertatum suarum præjudicio, vel possessionum detrimento velit affici, nedum ut per vim armatam cum Prussiæ totius clade, Ciuitatem ad intolerabiles conditiones adigi patiatur, sed illud potius Regiæ sue clementiæ pprium esse benignissimè statuat, ut rebus omnibus pacatis, & præsertim Citatione isthac abolita, qua nostrorum omnium fidei & existimationi vehementer detrectatur, nobis simul & Prussiæ statibus, vna cum regni totius incolumente, quām optimè clementissimeq; consulatur.

Facent Reuerendissimæ Illust. & Mag. Dom. Vestræ rem non minus sollicitudini suæ Senatoriæ conuenientem, quām vniuersæ Republicæ comprimis utilem, & qua non solum perpetuam suam erga nos & vniuersam hanc Ciuitatem gratiam fauorem & benevolentiam magis magisq; testabuntur, sed nos etiam longè deuincliores reddent, ad summa inferiendi & gratificandi obsequia, deinceps quoque maximo quo possumus Venerationis studio demissæ reuerenter & diligenter vbiique præstanta. Datum Gedani die xix. Septembris Anno 1576.

### Responsum Consiliariorum.

**S**pectabiles famati, amici charissimi, salutem. Etsi meritò nos offendere debeant, quæ à vobis, & in Re-

M iij giam

giam Maiestatem Dominum nostrum clementissimum  
& in Rēpublicam vniuersam regni, cōmittuntur, tamen pro munere nostro Senatorio, quo omnibus regni nō modo terris & Ciuitatibus, verum etiam hominibus obstricti sumus, vt eorum salutis ac fortunarum paternam curam habeam⁹, indulgendū adhuc vobis aliquid pulaui⁹ mus Itaque à Regia Maiestate prorogationem promulgationis contumaciae vestræ, quod ad diem vobis ab Instigatore dictam non adfueritis, impetravimus, vt longius spatiū vobis, ad saniora consilia redeundi daretur. Et cum ad n̄s litteras dederitis, ad eas vobis respondere, & vos de officio vestro paterne admonere voluimus. Etenim quo in errore vescamini, & que vobis tenebræ offundantur, tum ex literis vestris, tum ex exemplo responsi Reuerendissimo Domino Episcopo Culmensi, & Magnifico Dño Palatino Brestensi dati, animaduertimus.

Cauſas præcipuas, cur Maiestatem Sereniss: Regis nostri, quam reliq; omnes Rēpub. terræ, ciuitates, ac Ordines agnoscunt, vos culturos solenni ceremonia interposita profiteri nolitis, has adfertis: vnam quod illi vrbis à Regia Maiestate prius iureiurando, & literis, de seruandis iuribus illius, caueri oporteat, Alteram quod pax & amicitia cum Cæsarea Maiestate, & eius consortibus antè componenda & sancienda sit, Postremam, quod actiones superiorum temporum, quibus illa Ciuitas grauata sit,  
tollere

48

volere & abrogare Regia Maiestas necesse habeat. Que  
omnia, quam aliena sint à pristina illius Ciuitatis in Rego-  
num Poloniae fide, & iuribus ac institutis cōmunis Rei  
publicæ, quamque pernicioſo non modo huic Reipub.  
noſtræ, verum & omnis Christianis imperijs, & rebus  
publicis exemplo inducantur, facile quiuis iudicare potest.  
Vnicam vrbem, ſeorsim, ab omnibus terris regni, ac  
ab ipſis terris Prussiae in quibus ſita eſt, iuſurandum à  
Rege peculiare exigere? Quo iure ciuitas Gedanensis  
ad regnum pertineat, nihil necesse eſt pluribus comme-  
morare, cum id vos ipſi optime ſciatis. Ad hoc, de quo  
agimus, ſatis eſt, eam libera Repub: Regni Poloniae, vt  
ipſi ſcribitis, contineri. Vtrum vero eius eſt, qui commu-  
nione eiusdem regni contineatur, separatim conditiones  
Regi ferre, separatim iuſurandum exigere, an potius  
vicini vel peregrini? Vtrum hæc cōueniunt an non ſpon-  
ſioni maiorum vestrorum, qua Regi Casimiro, eiusq; Suc-  
cessoribus ac regno, ſe vosq; posteros ſuos obligarunt?  
Recolite memoria illorum verba, vt qua religione tenea-  
mini agnoscatis. Promittentes, inquiunt, pro nobis ha-  
redibus & successoribus noſtris, ſub fide, honore, ac one-  
re preſtitii per nos iuramenti, quod Domino Casimiro Po-  
loniae Regi, & eius Successoribus Regibus Poloniae, ve-  
luti fideliſ & Subiecti, quemadmodū cæteri eiusdē Regni  
incolæ, parebimus, auſcultabimus, & obediemus perpetuo  
& in

in æum &c. Et item: In ipsius D. regis & suorum Successorum Poloniae regum, ditione, potestate, gubernatione, subiectione, imperio & regimine, ab hac hora in perpetuum perdurabimus, & consistemus, nec ullo tempore nos à corona Poloniae, cuius sumus corpus individuum, scindi, sequestrari, aut alienari permittemus, aut consentiemus. At, inquiunt, isti qui vobis hanc caliginem obiciunt, Dominus Sigismundus de iure iurando dando terris Prussiae, cauit his verbis Priuilegijs sui: Pollicemur illis ait praesentibus literis, quod quandocunque ipse Serenissimus Filius noster, post mortem nostram, ad ætatem legitimam, nempe ad annos quindecim completos perueniens, possessionem regni & dominiorum nostrorum adire voluerit, tenebitur illis id totum præstare, quod Antecessores nostri Reges Poloniae, & nos ipsi præstitimus, ex debito, ad quod eius Maiestatem, ut filium & successorem nostrum obligamus, videlicet, quod iurare debebit, omnia iura, libertates, & priuilegia, immunitatesque Terrarum Prussiae, &c: iuste & legitime donatas seruare &c. Fatemur sane & D. Sigismundum Augustum, & alios reges, iuramentum terris Prussiae dare debere, sed non separatim Ciuitati Gedanensi, nec ipsis terris Prussiae separatim, sed coniunctum cum alijs terris regni, cum quib. terræ Prussiae, ut est in priuilegio Casimiri, Communem habent coronationem, & quibus communiter, cum ceteris regni terris iuriurandum Cracoviæ, qua in Urbe reges coronari debet,

à regibus

49  
à Regibus datur, quemadmodum et Serenissimo Rege no-  
stro, qui nunc rerum potitur, datum est. Ita enim & Si-  
gis mundus Augustus coniunctim terris Prussiæ, & alijs  
omnibus iureiurando cavit. Nam in priuilegio, quod  
terris Prussiæ, de iuramēto Anno 1527. Cracoviæ præ-  
stito, ipsis potentibus, cōcessit, sic scribit: Pro liberatione  
fidei diui parentis nostri, & securitate terrarum nostra-  
rum Prussiæ, præsentibus declarando, hoc nostrum iura-  
mentum, bona fide dicimus & affirmamus nostram in-  
tentionem & mentē, tunc cum iurauimus, fuisse, nec alio  
consensu à nobis intellectum esse, q̄ vt ipsum iuramētum,  
etiam ad terras Prussiæ pertineret, ipsaq̄ terræ cum suis  
subditis in illo essent compræhensæ, vti & compræhensos  
volumus & interpretamur. Hoc cum vidissent Torunij  
Senatores prudentissimi & cæteri ordines Prussiæ, quod  
non adfuissent in coronatione; simili declaratione à Re-  
gia Maiestate accepta, pro suo officio in eius Maiesta-  
tis verba iurarunt. At vero iuramento Regis non mo-  
do non prospicitur, sed derogatur libertatibus terrarum  
Prussiæ, quod in ea tantū iura & priuilegia iurarit, quæ  
iuribus vtriusq; gentis Polonicæ & Lithuanicæ non sint  
contraria. Quod nihil magis contrarium sit iuribus Gedä-  
nensium, vt scribitis, q̄ Polonicæ & Lithuanicæ consti-  
tutiones. Quasi vero his in verbis agatur de iure priuato  
singularum prouinciarum, non autem de publico, vel, vt  
verbis iuramenti vtamur, cōmuni, totius imperij Poloni-

N ci &

et Lithuanici. Quae vero gens vñquā fuit, quæ aliter  
de iure priuato legem iusserit, quam, vt si quid in qua con-  
tra rem pub: eiusq; Maiestatem rogatum foret, eius rei ni-  
bil rogatum fuisse indicaretur? aut quod imperium, quæ-  
ue res publica coalescere, aut tempus aliquod vel breuissi-  
mum consistere potuit, in qua in legibus de iure munici-  
paliterundis, ius imperij, ac reipub. non fuerit exceptum.  
Recognoscite Terrarum Prussicæ priuilegia, videbitis, an  
illis Diui Reges nostri iuri publico derogare voluerint.  
Sed dicent aliqui, cōmuni est Respub. Prussis cum Polo-  
nis & Lithuanis, cur ergo Prissorum ius cōmune non  
nominatur, sed Polonorum tantum & Lituaniū in iu-  
risiurandi formula? Quod non ita pridem bina imperia,  
binæq; Resp. fuerint, Polonica & Lithuanica, & modo  
ante aliquot annos, in vnum imperij vim ac ius contule-  
rint. Id vero iam longo ante interuallo, Prussia cum Po-  
lonia communicatum habuit, ppter eaq; terrarum & gen-  
tium Poloniae appellatione veniat. Hoc maiores vestri in:  
illa sponsione, de qua diximus, profitentur, nos & terras  
prædictas, in ius, sortem, proprietatem, & titulum coro-  
ne Polonicæ reintegramus, reunimus, &c.

Verum enim uero, ne cui res nouas mollient, obtenu-  
tui hoc esse posset, iam satis prospectum esse videtur, decla-  
ratione Regiæ Maiestatis publice Torunij facta, quod ius  
cōmune Polonorum & Lituaniū intelligat, illud  
cuius terræ omnes coniunctæ cum Polonia & Lituania,  
in qui-

in quibus est Prussia, participes sint. Nam vero quid illud  
est, quæso, de pace cum Cæsarea Maiestate, & eius con-  
sortibus? Scimus quidem Regiam Maiestatem, tanquam  
Principem Christianum in primis cupere, ut cum omnibus  
principibus Christianis pacem habere possit. Sed quæ hæc  
est indignitas, vnicam Vrbē Regi, & vniuerso regno so-  
lam, belli & pacis modum præscribere, nec nisi eius præ-  
scriptum seruetur, fidelitatem velle præstare? an hoc vñq  
non modo vni Ciuitati, verum & alicui prouinciae licuit?  
an haec in re non summa autoritas et ius imperij consistit,  
quam qui sibi arrogat, an non Maiestatem Regis & regi-  
ni spernit? Nec vero etiam querela de grauaminibus sa-  
tis vos excusat, quod non statim officio vestro, erga Regi-  
am Maiestatem ac regnum satisfeceritis. Prius enim so-  
lenni professione declarandum, quod à cōmunione Reip.  
non recedatis est, deinde in cōmuni repub. ac eius cōmuni  
consilio more maiorum de iniurijs agendum. Etenim iure-  
iurandi regij formula, satis indicat, post fidē Regiae Ma-  
iestati datam, semper Ordinibus tempus superfore, libere  
coram Regia Maiestate de iuribus violatis cōquerendi, nec  
quo minus id pressi iniurijs faciat, ac per ordines Regiam  
Mtēm admoneant, ius iurandum Regiae Mtē datum illos  
impediturum. Nam certe de iniurijs quorūuis, Reg. Mtas  
iure cognoscere, non de facto constituere debet. Cognitionē  
autem & decreti interpositionem, quomodo quis ab eius  
Maiestate requirere & postulare potest, qui illam pro Re-  
ge non agnoscat. Atque hoc quidem est, quod in Prussia,

Ny accæ-

ac cæterarum terrarū regni priuilegijs de obedientia Regi  
pſtāda adſcribitur, Saluis iuribus. Quam vero hæc à Regia  
Maiestate non modo intēpeſtiuè ſed ſeditioſe flagitātur,  
nec tam flagitatur, q̄ à quibus dā ſua fortuna non conten-  
tis, omnia turbantur, & optimi ac fideles ciues ſeducun-  
tur? Primum enim, quæ legatio ad Regiam Maiestatem  
petendæ confirmationis iurium cauſa, & conquerendi de  
grauaminibus, poſt coronationē Regie Maiestatis miſſa  
eſt? Imo contra cum externis principibus cōmunicata con-  
ſilia, non modo iniuſſu Regiæ Maiestatis, ſed contra Re-  
giam Maiestatem, exercitus ex milite extero comparatus,  
portæ clauſæ, tormēta ac præſidia diſpoſita, extra urbem  
miles collocatus, ad coiurationē boni viri dolo malo indu-  
eli & coacti, Cōmiſſariorum Regiæ Maiestatis ac Sena-  
torum regni familiareſ, homineſ nobili loco orti, violati.  
Quæſi non ſunt criminia laſe Maiestatis, quæ ratio, qua  
laedatur Maiestas Regis & Reipub: reperietur? ut hæc  
quæ in Urbe illa facta ſunt, non tam noſtriſ, quam legum  
de crime laſe Maiestatis ſancitarum, ac præceptorum  
veterum iuriſconsultorum fere verbis cōcepta omnia vi-  
deri poſſint. Quo in rerum ſtatū, quid potestatis habuerit  
Regia Maiestas, quam facultatem ab ordinib. confeſſam,  
non neceſſe eſt vobis declarare. Scitis quid antiquitus de-  
ijs, qui habendi ſint pro rebellibus ſit ſancitum. Eſt enim  
lex non nunc excogitata, ſed antè multis ſeculis lata, eos  
eſſe indicatoſ criminis Maiestatis, non qui ſententia Im-  
peratoris,

peratoris, aut regis condēnati sint, sed qui læserint Regis  
& Reipub. Maiestate. An enim seditio, tumultus, por-  
tarum occlusio, militis externi in urbem ingressus, eductæ  
ex urbe copiæ, obscuræ esse possunt. Tacemus de alijs in-  
dicijs, quæ suo tempore possunt demonstrari. Quid vero  
interim Regia Maiestas? ut clemens & benignus prin-  
ceps non vi, sed iure vobiscum agere voluit. Authoribus  
& capitibus istius seditionis dicere diem iussit. Interim  
vero quid actum est? Certe non magis erga Regiam Ma-  
iestatem & Rempub: pietas ac fides à vobis declarata est.  
Nemo comparuit. Contumacia iam per scribam annota-  
ta, vix sero per manus literæ missæ. Nec tamen à nobis  
benevolentiae finis factus. Dilatio promulgationis decreti  
Regie Maiestatis, ab ipsis Maiestate in crastinū, & ac-  
ceptis literis vestris, longior ad diem Lunæ impetrata.  
Itaque cum omnia humanitatis officia, pro cōmunione  
Reipub: iam vobis præstiterimus, hortamur vos & obte-  
stamur, quod nobis postea facere, pro nostra erga Regiam  
Maiestatem ac patriam fide, non licebit, ne vos ipsi vobis  
desitis, & die dominico ad Regiam Maiestatem, viros ali-  
quot insigniores, concives vestros mittatis, per quos sub-  
iectionem Regie Maiestatis, ut debetis, solenniter profi-  
teamini. Alia ratio abolendæ istius Citationis nulla est.  
At nondum iurauimus, dicitis, Reg. Maiestati. Quomo-  
do igitur criminis offendæ illius Maiestatis condemnabi-  
mur? Quasi vero non tantundem sit, imminuere Ius Reip.

N ij

aut

aut vni tantum Regi viuenti, non etiam futuris Regibus  
Poloniæ, se subiectam fore Ciuitas hæc vigore priuilegij,  
cuius suprà verba adscriptimus, iurare consueuisset. Me-  
mentote à quibus Gedanum conditum sit, deinceps vero q̄  
durum iugum hæc Ciuitas ab exteris, occupato alijs bellis  
Vladislao Rege, per speciem auxiliū intercepta pertulerit,  
à qua tempestate, quæ illi ac eius ciuibus, eorumq; uxori-  
bus & liberis impendebat, per Casimirū Regem erepta, &  
liberata, vt mercibus Polonicis amplificata, beneficijs ac  
immunitatibus à Regib. nostris aucta sit. Cognouerit au-  
tem aliorum imperium magis sperando fortasse, q̄ experi-  
undo, suave esse. Ne quis vero & hoc fingere possit, non  
esse securum aditum ad Regiam Maiestatem, obtinuimus  
insup à Regia Maiestate, pro nuncijs vestris literas Salui  
conductus, quas ad vos mittimus. Etsi vero Regia Maie-  
stas, cum aduersum se & regnum concitatam ciuitatem,  
arma sumpsisse videret, iure optimo, statim armis vt ad-  
uersus illam potuisset, tamen pro sua benignitate id suis  
phibuerat. Si quæ vero damna alicui illius pago data esse  
liquebit, quod si accidit, certe inscia Regia Maiestate ac-  
cidit, ea vt sarcinatur, operam dabimus, modo vtrum vos  
pro Subditis Regiae Maiestatis ac Regni, vt tenemini, ge-  
ratis, sciamus, Id quod, vt declareritis, nuncios vestros ad  
Regiam Maiestatem mittatis. Qui die dominico in regia  
veniant. Nam ne nos quidem diutius Regiam Maiesta-  
tem morabimur, quo minus ius suum ac regni deinceps,

alia

aliam etiam ratione tueatur. De Legatione in Sueciam,  
ad sollicitanda contra nos auxilia missa, sane ab incerto  
authore audiuitis. Et valde miramur vobis id persuau-  
sum esse, cum nemo antè de tanta obfirmatione animorū  
vestrorum suspicari potuisset, quæ si cognita fuisset Re-  
giae Maiestati & Ordinibus, illos etiam certe quæ sint to-  
tius Regni, quæ unius urbis vires non latuisset. Valete,  
Ex arce Mariemburgen die xxj. Septembris Anno Dñi  
M. D. Lxxvij.

benevoli

Consiliarij & Officiales Regni Polon-  
iæ & Magni Ducatus Lithuaniae,  
cæterarumq; terrarum ijs coniunga-  
tarum.

Stephanus DEI gratia Rex Poloniæ,  
Magnus Dux Lithuaniae, Russiae, Prus-  
siæ, Masouiæ, Samogitiæ, Liuoniæ, &c.  
Dominus, necnon Transylvaniæ Prin-  
ceps.

S Ignificamus tenore præsentium quorum interest uni-  
uersis & singulis. Cum pro clementia & officio no-  
stro Regali, iura & priuilegia Regni Poloniæ, magniq;  
Ducatus

Ducatus Lithuaniae & terrarum ijs coniunctarum, Cracouiae, in felici Coronatione nostra iuramento sanxissemus, iuxta formam eiusdem iuramenti in Comitijs dictis Coronationis nostrae editam, accidit, ut Consiliarij et Ordines Terrarum nostrarum Prussiae circa illud nostrum iusjurandum, ac Coronationem nostram non adessent, unde de iure Coronationum Regum, quod commune cum alijs Regnolis habent, periclitari videbantur, atque etiam cum in dicto iuramento specifice & nominatim dictarum Terrarum Prussiae mentio facta non esset, verebantur idem Consiliarij & Status dictiarum Terrarum, ne qua dubitatio inde oriretur, quo minus dicto iuramento terris quoque Prussiae obstricti videremur. Itaque cum ad dictas terras venissimus, supplicatum nobis ab ijs est, ut hanc dubitationem declaratione nostra tolleremus. Cui quidem supplicationi benigne annueni, de consilio & consensu Consiliariorum nostrorum, primum viua voce in facie Senatus, & aliorum multorum nostrorum subditorum declarauimus et interpretatis sumus hoc iuramento, quod Cracouiae fecimus, terris quoque dictis Prussiae, ac eorum hominibus, cuiuscunque Status & conditionis nos astrinxi. Deinde vero pro maiori eius rei evidentia hisce quod litteris nostris, hoc idem nostrum iuramentum declarando, bona fide dicimus & affirmamus, nostram intentionem & mentem tunc cum iurauimus, eam fuisse, nec alio sensu à nobis intellectum esse, quam ut ipsum iuramentum etiam

53

etiam ad Terras Prussiæ pertineret, ipsæq; terræ cum suis  
Subditis, in illo essent comprehensa, uti & comprehen-  
sas volumus & interpretamur. Hoc item illis cauimus  
cauemusq; per præsen, quod iuxta Priuilegium Diui An-  
tecessoris nostri Casimiri Regis, debent habere cum reli-  
quis Regnicolis cōmuniē electionē & Coronationē Regum  
futurorum, eoq; iure saluo & illæso vtentur temporibus  
perpetuis. In cuius rei fidem & testimonium Sigillum no-  
strum presen literis est appensum & manu nostra subscriptū.  
Datum Thorunij penultima die Augusti Anno  
Domini M. D. Lxxvij. Regni vero nostri primo.  
Stephanus Rex.

## LITERÆ SALVI- conductus.

Stephanus DEI gratia Rex Poloniæ,  
Magnus Dux Lithuaniæ, Russiæ, Prus-  
siæ, Masouïæ, Samogitiæ &c. necnon  
Princeps Transiluaniæ &c.

**S**ignificamus præsentibus literis nostris, ad quos perti-  
net vniuersis & singulis harum notitiam habituris:  
Quia nos ex gratia nostra Regia & ad intercessionem Cō-  
siliariorum nostrorum, ne quis seueritatem nostram vi-  
niām cōtra quosvis subditos nostros aliqua ex parte forte-  
O prætendere

prætendere possit, Nuntijs Gedaneñ ad nos in certis nego-  
tjs Reipub. ipsius Ciuitatis proficisci, Saluum Conduclū  
nostrum Regium plenamq; & omnimodam securitatem  
ad nos veniendi & rursus ad suos redeundi dare & con-  
cedere annuimus. Prout damus & concedimus harum se-  
rie literarum, ita vt hoc Saluo Conductu freti ipsi Nun-  
tijs Mariemburgum cum suo comitatu ad nos venire &  
negotia sibi cōmissa disponere, illisq; dispositis vel non di-  
spositis rursus Gedanum redire liberè, secure, quietè, pa-  
cificè & absque cuiusuis impedimento possint & Valeant,  
Personis, equis & rebus eorum ac famulorum ipsorū per  
omnia saluis. Quos quidem Nuntios nō debebimus apud  
nos retinere vltra duos dies, diem Dominicum & feriam  
secundam proxime instantē, à die aduentus ad nos com-  
putando. Quocirca vniuersis & singulis subditis nostris  
in Regno & dominijs nostris constitutis, cuiuscunq; dig-  
nitatis, præminētiæ status & conditionis existant man-  
damus & seuerius præcipimus, quatenus hunc nostrum  
Regium Saluum Conductum firmiter teneatis & obser-  
uetis, teneriq; & obseruari ab omnibus quorum interest  
per omnia faciatis, Nihilq; contra eiusmodi Nuntios Ciui-  
tatis nostræ Gedaneñ aut eorum famulos committere aut  
facere direclè vel indireclè per se aut submissas personas,  
nec vim aliquam illis vel rebus ipsorum inferre audeatis  
nec aliquis vestrum audeat. Aliter itaque non facturi  
pro gratia nostra & pæna contra violatores Salui Con-  
ductus

54  
ductus nostri Regij legibus sancta. In cuius rei testimo-  
nium Sigillum nostrum præsentibus est subimpressum.  
Datum Mariemburgi vigesima prima die mensis Septem-  
bris. Anno Domini 1576. Regni nostri primo.  
Stephanus Rex.

**H**is quidem literis hortabantur Dñi Consiliarij, vi-  
nos officij faciendi gratia sisteremus: Verum an-  
ist hoc biduo, res adeo difficilis, ex omnium Ordinum sen-  
tentia tractari, concludi, nedum Internuncij, quibus alio-  
quin iter unius diei conficiendū esset, cum idoneis aut suf-  
ficientibus mandatis expediri potuerint, ex rerum & lo-  
corum conditionibus facile fuerat colligendum. Vnde  
verosimili⁹ videbatur, omnes istas difficultates ab aduer-  
sarijs obiectas, quo magis nos festinatione præuerterent,  
quam ut rem cōtrouersam & quis rationibus componi cu-  
perent. Nobis autem in ea temporis angustia nihil aliud  
integrum erat, quam Regiam Maiestatem his supplicibus  
potis humilimē deprecari, Dominos autem Consiliarios de  
rei summa perquam reuerenter admonere.

## Literæ ad Sacram Regiam Maiestatem.

**S**erenissimæ potestissimæq; Rex ac Dñe, dñe clemētiss:  
&c. Nihil nobis hactenus maiori curæ fuit vñquā,  
neque nunc aliud summo quo fieri debet, agimus studio,  
quam quo pacto cum Regiae vestræ Maiestatis clementia  
Civitatis huius rationes quam optimè constantissimeq; cō-  
siliare possimus: Et eam ob causam, quicquid hic usque  
O ij difficultatis

difficultates obstiterit, non semel tam verbis quām literis  
demississimè contestatum fecimus. Absit enim, ut quicq;  
hac in parte à fide vel officio nostro alienum cāmittere,  
nedum nos à vetustissima nostrorum maiorum incorpo-  
ratione seiungere velimus. Interim autem cum summo  
nostrorum omnium dolore experimur, nos non solum du-  
rissimis edictis euocari, & eiusmodi criminibus onerari,  
à quibus cogitationes nostræ semper abhoruerunt: Verum  
etiam posthabitis æquissimis excusationibus nostris, adeò  
festinanter in ea causa procedi, ut vix facultas circum-  
spiciendi res necessarias, nedum alijs modis aut rationibus  
rem tractandi ppter itinerum obsidiones, & vicinorum  
agrorum direptiones, securitas hactenus relicta videatur.  
Quod cum per se in his terris inauditum, et a Regiae Ma-  
iestatis vestræ tantopere p̄dicata clementia pietateq; longè  
sit alienissimum, humilimis precibus oramus, dignetur cle-  
mētissimè Regia vrā Maiestas, in hac causa, qua de iurib.  
libertatibus publicis, de honore, fama, vita, & fortunis  
nostris agitur, eam adhibere benignissimam moderationē,  
ut clementioribus modis Ciuitati consulatur, ac de ratio-  
nibus eius maturius ac tutius deinceps tractari possit, neue  
nos vel temporis angustia, vel cuius suis contumacia q; lon-  
gè à nobis abest prætextu, prægrauari patiatur. Faciet  
rem perpetua sua clementia maximè dignam, nobis autē  
omnibus quibus debemus ac possumus fidei & obsequij  
generibus humiliè p̄merendam. Datum Gedani die 23.  
Septembris Anno 1576.

A

63  
Ad Consiliarios.

R Euerendissimi, illustres, magnifici, generosi &c.  
Ex literis Reuerendissimaru Illust. & Mag. Dom.  
vestrarum abundè perspeximus, in quam partem ea quæ  
de rationibus nostris nuper ad Easdem prolixè perscipi-  
mus acceperint.

Nobis sanè liquidò conscijs sumus, nihil nos neque  
cogitare neque petere, quod non optimo iure Ciuitatis hu-  
ius rationes desiderent: aliter autem ac in sinistram fermè  
partem pleraque accipi, vehementer dolemus, præsertim  
quod toties tam verbis quam literis officij nostri rationes  
declarauimus, neque nunc quidquam à fide officioq; nostro  
alienum cogitamus.

Cæterum quo minus vel ad singulas partes literarum  
Reuerendissimis Illust. & Mag. Dom. vestris responde-  
amus, vel etiam tanta nunc rei tractationem instituamus,  
ipsa temporis angustia nos excludit. Etenim heri cum iam  
aduersa sceret, literæ nobis redditæ sunt (nec enim pro-  
pter Ordinū absentiæ prius fieri potuit) quæ cum præter  
morem, omnibus Ciubus & incolis inscriptæ sint, cum ys  
cōsultandi longè amplius spaciū requiritur, quam ut tam  
festinanter cum Ordinibus in eam sententiam, qua rebus  
hīsc cōsultum sit, conueniamus.

Præterea vehementer illud nobis obstat, atque his  
ipsis rebus maximum impedimentum affert, quod interim  
dum Legati, literæ, citationes mittuntur, nuper pagus

O ij Prusen-

Pruſtenſis, nunc etiam villa noſtra VVarzenſis, necnon pagus Burggrabiij Regij Labiſchaw, hoſtiliter diſpoliatur ac deuauſtantur, non ſolum equis, bobus, pecorib. abactis, frumento & cōmeatu ex horreis & agris deportatis, cæteris rebus confractis, diuulfis, perditis, ſed nouo crudelitatis etiam genere homines inauditis tormentorum instru- mentis & cratibus excruciantur. Peruafit iſthæc licentia ad poſſeſſiones etiam Xenodochiorum & Hoſpitalium, quorū agros ab hoſpitibus iſtis defendi magis æquum erat quam deuafari.

Scribunt Reuerendissimæ Illuſt. & Mag. Dom. veſtræ, iſthæc in ſcia Regia Maiestate fieri, quod ſi ita eſt, ad Regiæ Maiestatis auctoritatē pertinet, eiusmodi fa- cinora coercere: Quapropter cum hæ res ampliorem omni- nino deliberationem expofcant, quanto poſſumus diligentiſſimis verbis perquam reuerenter oramus, vt Reueren- diſſimæ Illuſt. & Mag. Dom. veſtræ prolixius temporis ſpacium, nec non pro hominibus noſtriſ pleniorem ultrò citroq; cōmeandi ſecuritatē nobis impetrare dignetur, quo cum cæteris quorū intereſt, ac ſine quorū ſitu & conſen- ſu nihil in hoc diſſicilimo negotio peragere valem⁹, pro rei ipſius grauitate, maturius deliberare poſſimus, ac interim benignè prouidere. Velint, ne prætextu Citationis edi- tæ, Ciuitatis huius rationes publicè priuatimue vel iniuria, vel detrimento, nedum aliqua grauiori calamitate vel infamia afficiantur. Interēſt hoc ipſum totius Regni, vt pacifice

pacifice potius ex æquo & bono componantur omnia, q  
ut his initijs ad maioris (quod absit) mali cuiusuis occa-  
sionem procedatur. Cuius rei benignè conficiendæ quem-  
admodum in Reuerendissimis Illust. & Mag. Dom. ve-  
stris maximam spem repositam habemus, ita nos omnes  
isthac paternæ propensionis beneficio, ad omnem quæ no-  
stræ facultatis erunt obsequiorum studia longè sibi red-  
dent deuinctissimos. &c. Datum Gedani die xxij. Sep-  
tembris Anno Dñi M. D. Lxxvij.

**V**erum, licet his eo quo pmissum est modo scriptis,  
tamen præter opinionem ipso die Lunæ 24. Septem-  
bris, qui bidui fide compræhensus erat, rumore allatum est,  
Civitatem palam proscriptionis Decreto perduellem iudi-  
catam: neque diu post Regij milites, in possessiones Ciui-  
tatis, in minorem Insulam armati irrumpunt, Stationa-  
rios aliquod nostros, qui præsidio rusticis ad prohibendas  
rapinas, iam ante dies aliquot cæptas, collocati fuerant,  
vnd cum rusticis depræhensis, partim trucidant, disse-  
cant, partim captiuos abducunt, & diuendunt, agros,  
pagos, templa, villas, domos, tanq in hostico depopulan-  
tur, diripiunt, prædas abigunt, homines miserè trucidat,  
multaq; passim insolenter admittunt: cuius generis rapi-  
narum & incendiorum in hunc usque diem nullum fer-  
mè neque finem neque modum experimur. Ceterum qua-  
lis hic ordo iudicij fuerit, in euocandis & proscribendis  
nobis,

nobis, quatenus legibus ac moribus Regni & Prussiae cōgruat, iurisperitorum sit arbitrium. Nullus equidem est ex Ordine nobilitatis Polonorum, qui principissi priuato iudicio honorem, famam, vitam, fortunasq; suas, sine Regni Consiliariorum præsentia, sine legitima cognitione iuris, expositas velit: nedum vt Ordinis Senatorij Status aliquis Regni vel prouinciarum, cuius inter cæteros conditionis hæc etiam Ciuitas censemur, ad meras columnias perpetuorum aduersariorum, ipsis fermè solis præsentibus ac urgentibus, adeò leuiter, indicla causa, iure dehuerit proscribi, mox etiam rapinis, cædibus, & incendijs hostiliter affligi: præsertim, quod magis est, absentibus & non consentientibus harum Terrarum Consiliarijs, quibus cum Regia Maiestas, expresso cōmunis priuilegijs præscripto, caussas eiusmodi notabiles, quæ non solum Ciuitatis huius, sed totius etiam prouinciae, salutem & perniciem concernunt, tractare, definire, determinare tenetur. Quanquam autem rebus tam inique comparatis, promiscua ciuium multitudine tam indignis modis vehementer exacerbata, nec causæ nobis deessent, nec iuris naturalis ratio, vim maiorem, quoad facere possemus, à nobis propulsandi, & aduersariorum nostrorum, qui calamitatis huius auctores essent, expensis iam ex plurimarum rationum calculo paria faciendi: Tamen atrociora vitantes, & caussam maioris calamitatis à nobis testatò remouere cupientes, vt omnibus constaret hominibus nos pacificam,

Regie

Regiae Maiestatis gratiam & clementiam, quam inimicitias experiri malle, Ciues & milites, quantum humana fieri potuit opera, prohibuimus ( quāquam ne sic quidem tot iniurijs extimulata multitudo cōerceri potuit ) ne cui damnum facerent, neue cum Regijs militibus, qui nibilo minus prædatum ad fossas fermè Ciuitatis excurrebant, manum consererent. Die verò mensis Septembris Vigesima septima, Tubicen quidam in urbem aduenit, cum schedula germanicè, sed male scripta, cuius tenorem in vicis & plateis omnibus proclamare debuerat: nec aliud quidquia in dicio penes eum erat, a quo vel quibus cum mandatis fuisset ablegatus. Non abnuit Senatus, quo minus ille mandatum exequeretur, veruntamen cum non absque periculo futurum esset, multis hominum milibus, ob incendia minoris Insulæ, & vicinarum villarum, quæ etiamnum oculis conspicisci poterant exacerbatis, ipsius tubicinis arbitrio rem cōmittit. Ille periculum facile colligens, & incepto desistere cōmodissimum ratus, cum literis quæ sequuntur ex Ciuitate deducitur.

Schedula Tubicinis ex idiomate Germanicò, quantum intelligi potuit,  
translata.

**N**on Sacra Regia Mi<sup>ta</sup>s Dominus noster clementissimus incolas huius urbis esse fideles Regni Subditos, sed quosdam suo priuato compendio studentes, eos  
**P.** falsis

falsis dictis seducere, Quasi Maiestas Regia Priuilegij s  
huius Ciuitatis detraelum ac derogatum cupiat, quod nu  
quam in animum induxit, Sed si quis quam ius infringere  
velit, esse muneris Regij vnum quemlibet penes iura sua  
conseruare actueri. Quare cum animaduerteritis quam  
fortunam illi experti sint, qui vi Maiestati Regia resisten  
re voluerunt & prohibere ne cum suo exercitu ingredere  
tur: Monet ut petant ac cupiant ipsius Maiestatis gratia  
am, nec permittant bona sua vastari, uxores, liberos &  
seipso trucidari, Si vero id non feceritis, dabit operam R.  
Maiestas, ut paucō post tempore omnes in illius manus in  
cidatis, nec mentem eius ad lenitatem aut misericordiam  
reuocare possitis, sed miseranda morte omnes cum extrema  
internitione atque excidio pereatis. Si vero gratiam eius  
Maiestatis aucupaueritis, Maiestas Regia vobis iustum  
ac debitam gratiam referet, & libertates, Priuilegia ac  
iura vestra inuiolatè seruabit.

## Literæ Senatus ad Regiam Maiesta tem Tubicini datæ.

**S**erenissime potentissimeq; Rex ac Dñe, Domine cle  
mentissime &c. Venit ad nos hodie præsentium ex  
hibitor, cum Schedula quadā, quam publicè volebat pro  
clamare, in eam fermè sententiam scripta, ut Serenissime  
Regiae Maiestatis vestræ nomine vniuersos Ciues ad Re  
giam clementiam eius complectendam, rebellionem verò  
seponendam,

58  
seponendam adhortaretur. Quod an citra periculum eius futurum esset, vniuersa plebe, propter publicas possessio-nes in omnium conspectu nuper deuastatas, nunc etiam hostiliter concrematas, vehementissime cōmota, ipsiusmet arbitrio cōmisimus: qui rebus aliquanto propius inspectis, proclamationem eam utilius censuit intermitti. Nos verò non mediocri dolore conficimur, nos & vniuersam Ci-uitatem, præter innocētiam nostram, hostilibus sanè mo-dis affligi, non à Regia Maiestate vestra (quod cogitari nefas existimamus) sed per eos, qui iam compluribus an-nis penè nihil magis quam Ciuitatis perniciem exoptant ac moluntur. Etenim quænam alia causa sit, non intelli-gimus, præter culpam nostram isthac fieri Deum et con-scientiam testes locupletissimos habemus.

Nam nec fidem & subiectionem nostram detrecta-mus, nec à ceteris Ordinibus Regni nos seiungimus, mo-dò nostris etiam iuribus, priuilegijs, libertatibus, & tot incumbentibus grauaminibus, more maiorum, rectè pro-uideatur ac consulatur. Id quod iam antea pluribus lite-ris, responsis, tractationibus abundè superq; tam disertè declarauim⁹, ut minimè nunc opus sit denuo cōmemorare:

Cæteri plerunque subditi, cum nouus princeps inau-guratur, eò sunt ad officium suum alacriores, quod libera-tates suas nouis immunitatibus auctum iri sperant, soli nos tam infelicitato conflictamur, vt nec eorum q; nunc sunt incolunitatem satis habeamus exploratam, quinimo

P y inauditis

inauditis hacenus cladibus, interim dum nobiscum vltro  
citroq; tractatur, plusquam hostiliter offligamur. Idque  
magis eò dolet, quod ne quidem Internuncios ad Regiam  
vestram Maiestatem tutò mittendi, deq; rebus nostris cum  
ipsamet sufficienter agendi, propter itinerum obsidiones,  
& publicè nunc usurpatas direptiones, eo quo necessum  
est temporis spacio facultas nobis relicta fuerit. Neque  
certè dubitamus, si nunc etiam Maiestas vestra Ciuitatis  
causam clementius attendere, remq; omnem ex Internun-  
cijs nostris maiore cum securitate cognoscere dignabitur,  
quin deinceps aequiori erga nos omnes animo sit futura:  
Nam quæ iura, quasq; libertates maiores nostri suo san-  
guine comparatas nobis tradiderunt, ea posteris intactæ  
non relinquere, perpetua cum infamia nostra dubio pro-  
cul, ipsa Maiestate vestra iudice, cōmitteremus. Quapro-  
pter iterum ac iterum humilimis precibus supplicamus,  
dignetur benignissimè Sacra Regia vestra Maiestas rebus  
his omnibus mature tractandis & ex aequo bonoq; compo-  
nendis, clementiorem aliquem modum adhibere, quam ut  
hacce terras cum fidelium subditorum irrecuperabili de-  
trimento spoliari, vri, deuastari patiatur. Faciet rem be-  
nignitati suæ Regiae planè consentaneam &c. Datum  
Gedani die 27. Septembris Anno 1576.

**E**odem etiam die Regiae Maiestatis nomine literæ, in-  
ter rusticos & colonos Insulæ minoris iam antea  
spoliatos

33  
spoliatos & electos, sparsæ sunt, quibus iubebantur ad la-  
res suos promissa securitate reuerti. Quorum nōnulli re-  
uersi sunt, verum nec ea quæ iam amiserant receperunt,  
& quod reliquum erat substantiæ, pecorum, vel peculij,  
eruptum, maciatum, vel abductum.

## Literæ Regiæ ex Polonico idioma- te translatæ.

Stephanus DEI gratia Rex Poloniæ &c.

V Niuersis & singulis Subditis nostris omnium in-  
sulae Villarum, ex quib. hoc tempore subditi nostri  
cesserunt, Significamus hanc esse voluntatem & manda-  
tum nostrum, ut quilibet sine mora ad ædes, agrum &  
facultates suas quantoq[ue] cum vxore, liberis & vniuer-  
sas subst[itu]tia reuertatur. Id si feceritis, rebus vestris, sicut  
ti antehac, securè vti poteritis. Si vero aliter facere &  
cum rebellibus habitare, & vos illis permiscere præsum-  
pseritis, non tantum domos & facultates vestras amitte-  
atis, sed etiam vitæ periculum sustinebitis.

Quare absque mora ad vestra reuertimini, certi,  
quamprimum reuersi fueritis, vos ipsis securè vsuros, &  
sub protectione nostra ita futuros, ne vos etiam minimū  
malum offendat, sub graui indignatione nostra aliter non  
facturi. Datum Grebini die 17. Septembris Anno Dñi  
1576. Regni nostri Anno primo.

Stephanus Rex.

P ij

Interim

**I**Nterim cum Grebinum, in Ciuitatis villam, Regia-  
Maiestas processisset, Internuncios eò nostros, accepta  
fide publica, bonaq; spe difficultates adhuc enatas bone-  
stis conditionibus componi posse, cum ijs quæ sequuntur  
mandatis, ablegauimus.

**INSTR VCTIO EORVM**  
quę Serenissimæ Regię M̄ti Polonię &c.  
Dño nostro clemētissimo Ciuitatis Gedanensis ex omnibus Ordinibus Internuncij, Spectabiles clarissimi & famati  
Dñs Petrus Behm Burgrabius, Tidemā-  
nus Gisius Iuris V. Doctor, Conradus  
Lemke Scabinus, et Ciriacus à Vechteld  
Centumuir, humilimo venerationis stu-  
dio proponent.

**S**erenissimæ Regiæ Maiestati Domino nostro clemē-  
tissimo, primum omnium Internuncij nomine totius  
Ciuitatis humilima obsequiorum studia, cum summa ve-  
rationis obseruantia, & inferuendi promptitudinem ab  
Ordinibus demississimè offerent. Simul Eidem Maiesta-  
ti Regalis dignitatem ac euectionē ad inclytum Polonię  
Regnum, verbis & animis humilimè congratulabuntur,  
Votis

60  
Votis omnibus Deum omnium imperiorum disp̄satores  
religiosissimē comprecantes, vt felicissimum hoc regimen  
cum ipsius Maiestatis perpetua & immortali gloria, toti-  
usq; Regni salute, cōmodo & tranquillitate coniunctum  
sit, ac inter cetera laudatissimi Regni membra h̄c quoq;  
Ciuitas clementiorem Maiestatis eius animum, quām ha-  
cenus senserunt Ordines, cum promptissimo subiectionis  
& fidei studio possit experiri.

Deinde verbis quām diligentissimis factū excusa-  
bunt, cur hacenus ad Regiam Maiestatem nomine Ciui-  
tatis Internuncij missi non fuerint. Nam pr̄ter alias dif-  
ficultates, quibus publicē Ciuitatis rationes non vno modo  
premuntur, illud Ordines magnopere distulit, quod statim  
circa Maiestatis eius aduentum in Terras Prussiæ, Ciui-  
tatis Legati vix etiam in consilio Terrarum publico secu-  
ritate sua vti potuerint, interim autem impedimenta lon-  
gè maiora superuenerunt, vijs omnibus obſessis, & belli  
terrore in agris vndique circumulato, sic vt ad Regiam  
eius Maiestatem omnis ferme nobis aditus fuerit p̄clusus.  
Quapropter humilimē petendum & obsecrandum, ne Re-  
gia Maiestas hanc moram ad ullum (quod semper abſit)  
ſui despectum, nedum ea que studio conseruandorum iu-  
rium, priuilegorum ac libertatum suarum ab Ordinibus  
necessario ſuscepta ſunt, ad rebellionis aliquod crimen in-  
terpretari dignetur.

Huic illud etiam addent Internuncij, grauifſimo  
cums

cum omnium mœrore ad Ordines referri, contumacia de-  
cretum nuper aduersus Ciuitatem esse promulgatum, post  
habitum & aquissimis rationibus, & declarationibus Ora-  
dinum de subiectionis & fidei studio non semel in mediū  
adductis: præsertim cum ea temporis angustia ne quidem  
Internuncij, cum eorum quorum interest consilio tam ce-  
leriter potuerint expediri. Quamobrem humilimis preci-  
bus orabunt, ut Regia Maiestas pro innata sua pietate,  
quam perpetuam nobis esse percupimus, clemētissimè pro-  
uidere dignetur, ne Decretum istud Ciuitati damno vel  
præiudicio sit, neue per illud ea quæ deinceps tractanda  
sunt vel impedianter, vel eius respectu grauius quicquam  
vel acerbius in Ciuitatem consulatur.

Præterea, quod ad subiectionis professionem attinet,  
quanq; Ordines æquum se petere, iampridem existimauen-  
rint, ut Regia Maiestas, more diuorum Antecessorum,  
Terris Prussiæ peculiare iusurandum daret: tamen cum  
animaduertant, Eam neutique suæ dignitatis id ducere,  
quod præsertim cæteri Prussiæ status hoc amplius nō vr-  
geant, illud saltem & Regiam Maiestatem clementissimè  
facturam humilimè confidunt, ut publico diplomate can-  
at, quod per iuramentum Cracouie præstitum iuribus, pri-  
uilegijs, & libertatibus Ciuitatis, nihil debeat derogari.

De confirmatione porrò immunitatum & priuile-  
giorum suorum, exemplo Diuorum Regum Antecessorū  
solennib. literis edenda, minus eò dubitant Ordines, quod  
eandem

eandem Regia Maiestas ceteris Terrarum Prussicæ statibus partim clementissime præsttit, partim etiam liberalissimè cum augmento promisit. Petunt autem humilimè, ut eo præ ceteris exemplo quo Diuus Sigismundus fecit, Confirmatio perscribatur.

Tandem cum plurima sint grauamina superioribus annis cōtra Ciuitatis iura, priuilegia, libertates, antiquissimas consuetudines ingesta, quæ sunt eiusfermè generis, ut nisi cūm abrogentur tūm emendentur, Ciuitatis status incolumis conseruari minimè valeat, quām possunt Ordines humilimis precibus, et summo quo debent subiectiōnis studio petunt, obsecrant, orant, supplicant, ac obtestantur, ut Sacra Regia Maiestas in conseruando vniuersæ Reipublicæ statu tranquillo & felici, Ciuitatem hanc etiā saluam & incolumem permanere, offensiones omnes & quicquid inde difficultatis secutum est, penitus aboleri, quodq; maximum est ijs grauaminibus exonerari eò clementius velit, quo fidem eius in posterum experiri constantiorem exoptet.

Vellent quidcm Ordines, atque id maximè se decere non ignorant, & sēpe quidem illud cogitarunt, & nunc cogitant, cum Regia Maiestate tot grauaminum incumbentium rationes, & quicquid iisdem adhæret difficultatis, per Internuncios suos in eam rem mittendos, humilimo cum obsequendi studio tractare, iisdem remedium alio quod oportunum inuenire, ac si fieri posset, etiam simul

*Q* & semel

¶ semel, cum eius Maiestatis benignissima aequitate, &  
Ciuitatis vniuersae cōmodo easdem terminare atque com-  
ponere: Verum eiusmodi res sunt, vt nec tam angusto  
spacio confici possint, nec Ordinibus integrum sit, Inter-  
nuncius quibus uis aliò mittendis rei summam committere,  
nec omnino nisi præsentibus Ordinibus commodiè valeant  
expediri.

Proinde si Regie Maiestati clementissime videre-  
tur, hac in parte Ciuitati quidpiam indulgere, eiusdem be-  
nignissimo subiiciunt Ordines arbitrio, num ex Maiesta-  
tis suæ Consiliarijs quosdam, Ciuitatis huius rationum nā  
imperitos, neque suspectos, sed pacis & reipublicæ aman-  
tes, diligere velit, qui cum ordinibus pacatè omnibus de-  
rebus sufficienter tractent, & vna cum ipsis rerum harū  
finem commodissimum dissipiant, priusquam Ordines ad  
insurandum adigātur. Sperant Ordines si benignius &  
pacatius aliquantum agatur, non difficulter alijs etiam  
remedys, & ad Regie Mts voluntatem, & totius Regni  
tranquillitatem, simul & Ciuitatis huius incolumitatem  
posse bona cum gratia perueniri. Sic etiam, Ordinibus in  
ipsa re qua de agitur præsentibus, dubio procul appareret,  
ea qua nunc fiunt, non quorūdam priuato studio compo-  
ni, sed publico omnium decreto suscipi.

Hoc pacto Regia Mts vltrò sese molestijs hisce  
liberauerit, nec opus sit maiori quo piam incōmodo, quam  
haclenus eius satis superque fuit, Ciuitatem & viciniam  
omnem

omnem aggrauari, sed hoc potius Regalis esse clementiae  
maxime proprium benignissime statuere dignabitur, quo  
modo rebus omnibus tranquillis, benignioribus & hone-  
stis rationibus huic Ciuitati eque ac cæteris Prussie Sta-  
tibus, quam optimè clementissimeq; consulatur.

Ordines huius Ciuitatis vniuersi vicissim nec fidem  
nec subiectionem Regiae Maiestati prestantam, nec quic-  
quam aliud in æquitate positam detrectant vel recusant,  
nedum ut à vetustissima suorum maiorum incorporatio-  
ne vel latum vnguem discedere concupiscant, saltem illis  
& de iuriū indemnitate, & grauaminum abolitione,  
maiorum more rectè sincereq; prouideatur.

Quod postremò supereft, Serenissimae Regiae Ma-  
iestati, subiectionis & inseruendi cupiditatem, cum hu-  
milimo gratificandi studio, Ciuitatis huius omnes Ordin-  
es pro summis suis facultatibus exoptant esse semper &  
vbiique perspectissimam. In cuius rei &c. Datum Gedan-  
ni die xxjx. mensis Septēbris Anno Dñi M. D. Lxxvj.

**H**is expositis, Magnifici & generosi Dñi Palatin⁹  
Cracoviensis & Regni Procællarius delegati sunt,  
qui de rebus p̄sentib⁹ multa cum Internuncyis vltrò citroq;  
priuatim verba facerēt: neq; spes in eo colloquio videbatur  
deesse, quo min⁹ res oīs pacifice & honeste transigeretur:

Q 2 tandem

tandē autem die postero p̄ter expectationem, coram Regia  
Maiestate conditiones quādam Internuncijs p̄positae sunt  
in urbem referendā, his nimirum verbis conscriptæ:

- 1 Militem dimittant,
- 2 Iuramentum præstent,
- 3 Extraneos eiſciant, qui iurati nō fuerit,
- 4 Priuilegiorum confirmatio dabitur &  
miles ex Prouincia à nobis educetur,
- 5 Ad Comitia Regni veniant,
- 6 Suplices veniam deprecentur,
- 7 Decretum subleuabitur suis modis,
- 8 Grauamina quæ iusta videbuntur au-  
ferentur.

**A**D hasce conditiones necessarium videbatur respon-  
dere, & Regiae Maiestati, quid hac in parte Ciuita-  
tis rationes paterentur, humilimo studio demonstrare.  
Quapropter Internuncij denuò missi, cum eo responso, &  
vltoribus mandatis quæ sequuntur.

Responsum Ordinum ad Articulos Ser:  
Regiae Maiestatis nomine, Ciuitatis Internuncijs nu-  
per propositos. Datum die 4. Octobris Anno  
Dominii M. D. Lxxvi.

Quid

**Q**uid Sereniss. Regia Maiestas ad proximam legationem Internuncij huius Ciuitatis respondere dignata fuerit, Ordines ex illorum relatu, quo par est humilimo venerationis studio, sed non absque ingenti animorum mœrere cognouerunt. Quod eo vehementius omnibus dolet, quod maiori non modò cum difficultate, sed etiam summo cum iurium, priuilegiorum, ac libertatum præjudicio, famæ, fortunarum & vitæ periculo, conditio-nes eas quæ scripto propositæ sunt coniunctas videmus.

1. Ac primum quidem militis conscribendi non ea fuit Ordinum intentio, quod quempiam offendere vel iniurijs afficere, nedum rebellionis speciem præ se ferre vellent. Sed quod Ciuitatem in hoc pericolosissimo statu rerum ab hostili inuasione defendere cuperent, quod & antea factum, & à Serenissimis Regibus approbatum est. Varij primū ex Germania, Dania, & Suecia, sparsi sunt rumores, de bellicis apparatibus, & nunc etiam sparguntur, quibus improviso Ciuitatem opprimi, nec ex Ciuium vsu, nec ex totius Poloniae Regni cōmodo fuisset futurum. Deinde ab alijs etiam, à quibus minimè debuit, non horrendæ solum cōminationes, de cædibus, rapinis, & vastationib. in Ciuitatem factæ, verum etiam armata manu publicæ priuatæq. possessiones direpta: nec obscurum est, quam atrocia nunc etiam Ciuitati & incolis minitentur. Quas de re vim & iniuriam à corpore suo, ab uxoribus, liberis, & fortunis impunè ppulsare naturalis etiā ratio pmittit.

**Q**uij

Enim uero

Enim uero si vis metuenda non esset, si more maiorum ageretur, & res omnes benignius aliquantò quam nunc apparent tractarentur, ad militis etiam dimissionem facilius posset perueniri.

2. Ad iuramentum præstandum quod attinet, nunquam illud recusarunt Ordines nec adhuc recusant, modò vicissim illis de iurium ac libertatum indemnitate, deque grauaminum abolitione prospiceretur. Quod uti per se equissimum est, ita nihil nouum vel peculiare præ cæteris petere videntur, cum & Lithuanis & reliquis Prussia Statibus ita cautum audiāt, eo disertè addito, ut nisi illa iniulata seruarentur, nec ipsi quidem iureiurando suo tenerentur. Hunc in modū si Ciuitatis etiā Ordinibus re integra, rectè caueretur, omnium incolarum animi, quibus alioquin isthac actiones plurimum suspectæ sunt, ad præstanda quæ suæ essent fidei officijs, longè essent futuri propensiores. Interim illud etiam equissimum putant Ordines, ut antequam iuramentum præstent, contumacia Decretum, & offensæ cæteræ ex superioribus actionibus ortæ sic aboleantur, ne cui publicè priuatimue sint fraudi, periculo, vel detimento.

3. Quod ad extraneos nō iuratos attinet, ut eos urbe pellamus, quantæ difficultatis, atq; adeò quàm impossibile iam antea fuerit, in superioris Cōmissionis negocio nō nos solum satis experti sumus, sed ipsi quoq; Dñi Cōmissarij taculenter testabuntur. Non incognitum est tam merca-

tores

63

tores q̄ opifices manuarios, libertatem plerūq; sectari, Ciuitates vbi liberè suis legibus ac moribus viuant frequentre, ceteras vbi quois grauamine premantur deserere solere. Quod h̄c etiam v̄su venit, in negocio Cōmissionis, cum ab opificum seruis iusurandum exigebatur, vt non solum singuli magistrorū operas relinquerēt, sed agmina-  
tim etiā ex Ciuitate, nō sine publicæ trāquillitatis periculo discedere properarēt. Quapropter cum hoc iam antea ēt per-  
riculosum & impossibile factu inuētum fuerit, humilimē  
petūt Ordines p̄uideri, ne inusitato isthōc exigendi sacra-  
mēti ḡnē, cum extraneis quorū operis & cōmercijs Ciuitas  
minimē carere potest, maior aliqua difficultas excitetur.  
Non solum enim hoc modo à Ciuitate abigētur, sed etiam  
alibi nostrates eodem exemplo simili onere grauabuntur.

4. Priuilegiorum confirmationem, vt si semper petue-  
runt, ita nunc etiam petunt Ordines, non verbottenus so-  
lum edi, sed multò magis reipsa benignissimē pr̄stari.

5. Ad Regni Comitia quod attinet, cū Terrarū Prussiæ  
priuilegio disertè cautū sit, vt oēs cauſae notabiles Terras  
Prussiæ cōcernentes, cum consilio Consiliariorum Prussiæ  
termimentur ac definiantur: existimant Ordines hunc in  
modum Ciuitatis etiam huius rationes & grauamina  
idoneè posse traſtari, componi, & terminari.

6. Vt autē supplices, cū existimationis infamia, veniā  
deprecemur, nulli nobis facinoris conscijs sum⁹: quinimò  
Sereniss. Reg. M̄tī demissē supplicam⁹, vt si quām de no-  
bis finis

sinistram concepit suspicionem, eam ex animo clementissimè amouere, & vicissim quicquid superioribus actionibus contra libertates & priuilegia, vel in Ciuitatis detrimentum attentatum fuit,

7. Inprimis autem, quicquid ex memorato Contumaciae decreto præiudicij existit, non suis tantum modis subleuare, sed etiā penitus abolere clementissimè dignetur.

8. Grauamina certè tanta sunt, partim iuribus, priuilegijs, & perpetuis consuetudinibus aperte contraria, partim etiam alijs quibusdam medijs iniquè admodum ingesta, ut nisi æquior quam hactenus illorum ratio habeatur, Ordines nihil omnino præsidij vel in ipsis priuilegijs vel in illorum Confirmatione sibi relictum esse videant. Maiores nostri qui Ciuitatem hanc condiderunt, libertates suo sanguine comparatas per manus nobis tradiderunt, eas quod posteris etiam intactas conseruare studemus, nemō certè meritò reprehendere potest. Quinimò si neglexerimus easdem, si vitam vel fortunas cariorem illis habuerimus, summae nobis apud posteros infamiae loco sit futurum. Nullus hic est Regiae Maiestatis contemptus, nulla dignitatis Regalis imminutio, nullum rebellionis argumentum. Id demum in votis solum habemus, ut saluis & ilæsis iuribus ac libertatibus, abolitis grauaminibus, sub protectione, auctoritate, & dominio Serenissimæ Regia Maiestatis, æquè ut cætera Regni membra, tuto pacifice degere possimus.

Quapropter

Quapropter cum petitiones nostræ summa nitantur  
æquitate, iterum ac iterum humilimis precibus Ordines  
supplicat, ut Serenissima Regia Maiestas deinceps etiam  
clementioribus rationib<sup>9</sup> nobiscum agere dignetur, quām  
ut nos in manifestum iurium, libertatum, priuilegiorum,  
vite, & fortunarum discrimen conyici patiatur.

Hoc pacio nostrorum omnium tranquillitati recli-  
us consuluerit, & felicissimi regiminis auspicium cum  
summa sua laude, cum vniuersi regni commodo, cumq<sup>ue</sup>  
Subditorum incolumitate stabiluerit, omnes autem Ci-  
uitatis huius Ordines & incolas ad præstanta subiectio-  
nis officia debita, perpetuo ac fidelissimo inferuendi stu-  
dio, Diuorum Regum Antecessorum exemplo, longè sibi  
reddiderit deuinclissimos. In cuius rei fidem &c.

Instructio eorum quæ ad Ser: Regiam  
Mtēm Poloniæ etc. noīe Ciuitatis Gedan-  
nensis, omniū Ordinū Internuncij Spe-  
ctabiles clarissimi & famati D. Petrus  
Behm Burggrabijs, Heinricus Lemke  
Iuris Doctor Syndicus, Conradus Lēke  
Scabinus, & Ciriacus à Vechteld Cen-  
tumuir, denuo referēt. Data die 4. men-  
sis Octobris Anno Dñi 1576.

R Sereniss:

**S**erenissimæ Regiæ Maiestati Ciuitatis Internuncij  
quanta fieri debet venerationis obseruantia, post  
delata obsequiorum paratissima studia, iterum ac ite-  
rum diligenter ad animum reuocabunt, quām variae &  
difficiles sint Ciuitatis huius rationes ex superiorib. actio-  
nibus oriundæ, sic ut necessario rerum omnium tractatio-  
nes vltro citroq; intra Ciuitatem suscipi iamdudum Ordin-  
nes petiuerint, ac eandem ob causam fidelitatis iuramentū  
tantisper protulerint, quoad de iure iurando Regio, de  
confirmatione priuilegiorum, ac demum de grauaminum  
abolitione rectè fuisse prouisum.

Cæterum cum animaduertant Ordines Serenissimā  
Regiam Maiestatem ab omnibus tractationibus prorsus  
alienam esse, priusquam iuramentum prestatetur, Ciuitatis  
autem rationes non patientur, ut sine cautione de iuribus,  
priuilegijs & libertatibus illæsis, ad iuramenti vinculum  
Ordines procedat, ideo vellent Ordines ut media quadam  
via, sine Regiæ Maiestatis, & absque iurium nostrorum  
detrimento de reipsa conueniatur.

Quod hoc maximè modo fieri posse existimant, si  
consentire dignetur Regiæ Maiestas, ut literam exem-  
pla, quibus declarationem iuramenti Regi, nec non for-  
mam confirmationis priuilegiorum, & abolitionis graua-  
minum, edere velit, Ordinibus exhibeantur.

Quibus, si verbo Regio, idoneè sibi cautum esse vi-  
debunt, tum demum Ordines iuramentum more maiorum,

& subie-

65  
¶ subiectionis fidem nō detracabunt, sic tamen ut iuxta  
præstatum iuramentum ea diplomata in forma Originali  
simul concedantur.

Illud autem in primis Internuncij cauere curabunt,  
ut pace Religionis promissa, isthæc etiam clausula confir-  
mationi Priuilegiorū inseratur: Nisi illa salua & illæsa  
conseruentur, ne Ciuitatis quidem Ordines iureiurando  
suo teneantur. Deinde, ut contumaciæ decretum, ac om-  
nes offendæ ex superiorib. actionibus exortæ penitus abo-  
leantur, nec cuiuis publicè priuatimue sint fraadi, pericu-  
lo, vel detimento.

His ita Conuentis non recusant Ordines quo minus  
in verba Reg. Maiestatis iurent, & subiectionis ac fidei  
debitum præsent. In cuius rei fidem &c.

**Q**uae cum non candidè minus quam fideliter à nico-  
bis proponeretur, in alienum tamen sensum, ma-  
xima cum indignatione, perperam suscepta fuisse, respon-  
sum Internucij in eam rem datum, manifestius ostendit.  
Ut ex eo facile fuerit intellectu, non ab ijs isthæc concinna-  
ri, qui pacificam aliquam transactionem optent, sed ad  
Ciuitatis potius perniciē ac euerisionem consilia instituant.  
Nec enim vel æquissimas petitiones nostras admittunt,  
nec rationibus æquabiliter reieclis cōmodiora proponunt,  
sed repetitis saltē superioribus conditionibus, multas in-  
super criminationes, & contumelias, verbis ignominiae

Rij plenis

plenis accumulat, quibus Ciuitatis existimationem, libera-  
tates, & iura subuertere conantur, quod ex ipsius Re-  
 sponsi contextu liquidius apparebit.

RESPONSVM NOMINE  
Sacræ Regiæ Maiestatis datum nuncijs  
Gedaneñ Grebini die vj. Octobris  
Anno Domini 1576.

**Q**uod à Deo optimo maximo Sacra Regia M̄tas  
summis precibus flagitabat, ne ciuilibus armis im-  
plicaretur, sed tantum aduersus externos & perpetuos  
nominis Polonici hostes, operam suam Reipub. nauaret,  
eius voti se iam non fore compotem, Ciuitatis Gedanensis  
superbia & temeritate impeditum videt, atque hanc sibi  
felicitatem erectam esse vehementer dolet.

Ac in primis testatur, huius quæ sequetur calamiti-  
tatis, ipsos sibi Gedanenses causam fore, qui non solum  
ipsius Serenissimi Regis ac Regni M̄tem, temere ledere  
in animum induixerint, verum etiam saepius à Regia Ma-  
iestate plane paterne admoniti, ad officium redire nolue-  
rint, clementiaq; Regiæ Maiestatis, ac patientia, quæ om-  
nino iustum dolorem exuperarent, abusi, eo magis magisq;  
insolecerent.

Quod eo clarius liquebit, si spatium proximè p̄teriti  
temporis memoria repetere, & ea quæ ab ipsis indies com-  
mittebantur,

mitiebantur, & à Regia M̄tē miti & patienti animo fe-  
reabantur, recognoscere, & secum adhibito recto iudicio  
reputare voluerint. Constatibit certe Regiam Maiestatem  
paterno prorsus erga illos affectu, magis de ipsis errore le-  
uandis, quam seueritate exercenda, cogitasse, nec tam il-  
lorum opprimendorum occasionem, cum s̄epe & tantum  
temporis illis, vt ad meliora & saniora consilia redire  
possent, impertiuerit, quam conseruandorum, vt diutius  
florere, & beneficijs Regni sui, ac suis frui possent, mo-  
dum ac viam quæsiuisse.

Principio Sacra Regia Maiestas, Ordinibus Terra-  
rum Prussiæ conuētum cōmunem permiserat, vt de com-  
muni consilio, legatos legere, ac per ipsos à Regia M̄tē,  
ea, quæ ex v̄su ipsorum forent, petere possent. Conuentu  
illo habito, legati sunt lecti, qui vna cum Consiliarijs ip-  
sarum Terrarum, professionem solennem subiectionis  
Regiæ Maiestati facerent, confirmationem iurium pete-  
rent, Cæteri omnes Torunium venerunt, confirmationem  
iurium à Regia M̄tē obtinuerunt, ipsi quoq; iuriurandum  
illi dederunt. Illustriſſimus item in Prussia Dux, Regni  
Poloniæ beneficiarius, sub idem tempus, literis ad Regiā  
M̄tē Brestam missis, fidem suam erga Regiam M̄tē  
testatus est. Sola v̄rbs Gedanensis se non modo à Regno,  
sed & ab ipsa Prussia, in qua sita est, seiunxit. Cūm vna  
cum alijs Prussiæ ordinibus cōuentum obiuiisset, nō modo  
officio suo non satisfecit, verum ne legatos quidem ad Re-  
giam M̄tē misit. R iiij Hoc

Hoc insigni fastu & temeritate, nihil cōmota Regia Maiestas, vltro Gedanum misit Reuerendum Dom. Episcopum Culmensem, & Magnificum Palatinum Bresten, primarios Regni Senatores, illos ipsorum fidei ac officij admonuit, iusurandum requisivit, confirmationem priuilegiorum ac immunitatum promisit. Nihil hoc apud illos valuit, imo fortasse maioribus aucti spiritibus, eo contumeliarum processerunt, ut familiares Magnifici Paltini Brestensis, viros nobilibus familjs ortos, violarent.

Cum Regia Maiestas Mariemburgum progressa esset, & eō Senatores illi, ad ipsius Maiestatem Gedano rediſſent, legationemq; renunciassent, et si Maiestas ipsius, ob contemptum & regni & sui, indoluerit, nihil tamen, pro insita sibi à natura benignitate, & altitudine animi, vi agere voluit, cum subditis regni non armis sed legibus ac iudicio certandum putauit. Itaque ab Inſtagore Regiae Maiestatis in iudicium vocati sunt. Ab illis vero interim miles, maioribus etiā bombardis instrūctus, Urbe eductus, ad aliquot milliaria, propeq; oppidum Dirſauiam, in quo Regiae Maiestati Toruniū reddituro comætus apparabatur, loco flumine, fossa, ac aggere munito, oppositus Literis Regijs, quibus dies iudicij dicebatur, Gedanum delatis, non plus profectum est, quam vt litteras, quæ serò & contumacia iam à scriba cum citati non responderent annotata, allatæ sunt, mitterent, unas ad Regiam Maiestatem, alteras ad Senatores regni, qui illius

Maiestati,

Maiestati adessent, quibus non modo delictum suum ele-  
uarent, sed quæ molirentur, optimo iure ac consilio se fa-  
cere, prope gloriarentur.

Ea tamen & tum humanitas ac benignitas Regiae  
Maiestatis fuit, ut diem promulgandi decreti prorogaret,  
& Senatoribus regni permitteret, ut illis responderent,  
cauillationes factiosorum quorundam, sua fortuna mi-  
nime contentorum astu inuentas, refutarent, detersaque ab  
oculis miseræ multitudinis caligine, ad quietiora & salu-  
briora consilia Civitatem hortarentur.

Causas has cur Maiestatem Serenissimi Regis &  
regni, quam reliquæ omnes cōmunis Reipub: terræ, Ciui-  
tates, ac ordines colerent, se culturos solenni interposita  
ceremonia profiteri nollent, has adferebant. Vnam, quod  
illi vrbi, à Regia Maiestate iure iurando de seruandis in-  
ribus illius prius caueri oportet. Alteram quod pax &  
amicitia, cum Cæsarea Romanorum Maiestate, & eius  
consortibus, antè componenda & sancienda esset. Terti-  
am quod actiones superiorum temporum, quibus illa Ciui-  
tas grauata sit, tollere & abrogare Regia Maiestas prius  
itidem necesse haberet.

Que omnia quam aliena essent, à pristina Ciuitatis  
istius, in regnum ac reges Poloniæ fide, & iuribus ac in-  
stitutis communis Reipub. quamque perniciose, non modo  
Poloniæ regno, verum & omnibus Christianis imperijs,  
& rebus publicis exemplo inducerentur, illis regni consti-  
lary demonstrarunt. Vnicam

Vnicam scilicet vrbē seorsim ab omnib. terris Regni, & ipsis Terris Prussiæ iusurandum à Rege peculiare exigere, scripsisse ipsos, Ciuitatem Gedanū, libera repub. Regni Poloniæ contineri. At vero separatim conditiones Regi ferre, separatim iusurandum exigere, non eius esse, qui cōmunione eiusdem Regni contineatur, sed potius vi-  
cini, aut peregrini. Non cōuenire hæc sponsioni, qua Rei-  
gi Casimiro eiusq; successoribus, ac Regno, à maioribus  
suis obstricti esset, se cum posteris suis in perpetuum, ipsi  
ac eius successoribus, fideles & subiectos, vt cæteri eiusdē  
Regni incolæ essent, fore, nec se vñquam à Regno Polo-  
niæ, cuius corpus individuum essent, seiuecturos. Quod  
vero cauillarentur Sigismundum Regem de iureiurando  
separatim terris Prussiæ à filio dando cauisse, id in priuilegio  
Sigismundi nou reperiri. Teneri quidem Reges ad  
iusurandum Terris Prussiæ dandum, sed cōiunctim cum  
alijs terris Regni. Non teneri vero ad dandum separatim  
terris Prussiæ, & multo minus vni Gedano, Iurisurandi  
exigēdi tempus esse circa coronationem quam cum Reg-  
no Terra Prussiæ, vt est in priuilegio Casimiri, cōmunem  
haberēt. Ita Reges, ac ipsum Sigismundi filium Augustū,  
se iuramento cōmuniter Terris Prussiæ, ac reliquis omni-  
bus obstrinxisse, nec ad peculiare iusurandum, sed tantū  
ad declarationem, quæ extat, quod illius iusurādum Cra-  
couiæ omnib. terris ac ordinibus Regni datum, ad Prusa-  
sos p̄tineat, adactum. Eodem modo Serenissimū Regem,

qui

qui nunc rerum potiatur, Cracovie iurasse, & similem  
declarationem Consiliarijs & Ordinib. Prussicæ, quod co-  
ronationi non adfuerint, Toruny dedisse, qua accepta, illos  
in verba Regiae Maiestatis iurasse. Cæterum leue & pu-  
tidum esse, quo quidam Ciuitatem terrorent: iurisurandi  
Regij formula, illis tantum priuilegijs caueri, que iuri  
communi Polonico & Lithuanico non essent contraria:  
Itaque iureiurando regio iura Gedaneñ, quod illis nihil  
magis sit contrarium Iuribus Polonicis & Lithuanicis  
abrogari. Etenim hoc manifeste pertinere, non ad ius pe-  
culiare & priuatum Poloniae & Lithuaniae, sed ad ius  
comune (quod verbum est in formula iuramenti) totius  
Imperij Polonici & Lithuanici. Nullam gentem vñquā  
fuisse, quæ aliter de iure priuato leges scierit, quā vt nisi  
quid in aliqua, cōtra rem publ: eiusq; Maiestatem rogatum  
foret, eius rei nihil rogatum fuisse iudicaretur, nullumq;  
imperium, ac nullam rem publ. coalescere, aut tempus ali-  
quod vel breuissimum consistere potuisse, in qua in legib.  
de iure priuato ferundis, ius imperij ac Reipub. non fuerit  
exceptum. Recognoscerent sua priuilegia, cognituros, an  
in illis D. Reges Poloniæ iuri publico derogare voluerit?  
Comune vero hoc ius ac publicum totius Reipub. esse, ac  
non solum Poloniæ & Lithuaniae, verum & cæterarum  
omnium eius Terrarū, in quibus sunt Terræ Prussicæ. Non  
ita pridem bina imperia, binasq; respub. fuisse, Poloniæ  
& Lithuaniae, & modo ante septennium in vnum im-

S perij

perij vim ac ius contulisse. Quid longo ante interuallo,  
Prussia cum Polonia cōmunicatum habuerit, propterea q̄  
Terrarum & gentis Polonicae appellatione veniat, vt in  
illa sponsione, de qua diximus, ipsi Prussi profitentur,  
Terras scilicet Prussiae, in ius ac titulum Regni Poloniae  
concessisse.

Quam vero illam alteram conditionem esse, quam  
Regiae Maiestati, de pace cum Cæsarea Romanorum Ma-  
iestate, eiusq̄ confortibus cōstituenda ferrent? Regia qui-  
dem Maiestatem, tanq̄ Principem Christianum cupere,  
vt cum omnibus principib. christianis pacem habere pos-  
sit, sed summam indignitatem esse, vnicam urbem, Regi  
& vniuerso regno belli & pacis modum præscribere, nec  
nisi illius præscriptum seruetur, officio suo fungi velle.  
Nunquam hoc non modo uni urbi, sed ne prouinciae qui-  
dem licuisse. Hac in re summam auctoritatem & vim  
imperij consistere, quam qui sibi arrogaret, eum Maiesta-  
tem Regni non modo lädere, sed euertere.

Nec postremum caput de grauaminibus, satis illos  
excusare, quod non statim officio suo satisficerint. Prius  
enim solenni professione ab illis declarandum, quod à com-  
munione Reipub. non recedant, deinde in cōmuni concilio  
Reipub. ac eius terrarum, de iniurijs agendum esse. Ete-  
niam Regi iureiurandi formulam satis demonstrare, post  
iuriandam Regiae Maiestati datum, semper & Gedan-  
nensibus, & ceteris tempus superfore, de grauaminibus  
libere

liberè conquerendi, ac pér Ordines admonēndi Reg. Ma-  
iestatem. Certe Regiam Maiestatem de subditorum suorū  
iniurijs iure cognoscere, non de facto constituere debere.  
Cognitionem autem quomodo à Regia Maiestate, illos, qui  
eam pro Rege non agnoscerēt, requirere & poscere posse?

Addebat præterea Senatores: Hæc non modo in-  
tempstiue, sed etiam seditiose flagitari, vel potius à qui-  
busdam res nouas molientibus omnia turbari, & cæteros  
cives seduci. Etenim nullam Legationē ad Regiam Maie-  
statem post illius coronationem à Gedanensibus missam  
esse. Imo contra cum exteris communicata consilia, non  
modo iniussu Regiae Maiestatis & regni, sed contra  
Regiam Maiestatem & regnum exercitum ex milite ex-  
terno comparatum, portas clausas, tormenta, ac præsidia  
disposita, extra urbem militem collocatum, Legatorū Reg.  
Mīs, & Senatorū regni familiares, homines nobiles vio-  
latos. Quæ si non essent crimina lœse Maiestatis, nullam  
certe rationem lœdendæ Maiestatis Regiae et regni reperiri  
posse. Etsi nondum iurarint Regiae Maiestati, tamen illos  
iam iure iurando teneri, quo se illius Antecessoribus, eo-  
rumq; successoribus, ac regno in perpetuum obligarint.

Regiam tamē Mīem interim toties laceſſitam, vt  
clementem & benignū principē, non vi sed admonitionib:  
primū, deinde legib. agere voluisse. Cōtumatio iā adnota-  
ta, cū sero vix litteræ ab illis allatæ esset, se pro officio Se-  
natorio, quo teneretur omnī regni hominū salutis et for-

S y tunarum

tunarum curam habere, ipsius Maiestatem, ut promulgationem decreti in perendinum differret, orasse, idq; à pi-  
entissimo & benignissimo principe impetrasse. Cum ipsis  
omnibus humanitatis officijs, pro cōmunione Reipub. sa-  
tis factum sit, monere & obtestari, ne sibi ipsi deessent.

In memoriam reuocarent, à quibus Gedanum con-  
ditum sit, deinde vero quam durum iugum, ab exteris, per  
speciem auxilij ciuilibus bellis occupato Vladislao Reg-  
interceptum, pertulerit, à qua tempestate, quæ illi ac eius  
ciuibus impendebat, per Casimirum Regem eruptum &  
liberatum fuerit, ut mercibus Poloniis diutatum, beneficijs  
ac immunitatibus à Regibus Poloniae auctum sit.

In hanc ferme sententiam literæ Senatorum scriptæ  
erant, quibus altera etiam Salui conductus Regiae Maie-  
statis, ne quis fingere posset, non fuisse securum aditum  
ad Regiam Maiestatem, adiunctæ.

Quibus Gedanum per familiarem Magnifici regni  
Marschalit, iuuenem nobili ac clara familia natum dela-  
tis, & Magistratui Urbano redditis, nihilominus in pri-  
stina animorum obstinatione permanserunt, vix ab illis  
pauis verbis amplissimis regni Senatoribus prope con-  
temptum responsum est, in familiarem Marschalciregni,  
dum Urbe exiret, lapides iacti.

Quid igitur in hac tanta indignitate Regiae Maie-  
stati faciēdum fuit? Eos qui iam iudicio comperendinato  
venire contempserant, rebelles promulgauit. At enim vel  
in obscuro

in obscuro criminis citatum non respondentem cōdemnare  
non licet? Tanto vero magis in remanifesta. Num enim  
tumultus, seditio, portarū occlusio , militis externi in vrbem  
ingressus, eductæ ex urbe copiæ obscure esse possunt?  
aut num rebellio quævis latere potest? Proptereaq; anti-  
quitus lata lex, non nuper excogitata sit, eos esse damna-  
tos rebellionis, non qui sententia principis condemnati es-  
sent, sed qui illi rebellariint.

Inde Regia Maiestas Dirſauiam prefecta, non mo-  
do oppositas Gedanensium copias, munimentumq;, haud  
procul ab oppido reperit, verum etiam suos ab illis lacer-  
tos cognouit.

Fecit quod Regem dignitatis suæ memorem facere  
decebat, ne perduelles damnatos vires ostentare, ac sibi ini-  
fultare, impune pateretur. Immissis aliquot exercitus sui  
equitum turmis, ac cohorte peditum, ex munitione illos  
eiecit, conciditq;, et quicquid peditum equitumq; urbano-  
rum in agris fuit in urbem compulit, desertaq; à perter-  
ritis metu loca, occupauit.

Ac ne hoc quidem rerum statu optimus Rex, clemē-  
tiae, ac benignitatis oblitus tubicinem in urbem misit, per  
quem illos ut redirent ad saniorem mentem, postquam iam  
incēmodi belli sensissent, hortabatur, si statim resipiscer-  
ent, eos se in gratiam recepturum, nec quidq; de pristinis  
illorum immunitatibus detracturum.

Progradienti ad urbem Regiae Mti, obuius sub vro  
S iij besit

be fit tubicen cum literis Gedanensium, supplicabant, ut  
illis Regia Maiestas securitatē mittendorum nuncio: un  
concederet. Senatores qui aderant, eos iam resipuisse exi  
stimantes, quod satis humili, & Maiestati Regis conueni  
ti verborum genere in literis vterentur, à Regia Maiesta  
te, id vt faceret, contenderunt. Nec grauatim Reg. M̄tās,  
ijs assensa est, quod castigata extēnorū militū, qui  
in regnum alienum temere venerant, audacia, subditorū  
suorum sanguini parcendum putaret.

Litteræ igitur securitatis nunciorum in quatridu  
um, xxvij. Septembris die mane in Vrbem illatæ, dies  
sequens primo illorum aduentui designata. Quam nō ser  
uarunt excusatione, quod breuis esset, v̄si. Altera dicta  
est deinceps dies xxx.

Qua cum legati ad Regiam Maiestatem venissetis,  
meministis nos, ita verba fecisse. Ut primum Regiæ M̄tī  
accessionem regni gratularemini, votaq̄ pro eius salute ac  
felicitate faceretis, deinde vero non missorum post aduen  
tum Regiæ Maiestatis in Prussiam ad illud usque tempus,  
legatorū, culpam, in metum periculi, ac terrorē belli, &  
obsessa itinera conferretis, de verbis de iure cōmuni in iur  
risurandi formula eadem, que in litteris ad Senatores  
perscripta ante erant, repeteretis, diploma confirmationis  
immunitatum & priuilegorum eo exemplo, quo à D. Si  
gis mūdo editum erat, posceretis, ac item ab illius Maiestate  
peteretis, vt decretum contra vos latum, aboleretur, &  
aliqui

aliqui ex Senatu mitterentur, qui grauamina, quibus Ci-  
uitatem oppressam esse diceretis, tollerent.

Quibus in rebus à vobis expositis, et si causa legato-  
rum non missorū in pericula itineris frustra conferretur,  
et Gedanenses, nondum cognita sua conditione, leges  
transigendi negotij Regiae Maiestati ferre non accipere  
viderentur, tamen iam à pristina ferocia longe recessisse  
judicabantur, quod nec iuramentum peculiare amplius exi-  
gerent, nec contumaci ac inflato genere dicendi vterentur.  
Ita moderationi verborum, moderatos illorum animos re-  
spondere existimās, faciles admodum, et quibus integris  
rebus, nec Maiestate sua lēsa tenerentur, conditiones illis  
ferendas Regia Maiestas existimauit.

Itaque postridie vobis nomine illius Maiestatis re-  
sponsum est, ciuibus vestris renunciaretis, vt militem di-  
mitterent, iusjurandum darent, externos qui iurare nol-  
lent, vrbe submouerent, Regiam Maiestatem exercitum  
suum ab vrbe, et ex prouincia abducturam, ac cōfirma-  
tionem iurium daturam. Venirent item ad cōcilium com-  
mune regni Torunium indictum, supplices veniam de-  
precarentur. Quod ubi fecerint, decretum suis rationibus  
tolleretur, grauamina, quæ liquebit iniuste fuisse irroga-  
ta, abrogarentur.

Quibus conditionibus, quid aut æquius, aut clemē-  
tius requiri potuit? militem ab ijs exauctiorari, qui non  
modo contra regni huius, verum etiam omnium gentiū ac  
populorum

populorum instituta & leges illum conscriperint? & cō-  
scriperint in externis prouincijs, ac in pacatum regnum  
adduxerint, adduxerint vero ad euertendum in vrbe Re-  
gia, ius & potestatem Regis ac Regni? Exauctorare au-  
tem hac lege, vt & ipsa Regia Maiestas suum educat ex-  
prouincia? Quæ alia vñquam conditio de dimittendo ex-  
ercitu, vel infensissimis hostibus proponi poterit, si hac  
apud subditos locum non habuit?

Iurare autem eos, qui sine periculo infamia, iusu-  
randum refugere nō possent, cum Serenissimi Regis Ma-  
iestatem omnes terræ, Ciuitates ac ordines colant, à quib.  
illi se, si suæ ac maiorum suorum fidei & existimationis  
rationem habent, separare non possunt. Id enim maiores  
illorum, vt supradictū est, iurati spoponderunt. Nec vero  
solum illa religione maiorum teneantur, sed etiam ea-  
quæ se ipsi obstrinxerunt. Maximam enim ciuium par-  
tem, ac in ijs præcipuos quoque viuere, qui se Sigismun-  
do Augusto, ac eius successoribus, fideles fore verbis con-  
ceptis iurarint. Num igitur sine manifesto periurio, so-  
lennem professionem fidei erga Regiam Maiestatem, quā  
omnes terræ, Ciuitates reliquæ, ac Ordines omnes Regni  
fecerunt, detractare possunt?

Peregrinos eos, qui res nouas, in alieno regno &  
repub. moliri velint, nec summum magistratum agnosce-  
re, cui iniquum videri debeat, ad iusurandum adigi, aut  
si eo alligari noluerint, ex vrbe submoueri, cum hoc iam

ante

ante constitutionibus Prussicis, Sigismundo regnante,  
sancitum sit?

Diploma autem confirmationis iurium, quid aliud  
est, quam professio iureiurandi dati de priuilegijs ac legi-  
bus tuendis, in quo si nominatim, quod Regia Maiestas  
voluit, perscriberetur, vt est in illo Cracoviensi, vniuerso  
regno dato perscriptum, sanxisse iuramento, priuilegia  
a Principib. & Magistris Terrarum Prussicarum edita, quid  
est quæsto quod amplius, nisi prætextus ad rem aliquam  
aliam queratur, hoc in genere desiderari queat?

Regi vero supplicare, cum certissima spe veniae, cui  
indignum videbitur, nisi ei, qui prorsus moderatione  
animi abieclla, regium spernat imperium, & in posterum  
Maiestatem eius, sine ullo metu pœnae, temere sibi læden-  
dam proponat. Faciunt hoc pares inter se, dignitate, opio-  
bus, potestate, vt qui læserint læsos deprecentur. Factum  
etiam a Principibus, tum in Germania, tum alibi est.

De abrogatione vero decreti ac grauaminum, si quæ  
iniusta apparerent, vt clementissime, ita candide & inge-  
nue cum Ciuitate egit, quod utrumque hoc negotium in ge-  
nerali concilio regni curadum & tractandum suscepit.  
Cum certum esset, ea haud satis firma fore, quæ sine om-  
nium ordinum regni consensu, in rebus tam grauibus, &  
ad ius ac dignitatem Regiam, & Reipub. spectantibus,  
statuerentur.

Hoc igitur tam benigno responso dato a Regia  
T Maestate

Maiestate in urbem dimissi estis, supplicatum est deinde Regiae Maiestati à Gedanēsibus Secretario misso, de prorogando Saluo conductu. Ne tum quidem Regia Maiestas humanitati ac clementiae suæ finem imposuit, Saluū conductum prorogauit.

Magna spes iam Regiam Maiestatem & Senatores regni tenebat, illos errore suo cognito, ac tam facili ratione recuperandi fauoris Regij pposita, serio de officio suo cogitaturos, & ipsi satisfacturos esse. Ipsa vero Regia Mts in primis gratulabatur, se liberatam ab effundendi sanguinis subditorū suorū necessitate, & lætabatur, sibi oblatam esse occasionem declarandæ benignitatis, & altitudinis animi, eosq; conseruandi & beneficijs officiendi.

Hesterna tandem die iterum ad Mtm Regiam venisti, obtulisti Regiae Maiestati scriptum noīe Ciuitatis, præter expectationē omnem, arrogantiæ, insolentiæ plenā.

Quid enim illud est quæso? ne Regia quidē Maiestate exercitum inde abducente, militem Gedanenses dismittere velle? quem nulli in hac cōmuni repub. priuato consilio conscribere, alereue liceat. Nemo non videt eos, qui sibi hoc præfractè arrogant, non de conseruandis libertatibus, de quibus illis satis caueatur, laborare, sed aliud quiduis diuersum à pristina sua conditione moliri. An igitur hæc temeritas coërcēda non est, an exemplum pernitiosum sine publica aucloritate exercitus colligendi, & inuito Rege ac repub. retinendi, contra oēs leges, ac mores omnium

omnium populorū proponendum? Quid opus est argumē-  
tis & testibus, ad conuincendos illos criminis lāsē Mīs?  
an non ipsi eius se manifeste hoc scripto condemnant?

Peregrinos vero, qui Regiā dignitatē & potestatē  
proscindant & oppugnant in vrbem asciscere? ac inuito  
rege in Urbe retinere, utrum hoc est cōmodis vrbis profi-  
cere, an regium ex illa ius ac nomen ipsum exterminare?

Quid deinde? ut grauamina quae nec dum sigillatim  
recensent, & decretum à Regia Mītē latum, illis arma ge-  
rentibus non supplicantibus, aboleantur? ut non tam illo-  
rum abrogatio impetrata, quam vi extorta videatur.

Nec satis habent Regiæ Maiestatis imperium repudi-  
asse, nisi regno quoque, extremum velut Vale dicerent, &  
se nihil cum illo cōmune habere velle declararent, cum ne-  
gotia Terrarum Prussiæ, non cum ordinibus Regni, sed  
cum Consiliarijs Prussiæ tractanda, proptereaq; postulata  
sua nō esse ad generale conciliū regni differenda scribunt.

Ad ea quae scripto comprehensa erant, viua voce  
adieciſtis, daret Regia Maiestas exēplum declarationis de  
iureiurandi verbis, aliud item exemplum cautionis de gra-  
uaminibus tollendis, ut delata à populo in Urbe cognoscā-  
tur & emendentur. Quae ſuo tēpore pfectiōne ſubiectionis  
facta, petenda, nō rebellione exprimēda eſſent. Quis vero  
Gedanēſes ſurſum ac deorſum oīa miſcere volētes, rite ac  
legitime conceptis formulis, cōtentos fore existimet, & nō  
videat eos hoc agere, ut ad alias contumelias hæc noua ac-  
cedat, ut Regiæ literæ iudicio concitatæ plebis ſubiectæ, ac  
vna regiū nomen proſcindatur? Tij Nam

Nam quod ad libertatem Augustanæ religionis spe-  
flat, an in Regno Polonie, sola Ciuitas Gedanum eam  
profitetur? An non etiam alij plurimi? Nonne Regia  
Maiestas Cracoviæ iuravit, pacem & concordiam inter  
dissidentes de religione seruare, nec in quenquam religio-  
nis causa animaduertere? Nonne libere sequi Augusta-  
nam doctrinam de DEO, eiusq; cultu, tum alijs, tum ve-  
ro Elbingensi, Torunensi, & Mariemburgen, Ciuitatib.  
nominatum permisit? In vrbe vero Gedano, quid interim,  
& qua moderatione in religionis negotio factum? Tem-  
pla ritus Catholicci in vrbe spoliata, sacerdotes vulnerati,  
Villa ac suburbium ditionis Ep̄i. Vladislauieñ, incensum.

Cæterum postremum illud, quod addidistis, atrox  
sane etiam relatu est, vt Regia Maiestas testetur scripto,  
Vos post iuramentum factum, liberos à fide, illi debita, fo-  
re, si aduersus ira vestra aliqua ex parte cōmitteret. An  
non hic summus fastus est? an nō omnis diuini ac huma-  
ni iuris cōtemptus? Permissum est sane regni ordinibus,  
de legibus violatis incōmuni regni concilio Regem admo-  
nere, & si ne admonitioni quidem Senatus, & aliorum  
Ordinum loco dato, per contemptum & potentiam, ali-  
quis regum Rempub. opprimere aliquando perseuerare  
velit, pro repub. stare. At quæ porta sceleratis & insolentib.  
hominib. aperiretur ad turbandom Rempub. si vni  
vrbi, aut paucis separatim inire consilia contra reges lice-  
ret? Hoc si sibi usurpant Gedanenses, vt suprema digni-  
tate,

34  
tate, quem vellent regem excuere possint, poscant etiam, ut  
nullum Regem Polonia sibi asciscat, praeter illum, quem  
Gedanenses dixerint, An ullus in orbe terrarum Rex, non  
modo imbellis, sed iam armis victus reperietur, qui pa-  
cis subditis tantam potestatem sui in ordinem redigendi  
permittere, & summum imperij ius & dignitatem pro-  
dere velit?

Iam igitur res ipsa docet Gedanenses, non modo  
ante offendisse grauissime Regiam Maiestatem, sed nunc  
etiam pergere offendere, vel potius aperte iam ab illius au-  
toritate, & regni communione recedere, hocque unum, peti-  
tis toties & impetratis securitatis literis egisse, ut tempus  
exraherent, quo post acceptam cladem respirare, & res  
suas confirmare, ac stabilire possent. Nihil tamen eo Regia  
Maiestas mouetur, aderit contra rebelles, a se constitu-  
to summo magistratui, Deus, violati ab illis, sui ac ma-  
iorum suorum iusfirandi, supplicium exiget.

Cum verò non modo sanctissimum apud omnes, at-  
ligande solenni ceremonia fidei vinculum nefarie rupe-  
rint, sed præterea equissimas & honestissimas conditio-  
nes contempserint, videt Sacra Regia Maiestas illos fa-  
tum vrgere.

Proindeque iterum atque iterum DEV M & homi-  
nes testatur, se ipsorum sanguinem non expetiuisse, sed,  
pro officio suo, ac iurefirandi Ordinibus dati religione,  
inuitam se, ad hanc iuris sui ac regni, armis prosequendi,

T iiiij rationem

ratio nē denuo adigi & compelli. Qua deinceps se usurā, nisi illico professionē fidei, quam ipsius Mti debent, interposito iure iurando fecerint, & militem dimiserint, denunciat.

**C**ETERŪ cum in hoc responso disertè additum esset, Regiam Maiestatem armis deinceps Ciuitatem persequi statuisse, nisi illico mandata faceremus, eoq; proposito Torunium ad Comitia discederetur, sic vt nulla reliqua fuerit occasio, Maiestatem eius vel de Ciuitatis conditione plenius edocendi, vel à proposito supplicibus precibus reuocandi: nihilominus ne quid ad pacem conciliandam intentatum relinqueretur, scripsimus ad Regni Poloniæ, Magni Lituaniae Ducatus, & Terrarum Prussiæ Consiliarios ac Ordines Torunij agentes, illis rem omnem, vt gesta tractataq; haclenus fuisset exposuimus, eosq; coniunctim & sigillatim obsecrauimus, vt pro officio Senatoriis, proq; conseruanda publica tranquillitate, benignè darent operam, & in medium consulerent, quo pacto Regiae Mti animus ad clementiores conditiones pmoueri posset.

Eas literas, cum fermè nihil aliud quam superiorum actionum repetitionem satis prolixam contineant, haud sane operæ premium duximus inserendas, sed in commodiorem fortassis locum quatenus necessum videbitur, rejciendas. Supplicauimus etiam Regie Maiestati, vt saltem Internuncijs nostris Saluum conductum,

15  
Elum, ad eius Maiestatem veniendi, & tuto redeundi  
concedere dignaretur: necnon Serenissimæ Principi  
ac dominæ Annae Reginæ Poloniæ, vt ad Regiam Ma-  
iestatem benignissime intercederet, quod ex sequentibus  
patet.

Literæ ad Regiam Maiestatem  
pro Saluoconductu im-  
petrando.

Serenissime potentissimeq; Rex ac Domine, Domine  
clementissime &c. Nihil nobis vñquam accidere po-  
tuit acerbius eo responso, quod nomine Serenissimæ Regie  
vestræ Maiestatis nuper Internuncijs nostris Grebini da-  
tum est: quod in eo nimirum omnes actiones nostras, non  
solum ad fastum, contumaciam, & temeritatem, sed  
etiam ad rebellionis & periury consilia, quæ semper  
a nobis absuerunt longissime ab aduersarijs nostris  
detorqueri videmus, quicquid tandem quibuscunque  
verbis sincero animo, humilimoque subiectionis studio  
cogitatum, dicimus, scribimus, vel supplicamus. Nec  
enim fidem & iustitiam vñquam detreclauimus ne-  
que nunc detrectamus, modò vicissim iurium & liber-  
tatum indemnitat prospiceretur: neque militem di-  
mittere, rebus pacatis recusamus.

Verum

Verum hæc eò maiori cum nostrorum omnium dolore cō-  
iuncta sunt, quod nec ad ipsam Regiam Maiestatem ve-  
stram priuatim aditum habemus, nec intermedium quem-  
piam, qui partes etiam nostras iustis rationibus tueretur.  
Utinam illud impetrare iam antea potuissemus, vel nunc  
etiam Regia vestra Maiestas dignaretur (quod & omni-  
bus votis optamus, & humilimis precibus obsecramus)  
vnum vel alterum ex Consiliarijs suis huic mittere, qui  
saltem rationes nostras liquidò cognoscerent, mentem &  
intentionem Ordinum experirentur, & subiectionis volun-  
tatem testari possent: dubio procul viderent, ac intellige-  
rent, ea omnia, quæ tam indignis modis in nos ingeruntur  
crimina longè à nobis esse alienissima, neque nos essemus  
officio defuturi, quò cōmodius, & cum Regiae Maiestatis  
dignitate, et absq; nostrorū detrimēto iurium omnia com-  
ponerentur: quibus cognitis etiam ipsa Regia vestra Ma-  
iestas pro eximia sua æquitate, alteram aurem regalē no-  
bis esset clementissimè reservatura. Quod si ne hoc quidē  
impetrare felicitatis nostræ futurum est, illud tandem hu-  
milimè petimus, dignetur clementissimè Reg. vestra Ma-  
iestas Saluum conductum Internuncijs nostris concedere,  
in sufficiens aliquod tempus data securitate ad Regiam  
Maiestatem vestram quoties opus sit vltrò citraq; comme-  
andi, & Ciuitatis rationes tractādi, cæteraq; q̄ tum in mā-  
datis habebunt peragendi, ac inde liberè domum reuertē-  
di, neque dubitamus, Regiam vestram Maiestatem etiam  
hoc

76  
hoc modo de rebus ad Ciuitatem pertinentibus plenius &  
benignius cognitaram. Quam præterea humilimo subie-  
ctionis studio demississimis verbis supplices obsecramus,  
ut interim militem suum ab incendis & deuastationis-  
bus vicinorum agrorum, inter quas & homines miserè  
trucidantur, & templo passim exuruntur, inhibere cle-  
mentissimè dignetur, cum illud ipsum nec ex Regiae ve-  
stræ Maiestatis, nec ex Republicæ cōmodo sit, Quinimò  
clemētioribus quibusdam rationibus rem omnem pacificè  
componi sinat, quam armis vel ferro terras suas subdi-  
tosq; nunquam de Regno male meritos deuastari, vel ad  
extremam calamitatem adigi patiatur. Faciet rem perpe-  
tue suæ clementiæ maximopere consentaneam, nobis au-  
tem omnib. quibus debemus ac possumus fidei ac obsequij  
generibus humilimè promerendam &c. Datum Gedanj  
die xv. iterum die xix. mensis Octobris Anno 1576.

### Ad Reginam.

S Erenissima potentissimaq; Regina ac Domina, Dña  
clementissima. Serenissimæ Reginali Maiestati ve-  
stræ humilima subiectionis obsequia summo quo debem⁹  
inseruendi studio demississimè deferimus, Eidem Rega-  
lis Maiestatis dignitatem humilimè congratulautes, &  
votis omnibus, ut cum perpetua & immortali sua gloria,  
cum totius Regni, harum Terrarum, & quod maxime  
nunc optamus, Ciuitatis huius salute & incolumitate con-

V

iuncta.

iuncta sit, Deum comprecantes. Quod ad Serenissimam  
Reginalem Maiestatem vestram hoc potissimum tempore  
scribimus, non eo solum adducti sumus, quod Ciuitatis hu-  
ius status longè nunc, quam vñquam antea tristior est et  
periculosior, sed multò magis etiam quod ad subleuandas  
præsentes difficultates, in Reginalis vestræ Maiestatis in-  
tercessione & patrocinio clementissimo permagnam spem  
humilimè repositam habemus.

Enim uero nihil acerbius vñquam nobis potuit acci-  
dere, quam, quod minimè speraueramus, ut in felicissimo  
Sereniss: Regiae Mts, Dñi nostri clemetissimi, regiminis  
auspicio, cū summa eius offensione, de iuribus, libertatib⁹,  
vita, fortunisq; nostris periclitari cogeremur. Longū esset  
singula recensere, q; iampridē ultrō citroq; de Ciuitatis ra-  
tionibus acla sunt, in eo breniter res oīs fermè cōsistit, ut  
quod cæteri Status harum Terrarū fecerunt, nos etiā præ-  
stito iureiurando subiectionis fidem, p̄fiteamur. Hoc neq;  
iam antea detrectauimus, neq; nunc etiā detrectamus, sal-  
tem ut viciſſim nobis de iurium ac libertatum indemnitate  
recte proſpiciatur. Quod quamuis equissimum fit, nec ab  
ullo Diuorum Regum Antecessorū maioribus nostris de-  
negatum, nuc tñ adeo non obtineri potuit, ut poſthabitis  
humilimis precibus nostris, & proſcriptionis stylo simus  
perculti, & poſſessiones circa urbem publicæ priuatæq; de-  
uastatae, direptaæ, incensaæ, tandem etiam extrema quæque  
nobis intentari videntur. Quæ tamen oīa non ex voluntate

vel

vel proposito Regie M̄tis proficiisci credimus, de cuius pa-  
terna clemētia et benignitate longē meliora speramus, sed  
quorūdam saltem impulsu fieri, qui iam dudū varijs mo-  
dis hanc Ciuitatem oppugnarunt, quod ipsamet Reginalis  
M̄tā vestra non ignorat, & nunc etiam ad extremā usq;  
calamitatem oppugnare non desistunt. Testantur annales  
ad posteritatē celebratissimi, quibus beneficijs Serenissimi  
Reges, ex generosissima Jagellonum familia, Prussiæ ter-  
ras & hanc Ciuitatē, quasi patrimonium suum liberalis-  
simè exornarīt, quò maiori fiducia nitimur clementissimā  
eius familie propensionem, ne nunc quidem in Reginali  
vestra M̄tē desitaram: quam nos etiam non minus ac ma-  
iores nostri, humilimō subiectionis obsequio Deo volente  
promererī ppetuō conabimur. Proinde cum nemo sit, qui  
Reginali vestra M̄tē cōmodius, Serenissimae Regiae M̄tis  
animum his actionibus pter meritum nostrum vehemēter  
exulceratum emollire, vel rebus etiā nostris benignius con-  
sulere possit, Eandē humilimis & demississimis precibus  
obsecramus, clemētissimē dignetur apud Ser. Reg. M̄tē  
intercedere, vt benignioribus quibusdā rationib⁹, quic-  
quid est offensionum, per intermedias personas, cum con-  
sensu Ciuitatis Ordinum pacificē componatur, quām vt  
ipsamet armis vel ferro terras suas, & subditos innoxios  
nunq; de regno male meritos cum totius Regni detimento  
deuastari, vel ad extremā adigi calamitatē patiatur: cū ni-  
bil armis opus sit in eos, qui saluis iurib⁹ et libertatib⁹ suis  
spontē fidē & subiectionē minimē recusant.

Hac

Hac vna re, quæ alioquin cum tranquillitate totius Regni coniuncta est, Reginalis vestra Maiestas initium felicissimi sui regiminis apud omnes subditos faciet celebratum, & nos ad omnia fidelitatis & subiectionis obsequia semper & ubique præstanda longè reddet deuinclissimos &c . Datum Gedani die xvij. mensis Octobrū Anno Domini M. D. Lxxvj.

**S**cipsumus in eandem sententiam ad plerosque Regni Senatores, quorundam etiam opera Syndicum nostrum pro impetrando publicæ fidei literis Torunium misimus. Is autem sic exceptus est, ut literæ quas ad Regiam Maiestatem perscripseramus, prius resignarentur quam eius Maiestati redderentur, cæteras quo minus Consiliarijs singulis redderet sed domum potius reportaret, gravissimo coactus fuit interdicto.

Tandem tamen Saluum conducedum qualemqualem impetrauimus, & Internuncios misimus, cum mandatis quæ sequuntur.

## SALVVS CONDVCTVS.

Stephanus DEI gratia Rex Poloniæ, Magnus Dux Lithuaniæ, Russiæ, Prusiaæ, Masouiæ, Samogitiæ Liuoniæq; &c. Dñs & Transyluaniae Princeps.

*Significamus*

**S**ignificamus tenore præsentium quorum interest yniuersis & singulis. Nos ad intercessionem consiliariorum nostrorum in præsenti generali cōuentu Regni nostri nobiscum existē, Saluum conductum nostrum ciubus Gedaneñ in duodecim dies à data præsentium contineat & immediate sequeñ, mittendorum Nunciorum suorum ad nos causa, hoc est ad diem vigesimam octauam mensis Nouembris nunc curreñ inclusiuè damus & concedimus hisce literis nostris, ut securè yltrò citroq; cōmeare & ad nos venire ac redire possint, sub hac tamen conditione, ut pacati, milite dimisso intra dictum tempus, Supplices ad deprecandam nos veniant. Quod omnibus quorum interest, ac in primis exercitus nostri Generali, ceterisq; Prefectis ac Militibus nostris denunciamus, Mandates ne die lis Nuncijs Gedaneñ vim aut damnum faciant. Pro gratia nostra & sub pœnis in violatores Salui conductus sancitis. Datū Torunij in cōuentu generali Regni die decima septima mensis Nouembris Anno Dñi Millesimo Quingentesimo Septuagesimo Sexto, Regni vero nostri Anno Primo,  
Stephanus Rex.

## Instructio

INSTRUCTIO EORVM  
quæ in publicis Regni Comitijs Thoru-  
nij apud Sacram Maiestatem Regiam,  
& reliquos Ordines ibidem præsentes,  
nomine omniū Ordinum Ciuitatis Ge-  
danensis, Senatus, Scabinorum, & totius  
cōmunitatis, Internuncij dictæ Ciuitatis  
Spectabiles, Clarissimi & Famati Do-  
mini Constantinus Ferberus Preconsul,  
Georgius Rosenberg Consul, & Hen-  
ricus Lembke Iuris vtriusque Doctor  
& Syndicus exponere debebunt.

In primis Regiae Maestati Internuncij nostri fidem et  
subiectionem nostram, reliquis vero Statibus & Ordin-  
ibus paratissima studia obsequia et seruitia nostra secū-  
dum yniuscuiusque conditionem, debito modo deferent.

Deinde cum Sacra Regia Maestas eam gratiam  
Ordinibus huius ciuitatis clementissimè facere dignata  
fuerit, ut ad supplices illorum preces Saluum conductum  
suum Regiam illis concesserit, Internuncij pro ea Regia  
gratiæ & clementiæ suæ significatione immortales agent  
gratias. Et quamvis eam s̄pēm conceperant Ordines fore  
vt istæ

vt iste publica fidei literæ ad sufficiens aliquod tēpus con-  
cederentur, quemadmodum aliquoties humillimis precibus  
rogauerant, vt de rebus tam arduis maturam deliberatio-  
nem instituere, & pro earum magnitudine illas cōmodius  
explicare potuissent: Vident tamen eas securitatis literas  
tam angusto esse circumscripas temporis spatio, quod vix  
Internuncij ad eundum & redeundum sufficiat. Quare  
Internuncij ante omnia, vbi feliciter aduenerint, & ipso-  
rum securitatis gratia, humillimè rogabunt, vt illæ secu-  
ritatis literæ ad sufficiens tēpus, progentur, vt tanto com-  
modi<sup>o</sup> vltro citroq<sup>ue</sup>, cōmeare, de rebus omniū difficultimis, in  
quib. Ciuitatis salus vertitur, cōstituere, & eas ad optatū  
finem pducere possimus. Si vero progratio illa obtineri nō  
possit, dabunt oēm operam, vt durāte securitatis tempore  
ad nos reuertantur. Præterea dicent, impossibile fuisse, vt  
Ordines in tam angusto tēporis spatio de reb<sup>o</sup> tam arduis,  
cum omnibus illis quos cōsilijs interesse oportet, constitue-  
rent, Atque iterum demississimis verbis rogabunt, digne-  
tur Sac. Reg. Mtās, quos dā è medio Senal<sup>o</sup> minimè suspe-  
ctos delegare, qui oīa incōmoda atq<sup>ue</sup> difficultates, quib. Ci-  
uitas maximè premitur, in præsentia Ordinū Ciuitatis et  
& priuilegiorū diligenter excutiant, & debito fine termi-  
nandas Mtū Regiæ referāt. Si vero id obtineri non possit,  
sed cōditiones in literis securitatis expressas vrgeri cōtin-  
gat, quod nimirum supplices deprecari & militem mittere  
debeamus, Internuncij dicent ciuitatis Ordines non existi-  
mare,

mare, se vllam Maiestati Regie offensionis causam ita  
præbuuisse, vt cum publica Ciuitatis infamia ac ignominie  
labe, culpam ab sese deprecari cogantur. Cum nihil ali-  
ud in hisce negotijs commiserint, quam quod viros bonos  
& constantes decuit, quodq; ipsa Maiestas Regia, si ini-  
tio ipsius electioni sua suffragatione accessisset, sibi præsti-  
tum voluisset. Atque h̄c Domini Internuncij cōmemora-  
bunt, quid ab initio penes illam electionum actum fuerit,  
quomodo maior pars Regni Poloniae, vna cum Statibus  
Magni Ducatus Lithuaniae & harum Terrarum Prus-  
siae sua suffragia in Augustissimum Romanorum Impe-  
ratorem contulerint, qui etiam propositas conditiones ac-  
ceptarit, iureiurando confirmarit, & ita se per omnia  
gesserit, quasi is qui ad huius Reip. gubernacula post legi-  
timam nominationem atq; publicationem accedere consti-  
tuisset. Qua etiam nos re animaduersa eius Maiestati  
vna cum reliquis Ordinibus subiectionem & obedientiam  
nostram scripto detulisse, & id fecisse, quod fidem & co-  
stantiam nostram exigere existimauerimus, eaq; in senten-  
tia tantisper perfitissemus, donec cum multis bonis viris pa-  
lam perspexerimus, eam esse DEI immortalis, per quem  
Reges regnant, voluntatem, vt Sacra Regia Maiestas in  
hisce regionibus sceptro potiretur. Ibi nos cum reliquis,  
imò & ante reliquos fidem et obedientiam nostram ipsius  
Maiestati deferre constituisse, nisi ab ijs, qui iam pridem  
famæ, existimationi & omnibus fortunis nostris insidi-  
antur,

antur, præpediti fuissent. Qui enim fieret, quod ipsorum  
instinctu Sacra Regia Maiestas ante felicem in has Terras  
aduentum suum militem immitteret, quodque hostilia quæque  
nobis intentarentur, facile coniectura assequi potuimus,  
ut non immerito nos etiam manum aliquam cogeremus,  
qua nos et facultates nostras à vi et iniuria tueremur,  
Quod vero postea maiorem militum numerum conscripse-  
rimus, metu factum esse, cum iam manifesta nobis vis il-  
lata, bona Ciuitatis tam publica quam priuata occupata  
incensa, direpta, homines trucidati, pueri in perpetuam  
captivitatem abducti et venundati essent, et nobis postea  
Grebini bellum publicè denunciatum fuisset. Non vero in  
eum finem, quemadmodum postea de nobis fama vulgata  
fuit, quasi Maiestati Regiae vel Regno rebellare, et quod  
nunquam ad cogitationes nostras penetrauit, rationes no-  
stras à Regni et harum Terrarum rationibus sciungere  
proposuissent, sed ut iniustum vim à nobis propellere-  
mus, et constantiam nostram vniuersis mortalibus pro-  
baremus: presertim quod Sacra Cæsarea Maiestas non  
tantum adhuc inter homines esset, sed etiam huius Regni  
et harum Terrarum gubernacula accedere in animo ha-  
beret: denique, cum eius Maiestatis partes multi Reges,  
Principes ac Duces susciperent, ut omne periculum atque  
detrimentum, quod abiecta constantia imminere videba-  
tur, à nobis propulsaremus. Si igitur ea re Maiestatem  
Regiam ad indignationem adduxisse videri possimus, Ma-

X Maiestatem

iestatem eius omniū ciuitatis Ordinum nomine Internan-  
cy humillimè & demississimè deprecabuntur, dignetur  
id totum quicquid est ex innata Regia clementia & mu-  
nificentia illis clementissimè condonare & omnem indig-  
nationem benignissimè remittere, atque illos in gratiam  
suam Regiam, sublato omnium grauissimo p̄scriptionis  
Decreto, ita recipere, ne quid eorum, que vel in electionis  
acciderunt negotio, vel dissidiū illud subsecuta sunt, ne q̄  
ciuitati publicè neque priuatim cuiquam fraudi, periculo  
vel detrimento sit, neūe quisquam cuiuscunq; Status aut  
conditionis ab ea reconciliatione excludatur, cum ante eam  
reconciliationem neque iusurandum dare, nec subiectio-  
nem cōmodè profiteri possimus, Ac vt denique eam illis cle-  
mentissimè sinat patēre gratiam, quam multis alijs, qui  
sua suffragatione eidem electioni aequè ac nos accesserant,  
clementissimè dare dignatafuit, & ne nos in maiori cul-  
pa & suspitione quam omnes reliquos ponere velit, qui  
nō ex composito sed errore quodam eò dilapsi sumus, quē  
admodum id inter mortales quibus de futuris contingē-  
tibus non est determinata veritas, facile cōtingere potest,  
vt ea pro veris accipiant, que euentus docet esse falsissima,  
& nobis hoc casu quoque, præter omnem expectationem  
nostram accidit, Sacra Cæsarea Maiestate non modo ē  
rebus humanis exempta, sed nobis etiam insperato quo-  
dam infortunio implicatis. Quare Internuncij hu-  
millimis precibus enixè rogabunt, ne Sacra Maiestas  
Regia

Regia, in fortuitis istis casibus, quos nullum huma-  
num consilium prouidere potest, tantopere æmulari,  
Quin potius omniem conceptam indignationem clementis-  
simè abycere, & nos fidelium suorum subditorum loco  
& numero habere dignetur, Cum parat simus non tan-  
tum omnes fortunas & facultates nostras, sed sanguinē  
etiam & vitam ipsam pro Sacra Regiae Maiestatis et in-  
cliti Regni incolumitate, in omnibus licitis & libertates  
nostras non lœdenteribus rebus profundere, Et ut ipsius  
Maiestas eam constantiam, quam alteri parti pro bonorū  
virorum officio exhibuimus, à nobis etiam iuratis benig-  
nissimè expectet. Si vero Internuncij eiusmodi depre-  
catio extorqueri cæpta fuerit, quæ non tantum cum omni-  
um Ordinum, sed publicæ etiam Ciuitatis ignominia, &  
Priuilegiorum ac libertatum derogatione coniuncta sit:  
demississimè rogabunt, vt alia quædam ineatur ratio, qua  
eiusmodi deprecatione aboleatur, Sin autem id obtineri non  
possit, eiusmodi deprecationi nullatenus consensum  
præbeant, sed dicant se in mandatis non habere vt eo  
modo deprecantur, & nostrum atque adeò omnium Or-  
dinum Ciuitatis, à quibus allegati sunt, consensum &  
sententiam requirant.

Secundum articulum literarum securitatis quod atti-  
net, vt pacati, milite misso, veniamus, Internuncij supra  
dictas causas, cur militem conscribere coætfuerimus,

X ij breuiter

breuiter repetent, & dicent, non primum esse, quod tanto  
in nos impetu aduersarij ferantur, sed antehac quoq; post  
electionē Henrici Regis eadem arte vsos fuisse, cum coacto  
milite nos improuios opprimere statuissent, & ad facien-  
dos min⁹ necessarios sumptus impulissent, quos necessario  
ad propulsandam iniustum vim & alendum per aliquot  
menses militem impendere coacti fuerimus. Deinde nō esse  
huic ciuitati nouum vt militem conscribat, vtpote quæ in  
ipso quasi limine posita, quibusuis insultibus terra mariq;  
exposita sit, & tam ex Regno Daniæ quam Sueciæ etiam  
nihil non pertimescere, præsertim Interregni tempore,  
coacta fuerit. Quamuis saepius antehac tempore Ducis  
Brunsvicensis Erici, & durantibus bellis Liuonicis Or-  
dines militem conscriperint, & hoc illorum factum Sere-  
nissimi Poloniæ Reges nō tantum approbarint & collau-  
darint, sed Ciuitatem etiam nouis libertatibus eo nomine  
exornarint.

Ac licet militem mittere nos quidem in animo habeas-  
mus, Regiæ Maiestati tamen Internuncij humillimè ex-  
ponent, rem esse omnino arduam & impossibilem fermè  
id tam subito in actum deducere, quod ad colligendam &  
corradendam pecuniam, conferendas rationes, & integrā  
solutionem pſtandam multum temporis requiratur, eamq;  
ob causam in tam angusto tēporis ſpatio miles mitti neu-  
tiquam possit, Nos tamen nullam prætermisſuros occasi-  
onem, qua ei rei supremam manum imponamus, præfer-  
timſi

tim si animaduerterimus, populationum, incendiorum &  
rapinarum, modum aliquem fieri, & ex prouincia in pris-  
tinum tranquillitatis statum reposita, militem abduci.

Et cum neque cōmuni prouinciae neque nobis etiam  
(nostro quidem iuditio) de Priuilegiorum & libertatum  
indemnitate sufficienter cautum sit, Internuncij ante oīa  
cum reliquis Statibus & Ordinibus harum Terrarum re-  
uerēter orabunt, vt iuramētum Maiestatis Regiae, ab ini-  
tio tam in Trāsylvania quam postea etiam Cracoviæ p̄r-  
stitum, quo in Polonorū tantum & Lithuanorū li-  
bertates & prærogatiwas iuratum est, eō clemētissimē ex-  
tendatur, ne Priuilegijs & libertatibus harum Terrarum,  
quæ cum dictorum populorum iurib. & libertatibus fer-  
mè ex diametro pugnāt, quidq̄ detrahatur aut derogetur.  
Et vt omnes notabiles causæ, quæ has Terras & earum  
incolas concernunt, ex p̄scripto cōmunis Priuilegij cum  
communi consilio Consiliariorum harum Terrarum tra-  
tentur, terminentur & diffiniantur. Nostro vero &  
cōmunis Ciuitatis nomine diligenter & humillimē roga-  
bunt, vt penes Augustanæ Confessionis Religionem paci-  
ficè sine cuiusquam interpellatione conseruemur. Deinde  
vt Sacra Regia Maiestas Ciuitatis Priuilegia ab omnibus  
Antecessoribus D. Poloniæ Regibus absque aliqua con-  
troversia roborata & confirmata, nobis etiam confirmare  
clementissime dignetur, & vt omnes præiudiciales clausu-  
le nuper admodum excogitate & non sine periculo liber-

X iiij tatum

tatum nostrarum introductæ de legitima & illegitima  
Priuilegiorum obtentione omittantur, cum in eorum pa-  
cifica possessione supra centum annorum spatiū, sine  
eiuscemodi clausularum adinuentione, & libero ac quie-  
to eorundē ysu, sine cuiusq̄ interpellatione fuerimus.

Abhac Internuncij diligenter & demississimis pre-  
cibus rogabunt, vt omnia & singula incōmoda atq; diffi-  
cultates, per hosce aliquot annos proximos, contra iura,  
Priuilegia, libertates, & antiquas benē receptas consue-  
tudines ingesta, abrogentur & aboleantur, cum sine ea-  
rundem abrogatione Ciuitatis status saluus & incolumis  
esse nulla ratione possit aut valeat.

Denique oblata occasione Internuncij querentur,  
quod non tantum nos, sed spectabilis etiam Senatus seor-  
sim aliquoties literas nostras cum ad Sacram Regiā Ma-  
iestatem, tum ad reliquos Status & Ordines yniuersos et  
singulos dederimus, sed nullo nos respōso dignatos fuisse.  
Et quod postremo etiā Syndicum nostrum cum literis &  
mādatis eō ablegauerimus, qui in hospitio ita cōclusus fue-  
rit, vt neque Mī Regiæ, neq; Dñis Senatorib. vel Terre-  
strib. Nuncijs mādata nostra exponere potuerit, sed dati  
Saluicōductus angusti admodū tēporis spatio circumscri-  
ptis literis ad nos remissus fuerit, Quasi indigni iam esse-  
mus, qui negotia nostra publicè proponeremus, & ea ita  
perageremus, quemadmodum eorum ratio exigere videtur.

Postremo Internuncij etiam cōmemorabunt, quam  
deploranda

deplorāda nunc sit Insulae minoris, quæ Stubelouien vocatur, ratio, quæ post non multum temporis in totius ciuitatis exitium, quod Deus auertat, vergere possit, cum eius aggeres non tantū s̄apie eundo & equitando deieclit, sed etiam propter tormētorum bellicorum usum perforati & ad nihilum redacti sint. Qui, Vere nunc appropinquat, propter aquarum inundationem & magnam glaciei vim, quæ omniō pertimescenda est, non tantum in extremum adducentur periculum, sed à nemine etiam custodientur & reparabuntur, cum coloni omnes profligati, equi & cetera armenta abacta, omnibus denique fortunis & facultatibus exuti sint.

Si quid his mandatis nostris contrarium ab Internunciois nostris postulabitur, illi contrariam aliquam conditionem nulla ratione accipient, sed in omnibus nostrum consensum requirent & se ad nos conferent. In quorum omnium fidem Sigillum Ciuitatis cōmune præsentibus est subappressū. Datū Gedani die 23. Nonēb. Anno 1576.

**C**Vm his mandatis Internancij non solam in Regiae Maiestatis conspectū admissi non sunt, verum etiā in domestica grauiter habiti custodia, sic ut neq; conuenire quempiam, neque negotia Ciuitatis, eo quo modo commissum illis fuerat, expedire potuerint, vt apud Regiam Maiestatem non immerito literis, quas subiunximus, hac de re conquesti fuerimus.

Literæ

# Literæ ad Regiam Maiestatem de Internuncijs in custodia habitis.

**S**erenissime potentissimeq; Rex ac Domine, Dñe cle-  
mentissime. Sacrae Regiae Maiestati vestræ obsequio-  
rum & subiectionis studia, summa qua debemus inserui-  
endi alacritate perquam humilimè deferimus. Serenissime  
Rex ac Dñe, dñe clemētiss. Quemadmodū nihil magis vñq;  
summo cum nostrorum omnium dolore coniunctum fuit,  
quam vt ys implicaremur actionibus, quibus res vniuer-  
ſæ Ciuitatis non mediocriter etiamnum affigitur: Ita-  
cum Regiae vestræ Maiestatis literas, Internuncijs nostris  
fidem & securitatem publicam pollicentes accepissemus, in  
eam omnino spem erecti fuimus, vt cum eiusdem Maie-  
statis vestræ gratia & clementia, quicquid haētenus of-  
fensionum intercessit, bonis & quisq; rationibus transactū  
iri, consideremus. Quod quò magis omnes exoptauimus,  
& adhuc votis maximis optamus, eo cum acerbiori dolo-  
re nostro comperimus, Internuccios Torunium missos, nō  
solum adhuc non auditos, sed etiam in hospitiū quasi cu-  
stodia teneri, sic vt neque Regiae Maiestati vestræ legatio-  
nem publicam exponere, neque Dominos Regni Consilia-  
rios nomine nostro priuatim conuenire possint. Evidem  
non adeo sumus irreligiosi, contra morem fidelium sub-  
ditorum, vt ex voluntate Regiae Maiestatis vestræ, iuris  
gentiū vñi publicis Internuncijs interdictū existimemus:  
quinimò,

84  
quimodo, si non illorum qui male nobis volunt consilijs, at horum saltem infelicitati temporum, quicquid praeter meritum nobis evenit, tribuimus. Verum & antea comperti sumus, res nostras non eo quo per se sunt modo semper ad Regiam Maiestatem vestram pferri, sed varijs nos interdum praejudicij bactenus fuisse dubio procul oneratos. Itaque nihil acerbius nobis accidere potest, quam preces nostras, quæ nihil iniqui, nihil à dignitate clementissimi principis alienum desiderant, à Regia vestrae Maiestatis auribus excludi. Cuius tantam apud omnes comprehendimus æquitatis & clementiae commendationem, vt eandem nos etiam non solum in audiendis & expediendis Internuncij nostris, verum etiam in posterum semper ac perpetuo, rebus omnib. pacatè compositis, experiri humilime cupiamus.

Est quidem hæc Ciuitas membrum incliti Poloniae Regni non minimum, sed in qua clementissimè conservanda, Regia vestra Maiestas longè maiorem laudem quam in opprimenda vel affligenda fructum, & sibi comparabit, & posteris ad perpetuae commendationis memoriam relinquet.

Neque nos certè minorem fiduciam in demerenda Reg. vestrae Mitis clementia ac pietate, pro humili subiectionis studio reposita habemus, quam in Serenissimis Re-

mis Regibus Antecessoribus experti sumus, nec vt eam integrum perpetuo conseruemus quicq; in nobis fidei, viri um, velfacultatum meritò desiderari patiemur.

Quapropter humilimis precibus iterum atque iterum supplicamus, dignetur Regia vestra Maiestas offenditio suæ modum aliquem clementissime facere, & Internuncios nostros exponēdæ causa legationis admittere, & ijsde quod æquitati Regie maximè conuenit alteram aurem ac cōmodare, neque Ciuitatis negotia per aduersarios eius qui per se satis noti sunt tractari patiatur. Neque enim dubitamus, quin ex illorum relatu promptissimum subiecōnis nostræ studium, & perpetuæ fidei testationem clementissime sit cognitura. Neque nos in posterum etiam ab ijs consilijs ac medijs alienifuturi sumus, quibus, cum Regia vestræ Maiestatis clementia & dignitate, Ciuitatis huius rationes quam optimè constantissimeq; possint conciliari. Quo quidem benignitatis genere Regia vestra Maiestas clementiæ suæ regali, & in subditos omnes pientissimæ propensioni cumulum eum adyciet, vt nos omnes cum posteris nostris, hoc iam semel beneficio deuinctos, ad oīa de cætero fidelissime subiectionis & fidei obsequia gratis sima, cum impensa sanguinis & vitæ, longè redditura sit deuinctiores. Datum Gedani Calendis Decembribus Anno Domini M. D. Lxxvij.

Rebus

15  
R Ebus in aula qualiter cunque tractatis, nouæ paulò  
pòst conditiones nomine Regiæ Maiestatis, per  
Magnificos Dominos Curie Marscalcum & Palatinum  
Brestensem, hac ferè verborum forma sunt propositæ:

I.

Eam partem muri, quam contra nos  
tempore rebellionis erexerunt, statim in  
signum ditionis demoliantur.

II.

Laternam seu propugnaculum por-  
tus nobis & Reipub: tradant.

III.

Octo bombardas maiores, quatuor  
Carthaun & quatuor Singers cum quin-  
gentis globis & puluere ad easdē neces-  
sario nobis assignent.

IV.

Centum florenòrum millia ratione  
expensarum & nomine placantiarum  
exoluant.

V.

Retentas Interregni, debitaq; Sere-  
nissimi defuncti Regis persoluant.

VI

VI

Vt militibus eorum conductitijs ad bellum Liuonicum sex mensium stipendium exoluant.

His compositis de Deprecatione facile constituetur.

**H**Arum conditionum illi, quæ loco quinto ponitur, quadruplex insuper adiecta fuit interpretatio:

I.  
Quinquaginta florenorum millia in singulos annos oblata à tempore retentio-  
nis, & in posterum quoque exoluent.

II.  
Centum millia florenorum Regiae Maiestati per Dominos Commissarios promissa persoluent.

III.  
Trium Contributionum in Polonia laudatarum restantias persoluent.

IV.  
Redditus quatuor millium floreno-  
rum vſitatorum tempore Interregni re-  
tentorum soluent.

*Hic*

**H**is de rebus & ceteris quæ fuerant Internuncij  
commissæ, quanquam vltro citroq; verba s̄p̄ius  
commutarentur, cum ijs, quibus Regia Maiestas negotia  
um id demandasse dicebatur, rerum illarum fermè om-  
nium difficultates docerentur, & impossibiles planè con-  
ditiones ab Ordinibus Ciuitatis minimè admissum iri,  
multis argumentis demonstraretur: nihilominus tamen  
faciendum erat Internuncij, vt prorogatis publicæ fidei  
literis, cum propositis conditionibus, & ordine rei gestæ,  
Syndicum ad nos remitterent, & responsum nostrum  
interim expectarent. Quibus cognitis, quæ esset animi  
nostrī sententia, per eundem Syndicū Internuncij re-  
scripsimus, literas ad Regiam Maiestatem, & descriptio-  
nem grauaminum, quorum toties mentio fit, addidic-  
mus, vti ex ijs quæ subjiciemus fusius intelligi poterit.

## PROROGATIO SAL- ui conductus.

Stephanus DEI gratia Rex Po-  
loniæ, Magnus Dux Lithuaniæ,  
Russiæ, Prussiæ, Masouïæ, Samo-  
gitiæ Liuoniae&q; &c. Dominus &  
Transyluaniæ Princeps.

I iij Significat

**S**ignificamus tenore presentium, quorum interest  
vniuersis & singulis, Quod cum non ita pridem Ci-  
uibus Gedanen Saluum conductum nostrum mittendorū  
Nunciorum ad nos causa, ad diem vigesimam octauam  
præteriti mensis Nouembris inclusuè dedissemus, euno-  
demq; per Thorunen & Elbingen Ciuitatum Internuncio-  
rum nostrorum ablegaueramus, ad hodiernam diem, ac  
denique maioris securitatis gratia in aliud ocliduum pro-  
rogassemus, Et illi interea temporis Nūcios suos ad como-  
ponendas enatas controversias ad nos miserint, qui per  
Consiliarios nostros denuò nobis supplicarunt, vt Saluum  
conductum nostrum vpterius progare dignaremur: Nos  
Consiliariorum nostrorum intercessioni, & ipsoru Nū-  
ciorum supplicibus precibus clementer annueni, Saluum  
conductum nostrum iterum prorogandum duximus, que-  
admodum & prorogamus præsentibus ad illud temporis  
spatium, quo suscepta haec tractatio atque compositio du-  
rauerit, vt interea temporis securè vltrò citroq; comeare,  
& denique ad suos domum redire possint. Quod omni-  
bus quorum interest, ac in primis Exercitus nostri gene-  
rali, cæterisq; Praefectis ac Militibus nostris denūciamus:  
Mandantes ne dictis Nancijs Gedanensibus, aut illis qui  
in eorum comitatu sunt, quosue vltrò citroq; interea mi-  
serint, vim aut damnum in personis aut rebus ipsorum  
faciant, Pro gracia nostra, & sub pénis in violatores

Salui

Salutis conductus sanctis. Datum Thoruny in conuentu generali Regni die prima mensis Decembris, Anno Dni M. D. Lxxvj. Regni vero nostri Anno primo. Stephanus Rex.

## Instructionis literæ ad Internuncios datæ.

**S**alute præmissa, &c. Quibus modis Toruny post felicem aduentum vestrum Ciuitatis negotia tractari caperint, quæ conditiones ad ea componenda propositæ, quid hac de re vobis visum, & ad ampliore Ordinum deliberationem reieclum fuerit: cum ex relatione Syndici nostri, tum ex literis vestris q[uod] paulò post subsecutæ sunt, planè satis ac prolixè cognouimus. Ac primum videmus, ex parte Regiae Maiestatis rem omnem saltem præscriptis ijs conditionibus terminari, quæ sunt eius generis, ut non solum maximam partem ex ijs grauaminibus, quæ maxime Ciuitatem premunt, quorum relevationem sæpius humiliè flagitauimus, ad onerum illorum cumulos augendos, de composito sint excerptæ: Verum etiam publicæ existimationi, iuribus, libertatibus, & priuilegijs perniciose, & extra vires ac facultates nostras protensæ. Sic ut inde nobis succurrat, eas conditiones non à Regia Maiestate propriè profici si, cui neque Ciuitatis rationes omnes, neque Commissionis negotia satis adhuc explorata, nec in superioribus Tractatibus eorum aliqua mentio facta sit,

fit, sed ab ipsis potius, qui iam ab initio tot difficultatibus  
Ciuitatem implicuerunt, & nunc etiam magis & magis  
irretire non desinunt. Ceterum ut nos omnes nihil ma-  
gis in votis habemus, quam rebus hisce pacifice componi-  
tis, iuribus & libertatibus saluis, more maiorum, ad eius  
Maiestatis imperium accedere: ita spem humilimè conce-  
pimus, Maiestatem illius, membrum hoc Regni Poloniae  
non postremum, clementioribus rationibus benignissime  
prosecuturam, quam ut impossibilibus conditionibus &  
ad extremam nostrorum omniū calamitatem compositū,  
illud pessundari patiatur. Quod ipsum vos iterum ac ite-  
rum humilimis precibus & indefesso studio volumus de-  
precari.

Nam quod primum caput earundem conditionum  
attinet, nullius sanè rebellionis consciū nobis sumus, nec  
vnquam cogitauiimus ab inclyto Poloniae Regno secessionem  
facere. Quo verò pacto ad bellicos hosce motus per-  
tractifuerimus, vobis iuxta cum omni penè Prussia satū  
constat. Nam & priusquam Regia Maiestas in Prussiā  
pedem tulisset, in vicinia contra nos bellum apparatum,  
& variae machinationes tentatae, & paulò post dum de  
rebus presentibus tractatur, datisetiam publicæ fidei lite-  
ris, tam publicæ quam priuatæ Ciuium possessiones deua-  
statæ, itinera obseffa, comeatus interceptus, & siquidem  
in aduersariorum viribus fuisset, omnibus etiam fortu-  
nis, ac ipsa vita nos exuere, voluntatem utique non abfu-  
isse,

88  
isse, varijs & apertis ipsorum cōminationibus palam factum est. Non igitur ad rebellionem aliquam pertinet, quod aduersariorum hostilibus impetitionibus coacti, ad conseruanda Ciuitatis iura & priuilegia, ad propulsandā à cernicibus, vxoribus, liberis, ac fortunis nostris vim iniustam, quod etiam naturalis ratio permittit, Ciuitatem nostris priuatis sumptibus muris & præsidij necessariò communiuimus.

Enim uero cum clementer intelligat Regia Maiestas, quid nos tum temporis ratione superioris Electionis facere decuerit, dubio procul fidei nostræ studium, eius constantiae potius argumēto quam ipsamet à fidelissimis subditis experiri vellet, quam cuiusuis rebellionis proposito, censere benignissimè dignabitur.

Ciuitatis muri & propugnacula, non iam primum edificari cæperunt, complures iam annos Ciuium impensis & opera construuntur, cum totius Regni & harum terrarum emolumento, Diuis Regibus Antecessoribus ad hoc ipsum sæpe clementer exhortantibus. Non semel iam antea Ciuitas hostilibus incursionibus tentata fuit, quas tamen adiuuātē Deo, suis sumptibus, sua Ciuiumq; opera, quatenus fieri potuit, auertit, nec in eam rem vel Regiae Maiestati vel Regno maiorem molestiam exhibuit. Possent eiusmodi nunc etiam, in hoc mundi senio, & varijs multorum Regnorum exemplis, incidere tempora, quib. optarit Regia Maiestas pro suo & vniuersi Regni

Z præsidio,

præsidio, urbem hanc etiam multò quām nunc est muni-  
tiorem. Quapropter iterum humiliis precibus Regiam  
Maiestatem exorabitis, ne diruendis muris, quos instau-  
rare longè fuerat æquius, hanc Ciuitati maculam, quasi  
rebellionis notam, cum summo nostrorum omnium dede-  
core, iniuri patiatur.

Deinde quod ad propugnaculum portus attinet, no-  
bis & maioribus nostris à Divo Casimiro suo & succes-  
orum Regum nomine, ius maris, gubernatio littorum  
Prussiae, administratio nauigationis, ex priuilegijs p्र  
scripto, luculenter & plenissimè data concessaq; sunt, ad  
quæ ritè conseruanda portus propugnaculo vehementer  
opus est. Quocirca, quod Regia Maiestas solenni iura-  
mento, de tuendis singulorum statuum iuribus & priu-  
legijs, publicè priuatimq; professa est, idem sibi quoque ci-  
tra quoduis impedimentum, sincrè præstitum iri, Ciui-  
tatis Ordines & omnino sperant, & humiliis votis ob-  
testantur.

Tertium caput tale est, vt ipsimet non ignoratis,  
non esse nobis eam maiorum tormentorum neque pulve-  
ris tormentarij copiam, vt Regiæ Maiestatis voluntatis fa-  
cere possimus. Pleraq; sunt minora & fermè naua-  
lia tormenta, quibus vrbis munitur. Ac si (quod absit)  
belli necessitas aliqua nobis incumberet, de augendo potius  
instrumento vel suppelleclili bellica, nobis propediem es-  
set cogitandum, quām vt vixdum necessarys p'sidijs vrbē  
denudemus.

Sequens

89  
Sequentia duo capita ex superioris Commissionis hue  
deriuari negocio, satis ostendit adiuncta Declaratio, qua  
nihil iamdudum est Ciuitati molestius, quaq; de re velut  
extra rationis conditionem posita, cum in viuis esset Di-  
nus Sigismundus Augustus, diu multumq; disceptatum  
fuit. Meminimus quo pacēlo cum Commissarijs ad recuper-  
randam gratiam Regiam, ad conservandam iurium &  
privilegiorum indemnitatē, denique ad tollendos, qui  
per contrarium irrepsissent abusus, transactum fuerit.  
Nimirum ut ex auctoritate principis portorium augere-  
tur, eaq; auctio portio Regie Maestati cederet. Quæ  
quidem auctio cum effectum non habuerit, nec eo nomi-  
ne quicquam ad Ciuitatem redierit, haud æquum fuerit  
id ipsum tanquam æris alieni residuum à nobis postulari:  
Centena vero florenorum millia, ex præscripto Placa-  
tionis ipsi Regie Maestati concessa, solius ipsius perso-  
nae contemplatione habita, quemadmodum auctio porto-  
ri, ad vitam eius solummodo pertinebat, nec in hoc toto  
negocio, quicquam vel de Regno, vel Maestatis eius suc-  
cessoribus, actum, dictum, vel transactionis lege  
constitutum. Quinimò conditionem abolendorum gra-  
uaminum expresse receperunt Ordines, adeò nimirum,  
ut nisi ijs abolitis, nec sibi quidem eius quod recepissent  
præstandi facultatem fore prædicerent. Sanè Do-  
mini Commissary isthæc omnia haud alio sensu

Zy acceptum

acceptum iri, luculenter promittebant, ideoq; auctores  
erant, ne tam districte conditionibus, sed humiliter pre-  
cibus à Rege suo, exigerentur. Ceterum vbi postea Dñi  
Cōmissarij consensum Ordinum longè quām actum fue-  
rat latius extendere vellent, adijcerent insuper Constitu-  
tiones quasdam, de iure Regio, de dominio maris, &  
alias à priuilegiorum mente & consuetudine longè diuer-  
sas, Ordines tam publicè quām priuatim solennes inter-  
posuerunt testationes, de conditionibus præter illorum in-  
tentionem distractis, ac rem integrā Maiestati Regie  
proponendam condixerunt. Actum deinde cum eius Ma-  
iestate non semel fuit, nec ipsa non clementissimè ad ani-  
mum reuocauit, quanta difficultas augendi portorij futu-  
ra fuisset, nec ab alijs quibusdam transigendi rationibus  
(quæ tamen eius morte puentæ sunt) alienam se clemen-  
ter ostendit. Neque verò de certa quapiam summa, quan-  
tum ex auctione portorij ad Maiestatem Regiam rediret,  
vñquam cōuentum fuit, quicquid tandem de collegis no-  
stris, qui nunc rem humanam agere desierunt, audimus  
adferri: nec in obscuro est, quid Legatis Regijs Execu-  
tionem pacti conuenti postulantibus, responsum fuerit,  
quod alio loco cōmodius persequemur. Grauamina verbò  
conditionib. adiecta, non solum ex pacto nō abrogata, ves-  
rum etiā accumulata, publicæ possessiones diuexatæ, par-  
tim ab ipsis etiam Cōmissarijs in rem suam optatae, specu-  
latores maris non exauctorati, sed propter illorū rapinas  
insigni

90

in signi detramento Ciuitas fuit afflicta : sic ut totius effe-  
ctus negocij saltem ex parte Regiae Maiestatis pientissimae  
recordationis defecerit , nec vñquam interim Ordines eo-  
rum præstationem, de quibus nominatim aëlum erat, cō-  
sequi potuerint. Quapropter iterum ac iterum humilimis  
precibus Serenissimæ Regie Maiestati supplicant, ne isti-  
us negocij cauſsa, quod cum solo principe defuncto, certis  
conditionibus aëtum est, nec ad alium quemuis pertinuit,  
de nouo molestiam nobis creari patiatur, sed id, quo semel  
defuncti sumus, perpetuò sòpitum esse velit.

Ex pensionibus annuis, quas debemus, in summam  
Septuaginta florenorum millium, quæ Diuo Sigismundo  
Augusto mutua dedimus, secundum Regiam eius inscri-  
ptionem, vñsuras septuages retinere : quod autem excur-  
rit, in thesaurum Regium inferre consueuimus. Proinde  
cum ceteri Status pensiones Interregni neutiquam infe-  
rant, eodem nos etiam vti iure Maiestas Regia benignis-  
simè concedere dignabitur. Maioribus autem precibus  
obsecramus eam nobis fieri gratiam, vt ea debita, quæ no-  
bis ex Poloniæ regno competunt, quorum nomine in excol-  
uendis vñsuris alibi quotannis laboramus , aliquando re-  
fundantur.

Ad Contributiones in Regno publicè laudatas quod  
attinet, eorum cōmunicatio cum ad nos minimè pertine-  
at, non immerito Terrarum Prussiæ priuilegijs & mori-  
bus perpetuis innitimur, ac quoties cōmuni Statuum co-

Z ij      sensu

sensu Contributio quæpiam in vsum Regni vel Prouincie decreta fuerit, nos antea partibus nostris haud defuisse, nec in posterum defuturos testamur.

Vltimo capite quo postulatur, vt militibus nostris conductitys ad bellum Liuonicum sex mensium stipendium exoluamus, satis vobis constat, milites certorum mensium stipendio conductos, ijs exactis, amplius in potestate nostra non esse, neque Ciuium facultates ferunt, vt vltra, quam in Ciuitatis vsum, militem alant.

Ex quibus Regia Maiestas clementissimè intelliget, quam omnino facultatum nostrarum non sint conditiones propositæ, præsertim hoc rerum statu, quo cōmerciorum nulli penè sunt prouentus, possessiones autem publicæ ad nullum fructum redactæ, sumptus interim in hisce perturbationibus haud mediocres impendendi, præterquam quod alioquin æris alieni abundè est.

Quapropter Regie Maiestati supplicant Ordines humilimis precibus, vt æqua harum difficultatum omnium admissa ratione, Ciuitati suæ pacem & tranquillitatem restituere, proscriptionis decretum & quicquid inde præiudicij natum est abolere, & cum benignissima declaratione iuramenti sui Regij, Saluis iuribus & priuilegijs nostris, grauaminibus sublatis, ita controuersias omnes æquis conditionibus componere clementissimè dignetur, vt in posterum etiam Ordines ad omnia quantum in illis

est,

est, fidelissimæ subiectionis obsequia sint longè magis  
magisq; deuinctiores.

Hoc si quid amplius à nobis honestè fortassis desi-  
deretur, prout nullum obsequij genus, retinendæ pacis  
ergò, pro modo facultatum recusamus, diligenter ab ijs  
qui participes horum consiliorum sunt exquirite, qui-  
busnam tandem modis ad concordiam, tranquillitatem,  
& fortunam sereniorem, rebus in omnibus pacificè com-  
positis, peruenire possimus. Quo cognito, quid ex Ordin-  
num sententia faciendum nobis, deliberabimus, &  
quid animi vel facultatis nostræ futurum sit, re-  
scribemus. &c. Datum Gedani die quarta  
mensis Decembris Anno Domini  
M. D. Lxxvij.

## Literæ ad Regiam Majestatem.

S Erenissime &c. Ex Internunciorum nostrorum  
literis & relatu non ita pridem cognouimus, quibus  
modis apud Sac: Reg. Mts vestræ deputatos Cōmissarios  
Civitatis huius negotia tractari cæperint, quæq; Sac: Reg.  
Mt's vestræ voluntas in illis expediendis fuerit. Quæ in  
re cōprimis Reg. Mt's vestræ clementissimam erga nos  
propensionē in cōcedendo Salvo conductu experti sumus.  
Eidemq; Sacræ Reg: Mt's immortales & quam possumus  
maximas

maximas agimus gratias, quod eam securitatem Nunc  
cys nostris clementissime concedere dignata est, ac vt in  
posterum etiam usque ad rerum harum compositionem  
clementissime dignetur conseruare, iterum ac iterum  
humilimis precibus obsecramus. Conditiones autem pro-  
positae (quod vehementer sane dolemus) eius sunt ge-  
neris, vt eas non solum perpetuis libertatibus ac Priuile-  
gijs nostris aduersari, verum etiam cum nostrorum om-  
nium qui nunc in rebus humanis sumus & posterorū qui  
nos secuturi sunt, ignominiae nota planè detestabili con-  
iuncta intelligamus: Præsertim quod videamus maiorem  
earum partem ex negotijs cōmissorialibus, quæ cum sola  
ipsius Diui Sigismundi Augusti persona, certis legibus  
ac conditionibus tractata nec ad aliquem effectum ipso  
vniēte deducta sunt, propterea quia personam illius solam  
concernebant, & id quidem adhuc certis Conditionibus  
non subsecutis, sperabamus ea, cum Diui Sigismundi  
persona mortua ac sepulta fuisse, nihilominus eas  
ipsas nescimus quorum conatibus denuo produci. Nihil  
sanè magis in votis habemus, quam vt Sacræ Regiae  
Maiestatis vestræ gratiam & clementiam summo cum hu-  
militatis studio demereret, & sub eiusdem felicissimo regi-  
mine res & fortunas nostras pacifice tueri, et sine iurium  
ac libertatum detimento, salua Ciuitatis existimatione,  
res omnis transigi & componi possit. Quod vti maximè  
optamus, ita quantum in nobis est nihil merito nostro de-  
siderari

siderari patiemur, atque Regiae vestrae Maiestati quam possimus ac debemus humilimis precibus supplicamus, clementissime dignetur Commissionis eius actionibus, in quibus tractandis ad extremam Ciuitatis pernitientem nihil penè prætermisum fuit, reieclis, vel potius extra memoriam hominum sepositis, Internuncios nostros ad priuatam audientiam admittere, & cum ijs Ciuitatis rationes, benigniori quodam modo pertractare. Tantum enim in Regiae Maiestatis vestrae clementia spem depositam habemus, ut non defutura sint alia media, quibus & cum Regiae vestrae Maiestatis dignitate & ipsius Ciuitatis incolumentate, de rei summa tandem aliquando recte possit conueniri.

Hoc certe pacllo Regia vestra Maiestas immortalem à posteris nostris omnibus pietatis & clementiae laudem comparabit, & quo benignius ac liberalius nobiscum aget, eo Ciuitatis omnes incolas ad perpetuam fidem, & promptissima subiectionis obsequia sibi reddet magis magisq; deuinctiores. &c. Datum Gedani die iiiij. mensis Decembris Anno Dñi  
M. D. Lxxvij.

## CAPITVLATIO GRAVAMINUM AC PETITIONUM CIUITATIS GEDANENSIS.

Aa

Primum

I.  
Primum omnium, Ciuitatis Ordines de pace Religionis sibi cautum esse volunt, ut Augustanae Confessionis usu tam in Ciuitate, quam extra muros in eius districtu, pacifice, quiete, sine ullo cuiusvis impedimento, prout haec tenus fruantur, neue cuiquam religionis ergo molestia vel negotium exhibeat, neue in templis ritus remoniarum, immutentur.

II.

Petunt ac præseruant Ordines, ne quid eorum que vel in Electionis acciderunt negocio, vel dissidium illud subsecuta sunt, neque Ciuitati publicè, neque priuatim cuiquam fraudi, periculo, detrimento sint: utq[ue] Regia Maiestas si eam ob causam Ciuitati, vis hostilis, iniuria, vel damnum importetur, indemniti publicæ priuataeque clementissime prospicere dignetur,

III.

Æquum existimant Ordines, ut omnia & singula, Ciuitatis priuilegia in eorum quibus data sunt fauorem & emolumentum potius interpretentur, quam in eorumdem lesionem vel præindictum, quod haec tenus non semel factum est, detorqueantur: nedum ad eam conditionem redigantur, qua vel Regijs literis, mandatis, aut decretis aboleri, vel tanquam legitimè non obtenta quoquo modo possint in dubium vocari.

III.

Meminerunt etiam Ordines, cum Divus Sigismundus Au-

gustus inclytæ recordationis satis numeroſo comitatu aduentasset, statum Ciuitatis non mediocriter perturbatum fuiffe, cum inter Regios comites, seruitores, peregrinos, ac Ciues varia diſſidia paſſim orirentur, vnde non violenta ſolum aggressiones, ſed cædes etiam perpetratae. Quoꝝ rum ne quid nunc etiam accidat, cum plures quam antea ſint offendionum cauſſæ, petunt Ordines, vt Regia Maieſtas, cum Ciuitatem ingredietur, comitatus ſui numerū ita moderari clementiſſimè dignetur, ne vel oneri ſit Ciuitati, vel inde maior aliqua perturbatio proueniat. Diuinus quidem Casimirus in ſpeciali priuilegio ſtabulum ſibi ſuisq; ſuccessoribus quoties Gedanum veniret in ducentos ſaltem equos præberi cauit. Vnde rationi maximè conſequens eſt, noluiſſe prudentiſſimum Principem nimio comitatu Ciuitatem grauari, neque metum oppreſſionis ali quem Ciuibis injere. Cuius exemplo (nam eſt eius gene-ris alia, alys in Ciuitibus paſſim recepta ſunt) Regia Maieſtas in omnium ciuium & incolarum animis ſpem certiſſimam relinquet, non velle Maieſtatem eius, eam Ciuitatem quæ de Diuis Anteceſſoribus nunquam male merita fuit opprimi, ſed in libertatibus, iuribus, ac priuilegijs ſuis ſecure potius conſeruari.

V.

Inter cetera grauamina, quæ iampridem Ciuitati contra publicas libertates, priuilegia, iura, conſuetudines, illata ſunt, longè maximum eſt illa Cōmiſſio, quæ cum

Aay summa

summa Ciuitatis infamia, publicæ fidei noxa, & fortunarum detimento superioribus annis agitata fuit.

Qua Ciuitas non solum, concitatis tribubus ac contubernijs, extremum penè discriminem, ex magistratu non nulli citra culpam, existimationis, honoris, fortunarum, ac vitæ periculum adierunt, verum etiam publicæ libertates, iura, priuilegia, prouentus, bona terrestria, adeò impugnata, imminuta, & labefactata fuerunt, ut hoc modo nihil penè, quod ad vniuersæ Ciuitatis perniciem ager potuisset, prætermissum Ordinibus videatur. Quod ex ipsius Commissionis actis & gestis sigillatim apertius potest demonstrari.

V I.

In primis illud molestissimè ferunt Ordines, in placationis eius formula, quæ penè inuitis exorta fuit, ita se circumuentos, ut cum grauaminum aliquorum abolitionem Domini Commissarij repromitteret, hinc quidem Ordinum pollicitationem scripto fuisse consignatam, illic autem grauamina non solum, uti conuenerat, non abolita, sed interim etiam non vniis oneribus accumulata conquerantur.

VII.

Huic consequens est æquè graue præindictum, quod cum semissim maritimi portorij, cuius duplicati per Diuum Sigismundum Augustum facultas petebatur, Ordines ipsi Mti Regiae vel ad certum tempus, vel diutissimè, quo ad ipsa in viuis foret, destinassent, Comissarij nibilominus

minus hoc obsequium à persona ipsius Maiestatis, ad vniuersum regnum, atque adeò perpetuum & ad posteros infame onus aduersus contrahentium mentem & intentiōnem detorquere voluerint. Quod quam graue & intollerabile Ciuitati futurum esset, pientissimo Regi sanctæ & angustæ memorie non semel demonstratum est, ea præsertim ratione, si portorum huius Ciuitatis in exterorum merces adaugeretur, nihil fore certius, quam eodem exemplo nostrates in transmarinis emporijs, contra morem antiquum, nouis vectigalibus, oneribus, & exactionibus aquè diuexatum iri. Illud autem ex utraq. parte necessariò conſequeretur, vt propter aggrauationem portory cōmercia, quæ quantum poſſunt libera volunt eſſe, penitus à ciuibus nostris aliò transferrentur, quod nō modo cum Ciuium, sed etiam Regnicolarum certissimo damno coniunctum fore, multis rationibus defendi potest.

Et ipſe Serenissimus Rex, cuius memoriam sanctam habemus, eum in his actionib. animum tandem ostendit, vt hiſce modis Ciuitatē, vel tanto ad posteros præiudicio, vel apud exterios detrimēto cōmerciorum, onerari minime velle videretur. Quibus ex cauſis illud expeditissimū eſt, non poſſe Ciuitatem hanc velfama velexiſtimatione integrā, vel iuribus, priuilegijs, libertatibus ac fortunis artis teclis, vt frui, niſi totum illud Cōmissionis negocium, & quæ quoquis inde modo ſecuta ſunt grauamina, tollantur, aboleantur, caſſa & irrita perpetuum eſſe iubeantur.

Aa iij

Ax

Ac ideo formulam placationis subsignatam, cum nec existum ipsa fortita, nec annexis conditionibus satisfactum fuerit, Ordines aequissimè putant sibi restitui oportere.

VIII.

Iisdem conditionibus disertè comprehensum erat, ut Speculatores maris abrogarentur, qui nihilominus tamen etiam postea nullo vel hostium vel amicorum habito discrimine, rapinas exercere, & in hunc portum se recipere non desinebant. Quare Serenissimus Daniæ Rex commotus, quod maris Baltici securitas eo modo maximè perturbari diceretur, non tantum Speculatores illos ubi cunque deprehensor ad supplicium retraxit, verum etiam Ciuitatis naues complures in tertium annum usque detinuit, nauibus interea computrescentibus, mercibus autem pluribus corruptis vel amotis, tandem cum nullum aliud esset præ manu remedium, coacta fuit Ciuitas ad liberandas naues, & redimendam nauigationis libertatem centum millibus thalerorū depacisci, præter cæteros sumptus crebris & continuis legationibus ac tractationibus impensos. Regia quidem Maiestas quamvis rem eam ad solicitudinem suam benignissimè reuocauerit, cum Serenissimo Rege Daniæ multa per literas & Internuncios egerit, demum etiam quod hoc sua magis, quam Ciuitatis interesse censeret, ad Compromissi arbitrium descendenter, consequenter post eius ex hominibus decessum Reuerendissimi & illustres dñi Consiliarij in ipso Interregni tempore.

95  
pore suas etiam partes interposuerint, nihil tamen ob-  
tineri potuit, quin Ciuitas per se tanta pecuniae summa-  
naues, merces, liberamq; nauigandi potestatem redimere  
sit coacta. Nec Ordines ab æquitate censem alienum esse,  
summam illam pecuniariam & alia damna sibi refundi,  
ac in posterum rectè caueri, ne iuri suo quod in rem habet  
maritimam, per quas uis eius generis impressiones tam in-  
signe fiat præiudicium.

### IX.

In eodem Cōmissoriali tractatu, Constitutiones que-  
dam, huius Ciuitatis iuribus, priuilegijs, libertatibus, &  
consuetudinib. vt plurimum aduersantes, obtrudi cæptæ  
fuerunt. Quas vti semper hac tenus bonis rationibus, que  
suo loco publicè per Confutationis modum ppositæ sunt,  
Ordines reiecerunt, ita ne nunc quidem sine summo præ-  
iudicio præclarissimi priuilegijs sui, de legibus & contri-  
butionibus ciuilibus ferendis, imponendis, & abrogandis,  
acceptare possunt.

### X.

Vehementer iniquum est, cum vniuersæ ciuitatis tum  
Magistratus, & Ordinum famam honorem & existima-  
tionem, famosis libellis clam & palam proscindi, ac eius-  
modi diffamatores in Ciuitatis inuidiam publicè etiam  
ali, foueri, & sustentari.

### XI.

Non immerito conqueruntur etiam Ordines, quod  
contra Terrarum Prussiae Priuilegium & libertates an-  
tiquissi-

antiquissimas, Ciuitatis magistratus ad Comitia Regni semper euocentur, & eadem occasione Ciuitas ad res Polonicas, longe à rationibus suis alienas, ad statuta & onera Regni, contra publica Terrarum iura, pertrahatur.

XII.

Qua quidem ratione Contributio Lublinensis, quam nunquam Ordines laudarunt, nec laudare tenentur, à Ciuitate postulari cœpit: cum illud iuris & consuetudinis perpetuae fuerit, ut de eiusmodi Contributionibus, si ita opus esset, Consiliarij & Status Terrarum inter se consultarent & constituerent.

XIII.

Eodem paælo bona Ciuitatis publica ad Executionem Alexandrini statuti trahi cœperunt, quinimo non nulli Dominorum Commissariorum eadem bona sibi potius dari quam Ordinibus conseruari voluerunt. Itaque non minus iustum quam æquum videtur, ut ea, quæ tanto cum Republicæ præiudicio sunt acta, penitus rescindantur, nec enim bona sua Ciuitas à Regno lucri fecit, sed vna secum ad Regnum attulit, à quo nunc ipsam priuari, ab omni æquitate longe fuerit alienissimum.

XIV.

Queruntur etiam Ordines, quod non magistratus solum, sed etiam priuati Ciues, nouis & inusitatibus edictis, in causis injuriarum & rerum criminalium, ad tribunal Regium euocentur.

XV.

Quod

Quod complura mandata pænalia, iuri nostro non consentanea, ad unius partis informationem, nonnunque etiam contraria Decreta, ex Cancellaria Regia prodeant, quibus & magistratus vehementer prægrauatur, partes ipsæ quo minus ius suum cōsequi possint impediuntur, & iudiciorum processus in infinitum fermè producitur.

## XVI.

Quod Ordinum decreta, leges, ac plebiscita, in quibus condendis & abrogandis, ex præscripto priuilegij Casimiriani plenissimā habent potestatem, mandatis & rescriptis Regijs cum summo dicti priuilegij præiudicio solement impugnari.

## XVII.

Quod literæ Salui conductus passim sine discrimine personarum vel causarum concedantur, ijs præsertim, quod sæpe fit, qui literarum eiusmodi beneficio iure censentur indigni.

## XVIII.

Quod non extraneis modò, sed plurimis etiam Ciubus, literæ Exemptionum à ciuili iurisdictione passim cōcedantur, quæ res summam inter Ciues, qui in bene- constituta Republica cōditionis eiusdem esse debent, inæqualitatem parit, ciuilem obedientiam & debitum dissoluunt, ac magistratus auctoritatem maximè labefactat: præsertim quod ut plurimum exemptæ personæ, dum plus sibi quam alijs licere putant, multa contra leges ac mores Ciuitatis committere solent, cum summo magistratus contem-

Bb ptu, cate-

ptu, cæterorumq; Ciuium danno & præiudicio.

XIX.

Quod contubernia & collegia, utpote Lanionum, Bræseatorū, & alia, specialibus indultis, immunitatibus, beneficijs, ac constitutionibus, quæ cum publicis Ciuitatis, libertatibus, cōstitutionibus ac plebiscitis pugnant, donentur ac muniantur. Quo fit ut integra contubernia non solum leges publicas cum omni magistratus imperio proculcent & euacuēt, sed etiam in cōmercij rerum venaliam, quæ usui domestico sunt, & quarum moderationem non admittunt, suo arbitratu, præter æquum & bonum concives suos onerent ac emungant.

XX.

Cuius generis etiam illud est, quod Dñi Cōmissary, Contractū solennē, cōstituēdæ cōcordiæ cauſsa, cum bræseatoribus innitum, leuissimorū hominum impulſu, nullo iuris ordine resciderunt, quo paclio discordiæ renatae, aliæq; difficultates ortæ, multi vero ad conculcandas leges, & disoluendā tranquillitatem publicam facti sunt audacieores.

XXI.

Quod itidem literæ Moratoriæ paſſim edantur, nulla personarum contemplatione, quis in fraudem Creditorū eos petat, quis vel sua culpa rem decoxerit, vel fortune, maris, aut vētorum iniuria facultatibus lapsus fuerit, quod certe prius inquire cum per se iuris manifesti sit, etiam specialibus diuorum Regum Antecessorum rescriptis declaratur.

XXII.

Quod

97  
Quod Ciues, quorum controvērsia per legitimas appellationes ad ultimā quam vocant Instantiē cognitionē deuolutae sunt, varijs donatiuis, ac impensis vehementer exhauiantur, nec quisquam fermē tam iustam defendit causam, quam nihilominus pecunia stabilire cogatur.

XXIII.

Quod actiones criminales, contra vetustissimas ciuitatis iudiciorum libertates, & inueteratam consuetudinem ad Regium tribunal reuocentur.

XXIII.

Quod cum rei criminum ad subterfugiendā pænam friuolas interponunt appellationes, ad malitiam fouendā præsidij publicarum literarum, mandatorum, exemptionum, & inhibitionum adiuuentur.

XXV.

Quod recensita grauamina, Citationum, mandatorū, Saluorum conductuum, exemptionum, inhibitionum, nunc etiam initio noui regiminis, licet nōdum Regiae Majestati iuramentum ab Ordinibus præstitum sit, nihilominus tamē ingeri cæperunt. Ex quo parum spēi nobis esse, cum in iurium ac libertatum conseruatione, tum in eiusmodi grauaminum abolitione, facile quis possit suspicari:

XXVI.

Cuius rei illud etiā argumentum est, quod Laniones profugi & proscripti, pro tuendis turbulentis & seditionis suis conatibus palam recipiuntur, sustinentur, ac defenduntur.

XXVII.

Bb ij

Quod

Quod contra priuilegij præscriptum, quo Burzgrao-  
bio & Senatui cura bonorum caducorum & naufragorū  
demandata fuit, nihilominus superioribus annis Fiscalis  
se ingessit, qui prætextu caducorū etiam Ecclesiasticis bo-  
nis manum admouere conatus est, Idq; molestius eò ferunt  
Ordines, quod cum idem Fiscalis nec Ciuis sit, nec onera  
ciuilia præstet, ciuilibus tamen cōmercijs vtatur, fruatur.

XXVIII.

Maximo damno pulicū ararium afficitur, eo,  
quod centena millia thalerorum, quæ Serenissimo Regi  
p̄defuncto, in usum Magni Ducatus Lituaniæ, mutuo  
data suut, hactenus non restituantur: neque monasteria,  
quæ hypothecæ sunt, obligationi pignoratitiæ satisfaciant,  
quinimo eorum administratores, præter ius pignorum, bo-  
na monastica paulatim imminuere dicuntur, & plerum-  
q; alys in rebus Ordinum cōmodis parum studere videntur.

XXIX.

Quod item redditus semestres, ex arenda Telonei  
Caunensis, per aliquot iam annos, quibus multorum millio-  
rum summa nunc excreuit, hucusque non inferantur, cum  
ingenti Ciuitatis detimento, quæ interim mutuatæ foris  
nomine non exiguae usuras quotannis præstare tenetur.

XXX.

Nihil fermè magis hactenus omnium Ciuium ani-  
mos exacerbauit, quam quod in suburbio à Scotis denomi-  
nato, ciuilia cōmercia, & omnis generis opificum artificia  
hactenus tractata, usurpata & exercita, contra Ter-  
rarum

rarum libertates publicas, & expressum huius Ciuitatis priuilegium, in damnum multorum mercatorum, Ciuium, & plerorumq; contuberniorum perniciem. Quod vt aboleretur aliquando, s&pius à Reuerendissimo Dño Episco- po Vladislauensi precibus efflagitatum est. Quibus ne- glectis nunc demum, quamuis absque Ordinum scitu, ple- be propter publicas etiam possessiones deuastatas & exu- stas, concitata, ignis inieclus est. Eodem præiudicij gene- remulti etiam in vicinis pagis, viciis, agris, & alibi, Ciui- um rei familiaris vehementer obesse dicuntur.

XXXI.

His accedit, quod in monasterijs, parochijs, domo Carthusianorum, & alibi, opifices qui artes manuarias exercent, nec ex contuberniorum corpore sunt, immunes à civilibus functionibus, cum summo contuberniorum præ- iudicio, tolerantur, fouentur, ac recipiuntur.

XXXII.

Quod Officialis, Ciues utriusque sexus, in causis matrimonialibus extra Ciuitatem in alienum forum euocet, quod nec iure nec legibus Ciuitatis illi competere cer- tum est.

XXXIII.

Quod in villa Episcopali Stolzemberg/ pleriq; facinorosis, furibus, latronibus, decoctoribus, homicidis voluntarys, modo habent quod dent, contra præscriptum diuini pariter et humani iuris cum summa ciuilis iurisdi- cionis iniuria, receptus, p̄sidium, & securitas præstetur.

Bb iij

Idem

### XXXIII.

Idem fermè in Oliuensi monasterio moris esse cœpit,  
vt ibidem decoctores, seditiosi, proscripti, & quibuscunq;  
saltē institutum est Magistratū Ciuitatis calumniandi  
& traducendi, recipiantur, & eò tanquam ad impunita-  
tis asylum configiant. Conqueruntur etiam Ciues, Ab-  
batem eius monasterij, tam cum Hospitalibus, quam pri-  
uatis etiam personis, contra prædecessorum literas & mo-  
nimenta, iniquè admodum agere.

### XXXV.

Exemplo perniciosum est, & libertati publicæ ma-  
ximè contrarium, quod in fluvio Isthulæ libera nauigatio  
susq; deq; terrigenis inhibetur, rapinæ exercentur, homi-  
nes non vulnerantur modò, sed etiam trucidantur, & ea  
qui cōmittunt, Regijs etiam diplomatibus se tueri nō eru-  
bescunt.

### XXXVI.

Graue est illud etiam, quod Ciuitati & eius subdi-  
tis, in piscatione fluminum, aquarum, & lacus Haab/  
ab ijs qui vicina prædia possident, variae iniuriæ, & impe-  
dimenta inferantur, quorum omnium causæ ad ius arcis  
Marienburgensis perperam detorquentur.

### XXXVII.

Item quod Ciues nostri, in Regno Poloniae, propter  
aliena debita contra pacis perpetuae pacta, detinentur, ar-  
restantur, eorum pignora capiuntur, iisdem nouæ vecti-  
galium exactiones obtruduntur. Sic non ita pridem  
colore

99  
colore telonei non soluti, merces Lindensium vi capte,  
alijs alibi conductitiæ cameræ occlusæ, merces pignoratae,  
aliæque eius generis iniuriæ passim illatae.

XXXVIII.

Item quod Ernestus VVeier & alijs novo hostilita-  
tis genere ante triennium, vias publicas obsidere cœpe-  
runt, ne quid cōmeatus vel aliarum rerum in Ciuitatem  
posset importari.

XXXIX.

Præterea non Ciuitas solum, sed priuatim etiam ex  
Ciubus nonnulli graui & irrecuperabili damno afficiun-  
tur, qui pro Serenissimo Rege defuncto vel pecunias suas  
expenderunt, vel fidem suam interposuerunt. Nam dum  
hoc obsequij genus singulari gratificandi studio Maiesta-  
tie eius præstiterunt, ipsi viciissim non varijs solum mole-  
stys debitorum illorum nomine diuexantur, sed etiam neq;  
de solutione sortis, compensatione damnorū, & fidei suæ  
liberatione certi quidpiam constitutum vident. Quia in re  
ne officium illis suum damnosum sit, sed indemnitas po-  
tius rectè præstetur, ipsa æquitatis ratio demonstrat.

XL.

Tandem Ciuitatis ærario perdifficile est, quotannis,  
etiam absente Regia Maiestate, stationem trium dierum  
pendere, cum id antiquitus in alijs Ciuitatibus tum demū  
cum præsens est Regia M̄t̄s fieri cōsueverit. Quamobrē  
petunt Ordines etiam hui⁹ Ciuitatis hac in parte sumptus  
ad exemplum cæterarum Ciuitatum benignè moderari.

His

**H**is ut*i* ius*s* fuerant expositis, Internuncij durius etiam ac ante*a* c*o*perunt haberi, custodijs & p*ro*sidij*s* accurati*s* appositi*s*, ipsi*s* seorsim clausis, seorsim etiam comitibus & ministerijs ipso*r*um destinatis, omni*p*ro*f*ris aditu p*re*cluso, ne cum quoquam hominum sermones se rerent, ne*ne* pedem v*er*tra limen proferrent. Ac in v*er*nis uersum Internuncij tum eo sunt hospiti*j* genere suscep*t*, quo tam aduersus public*e* fidei literas, quam certissima securitatis promissionem insuper adiectam, haud immerito*s* se violatos naturali gentium iure conquererentur. Non deerat his iniurijs eiusmodi pr*ae*textus, nos ad propositas conditiones parum idonee*s* respondisse, grauam*n*um capita non e*st* ptinere, quasi Regiae Maiestati morem gerere*s*, sed quasi conditiones arbitrio nostro ferre velle*m*us. Intercedebant Consiliarij Terrarum, & Internuncios hortabantur, vt propius nonnihil ad Conditionum earum partes accederent. Illi, cum in causa verti res omnino pecuniarias animaduerterent, transigend*e* controv*er*siae desiderio, quatenus id Ordines ratum habituros existimarent, pecunia*e* summam pro modo publicarum facultatum luculentam proponunt. Verum hoc obsequij studio*s*, nihil aliud effectum, quam vt magis ac magis temeritatis, obstinationis, ac impietatis flagitia, p*re*ter meritum nobis ingererentur, in actionibus obiter plerunque suscep*t*is nihil certi, nihil expediti, nedum *et* qui, proponeretur, interdum immens*e* pecuniarum summ*e* conditionib*l*. ad*y*cerentur,

100  
ycerentur, interim de certitudine iurium, priuilegiorum,  
ac libertatum, de grauaminum & onerum abolitione, deq;  
postulationum illarum, quæ vires & facultates publicas  
& priuatas excedebat, moderatione nihil ostenderetur.  
Internuncij verò, præter quod habebant mandatum, adeò  
coarctari cœperunt, vt nisi planè postulatis consentirent,  
neglectis rationibus, iuribus, & priuilegijs nostris, negotijs  
pertractandi spes omnis abrumperetur, & extremæ cala-  
mitatis cōminaciones adhiberetur. Neg, tamen certi quid-  
quam proponebatur, quod ad nos referendum fuisse, do-  
nec Magnificus Domin⁹ Palatinus Bresten, quæ Sereniss:  
Regiæ Maiestatis sententia finalis esset, per Secretarium  
eis denunciaret. Erat idipsum nonnihil intricatum, sed  
vt expeditius fieret, Internuncij scripto delineant, quo  
sensu rem intellexissent, & Domino Palatino exhibent,  
verbis hunc in modum conceperis:

Serenissimæ Regiæ Maiestatis Domini  
nostrí clementissimi eam esse sentētiam  
Internuncij Ciuitatis Gedaneñ ar-  
bitrati sunt.

**V**T Sacrae Regiæ Maiestati Ordines Ciuitatis Gedan-  
neñ hoc præsenti anno Septuagesimo septimo du-  
centa, Futuro centum florenorum millia persoluant,  
Atq; vt eo facio omnes difficultates, quæ hacenus Ciuitati  
incubuerunt, vt pote actiones Commissoriales, & quæ ijs  
Cc quomodo.

quomodo cunque cohærent, Contributio, Executio, Placatio, & quæ nunc quoque placationis nomine præstanda sunt, cum omnibus & singulis incommidis, nullis penitus exceptis, tollantur & in perpetuum abrogentur, eorumq; memoria neque publicè neque priuatim ullis vñquam futuris temporibus renouetur.

Simili ratione Ciuitas penes bona sua terrestria, Priuilegia, iura, libertates, & omnes antiquas benè receptas consuetudines, atque omnem felicitatem perpetuam conseruabitur.

Magnificus autem Dominus Palatinus sequentem Declarationem redhibuit die xiiij. Decembris anni 1576.

**P**ortiorum præteriti temporis Maiestas Regia Ciuitati remittere, neque aliquid eo nomine exigere constituit, Futuri vero temporis pars dimidia Mti Regiae præstabitur, eo modo quo nunc exigitur, sine aliqua auctiōne.

Si præterea quidquam adhuc negotiorum Comissorialium erit, quod Ciuitatem premat, id in futuris Comitijs terminabitur. Cum publico Comitiorum Decreto ea negotia confirmata sint, necesse est ut ibi etiam ad debitum finem perducantur.

Ad tormenta bellica & mille milites quod attinet, non dubitat Maiestas Regia, quin ea in re eius Maiestatis gratiam Ciuitas quoque ancipatura sit.

Dominium

101

Dominium maris eò intellectum vult Maiestas Regia, ut Ciuitas absque ipsius Maiestatis consensu contrahatur vel pacta cum nullo Principum vel Ciuitatum ineat. Propugnaculum vero portus, & si quid præterea in ciuitatis est potestate, id omne Maiestas Regia Ciuitati permittere cupit.

Securitatis literas Maiestas Regia, inviolatas servare vult, nec est quod Dñi Internuncij eo nomine vel minimum extimescere possint.

Præter hæc cætera omnia in suo relinquuntur esse. In publicæ fidei literis propositas conditiones Maiestas Regia seruari quoque vult, Iuramentum præstent, Ad quam rem Maiestas Regia quosdam delegabit, qui iuramentum exigent, Militem dimittant, veniam deprecentur, Atque hæc Maiestatis Regiae perpetua & constans est voluntas:

**E**x his cum intelligeremus, non solum priores conditiones in suo statu retineri, sed grauiores etiam adiici, denuò rescripsimus Internuncys, quam inique, quam impossibiles illæ nobis viderentur. Cæterum ne totum illud, quod unum ferme præ cæteris peti videbatur, planè negligemus, eius etiam pecuniae, quam illi iam antea proposuerant, conditionem acceptauimus, quod ex Instruccióne sequenti liquebit.

Cc y Instrucción

INSTRVCTIO OMNIVM  
Ordinum Regiæ Ciuitatis Gedanensis,  
missa eiusdem Internuncijs Thorunij  
nunc existentibus Spectabilibus, Egre-  
gijs & Famatis Dominis Constantino  
Ferbero Proconsuli, Georgio Rosen-  
berg Consuli, & Henrico Lembke I.V.  
Doctori & Syndico Gedaneñ, vt se-  
cundum eius præscriptum Ordi-  
num mandata proponant.

**E**X relatione Secretarij nostri, qui nuper ab Internu-  
cij ad mandatum Sacrae Regiae Maiestatis ablega-  
tus ad nos venit cognouimus, præterita mandata nostra,  
quaæ Internuncijs ad propositas à Maiestate Regia condi-  
tiones per Syndicum nostrum, vna cum Capitulatione in-  
comodorum & difficultatum, quaæ hoc tempore Ciuitatem  
non tantum premere, sed opprimere fermè videbantur,  
misericordiam Regiam non parum offendisse,  
& omnia in eam partem accepta fuisse, quasi ad minuen-  
dam Sacrae Regiae Maiestatis dignitatem atque auctorita-  
tem composita essent, Indeq; Internuncijs contra securita-  
tis literas, quas Thorunij denuò à Sacra Maiestate, sub  
eiusdem Regia manu & Regni Sigillo obtinuerant, tam  
arctam

arclam fuisse datam custodiam, vt rebus suis etiam minis-  
mis nullatenus supereesse potuerint neque etiamnum pos-  
sint, Quod vtrumque factum esse nos vehementer dole-  
mus. Et vt posterius priori loco dicamus. Nihil nobis po-  
tuit accidere acerbius, quam audire in hac priori suscepta  
negotiorum tractatione Internuncyse ea quæ Sacra Mts  
Regiae manu & Regni sigillo roborata, & apud nos ha-  
cenus sacrosancta habita fuerunt, seruata non esse, sed  
ipsis nihilominus custodiam hominibus honesto loco natis  
indignam planè datam & impositam fuisse. Ita vt non  
videamus, quantum in posterum literæ Maiestatis Regiae  
apud nos valituræ fint, si hæ valere nihil debuerunt, vel  
quam nobis de omnibus hisce susceptis tractationibus  
spem facere possimus, dum semper in animis nostris hæc  
relinquetur dubitatio atque hæsitatio, idem nobis quod  
nunc Internuncijs præter omnem expectationem nostram  
euenit, euenire quoque posse.

Deinde nescimus quo nostro malo omnia quæ à no-  
bis bono animo ac optima fide, ad conseruandam Ciuitatis  
incolumitatem dicuntur vel scribuntur, plerunque in de-  
teriorum partem accipientur. Nam quod nuper ijs conditi-  
onibus, q à Sac. Mts Regia nobis ppositæ fuerunt adsen-  
tiri nō potuimus, eò factū est, quod vires nostras illis lögē  
impares esse vidimus, Ad quas necessariò ita tum respon-  
dendū fuit, vt Sac. R. Mt Ciuitatis rationes inotesceret,

vtq; ijs plenius perspectis, tanto facilius atque clementius  
à propositis illis conditionibus, quæ non tantum nostras,  
sed totius fermè Regni vires superare videbantur decede-  
re, atque aliam rationem benignissimè inire posset, qua-  
Sacrae Maiestati Regiae à nobis tandem satis fieret.

Simili ratione quoque incōmoda atque difficultates  
omnes, quibus hoc tempore Ciuitas maximè premitur, ab  
Internuncijs, quantum quidem ex ipsorum literis & Syn-  
dici nostri relatu, cognoscere potuimus, fermè extortas,  
non ea mente transmisimus, vt Sacrae Regiae Maiestati  
earum abolendarum modum præscribere vellemus, sed vt  
Maiestas Regia, quemadmodum clementissimè voluisse  
cognoveramus, ijs perspectis, rationem seu remedium po-  
tius aliquod adhibere dignaretur, quo Ciuitati suæ ali-  
quando benignissimè, pro Regia sua clementia cōsuleret.

Ita nunc quoque quamvis nobis nomine Sacrae Regiae  
Maiestatis, per Magnificum Dominum Palatinum Bre-  
steñ, quædam conditiones propositæ sint, quas nos ea qua  
decuit reverentia atque obseruantia accepimus, tamen cum  
nostras & Ciuitatis huius, nostræ fidei cōmissæ, rationes  
atque tenuitatem expendimus & vero modulo metimur,  
facere nulla ratione & nunc etiam possumus, quin iterum  
Sacrae Regiae Maiestati per Internuncios, id quod res ipsa  
est, humillimo studio demississimisq; verbis explicemus:  
maiorem in modum obsecrantes atque obtestantes, ne id  
Sacra Regia Maiestas aliorum accipere clementissimè  
dignetur,

dignetur, quam à nobis sincero animo ac optima fide, præcuitatis incolumitate dicuntur atque exponuntur.

Ac quod in primis trecenta illa florenoram millia attinget, nullum modum neque rationem inuenire possumus, qua tanta vis pecuniae colligatur, Ciuitatis arario plane exhausto, & priuatorum facultatibus per hosce aliquot annos proximos valde attritis atque attenuatis. Nam sumptus publici censum fermè superant, dum Ciuitas in usurarum rationes quotannis tantam fermè vim pecuniae profundere cogitur, quātam ex omnibus prouentibus corradere potest, quæ ex illis summis pecuniarijs proueniunt, quas D. olim Sigismundo Augusto Regi laudabilis memorie in usum & commodum totius Regni ac Magni Ducatus Lithuaniae, durantibus bellis Liuonicis, pro fidei atq. subiectionis nostræ debito, Et Duci etiam Brunswicen Erico pro totius Regni incolumitate, mutuo dedimus, Quarum hic rationem omnem ad amissim explicare nimis longum foret, quod Internuncijs vt faciant cōmittimus. Priuatorum vero facultates per aliquot annos in bellis illis Gallicis, Belgicis, Suedicis & Danicis ex speculatorum & prædonum rapinis, ac mercatorum subsecuta fluxa fide ita collapsæ sunt, vt fidem suam non certiorare modo, sed liberare vix amplius possint. Et sensimus iam antea, atque nunc etiam quotidie persentimus, que difficultas in corradendis nummis suboriat, dum eam adhuc persoluimus Regi Daniæ pecuniam, qua præter-

ter nostrum meritum, naues & merces nostras in tertium  
ferme annum in Regno Daniæ detentas, ac liberam nau-  
igationem, non tantum in nostrum sed totius etiam Re-  
gni Poloniæ cōmodum atque emolumentum redimere co-  
acti fuimus, vt taceamus alios sumptus quos difficillimi-  
bisce temporibus multifariam facere cogimur.

Ad quas difficultales si haec quoque accedere debe-  
ret, non videmus, quomodo Ciuitatis rationes vel publice  
vel priuatim consistere possent. Quare rogabunt Sacram  
Maiestatem Regiam, ne nos ad conditiones hoc rerum  
statu impossibiles adigere, sed pro Regia sua clementia ita  
nobiscum agere benignissime dignetur, vt oneri ferendo  
simus, nec impar aliquod onus subire cogamur.

Pfalgeldi seu portorij exactio, iam ab ipso Ciuitatis  
primordio penes Ciuitatem fuit, etiam Ordine Crucifero-  
rum in hisce Terris imperium gerente, atque ad reficien-  
dum portum & Isthmœ aggeres, sine quibus portus ille diu  
consistere non potest, Ciuitati ab initio concessa, & postea  
à Serenissimis Poloniæ Regibus singulari priuilegio con-  
firmata fuit, Quod nimirum viderent, sine illa portorij  
exactione Ciuitatis rationes satis latè patentes saluas esse  
nulla ratione posse. Accidit enim sæpen numero unius anni  
decurso & officia aquatica plus absumere, quam ex illa por-  
torij exactione in ærarium publicum infertur, Eaq; si non  
suo tempore reficiantur, periculum est ne ipse portus &  
ita vniuersæ totius Regni fortunæ pessum eant. Penes  
quod

quod priuilegium, quemadmodum & cætera omnia, Sacram Maiestatem Regiam Ciuitatem suam clementissimè conseruaturam esse, quemadmodum iam non semel clementissimè polliceri dignata fuit, humillimè confidimus.

Cōmissionis negotia, ad quæ inuiti, reclamantes, atque solenniter p̄testantes pertracti fuimus, eiusmodi sunt, ut nisi vna cum reliquis incōmodis atque difficultatibus, quæ Ciuitatem fermè opprimunt aboleantur. Ciuitas nulla ratione subsistere possit. Et quamvis Comitiorum Decreto roborata & ab omnibus Regni Ordinibus approbata dicantur, id tamen in tergum nostrum, nobis non præsentibus neque vocatis factum fuit. Tum pleraq; Cōmissionis illius contenta, cum apertissimis Priuilegijs, iuribus, libertatibus & consuetudinib. huius Ciuitatis manifestè pugnant, præterq; quod omnia tum temporis D. Cōmissarijs partim conditionaliter, partim ad vitam D. Sigismundi Augusti colendæ recordationis promissa fuerint.

Quod etiam animaduertens D. Sigismundus Augustus Rex, nos ad illud Cōmissionis onus contra iuræ. & Priuilegia nostra nunquam adigere voluit, Neque dubitamus Sacram Maiestatem Regiam ubi eius rationes penitus introspexerit, nos ab eius onere, etiam extra Regni Comitia, clementissimè liberaturam esse:

Militum nostrorum conductiorum ea est ratio, ut eos inuitos, ut in alieno territorio extra Ciuitatem, cuius se seruitio addixerunt, militent, nulla ratione cogere possumus,

Dd

mus, Atq; cum ea conditio non in nostra sit posita potestate, sed ex alieno arbitrio depēdeat, nihil ambigimus quin Sacra Regia M̄tās animaduersa rei impossibilitate, nobis haud imputatura sit, quod quātumuis maximē cuperemus, huic conditioni satisfacere nulla ratione possimus.

Bombardarum etiam apud nos non ea est copia, vt ingruente aliqua necessitate, quam Deus clementer aerat, non maior requiratur. Quare Miēm Regiam iterum atq; iterum rogabunt Internuncij, ne ea, q̄ ad Ciuitatis in finibus positae defensionē apprimē necessaria sunt, à nobis auferre, sed clementissimē potius concedere dignetur.

Dominium maris nobis nunquam impotenter arrogauimus, sed ys tantum pro Ciuitatis incolumitate usi sumus, que nobis de iure & Privilégio ad defensionem littorum, & ad conseruandam cōmertiorum & liberæ navigationis usum competunt, neque ambigimus, quin Sacra Regia Maiestas nos penes ea omnia clementissimē quoque conseruatura sit.

Militem diu retinere nostri neque est instituti neque propositi, sed eum qua fieri poterit opportunitate primam mitteremus, vt ita Sacrae Maiestati Regiae per omnia satisfieri possit.

Internuncios eam præcipue ob causam Thorunium ablegaueramus, vt si qua in parte erratum videri posset, veniam deprecarentur, modo id sine publica Ciuitatis infamia & ignominiae labefieret, in qua etiamnum sententia persistimus.

Iuramentum

105  
Iuramentum quoque præstare nō detraciamus, modo  
nobis, cum ea obligatio sit reciproca, caueatur, iuramento  
Mūs Regiæ nos non tantum comprehensos, sed iura etiā  
atq; libertates nostras nobis sartas tectas conseruatum iri.  
Cum etiam videamus, rationes Ciuitatis nullatenus saluas  
esse posse, nisi Sereniss: R. Mīas in felici suo in hanc Ciui-  
latem ingressu comitatum ita moderetur, ne nobis terrori  
vel detrimento sit: Internuncij humillimè rogabunt, ne id  
Mīas R. in eum finem accipere dignetur, quasi Eide modū  
aliquem p̄scribere velimus, quomodo ad nos ingredi debe-  
at, sed hoc saltē humillimè rogare, vt moderationem aliq;  
adhibere benignissimè dignetur, ne Dñi Consiliarij, more  
consueto, tam numerosum seruorum & familiariū suorū  
comitatum adducant, qui non tantum oneri nobis esse, sed  
etiam turbas per Ciuitatē ciere et motus dare possit, quēad  
modum eo tēpore quo D. Sigismūdus Augustus augustæ  
memoriæ Ciuitatē ingressus est, nō tantū cum nostro, sed  
etiam Mīis eius periculo factum fuisse meminimus, Quod  
ne nunc etiā fiat cautionē saltē adhibere aliq; studemus.

Et quamuis nunc iterum ad singulas nobis proposi-  
tas cōditiones, pro fide nostra & iuramēto Ciuitati dato,  
rēpōdere coacti fuerimus: tñ ne ij videri possimus, qui ni-  
bil quam verba dare, & animū Sac. Mīis Regiæ magis  
magisq; à nobis alienare constituerimus, re omni penitus  
expensa, quid nobis tam publicē quam priuatim expediat,  
atq; emēsis quasi iusta quadam trutina facultatib. nostris,

Dd ij

cum

cum nihil magis in votis habuerimus vñquam , neque etiam  
amnum habeamus, quam vt Sacrae Regiae Maiestatis anis-  
mum nobis quamprimum reconciliare, & Ciuitatis ratio-  
nes in tutum aliquem locum collocare possimus : pecunia  
etiam aliquam summam non contennendam Sacrae Ma-  
iestati Regiae humillimè offeremus, atq; Internuncij eam  
facultatem permittimus atque concedimus , vt nostro no-  
mine principio quinquaginta florenorum millia , ijs vero  
si nihil perfecerint, sexaginta, octoginta, ad centum usque  
millia humillimo studio offerant. Quamuis id facultatum  
nostrarum rationes , hoc tam exulcerato rerum statu, bo-  
nis ciuitatis tam publicè quam priuatim depopulatis atque  
exustis, & antehac tam Interregni quam alijs temporibus  
magno incômodo affeclis, agrè patiantur, idq; onus humer-  
is nostris longè impar, nec nostrarum sit virium eam pe-  
cuniā promptam atque paratam exoluere, sed vt publi-  
ca interueniente Ciuitatis fide aliundè sub certo ac tolera-  
bili fœnore ex semisse vel septunce sumatur, atque aliquot  
annorum spatiū ad eam persoluendā concedatur. Qnod  
Internuncij nostris, quib. rationes Ciuitatis satis perspe-  
ctae sunt, cōmittimus , vt id agant & constituant , quod  
ex re nostra & Ciuitatis esse existimauerint Atque humil-  
limè petent & demississimè rogabunt, ne Maiestas Regia  
sibi ab aduersarys nostris persuaderi patiatur , esse alio-  
quid amplius, quod hoc tempore facere possimus, in nostris  
viribus vel potestate, cum vix rationem vel modum inue-  
niamus,

niamus, quomodo sine extremo Ciuitatis incommodo his,  
cum omnibus reliquis oneribus, pares esse possimus. Sed  
hec omnia ita tamen offerimus & Internuncij nostri of-  
ferent, ne propter rebellionem aliquam, sed tantu ad pro-  
merendam Sacrae Regiae Maiestatis gratiam & eius Re-  
gium animum nobis magis magisq; deuinciendum, nume-  
rata esse existimentur, & vt nos econtra Sacra Regia  
Maiestas penes omnia bona, Priuilegia, iura, libertates et  
antiquas consuetudines, omnibus futuris temporibus cle-  
mentissimè conseruet, & omnia ac singula grauamina,  
etiam hysce temporibus enata, non ita pridem per Internu-  
cios nostros, nobis iubentibus, exhibita, benignissimè ita  
abroget & aboleat, ne cuiquam vel publicè vel priuatim,  
yllis futuris temporibus, fraudi, periculo, vel damno esse  
possint, Et in eam rem Reuersales suas literas nobis cle-  
mentissimè det, vt sit quiddam in rebus nostris certi, atq;  
antequam id fiat, nihil pecuniae promittant, vel nos quid-  
quam daturos esse affirment, nisi quid quaq; in re certum  
esse debeat scire possimus: Iterum atque iterum humili-  
mè ac suppliciter rogantes, ne Maiestas Regia hec alio  
quam clementi animo accipere, & nos atque omnes Ciui-  
tatis incolas, fauore, gratia, atque clementia sua Regia  
complecti atque prosequi clementissimè dignetur, vt tan-  
dem in gratiam Maiestatis Regiae recepti, sub eiusdem im-  
perio atque regimine feliciter agere possimus, Cui omnia  
nostra subiectionis studia & fidei officia etiam atq; etiam

Dd iiij summa

summa animorum submissione deferent: DEV M opt:  
max: ardentiſſimis votis rogantes, velit Maiestatem Re-  
giam quam diutiſſimè ſaluam, incolumem, florentem ac  
triumphantem ad ſui nominis gloriam & noſtrorum om-  
nium Sacræ Regiæ Maiestatis fidelium ſubditorum opta-  
tiſſimum ſolatium clementiſſimè conſeruare.

Si autem hiſce omnibus quæ à nobis humillimo stu-  
dio offeruntur Serenissimæ Maiestatis Regiæ animus per-  
moueri non poſſet, quod neuitquam tamen confidimus,  
Internunciū humillimè rogapunt, vt bona cum Maiesta-  
tis Regiæ gratia, Saluiconduetus vigore, ſecure ad nos  
domum redire, & in quo ſtatu res noſtræ ſint nobis expo-  
nere poſſint. In quorum omnium fidem &c. Datum Ge-  
dani die 17. mensis Decembris Anno Dñi 1576.

**H**is autem haud ſanè magnipenſis, & eo loco poſi-  
tis, quaſi parum eſſent ex Regia dignitate, remiſ-  
ſus eſt ex Internucijs noſtris Dominus Praeconsul Con-  
ſtantinus Ferberus, fideiuſſione praefita, certoq; reditus  
tempore conſtituto, qui nos Regiæ Maiestatis voluntatem  
pleniū edoceret. Ac quanquam parum ex ſuperioribus  
conditionibus remittebatur, tamen ne quid ad promeren-  
dam gratiam Regiam, & rerum omnium tranquillorem  
ſtatum recuperandum, reliquifaceremus, Ducenta millia  
florenorum obtulimus, & Dominum Praeconſulem cum  
ijs quæ ſequuntur literis Torunium remiſimus.

Literæ

107  
Literæ ad Regiam Maie-  
statem.

**S**erenissime potentissimeq; Rex ac Domine, Domine clementissime, &c. Quanquam nihil nobis acerbius iamdudum accidere potuit, quām rationes nostras ad conciliandam Regiæ vestræ Maiestatis gratiam propositas locum non inuenisse, & Internuncios præter fidei publice literas in custodia habitos fuisse: Tamen cum nihil interim maioribus votis exoptemus, quām nunc etiam Eiusdem clementiam & paternam propensionem quibus- cunque possumus gratificandi studijs humiliè promere- ri, Internūcijs nostris denuò rationes quaſdam in cōmīſſis dedimus, quibus humiliè ſperamus Serenissimam Regi- am Maiestatē vestram omni quæ hactenus interceſſit of- fensione deposita, tandem aliquando Ciuitatis & horum temporum grauamina penè fatalia clementissimè ad anti- mum admissuram.

Quapropter quām possumus ac debemus subieclissi- mis precibus humiliè iterum ac iterum Sacram Regi- am Maiestatem vestram obſecramus, clementissimè dig- netur Internuncios nostros in conspectum admittere, & que nostro nomine in mandatis habent benignius exaudi- re, illos autem cum desideratissimo Regalis mansuetudi- niſ & clementiæ reſponſo quamprimum expedire.

Faciet

Faciet rem tot Regiarum virtutum suarum predicatione dignissimam, nobis autem omnibus & vniuersis Ciuitatis incolis, non solum ad posteros immortali memoriæ consecrandam, verum etiam omnibus quibus possumus ac debemus inferiendi obsequijs, humilimo studio semper & ubique promerendam, &c. Datum Gedani Calendis Ianuarijs, Anno Dñi M. D. Lxxvij.

INSTRVCTIO SPECTABLIBUS, Famatis & Clarissimis Dominis Constantino Ferbero Præconsuli, Georgio Rosenbergio Consuli, & Henrico Lembken I. V. Doctori, Syndico Regiae Ciuitatis Gedanensis, ab omnibus eiusdem Ciuitatis Ordinibus data,  
die i. Ianuarij, Anno Dñj 1577.

**P**ostquam non ita pridem, mediante Regiae Maiestatis Saluo conductu, Ciuitatis huius Ordines Inter nuncios suos, cum certa mandatorum Instructione allegassent: ac iisdem paulo post rebus ad tractationem per ductis, ac domi deliberatis, animi sui sententiam porrò perscripsissent: animaduersum autem fuerit, ea que ab Ordinibus proposita essent, adeo in deteriorem partem accepta, ut non solum Regiae dignitati parum consentanea censerentur:

censerentur, sed etiam Internuncij cum suis comitibus, in eiusmodi custodia habiti sint, cuius generis nulli vnguam Ciuitatis mandatary, quanquam literæ securitatis neutiq; intercessissent, nedum ijs concessis, à Serenissimis Ante-cessoribus Poloniae Regibus sunt experti: Quanquam Ordinibus ista vehemēter dolenda sunt, quoniam humillimè sperauerant, ea quæ proposuissent, ad consequendam Regie Maiestatis gratiam, priuilegiorum & libertatum confirmationem, nec non grauaminum incumbentium abolitionem, clementius ac benignius acceptumiri: Tamen cum præter expectationem secus acciderit, ipsi vero nunc etiam nihil in maioribus votis habeant, quam integra Regie Maiestatis gratia, suis libertatibus ac iuribus, vna cum pace Religionis hactenus usurpata, uti frui, ac cum ceteris Regni Poloniae membris, pacem, amicitiam et statum quietum colere, et rem familiarē pacatē tueri: Hanc in rem itaq; p̄sentibus negocij demum diligenter expensis, iterū nunc vt antea consilia sua bono et sincero animo ad eum vtq; finem dirigere decreuerūt, quomodo superiores omnes offensæ, simultates, indignationes, & difficultates inde exortæ, saluis & in uiolatis iuribus ac libertatibus suis, penitus tolli, aboleri, ac sopiri possint. Quam ob causam non recusant etiam amplius quid præstare, quam nunc Ciuitatis rationes patiuntur, quo magis Regia Maiestas, & Ordinum humilium obsequendi studium clementissimè perspiceret, ac inde manifestius appareret, illos

Ee

ex

ex discursu superiorum actionum, de quibus nunc plura  
commemorare necessum non est, consilia sua non ad ul-  
lius rebellionis propositum, sed Ciuitatis saltem iurium  
ac libertatum indemnitatem retulisse.

Proinde nunc etiam ad recuperandam & deinceps  
perpetuo perfruendam Regiae Maiestatis gratiam, clemē-  
tissimam ac paternam propensionem, vñā cū pacifico  
Augustanae Cōfessionis vñu, quam integrā sibi relinqui  
petunt, cumq; incolumente & confirmatione Ciuitatis  
Priuilegiorum, libertatum ac iurium, abolitis etiam gra-  
uaminibus in contrarium illatis, præsertim ex Cōmissio-  
nis negocio oriūdis, prout ea grauamina omnia sp̄eciatim  
scripto iam pridem exhibita sunt, quorum si quædam  
nunc corrigi vel emendari non possunt, quæq; Comitiorū  
authoritatē desiderant, de ijs abolendis Internuncijs per  
literas Reuersales rectè caueri curabunt: ita vt promittat  
Regia Maiestas, se in proximis Comityjs abolitionem illo-  
rum curaturam, neq; prius obligatos fore Ordines, quam  
& Reuersales literæ datæ fuerint, & emendatio graua-  
minum subsecuta: Quibus præstitis, Ordines cōsentient  
& offerunt ducenta nullia florenorum polonicalium Re-  
gie Maiestati quatuor pensionibus in annos quatuor con-  
tinuo sequentes, intra festum Paschatos & Pentecostes,  
singulis nimirum annis quinquaginta millia florenorum  
danda & exoluenda. Quod si Regia Maiestas primum  
huius anni terminum expectare nolit, consentiunt Ordini

nes pro eius termini præsentî pecunia (quatenus eam  
Maiestas eius mutuam aliundè sumere velit) fidem suam  
pro forte & usuris præstandis interponere, vel etiam  
mercib. quibusdam, ut potè pannis, aromatibus, vel alijs  
eiusmodi rebus solutionem conficere. Ac quoniam Domi-  
ni Consiliarij Terrarum Prussiæ benignè receperunt, se  
pro conseruatione publicæ tranquillitatis, insuper centum  
millia florenorum adiuncturos, humilimè confidunt Or-  
dines, atque hac intentione summam prædiclam ducento-  
rum millium offerunt, ut Regia Maiestas illorum fidem,  
sine ulteriori Ciuitatis onere clemetissimè sequi dignetur,  
ac ut hoc modo omnes superiores offensæ, læsiones, pro-  
scriptionis decretum, motus bellici, damna & detrimen-  
ta, intra vel extra Ciuitatem, publicè vel priuatim exors-  
ta, quidquid denique ad ea pertinet, vel inde subsecutum  
fuit, penitus sublata, sopita, defuncta, & obliuioni tra-  
dita esse & manere debeant.

Ac ut Regia Mts Ciuitatem hanc & fideles suos  
subditos à ceteris Cōditionibus, quæ per se non solum im-  
possibles, sed cum summa Ciuitatis infamia, detimento,  
iuris ac priuilegiorum præindicio coniuncta sunt, releua-  
re clementissime dignetur, præsertim autem quantum  
ad portorium maritimum pertinet, cuius prouentus ad su-  
stentandum portus & fluminis integratatem necessariò  
impenduntur, nec eo Ciuitas in tam multis expensarum  
oneribus carere potest.

Ee ij

Nam

Nam & conditiones à Cōmissarijs in eam rem iam antea propositae, nec utiles nec factu faciles inuentae sunt: cum quod aduersus Ordinum mentem, consensum & intentiō nem aliò detortae fuisse, tum quod alibi in nostratibus, Ciuibus & mercatoribus, similiter agranandis, ad consequentias facile trahi possent. Neque certè Regia Maiestas Serenissimæ recordationis, rei rationibus exactis ac perspectis, hoc tam insigni præiudicio Ciuitatem implicare voluit. Quod ad Deprecationem attinet, acquiescunt Ordines etiam nunc ipsi mandatis, quæ in anteriori instruclione Internuncijs cōmisserunt.

Dabunt etiam operam Internuncij, vt declaratio iuramenti Regij, prout illa coram statibus Terrarum in verbo Regio facta est, saluis nimirum iuribus & Priuilegijs, in usum Ciuitatis edatur, ne quando Priuilegijs ac iuribus illius possit esse fraudi vel detimento. Postremo Regiae Maiestati humilimo subiectionis studio & fidelissimo omnium Ordinum obsequio ad animum reuocabunt Internuncij: quomodo iam antea Sereniss: Diuis Antecesis forib. Ciuitatem ingressis variae turbæ, offensiones & iniuriae cum Ciuibus & peregrinis in tanta hominum promiscua multitudine sint exortæ. Unde factum etiam, vt Ciuitas multis difficultatibus ex priuatorum iniurijs implicata fuerit. Ea propter humilis precibus obsecrabūt, & quantum poterunt operam dabunt, vt Regia Mtās, si quando Ciuitatem hanc ingressura est, comitatum suum

& cetera.

¶ ceterorum, qui ipsi aderunt, ita moderari clementissime dignetur, ut inter Ciues & peregrinos pax & tranquillitas conseruetur, & omnes Ciues ac Incole re ipsa experiantur, non habere propositum Maiestatē eius hoc modo Ciuitatem opprimendi, sed potius saluam penes Priuilegia & libertates suas clementissimè conseruandi. Erit hoc primum suæ paternæ clementiæ erga hanc Ciuitatem suam inditum, cum perpetua immortalis memoriæ testificatione coniunctum, quod Regalis beneficij genus omnes Ciuitatis Ordines humilimo subiectionis obsequio pro viribus ac facultatibus suis demississimè promereri perpetuò conabuntur.

Hæc Ordinum mandata, & ea quæ anteriori Instructione cōtinentur, Internuncij diligenter obseruabūt, nec ab ipsis diuersum aliquid admittent. In cuius rei fidem sigillum nostrum præsentibus est subappressum. Datum Gedani, prima die mensis Ianuary Anno Dñi 1577.

**V**Erum ne hoc quidem obsequij genere, quod vires fermè nostras excedebat, Regiæ Maiestatis animus placari potuit, sed paulò post Bidgostiæ nouæ conditiones dictæ, & per Internuncios nostros Georgium Rosenbergiū, & Syndicum Doct. Heinricum Lembken, simili quæ prius fideiußione interposita, ad nos perlatæ, verbis hisce perscriptæ.

Ee iij

Ex

Ex Mandato Sacræ Regiæ Maiestatis hę  
conditiones postremæ Gedanensium In-  
ternuncijs Bidgostiæ, 7. Ianuarij Anno  
Domini M. D. Lxxvij. propositæ.

**T**Recenta millia florenorum tribus pensionibus nu-  
merare obnoxij sunt, Quorum prima centum  
millia nunc statim, Secunda ad primum diem Augusti  
huius Anni, Tertia centum millia ad primum diem Sep-  
tembris Anni M. D. Septuagesimi octauij.

Pfalgeldij vestigalis dimidiā partem ex forma-  
placationis & publico decreto debitam Maiestas Regia-  
sibi saluam & firmam reseruat. Colligendæ autem pecu-  
niæ cauſa, suum scribam illic adhibebit, quæ quidem pe-  
cunia usque ad Comitia proxima Regni apud Burggra-  
bitum, iuramento Regiæ Maiestati obstringendum, veluti  
apud sequestrem reponetur, quandoquidem huius rei co-  
gnitio ad Comitia proxima reycitur. De altera dimidia-  
parte Gedanenses disponendi facultatem habere debent.

Quatuor tormenta ænea cum necessarijs globis &  
pulueribus qua maxima poterunt magnitudine, & ad v-  
sus belli dare, Maiestati eius Regiæ debebunt. Quæ tor-  
menta Maiestas Regia finito bello clementer Gedanensi-  
bus iterum reddi iubebit.

Vt grauamina omnia indigne illegitimeq; in p*re*ie-  
dicium ipsorum Priuilegiorum inuecta, in Comitys peni-  
tus tollantur, Maiestas Regia clementer auctoritatem su-  
am apud Ordines Regni interponere nō grauabitur, quod  
etiam literis Reuersalibus benignè Regia Maiestas testa-  
ri dignata est. Cetera verò quae auctoritate sua potuit, om-  
nino sustulit, quæmadmodum apparet ex literis Regie  
Maiestatis ipsi Georgio Rosenbergio Dantiscum profe-  
ctu*ro* traditis.

A Ttulerunt ijdem Internūcij literas Reuersales vna  
cum responso Regie Maiestatis, ad enumerationem  
grauaminum superius à nobis concestorum.

Stephanus DEI gratia Rex Poloniæ,  
Magnus Dux Lithuaniae, Russiæ, Prus-  
siæ, Masouïæ, Samogitiæ, Liuoniæ &c.  
necnon Transyluaniae Princeps.

S Ignificamus præsentibus literis nostris. Quia cum  
Nuncij Ciuitatis nostræ Gedanci quædam grauami-  
na illius Ciuitatis nobis obtulissent, atque petijissent, vt ea  
pro gratia & authoritate nostra tollere, Ciuitatemq; ab his  
grauaminibus immunit facere vellemus. Nos visis & per-  
spectis omnibus his quæ nobis scripto fuerunt oblata, exa-  
minatisq; rite omnibus eorum petitionibus, cum nonnullas  
eiusmodi

eiusmodi esse cerneremus, ut merè ad comitia generalia,  
censuramq; omnium Ordinum & statuum regni pertine-  
rent: aliæ item sint quas auctoritate nostra Regia nos ipsi  
tollere posse videbamur, ita statuendum faciendumq; pu-  
tauimus: ut grauamina vera & legitima, quæ nos ipsi  
pro auctoritate & superioritate nostra tollere & abroga-  
re posse putabamus, ea sublata & abrogata esse censean-  
tur, nosq; ea sustulimus & abrogauimus. Quæ vero ad  
Comitia & cognitionem omnium Ordinum Regni perti-  
nere videbantur, pro his omnibus annuimus & consensi-  
mus, ut in futuris Comityjs generalibus omnium Ordinum  
& Statuum cognitio & dijunctio fiat, ac quæ illegiti-  
ma à statibus iudicabuntur, tollantur ex mera gratia &  
clementia nostra. Dabimusq; operam ut status & Ordin-  
nes Regni in tollendis eorum veris & legitimis grauami-  
nibus, rationem eius Ciuitatis habere velint, pro conserua-  
tione Iuris publici libertatumq; & Priuilegiorum Ciuita-  
tis Gedaneñ, q; nos ita sarta teclaq; semper habere volum<sup>o</sup>,  
vti alijs quoq; Regni nostri subditi habent, Atque in eius  
rei fidem Sigillum nostrum apprini iussimus. Datum  
Bidgostij die 8. Ianuary Anno Dñi M. D. Lxxvij.  
Regni vero nostri Anno primo.  
Stephanus Rex.

Capitu-

# CAPITVLATIO GRAVAMINUM AC PETITIONVM CIUITATIS GEDANENSIS VNÀ CUM RESPONSIS SACRÆ REGIÆ MAIESTATIS BIDGOSTIJ DIE OCTAUÆ JANUARIJ DATIS ANNO DNI M. LXXVII.

I.

**P**rimum omnium Ciuitatis Ordines de pace Religio-  
nis sibi cautum esse volunt, vt Augustanae Confessi-  
onis vſu tam in Ciuitate quam extra muros in eius distri-  
ctu pacificè et quietè sine ullo cuiusvis impedimento pro-  
ut hactenus fruantur, neue cuiquā Religionis ergò mole-  
stia vel negotium exhibeat, neue in templis ritus ceremonio-  
niarum immutentur.

## Responsum ad primum Sacræ Regiæ Maiestatis.

**C**oncedit Maiestas Regia, ita ut fuit tempore Sigis-  
mundi primi, & Sigismundi Augusti Poloniae Re-  
gum.

II.

Inter cætera grauamina, quæ iam pridem Ciuitati  
contra publicas libertates, Priuilegia, iura, consuetudines  
illata sunt, longè maximum est illa Commisso, quæ cum  
summa Ciuitatis infamia, publicæ fidei noxa, et fortuna-  
rum detrimento superioribus annis agitata fuit. Qua Ci-  
uitas

uitas non solum concitatis tribubus ac Contubernijs extremum penè discriumen, ex Magistratu nonnulli citra culpam, existimationis, honoris, fortunarum ac vite periculum adierunt: Verum etiam publicæ libertates, iura, præuilegia, prouëtus, bona terrestria adeò impugnata, immunita & labefacta fuerunt, vt hoc modo nihil penè quod ad vniuersæ Cinitatis perniciem agi potuisset, r. retermis sum Ordinibus videatur. Quod ex ipsius Commissionis actis & gestis sigillatim apertius potest demonstrari.

Resp: Hunc Articulum Maiestas Regia ad proximè ventura Comitia reycit, de eo q̄ ex omnium Ordinum sententia decernendum esse putat.

III.

In primis illud molestissimè ferunt Ordines, in placationis eius formula, quæ penè inuitis exorta fuit, ita se fuisse circumuentos, vt cum grauaminum aliquorum abolitionem Domini Comissarij re promitterent, hinc quidem Ordinum pollicitationem scripto consignatam fuisse, illinc autem grauamina non solum, vti conuenerat, non abolta, sed interim etiam non vnis oneribus accumulata fuisse conquerantur.

Resp: Ad Comitia itidem refert.

III.

Huic consequens est æquè graue præiudicium, quod cum semissem maritimi Portorij, cuius duplicati per Diuum Sigismundum Augustum facultas petebatur, Ordines

nes

114  
res ipsi Maiestati Regiae, vel ad certum tempus, vel diutissimè quoad ipsa in viuis foret, destinassent, Comissarij nihil minus hoc obsequium à persona ipsius Mts ad uniuersum Regnum, atq; adeo perpetuum & ad posteros infame onus, aduersus contrahentium mentem & intentiōnem detorquere voluerint. Quod quam graue & intolerabile Ciuitati futurum esset, pientissimo Regi sanctæ & Augustæ memorie non semel demonstratum est, ea præsertim ratione, si Portorium huius Ciuitatis in exterorum merces adaugeretur, nihil fore certius, quam eodem exemplo nostrates in transmarinis emporijs contra morem antiquū, nouis vectigalibus, oneribus & exactionibus & quæ diuexatū iri. Illud autem ex utraq; parte necessariò conserqueretur, ut propter aggrauationem Portorij cōmercia, q; quantum possunt, libera volunt esse, penitus à Ciuib. nostris aliò transferrentur, quod non modò cum Ciuiū, sed etiam Regnicolarum certissimo damno coniunctum fore multis rationibus defendi potest. Et ipse Sereniss: Rex, cuius memoriam sanctam habemus, eum in his actionibus animum tandem ostendit, ut hisce modis Ciuitatē, vel tanto ad posteros piudicio, vel apud exteris detrimēto cōmeriorum, onerari minimè velle videretur. Quibus ex causis illud expeditissimum est, non posse Ciuitatē hanc velfama et existimatione integra, vel iuribus, Privilegijs, libertatib: ac fortunis sartis teclis uti frui, nisi totū illud Comissionis negotiū, et q; quo quis inde modo secuta sunt grauamina, tollantur, aboleantur, cassa & irrita perpetuum esse iubeantur

Ff ij

Ac

Ac ideo formulam placationis subsignatam, cum nec exi-  
tum ipsa sortita, nec annexis conditionibus satisfactum  
fuerit, Ordines æquissimè putant sibi restitui oportere.

Resp: Articulus iste prioribus est alligatus, Itaque  
Maiestas Regia ad Comitia eundem etiam reiicit.

V.

Ijsdem conditionibus disertè comprehensum erat,  
vt Speculatores maris abrogarentur, qui nihilominus ta-  
men etiam postea nullo vel hostium vel amicorum habito  
discrimine rapinas exercere, & in hunc portum se recipi-  
re non desinebant. Qua re Serenissimus Daniæ Rex com-  
motus, quod Maris Baltici securitas eo modo maximè  
perturbari diceretur, non tantum Speculatores illos ubi-  
cunque deprehensor ad supplicium retraxit, verum etiam  
Ciuitatis naues complures in tertium annum usque deti-  
nuit, nauibus interea computrescentibus, mercibus etiam  
compluribus corruptis vel amotis, tandem cum nullum ali-  
ud esset præ manu remedium, coacta fuit Ciuitas ad libe-  
randas naues, & redimendā navigationis libertatem cen-  
tum millib. thalerorum depacisci, præter cæteros sumptus  
crebris & continuis legationibus ac tractatibus impensos.  
Regia quidem Maiestas quamvis rem eam ad sollicitudinē  
suam benignissime reuocauerit, cum Serenissimo Rege  
Daniæ multa per literas & Internuncios egerit, demum  
quod hoc sua magis q̄ Ciuitatis interesse cœseret, ad cōpro-  
missi arbitrium descendere voluerit, & consequenter post  
eius

15  
eius ex hominibus discessum Reuerendissimi & illustres  
Dñi Cōsiliarij in ipso Interregni tempore suas etiam par-  
tes interposuerint, nihil æqui tamen obtineri potuit, quin  
Ciuitas per se tanta pecuniae summa, naues, merces, libe-  
ramq; nauigandi potestatem redimere sit coæta. Nec  
Ordines ab æquitate censem alienum esse, summam illam  
pecuniariam & alia damna sibi refundi, ac in posterum  
reclœ caueri, ne iuri suo, quod in rem habet maritimam,  
per quasius eius generis impressiones, tam insigne fiat præ-  
indictum.

Resp: Speculatores maris eo modo quo fuerunt antea,  
abrogat Maiestas Regia, si quas tamen naues in mare  
expedire in animum induixerit, id cōmunicato cōsilio cum  
Senatu, ipsoq; sciente, factura est Maiestas Regia.

#### VII.

In eodem Cōmissoriali tractatu Constitutiones que-  
dam huius Ciuitatis Iuribus, Priuilegijs, libertatibus &  
consuetudinibus vt plurimum aduersantes obtrudi coptæ  
fuerunt. Quas uti semper haclenus bonis rationibus, quæ  
suo loco publicè per Confutationis modum propositæ sunt,  
Ordines reiecerunt, ita ne nunc quidem sine summo præ-  
iudicio præclarissimi Priuilegij sui de legibus et Contribu-  
tionib. ferēdis, imponēdis et abrogādis, acceptare possunt.

Resp: Ad conuentum differt hunc Articulum.

#### VIII.

Ff iij Vehement-

Vehementer iniquum est cum vniuersae Ciuitatis, tum Magistratus & Ordinum famam, honorem, & existimationem famosis libellis clam & palam proscindi, ac eiusmodi diffamatores in Ciuitatis inuidiam publicè etiam ali, foueri & sustentari.

Resp: Famosos libellos Maiestas Regia cassat, eosq; palam & clam edi prohibebit, delinquentes iuxta Statuta Regni punire mandabit.

### VIII.

Eodem pacto bona Ciuitatis publica ad execusionem Alexandrini Statuti trahi cæperunt, quinimo nonnulli Dominorum Commissariorum eadem bona sibi potius dari, quam Ordinibus conseruari voluerunt. Itaque non minus iustum quam æquum videtur, ut ea quæ tanto cum Republicæ præiudicio sunt acta penitus rescindantur, nec enim bona sua Ciuitas à Regno lucri fecit, sed vna secum ad Regnum attulit, à quo nunc ipsam priuari ab omni equitate fuerit longè alienissimum.

Resp: In Conuentum iste Articulus rejcitur.

### IX.

Queruntur etiam Ordines, quod non Magistratus solum, sed etiam priuati Ciues nouis & inusitatibus edicibus in causis iniuriarum & rerum criminalium ad tribunal Regium euocentur.

Resp: Non euocabuntur ad Tribunal Regium, nisi prius

106  
prius in prima instantia causam dicant, Exceptis tamen causis merè Regis.

X.

Quod complura mandata pœnalia iuri nostro non consentanea ad unius partis informationem, nonnunquā etiam contraria Decreta ex Cancellaria Regia prodeant, quibus & Magistratus vehementer prægrauatur, partes ipsæ, quo minus lus suum consequi possint, impediuntur, & Iudiciorum processus in infinitum fermè producitur,

Resp: Mandata prima non dabuntur pœnalia sed simplicia, tunc verò Senatus tenebitur ea aut exequi, aut Maiestatem Regiam de statu caussæ, qua de agitur, informare, si non fecerint, secunda Mandata pœnalia dabuntur. Decreta etiam contraria ex Cancellaria non prodibunt.

XI.

Quod Ordinum Decreta, leges ac plebiscita, in quibus condendis & abrogandis ex præscripto Priuilegij Casimiriani plenissimam habent potestatem, mandatis & rescriptis Regis cum summo dicti Priuilegij præiudicio soleant impugnari.

Resp: Ad Comitia iste Articulus differtur, atque videatur Priuilegium Casimiri Regis.

XII.

Quod

Quod literæ Saluiconductus passim sine discrimine personarum vel caffarum concedantur, ijs p̄fertim quod s̄apē fit, qui literarum eiusmodi beneficio iure censemur indigni.

Resp: Salui conductus à vi & potentia, non autem à iure dabuntur. In spacio vero trium mensium declarari debet, an is qui accepit, Saluo conductu sit dignus censendus, infra trimestre etiam Saluum conducedum obtinens, iure mediante se iustificabit, aut Maiestatem Regiam Senatus de eo informabit.

### XIII.

Quod non extraneis modò, sed plurimis etiam Ciubus literæ exemptionum à Ciuli iuris dictione passim concedantur, quæ res summam inter ciues, in benè constituta Republica conditione eiusdem esse debent, inæqualitatem parit, eiusdem obedientiam & debitum dissoluit, ac Magistratus auctoritatē maximē labefactat, præser tim quod vt plurimum exemptæ personæ dum plus sibi quam alijs licere putant, multa contra leges ac mores Ciuitatis committere solent, cum summo Magistratus contemptu, cæterorumq; ciuium danno & præiudicio.

Resp: Exemptiones non dabuntur nisi servitoribus & familiaribus merè Regiae Maiestatis.

### XIV.

Quod Contubernia & collegia vtpote Lanionum, Braseatorum, & alia specialib. indultis, immunitatibus, beneficiis

117

beneficijs ac Constitutionibus, quæ cum publicis Ciuitatis  
Priuilegijs, libertatibus, Constitutionib. ac plebiscitis pu-  
gnant, donentur, ac muniartur. Quo fit ut integra Contu-  
bernia non solum leges publicas cum omni Magistratus  
imperio proculcent, & euacuent, sed etiam in cōmercijs re-  
rum venalium, quæ ypsi doméstico sunt, & quarum mo-  
derationem non admittunt, suo arbitratu præter æquum  
& bonum conciues suos onerent & emungant.

Resp: Maiestas Regia nihil contra aliquorum Priuile-  
gia facere, sed ea sarta tecla habere vult, in posterum eti-  
am nulli Contubernio Priuilegia dabit, quæ iuri publico  
& Statui Ciuitatis contraria sint.

XV.

Cuius generis etiam illud est, quod Domini Cōmissa-  
ry contractum solennem constituendæ concordiæ cauſa-  
cum Braseatoribus initum leuissimorū hominum impul-  
su, nullo Iuris ordine reciderunt, quo pacto discordiæ re-  
natæ, ali.eq; difficultates ortæ, multi verò ad conculcandas  
leges & dissoluendā tranquillitatē facti sunt audacioreſ.

Resp: Ad Comitia refertur.

XVI.

Quod itidem l̄teræ Moratoria passim edantur nulla  
personarum contemplatione, quis in fraudem creditorum  
eas petat, quis vel sua culpa rem decoxerit, vel fortunæ,  
maris aut ventorum iniuria facultatibus lapsus fuerit,  
quod certè prius inquire cum per se iuris manifesti sit, etiā

Gg      ſpecialibus

specialibus Diuorum Regum Antecessorum rescriptis declaratur.

Resp: Faciet Maiestas Regia, & nemini Ciuium literas Moratoria dabit, nisi q̄a fortunæ aduersæ casu bona amiserint, & de amissis testimonium à Senatu habuerint, eoḡ nomine cōmendati fuerint.

XVII.

Quod Ciues quorum controuersiae per legitimas appellationes ad ultimæ quam vocant Instantiæ cognitione deuolutæ sunt, varijs donatiuis ac impensis vehementer exhauriuntur, nec quisquam ferme tam iustum defendit cauſam, quam nihilominus pecunia stabilire nō cogatur.

Resp: Mandabit Maiestas Regia, ut uniuicique Ius & Iustitia administretur citra præiudicium quorumuis.

XVIII. & XIX.

Quod actiones Criminales contra vetustissimas Ciuium iudiciorum libertates & inueteratam consuetudinem ad Regium tribunal reuocentur.

Quod, cum rei criminum ad subterfugiendam p̄nam friuolas interponunt appellationes, ad maliciam fœwendam præsidij publicarum literarum, mandatorum, exemptionum & inhibitionum adiuuentur.

Resp: Appellations & reuocationes non admittantur in causis maleficiorum recentis criminis, Executionis rei iudicatae per M̄tēm Regiam, & q̄ transierunt in rem iudicatam, præterea in accessorijs vim tamen diffinitiæ non habentibus.

Quod

## xx.

Quod contra Priuilegij præscriptum, quo Burgo-gra-  
bio & Senatui cura bonorum Caducorum & Naufrago-  
rum demandata fuit, nihilominus superioribus annis Fi-  
scal is se ingessit, qui prætextu caducorum etiam Ecclesia-  
sticis bonis manum admouere conatus est. Idq; molestius eo  
ferunt Ordines, quod cum idem Fiscalis nec Ciuis sit, nec  
onera Ciuria præstet, ciuibus tamen commercijs vta-  
tur fruatur.

Resp: Curabit Maiestas Regia, ne Fiscalis metas offi-  
cij sui excedat, ls verò dabitur vir bonus et possessionatus.

## XXI.

Maximo damno publicum ærarium afficitur, quod  
centena millia Thalerorum, quæ Serenissimo Regi piè de-  
fundeo in usum Magni Ducatus Lithuaniae mutuo data  
sunt, hactenus non restituantur, neque Monasteria quæ  
hypotecæ sunt, obligationi pignoraticiæ satisfaciant, quin-  
imo eorum administratores præter ius pignorum bona  
Monastica paulatim imminuere dicuntur, & plerunque  
alijs in rebus Ordinum commodis parum studere viden-  
tur.

Resp: Ad Conuentum reycitur iste Articulus.

## XXII.

Quod item redditus semestres ex Arenda Thelonei  
Caunen per aliquot iam annos, quibus multorum millium  
summa nunc excreuit, hucusque non inferantur,

Gg ij cum

cum ingenti Ciuitatis detrimento q̄ interim mutuata for-  
tis nomine non exiguae vsuras quotannis p̄stare tenetur.  
Resp: Similiter ad Conuentum reiicitur.

XXIII.

Nihil fermè magis omnium Ciuium animos exacer-  
bavit, quam quod in suburbio à Scotis denominato ciuilia  
cōmercia & oīs generis opificū artificia hacētē tractata,  
vsurpata & exercita, contra Terrarū libertates publicas,  
& expressum huius Ciuitatis priuilegiū in damnum mul-  
torum mercatorum ciuium & plerorumq; Contuberniorū  
perniciem. Quod vt aboleretur aliquando sāpius à Reue-  
rendissimo Domino Episcopo VVladislauien precibus ef-  
flagitatum est, quibus negleclis nunc demum, quamvis  
absque Ordinum scitu, plebe propter publicas etiam posses-  
siones deuastatas & exustas concitata, ignis inieclus est.

Resp: Is Articulus ad Priuilegia aliorum spectat, pro-  
pterea absente vna parte decerni quicquam non potest,  
seruari tamen debet, si quid est Priuilegijs & vſu bono  
approbatum.

XXIV.

His accedit, quod in Monasterijs, Parochijs, Domo  
Cartusianorū, & alibi, opifices qui artes manuarias exer-  
cent, nec ex Contuberniorū corpore sunt, immunes à Ciui-  
libus functionibus cum summo contuberniorum præjudi-  
cio tolerantur, fouentur & recipiuntur.

Nihil

Resp: Nihil fiat contra iura & Priuilegia, iure tamen agatur.

## XXV.

Quod Officialis Ciues utriusque sexus in causis matrimonialibus extra Ciuitatem in alienum forum euocet, quod nec iure nec legibus Ciuitatis illi cōpetere certum est.

Resp: Articulus iste pertinet ad forum Ecclesiasticum, de eo plenius informari vult per Dominū Episcopum Cuianien̄ Maiestas Regia, & constituet quod erit iustissimum, usus tamen & consuetudo recepta seruetur.

## XXVI.

Quod in villa Episcopali Stolzemberg plerisque facinorosis, furibus, latronibus, decoctoribus, homicidis voluntarijs, modo habeant quod dent, cōtra præscriptum diuini pariter & humani Iuris, cum summa ciuilis Iurisdictionis iniuria receptus, præsidium, et securitas p̄statur.

Resp: Si abusu hoc inoleuit, tolli debet, Si Priuilegio nititur, seruandum est, Iure tamen in talibus agendū est.

## XXVII.

Idem fermè in Oliuensi Monasterio moris esse cœpit, ut ibidem decoctores, seditionis, proscripti, & quibuscum saltē institutum est Magistratum Ciuitatis calumniant & traducendi, recipiantur, & eō tanquam ad impunitatis asylum configiant. Conqueruntur etiam Ciues, Abbatem eius Monastery tam ab Hospitalibus, quam priuatis etiam personis contra prædecessorum literas & monumenta iniquè admodum agere.

Gg iij

Abbas.

**Resp:** Abbas cum sui iuris sit, iure cumeo agi debet, Nihilominus tamen in eo, quod ad eum pertinet, admonebitur.

XXVIII.

Exemplo perniciosum est & libertati publicæ maxime contrarium, quod in flumio Istulæ libera nauigatio jusq; deg; terrigenis inhibetur, rapinæ exercentur, homines non vulnerantur modo sed etiam trucidantur, & ea qui committunt, Regis etiam diplomatibus se tueri non erubescunt.

**Resp:** Maiestas Regia iuxta Statutorum & Constitutionum Regni præscriptum se conseruabit, iusticiamq; conquerentibus administrabit.

XXIX.

Graue illud etiam quod Ciuitati & eius subditis in pescatione fluminum, aquarum & lacus Haab, ab ijs qui vicina prædia possident, variae iniuriæ & impedimenta inferantur, quorum omnium caussæ ad ius Arcis Mariemburgensis perperam detorquentur.

**Resp:** Commissarios deputabit Maiestas Regia, quibus hoc officium demandabit, ut Privilégia videant, consuetudines dissciant, & ad Maiestatem Regiam referant, id deinde constituetur, quod erit æquum & iustum.

XXX.

Item quod Ciues nostri in Regno Poloniae propter aliena debita contra pacis perpetuae pacta detinentur, arestantur,

stantur, eorum pignora capiantur, ijsdem nouæ rectigatuum exactiones obtruduntur. Sic non ita pridem colore thelonie non soluti merces Lindensium vi captæ, alijs alibi conductitiae Cameræ oclusæ, merces pignorate, aliaq; eius generis iniuria passim illatae.

Resp: Concedit Maiestas Regia, vt iure agatur si quis est affectus tali iniuria, non vult enim vt in Regno suo hoc admittatur contra iura & omniem æquitatem. Neque quisquam hoc audeat facere, nisi prius contestatus fuerit item in foro fori.

### XXXI.

Præterea non Ciuitas solum, sed priuatim etiam ex Ciubus nonnulli graui & irrecuperabili damno afficiuntur, qui pro Serenissimo Rege defuncto vel pecunias suas expenderunt, vel fidem suam interposuerunt, Nam dum hoc obsequij genus singulari gratificandi studio Maiestati eius præstiterunt, ipsi vicissim non varijs solum molestys debitorum illorum nomine diuexantur, sed etiam neg, de solutione sortis neq; compensatione damnorum & fidei sue liberatione, certi quipiam cōstitutum vident, qua in re ne officium illis suum damnosum sit, sed indemnitas potius rectè præstetur, ipsa æquitatis ratio demonstrat.

Resp: Ad Comitia differendum censuit hunc Articulum Maiestas Regia.

### XXXII.

Tandem Ciuitatis aerario perdifficile est quotannis etiam

etiam absente Regia Maiestate Stationem trium dierum  
pendere, cum id antiquitus & in hac Ciuitate, & nunc  
etiam in alijs, tum demū cum præsens est Regia Maiestas  
fieri consueuerit. Quamobrē petunt Ordines etiam huius  
Ciuitatis hac in parte sumptus ad exemplum cæterarum  
Ciuitatum benignè moderari.

Resp: Quæ Regalia sunt, & Maiestatis Regie digni-  
tatem, ipsiusq; Ciuitatis officium concernunt, ea Ciuitas li-  
benti animo præstare debet.

In quorum omnium fidem & euidentius testimonio-  
rum præsentes manu nostra subscripsimus & Sigillum  
nostrum apprimi iussimus. Datum Bidgostij die octaua  
mensis Ianuary Anno Domini M. D. Lxxvij. Regni  
verò nostri anno Primo.

Stephanus Rex.

**E**X quibus cum intelligeremus, easdem Conditiones  
Ciuitati pquām difficiles ac onerosas, præsertim quod  
ad portorium attinet, magis ac magis vrgeri, cætera verò  
quæ maximè Ciuitatem premunt, quorum in his actioni-  
bus præcipua causa est, in longiorem cognitionis diem, du-  
bio sane euentu, prorogari, necessarium existimauimus  
Syndicum nostrum (Rosenbergius enim in aduersam va-  
letudinem inciderat) denuò cum nouis Instrukcionum li-  
teris, & ceteris quæ sequuntur ablegare.

InSTRU-

# INSTR VCTIO INTER-

nuncijs Ciuitatis Gedanensis Spectabili-  
bus Dominis Cōstantino Ferbero Præ-  
consuli, & Heinrico Lembken Syndi-  
co, data die xvij. Ianuarij Anno 1577.

**Q**uas conditiones Regia Maiestas Dominus noster clementissimus, ad ea quæ Ciuitatis huius Ordines nuper humilimo obsequendi studio obtulerant, denuò proponere iussit, ex relatu Georgij Rosemberry, & Docto-  
ris Heinrici Lembken abunde cognouimus. Ceterū cum adhuc eius esse generis videamus, ut omnes longè Ciuitatis vires ac facultates excedant, necessarium nobis visum est, iterum nunc ipsi Regiae Maiestati rerum harum difficultates, humillimo subiectionis studio, fusiū exponere. Cer-  
tissima nitentes spe, Regiam eius Maiestatem, cum affli-  
ctissimas Ciuitatis rationes ad animum clementissimè re-  
uocare dignata fuerit, nihil durius præter id, quod facere possumus, exacturam. Hac de causa literas ad eius Ma-  
iestatem perscripsimus, in quibus rem omnem, quatenus Ciuitatis intereat, prolixius ostendimus. Si quid ijs for-  
tasse deerit, vel præterea quicquam dubitationis inciderit,  
Internuncij pro ingenij sui dexteritate, ex alijs etiam quæ  
satis ipsis constant argumētis, supplere poterunt. Enim-  
uerò iam ab initio nihil cōmodius ad expedienda Ciuitatis  
*Hb negocia*

negotia censuimus, idq; s<sup>æ</sup>pius humilimè petiuimus, quād  
vt Internuncij cum ipsamet Regia Maiestate rem tracta-  
rent & componerent. Experimur enim per interposias  
personas non eo modo semper agi, quo Ciuitatis rationes  
fierent meliores, quin immò per interpretum disceptationes  
vno facile verbo peccari, & maiores offensiones excitari  
posse. Quapropter alteras etiam scripsimus literas, de In-  
ternuncijs in conspectum Regiæ Maiestatis admittendis.  
Adiunximus Resolutionem grauaminum ad responsi  
nobis missi capita repetitam.

Proinde mandant Ordines omnes Internuncij,  
vt binas eas literas, cum repetita grauaminum  
publicorum descriptione, ipsi Regiæ Maiestati, nec alijs  
cuiuis, ad manum exhibeant, & Ciuitatis rationes co-  
rām accuratius exponant. Regia Maiestas dubio procul  
eam clementiam, que ceteris omnibus suis subditis, quin  
etiam barbaris ac alienis à nomine Christiano patet, huic  
etiam suæ Ciuitati non denegabit, sed benigniori responsio-  
nibus clementissimè dignabitur. Quod si præter expectatio-  
nem hoc obtineri non possit, vt Regiam Maiestatē corām  
alloquātur, cum alio nemine quicquam porrò traclabunt,  
literas Reuersales, & respōsum Regium ad grauamina  
publica nuper transmissum, neutrū enim ex re Ciuitatis  
esse videtur, ijs à quibus acceperunt, restituent, ac humili-  
mè precabuntur, vt eadem qua venerunt securitate do-

num redire, & de rebus omnibus quæ haclenus in tractationem venerunt, Ordines sufficienter edocere possint.

Etenim nisi negotium, ipsa Regia Maiestate interveniente, benignius aliquantò, quam haclenus, componi possit, non videmus quid Internuncij amplius agendum sit, neque sanè rebus non compositis facultas nobis erit, ea præstandi, quæ pro transactione iamdudum ineunda recipimus. In cuius rei fidem. &c.

## Literæ ad Regiam Maiestatem perscriptæ.

**S**erenissime potentissimeq; Rex ac Domine, Dñe cle-  
mentissime. &c. Quemadmodum nihil haclenus ma-  
ioribus in votis habuimus, neque nunc habemus, quam  
ut Serenissimæ Regiae vestræ Maiestatis gratiam & cle-  
mentiam humilimo cum obsequendi studio demereri, &  
rebus omnibus pacificè compositis sub eiusdem felicissimo  
regimine tutò viuere possemus: Ita cum summo nostro-  
rum omnium dolore coniunctum est, Internuncios no-  
stros haclenus ad Regiam Maiestatem vestram non ad-  
missos, sed in continua quasi custodia detineri, quò mi-  
nus Maiestati vestræ coram legationem suam exponere,  
& Ciuitatis rationes, pro ut res ipsa postulat plenius ex-  
plicare potuerint.

Hb y Etenim

Etenim benignissimè Regia vestra Maiestas intelligit, res istas quæ per se latissimè patent, non sic exactè posse per interpositas personas referri, quam si coram æquis rationibus ultrò citroq; tractentur.

Accedit illud etiam ad mœroris nostri cumulum, quod conditiones denuò nunc propositas, eius esse generis videmus, ut partim planè sint nobis impossibiles, partim etiam iuribus & priuilegijs Ciuitatis non parum aduentur, quod latriori scripto Regiae vestre Maiestati per Internuncios nostros simul exhibendo, luculenter comprebasse nos humilimè confidimus. Quæ omnia non alio dicuntur à nobis animo, quam vt benignissimè Regia vestra Maiestas intelligat, non minorem nos fiduciam in demerenda eiusdem clementia & pietate repositam habere, quam in Serenissimis Regibus Antecessoribus experti sumus, nec vt eam integrām perpetuò conseruemus, quicquam in nobis fidei, virium, vel facultatū desiderari meritò patiemur.

Quapropter iterum atque iterum humilimis precibus supplicamus, clementissime dignetur Regia vestra Maiestas Internuncios nostros exponendæ legationis causa nunc etiam admittere, & iisdem pro rebus nostris communibus, quod æquitati Regiae maximè conuenit, alteram aurem accommodare: Georgium vero Rosenbergium, qui domum rediens præter omnem expectationem in aduersitate paupertatem incidit, clemetissimè excusatum habere,

Cateros

26  
ceteros etiam quāprimum benignissimo cū responso do-  
mum remittere. Deinde cū Regia vestra Maiestas cle-  
mentissimē receperit, se Ciuitatis iura, libertates, & Pri-  
uilegia confirmaturam, eaque sarta tecta semper habiturā,  
yisdem precibus humilimē obsecramus, vt eadem benigni-  
tate & mansuetudine, subditis suis fidelissimis eas condi-  
tiones, quibus ferendis pares non sunt, quæque iuribus, pri-  
uilegijs & libertatib. eorum maximē præiudicant, clemē-  
tissimē remittat, ac cum subditis suis ita potius agat, vt i  
clementissimum & christianissimum principem decet, pro  
celeberrima Regiarum virtutum cōmendatione, id enim  
ad perpetuā celeberrimi nominis memoriam longè clarissi-  
mum est, quām vt eosdem præter vires & facultates suas  
premi vel affligi patiatur: Tandem etiam vt militem  
suum ab incendijs & populationibus, quæ quotidie  
nunc etiam excentur, prohibere, & semotis belli terro-  
ribus eas rationes clementissimē suscipere dignetur, quib.  
cum Regiae vestræ Maiestatis paterna clementia, res Ciui-  
tatis quām optimē constantissimeque possint conciliari.

Quo quidem benignitatis genere Regia vestra Ma-  
iestas, nos omnes cū posteris nostris, hoc semel beneficio  
deuinctos, ad oīa de cætero fidelissimæ subiectionis et fidei  
obsequia gratissima longè longeque reddet sibi deuinctio-  
res. &c. Datum Gedani die 18. mensis Ianuarij

Año Domini M. D. Lxxvij.

Hb iij

Alteræ

Alteræ literæ, quibus ad propositas  
Conditiones respondetur.

**S**erenissime potentissimeq; Rex ac Domine, Dñe de-  
mentissime. &c. Quid Serenissima Regia vestra Ma-  
iestas ad proximas Ordinum huius Ciuitatis petitiones re-  
sponderit, quasq; conditiones denuò proposuerit, Ordines  
ex Internunciorum relatu satis intellexerunt, & præsen-  
tis negotij magnitudine permoti, facere non potuerunt,  
quin Regiae vestre Maiestati rerum illarum difficultates,  
quibus Ciuitas afficitur, hisce literis iterum humilimo-  
cum subiectionis studio latius nonnihil exponerent.

Ac principio, cum Regia vestra Maiestas clemen-  
tissimè receperit, se Ciuitatis iura, libertates, & priuilegia  
confirmaturam, eaq; sarta tecta semper habituram (quod  
ipsum Ordines gratissimo complectuntur animo, summoq;  
fidelitatis studio promereri perpetuò conabuntur) eò mi-  
nus dubitat, quin Regia vestra Maiestas, eadem benigni-  
tate, ac mansuetudine, subditis suis fidelissimis, eas condi-  
tiones, quibus ferendis pares non sunt, quæq; iuribus, pri-  
uilegijs, & libertatibus eorum maximè præiudicant, de-  
mentissimè remittet, ac cum subditis suis ita, potius aget,  
vti clementissimum ac christianissimum principem deet,  
id enim ad perpetuam celeberrimi nominis eius memori-  
am longè clarissimum est, quam ut eosdem præter vires  
& facultates premi vel affligi patiatur.

Deinde

Deinde cum ex Internuncijs intellexerimus, non  
eam esse Regie Maiestatis vestræ mentem, vt eas pecunio-  
rum summas, ob Ciuitatis aliquod delictum, postulare  
velit, quod ipsum è gratiore cum humilitatis obsequio  
complectimur, quò magis omnibus constat, hoc quicquid  
est vel difficultatis vel offensionum, ex Elecionis diner-  
sitate, qua plures etiam Regni Ordines inter se dis-  
serunt, profectum fuisse, neque nos certè minori cum stu-  
dio subiectionis fidem, quam cæteri declarauimus: Sed  
velle potius Regiam Maiestatem vestram eas sibi pecuni-  
as prestari, partim quod Ciuitatis obsequium magis testa-  
tum habere cuperet, partim vt superiori placationis pacto  
satisficeret: Quare si superioribus hoc modo satisfaciendū  
sit, non poterunt illa simul etiam ad ulterius aliquod gra-  
uamen, vel debitum Ciuitatis, Ordinibus imponi.

Nam quod ad eius placationis pactū attinet, clemēti-  
simè dignetur Regia vestra M̄tās ad animū inducere, no-  
bis in ea ptractanda cum solo Sereniss: Rege Diuo Sigis-  
mundo negotiū fuisse, cum ob eius offensam, quam ppter  
exclusos Cōmissarios suos conceperat, cui tamen exclusio-  
ni caussam ipsimet præbuerant placandam, tum ad grana-  
minum publicorum abolitionem è facilius obtinendam:  
In omnibus autem illis actionib. neq; Regni neq; M̄tis illi  
hæredū, neq; successorū, vel minimo verbo facia fuit men-  
tio, nedum vt horum respectu quicq; cōtractū fuerit, quod  
ex ipso placationis scripto satis dilucide cōstat. Testabātur  
id ipsum Dñi Cōmissary coram Ordinib. palam pfitentes,  
dignitatē

dignitatem solius Regiae Maiestatis agi, sibi cum Ordini-  
bus & Ciuiibus controuersiam nullam esse, superiorum se-  
libeter obliuisci, iniurias quae sibi factae fuissent, ut Chri-  
stianos decet, benignè se condonare, daremus saltem ope-  
ram placandæ Regiae Maiestatis, quæ vehementer ist hoc  
facto fuisset offensa. Neque verò placationis modum Or-  
dines adeò pure, simpliciter & indefinitè, uti postea præ-  
ter cōtrahentium mentem aliorum accipi cœpit, cum Do-  
minis Cōmissarijs inierunt, sed ut vel ad certum tempus,  
vel quoad in viuis esset Regia Maiestas, eidem præstare-  
tur: tum autem ut ysus iurium, priuilegiorum, libertatū  
& consuetudinum integer esset, & vicissim omnia gra-  
uamina penitus abolerentur, Ordines disertè sibi præser-  
uarunt. Ac quanq[ue] istæ conditiones omnes in placationis  
scripto non sint expressæ ( suadebant enim Cōmissarij nō  
tam urgenter inter principem & subditos agendum, sed  
pro grauaminibus abolendis supplicandum potius ) diser-  
tè tamen ydem Cōmissary placationis modum non secus,  
ac Ordines petiuissent ysdemq[ue] cōditionib. acceptum, gra-  
uamina quoq[ue] per Regiam Maiestatem abolitum iri, pro-  
mittebant. Hac Ordines adducti fiducia, placationis le-  
gem acceperunt, addita speciatim cōditione, nisi pacto sa-  
tissiferet, ne se quidem obligatos fore promisso quod obtu-  
lissent adimplendo. Atque hoc ipsum est quod in fine pla-  
cationis affirmant, nisi hoc modo Ciuitati cōsuleretur, sibi  
etiam ad implenda promissa rem futuram esse grauem  
nimis

nimis ac planè difficultem. Quinimò paulò pòst Internuncijs suis ad Regni Comitia VVarsouiam missis, eas ipsas conditiones nominatim in mandatis dederunt, eò expresse addito, vt cum Internuncij placationis scriptum exhibarent, simul etiam Ciuitati Reuersalibus literis in eas conditiones caueretur, priusq; Ordines ad prestandum promissum obligarentur. Præterea, ipsi Serenissimo Regi augustissimæ recordationis, nō semissē eius portory (quod Psal geldum vocant) prout antiquitus, Ordinis Mariani temporibus, in hunc vsque diem Ciuitas illud percipit, sed eiusdem auctionem, ab eodem Diuo Rege constituendam, Ordines ita concesserunt, ne quid Ciuitatis iuri quod iam antea semper usurpatum, neue prouentibus eius quicquam decederet. Cæterum quo minus isthac auctio deinceps effectum sortiretur, ipsius Regiae Maiestatis consilio prudenter factum est, quod satis animaduerteret, aucto portorio, non commercia solum externa longè magis ac magis hinc ab alienari, sed etiam alibi Ciuium nostrorum naues & merces eodem exemplo nouis & duplicatis vectigalibus & exactiōibus onerari.

Cum igitur prædefuncta Regia Maiestas dum inter homines esset, auctionem portory (cuius constituenda ratio solius ipsius auctoritatem requirebat) sponte remiserit, grauamina verò, de quib. paclis fueramus, non solū non abolita, sed interim multò maioribus etiam & longè pluribus pīudicijs, damnis, et expensis, quam ex placatione

Ii prestandum

præstandum fuisset, accumulata fuerint, eoq; modo condi-  
tiones vtriusque pæcti, non ex Ciuitatis debito, sed ex par-  
te Regiae Maiestatis defecerint: ideo certissimè statuunt  
Ordines, se post defunctam eius Maiestatem, cuius obita  
simul negocium hoc sòpitum est, nec inclito Poloniæ Rego-  
no, nec alij cuiq;, eius pæcti cōuēti ratione quicq; debituros.

Nedum ut per decreta Comitiorum eam ob causam,  
quacū illa nihil cōmune vñq; habuerunt, ad q; nec ordine  
vocati sumus, nec qua fide Relatio gestorū nobis absentib.  
facta sit scimus, quicq; contra ius, in totius Ciuitatis infa-  
miam, in detrimentum priuilegorū, & cōtra fidem pæcti  
connenti, possit vel debeat Ordinibus imponi vel derogari.

Quapropter ipsam quoque Regiam Maiestatem ve-  
stram, Ordines & vniuersi Ciues humilimè deprecantur,  
ne cause iampridem defunctæ nouam Ordinibus molesti-  
am exhiberi, vel in usitato quopiam præiudicio prouetuū  
publicorum Ciuitatem agrauari patiatur, in iure præser-  
tim eius portori, quod per se satis est exiguum, & cuius  
impensis necessariò portus, fluminis, ac riparū substructio-  
nes quotannis sartæ tecl. eq; sunt habendæ, Nam & in  
placationis lege, quicquid publico Ciuitatis iuri & consue-  
tudini in exigendo portorio quibusvis modis obesset, no-  
minatim fuit exceptum.

Neque vero publicis iuribus consentaneum existi-  
mant Ordines, quasdam earum pecuniarū summas, pro-  
pter Cōtributiones in Regno laudatas, à se postulari, cum  
quod

quod eiusmodi Contributiones ad Pruthenos non perti-  
nent, tam quod Status harum Terrarū ad Serenissimorū  
Regum postulata, in usum Reipublicæ, in Conuentionib.  
harum Terrarū, quoties opus esset, à seipsis suo arbitrio  
soliti sint conferre. Quia in parte quemadmodum semper  
haec hæc Ciuitas sese promptissimam ad obsequia  
Reipublicæ præsttit, sic in posterū etiam nihil quod æqui-  
tatem habeat in se merito patietur desiderari.

Regia vero vestra Maiestas aliam insuper clemen-  
tiae laudem admodum liberaliter comparare sibi poterit,  
bis pecuniarijs oneribus Ciuitatem eò benignius releuādi,  
nimirum quod ærarium publicum ob pecunias in usum  
prædefunēti Serenissimi Regis fide sua mutuatas, & alie-  
num nō mediocre conflauerit, sic ut exoluendis usuris an-  
nus, secundum cæteras expensas publicas, in uniuersum  
Ciuiles prouentus vix sufficient. Ut taceamus nunc, quib.  
deinceps sumptibus, damna possessionum publicarum &  
priuatarum resarcienda, & fluminis aggeres planè iam  
deperditi, præsertim si fluminis aliqua forsau eluendo me-  
tuenda sit, veniant reparandi.

Porrò quod ad cæteras cōditiones attinet, de quatu-  
or tormentis æneis, qua maxima possit magnitudine, cum  
necessarijs globis & pulueribus tradendis, equidem non  
sunt penes Ciuitatem eius magnitudinis tormenta, quibus  
Regiæ Mū gratificari possumus, pleraq; parua sunt, & ad  
Ciuitatis in Regni finib. positæ p̄sidiū plusquam necessaria:

Item globorum

globorum autem & pulueris non tanta copia, ut si quando necessitas postulet, non multò pluribus indigeat, itaque perquām humilimè supplicant Ordines, ut Regia vestra Maiestas etiam huīus conditionis gratiam illis facere benignissimè dignetur.

Obligatur quidē Internuncijs nostris, non tam inopem à facultatibus Ciuitatem esse, quæ militem etiam non necessarium alere possit: verum libentissimè voluissent Ordines istiusmodi sumptibus parcere, nisi varijs minis, iniurijs, excursionibus, & deprædationibus militum eorum qui Ciuitatis fermè portis imminebant, coacti fuissent de salute sua cogitare: Quinimo ne nunc quidem illi prædarum & incendiorum finem faciunt, quantumvis Præfectum illorum ea de re nō semel interpellauimus, cuius auctoritatem illi fortassis æquè vilipendunt, atque iam antea citra Maiestatis vestræ consensum & mandatum cætera perpetrarunt. Quæ sanè licentia, nisi melius de pacifica rerum omnium compositione sperassent Ordines & nunc sperant, in maius aliquod malum iampridè fuisse eruptura.

Interim Internuncij nostri, quamuis ad frequentes supplicationes nostras, nunquam tamen sic auditи fuerunt, ut Regiæ vestræ Maiestati corām Ciuitatis rationes exponere potuerint, actiones autem ipsæ per alios interpretes vltro citroq̄ habitæ, maioris etiā quām antea difficultatis esse cœperunt. Ex quo vereri coguntur Ordines, Cōmissarios

missarios eos, qui iamdudum Ciuitatem in has angustias  
coniecerunt, etiam nunc fortassis operam dare, ne ea quæ  
in Ciuitatis rem sunt, ad Regiæ vestræ Maiestatis aures  
vti par est perferantur.

Quapropter iterum ac iterum humilimis precibus  
supplicant Ordines, dignetur Regia vestra M̄t̄as Internū-  
cios nostros benigniori deinceps gratia prosequi, & expo-  
nenda legationis suæ cauſſa, quod cum Ciuitatis commodo-  
fiat, aditum ad se clementissimè concedere: tum illud etiam  
ex Regia mansuetudine benignius prospicere velit, vt &  
à quotidianis rapinis ac deuastationibus tandem aliquan-  
do temperetur, & miles ex prouincia deducatur, nimi-  
rum ut nos itidem hac ratione militem nostrum eò cōmo-  
dius exauclorare possimus: tandem ut abolito proscriptio-  
nis decreto, libera nobiscum cōmercia tam Regni quam  
harum Terrarum incolis benignissimè restituantur.

Demum quod ad grauaminum descriptionem, &  
Reuersales de ijsdem abolendis literas attinet, non possu-  
mus non summo cum dolore nostrorum omnium deplora-  
re, pleraq; grauaminum illorum que maximè Ciuitatem  
premunt, eiusq; iuribus priuilegijs et libertatibus summo-  
pere præiudicant, ad Comitia fermè rejci, pere exigua sanè  
ſpe abolitionis eorundem nobis relictæ. Quæ tamen eius  
sunt generis, ut nisi Ciuitas ab illis exoneretur, in ijs nunc  
etiam implendis Ordines, quæ ſe præſtituros receperant,  
rem impossibilem planè ſibi propositam videant.

Ii iij      Enim uero

Enim uero, si iurium & priuilegiorum sarta teclaq;  
sit auctoritas, ut clementissime Regia vestra Maiestas re-  
cepit, et apud Serenissimos Antecessores semper rata fuit,  
(nisi quantum impedimenti nouissimis Comissionum &  
alijs quibusdam actionib. illatum meminimus) nihil cer-  
te magis æquitati conuenit, quam vt iisdem contraria, ip-  
so iure præter Comitiorum etiam censuram, nullius ha-  
beantur momenti. Nam cum Ordines nullum sciant pe-  
nes se priuilegium quod illegitimum sit, nullum itidem ex  
aduerso grauamen legitime videri poterit obtrusum.

Itaque maximis quam possunt precibus hanc etiam  
ob causam Ordines obsecrant, dignetur clementissime Re-  
gia vestra Maiestas Reuersalibus suis literis ita Ciuitati  
suæ cauere, vt omnia & singula grauamina, quæ Ciuita-  
tis iuribus, priuilegijs & libertatibus fraudi, detimento,  
vel præiudicio fuerint, quæ speciatim ex adiuncta descri-  
ptione demonstrari possunt, per hos ipsos tractatus aboli-  
ta, cassa, & penitus irrita pronuncientur. Præsertim quod  
ex proximo Comitiorum decreto Regiae vestrae Maiestati  
potestas integra cum Ciuitate transigendi sit commissa.

Si qua verò, quod minimè speramus, ex superiorib.  
petitionibus nostris, Regiae Mti vestrae non omnino sati-  
fecerit, illud eiusdem mansuetudini & apud oēs celebra-  
tissimæ fuerit æquitati maximè consentaneū, vt clemetissi-  
mè dignetur, quibusdam non suspectis tam Regni quam  
Prussiae

Prusia Consiliarijs, quibuscum alioquin ex priuilegijs publici præscripto caussæ tam notabiles tractandæ determinandæq; sunt, negotium dare, qui res per se tam difficiles & implicatas accuratius inuestiget, qui nos rationesq; nostras non minus ac Comissarios ipsos audiant, & de rebus omnibus plenius cognitis ad Mitem vestram bona fide referant. Nos ita summum Deum, occultorum quorumcūq; consciūm, ita Maiestatem vestram ppitios nobis fore certò confidimus, quò planum ac manifestū omnibus fiat, Civitatem in superiorum actionum progressu, non iniurijs minus aduersariorum, quam varijs paſſim pīudicijs, extra meritum fuisse vehemēter onerata ac penè nō oppressam.

Quod superest, quandoquidē Ordines iuxta formam Inſtructionis Internuncij nouissimè datam, maiori penè præstationis ſeſe munere obſtrinxerunt, quām in Ciuitatis facultatibus fit: Status etiam harum Terrarum, in Ciuitatis ſubſidium, in ſuper centena millia florenorum adycienda receperint, quod dubio p̄ocul ad Regiam vestram Maiestatem per Internuncium ſuum ex Conuentu Gruſidentinensi iampridem retulerunt, Idcirco nunc etiam iterum ac iterum humillimiſ quibus poſſumus ac debemus precibus ſupplicamus ac ſobtestamur, vt Serenissima Regia vestra Maiestas clementiſſimè annuat, pro pacifica rerum omnium compositione, quæ nunc in offenisſunt, eo humiliſ obsequij genere ducentorum milli- um flore-

um florenorum, quod nouissimè obtulimus, cum annexis  
conditionibus, & solutionum terminis ( nec enim breuior  
ribus pensionibus tantam summam comparare, nec publicè  
nec priuatim, possumus ) sibi penitus satisficeri, eaq; in  
parte liberalitatē & māsuetudinem suam Regiam pluris  
habere dignetur, quam ut in his rei nummariae difficulta-  
tibus ad impossibilia Ciuitatem adigi patiatur: cæteras au-  
tem conditiones, partim extra vires facultatū positas, par-  
tim etiam iuribus, priuilegijs & libertatib. eius cōtrarias,  
benignissimè relaxare: Tandem etiam pro indulgentia sua  
erga fidelissimos subditos planè paterna, sine armorū ulte-  
riori strepitu, & funesto subditorum detimento, rebus  
pacatè transactis, sub felicissimo regimine M̄tis vestrae,  
nos, vñā cum omnibus Regni & harum Terrarum inco-  
lis, pace, tranquillitate, iuribus, & libertatibus, publicè  
& priuatim, gaudere, vti fruiq; clementissimè permittat.

Hoc quemadmodum longè Maiestati vestrae lau-  
dabilius est, benevolentia subditos deuincere potius, quam  
duriori quapiam tractatione, spem omnem clementiae re-  
galis præcidere, ita hoc benignitatis genere summam &  
immortalem à nobis & posteris nostris omnib. pietatis &  
mansuetudinis laudem comparabit, & quo benignius &  
liberalius nobiscum aget, eo Ciuitatis omnes incolas ad per-  
petuam fidem, & promptissima subiectionis obsequia sibi  
reddet magis magisq; deuinctiores &c. Datum Gedani  
die xvij. Ianuarij Anno Domini M. D. Lxxvij.

Resolutio

Resolutio Ordinum Ciuitatis Gedanensis,  
ad proposita incōmodorum atque  
difficultatum Capita.

CVm Sacra ac Serenissima Regia Maiestas Domi-  
nus noster clementissimus, in cuius singulari clemē-  
tia ac & quanimitate spem magnam semper repositam ha-  
buimus, clementissimè non semel polliceri dignata fuerit,  
quod omnes ex & quo Regni Poloniæ ac cæterarum illi ad-  
iunctarum prouinciarum incolas, penes iura, Priuilegia,  
libertates ac antiquas consuetudines conseruare ac tueri  
benignissimè yellet: Nos etiam ea spēfreti incōmoda atq;  
difficultates omnes, quibus hæc Ciuitas hacenus contra iu-  
ra, Priuilegia, atque antiquas consuetudines grauata fu-  
it, per Internuncios nostros in proximis Comitys Thoru-  
nen⁹ exhibuimus, ac humillimè & suppliciter rogauiimus,  
dignaretur Sacra Regia Maiestas incōmoda illa atq; diffi-  
cultates quæ contra iura atque Priuilegia nostra paulatim  
irreperant, pro munificentia sua Regia ex plenitudine  
potestatis clementissimè abrogare, vt tandem certa quedā  
esset Priuilegorum ac libertatum nostrarum ratio, ne  
ancipites, pptercrea animos quotidiè tenere cogeremur. Ve-  
rum ubi animaduertimus Sacram Maiestatem Regiā ad  
quædam eorum incōmodorum capita clementissimè respo-  
disse, quædam vero in medio reliquisse, aut ad futura Re-  
gni Comitia, tanq; ea in quibus aliquod adhuc verteretur

Kk dubium

dabium reieciſſe: facere non potuimus, quin ſalua Serenissimae M̄tis Regiae pace ac clementia, ea breuibus hic reperemus, atq; oſtenderemus ea ex iurium Privilegiorum ac antiquiſſimarum coſuetudinum fontibus deduc̄ta, tam eſſe liquida & maniſta, & in Serenissima Regiae Maieſtatis poſteſtate ac arbitrio, vt ea quandoconq; velit abroget & aboleat ita poſita, ne vlla vel prorogatione vel ad Regni Comitia reiectione opus fit. Atque cum ad quædam capita ita reſpoſum fuerit, vt latiori deduclione opus eſſe existimemus, quædam vero silentio omnino tecla atq; præterita ſint, nos ſingula, vbi id neceſſitas exigere viſa fuerit, repeterē conſtituimus.

I.

Ac principio de pace Religionis nobis ita cautum eſſe humiliſimè petimus, vt Auguſtanæ Confessionis uſu tam in ciuitate quam extra muros in eius diſtriictu pacificè quieteſſe fine vlo cuiuſuis impedimento, quemadmodum nunc utimur, & in eius pacifica poſſeſſione in omnib. templis, monaſterijs atque xenodochijs ſumus, frui poſſimus, neue cuiquā Religionis ergo moleſtia vel negotium exhibetur, neue in templis ritus ceremoniarum immutentur, quemadmodum id M̄tis Regia tam in Transyluania quā poſtea & Cracouiae iuramēto ſuo coſtirmare dignata fuit.

II.

Demiffimè petimus ac pſeruamus nobis, ne quid eorum quæ vel in Elec̄tionis acciderunt negotio, vel diſſidium illud quoquo modo ad hanc vſq; diē ſubſecuta ſunt, neque

neq; Ciuitati publicè, neq; priuati cuiq; fraudi, periculo, de-  
trimento sint: Utq; Regia Mtās, si eam ob caussā Ciuitati  
vis hostilis, iniuria vel damnū importabitur, indemnitatē  
publicæ priuataq; clementissimè prospicere digneū.

III.

Non iniquum etiam existimamus, vt omnia & sin-  
gula Ciuitatis Priuilegia in eorum quibus data sunt fau-  
rem & emolumentum potius interpretentur, quam in eo-  
rundem læsionem vel præiudicium, quod hacenus nō se-  
mel factum est, detorqueantur: nedum ad eam conditionē  
redigantur, qua vel Regis literis, Mandatis, aut Decretis  
aboleri, vel tanquam legitimè non obtenta quoquo modo  
possint in dubium vocari.

III.

Meminimus etiam cum D. Sigismundus Augustus  
inlytæ recordationis in hanc Ciuitatem Anno Lij. nume-  
roso comitatu aduenisset, statum Ciuitatis, alioquin per  
Dei gratiā tranquillū nō mediocriter pturbatum fuisse,  
non quidem ob comitatū ipsius Regiae Mtīs, sed plerorūq;  
Regni Procerum, qui magnā turbam suorum familiariorū  
secum ducere cōsueuerunt, inter quos & ciues huius vrbis  
ac reliquos peregrinos, quorū ex omnib. fermè nationibus  
magna est copia, varia passim dissidia, rixæ, ac cœdes orie-  
bantur. Quorum ne quid nunc accidat, humilimè iterum  
atq; iterum petimus & obtestamur Mtēm Regiā, vt cum  
Ciuitatem feliciter ingredietur, comitatus numerū ita mo-  
derari clementissimè dignetur, ne vel oneri sit Ciuitati, vel  
inde maior aliqua pturbatio pueniat. Kk ij Cō-

Cōmissionem illam, quæ cum summa Ciuitatis infā-  
 mia, publicæ fidei noxa, & fortunarum detrimento supe-  
 rioribus annis agitata fuit, Serenissima Regia Maiestas  
 ad proximè vētura Comitia reiçere dignata est, quod pu-  
 ret de ea ex omnium Ordinum sententia decernendū esse.  
 Verum si Maiestas Regia clementius totius illius cauſe  
 statum & seriem perpendere dignata fuerit, nihil dubi-  
 tamus quin ipsamet nobis pro singulari sua æquanimita-  
 te ad stipulatura sit, nulla ad Comitia Regni reiectione  
 opus esse. Quorsum enim attinet, iura, Priuilegia, liberta-  
 tes et consuetudines supra hominum memoriam, sine ali-  
 qua interpellatione habuisse, si quoties hominib. eam for-  
 tunam atque felicitatem nobis inuidentibus visum, simul  
 etiam fas sit, ea omnia infringere, immutare, & statum  
 Ciuitatis omnino euertere, ac postea Comitiorum Decre-  
 ta, quorum promulgationi nunquam interfueris, contra  
 quæ solenniter semper protestatus sis, obtendere, atq; ita-  
 ea quæ maiorum nostrorum fortunis ac sanguine parta-  
 sunt eripere, vt nulla vñquam recuperandi spes reliqua-  
 esse videri possit, adq; eorum confirmationem Principem  
 rerum illarum omnium ignarum totius Prouinciae malo  
 impellere. Hæc vt Senenissima Regia M̄tā secum repu-  
 taret ab initio summa animorū submissione rogauimus,  
 verum cum ab omni tractatione & colloquio exclusi fue-  
 rimus, nihil amplius hacenus proficere potuimus, quam
 quod

quod ad eosdem indies à quib. semel appellauimus, coram  
quibus solenniter ptestati sumus, reiecti iterum fuerimus.  
Quod vero cum iuris ratio non ferat, Maiestatem etiam  
Regiam obsecramus & obtestamur, vt tandem clemen-  
tissimam nostri rationem habere, & Cōmissionis illud ne-  
gotium, in quo multa contra publicas libertates, Priuile-  
gia, & receptas consuetudines facta sunt, benignissimè ex  
augustissimæ potestatis plenitudine abrogare dignetur,  
præsertim cum ipsi Dñi Cōmissarij Ordinibus Ciuitatis  
vt eos tum excluderent ansam multis nominib. pbuerint.

#### V I.

Non absimilis est placationis illa formula, quæ no-  
bis penè inuitis extorta, & in eum potissimum finem con-  
signata fuit, quod Domini Cōmissarij incōmodorum atq;  
difficultatum abolitionem repromitterent, cum tamen ea,  
vti conuenerat non abolita, sed multò magis aucta & ac-  
cumulata fuerint. Quare nullam causam videmus, cur  
hunc potissimum articulum ad Regni Comitia Mtas Re-  
gia reycere dignata fuerit, cum Dñi Cōmissarij diffiteri  
neutquam possint, se potissimum contra illius formulæ  
præscriptum, fuisse accumulandorum illorum malorum  
præcipuos authores, ita vt coram secundò huc missis D.  
Cōmissarijs ilicò de placatione illa protestati fuerimus, neq;  
illam vlla ratione recipere vel voluerimus vel potuerimus,  
vt etiam Sacra Regia Mtas inclytæ memoriae Sigismudus  
Augustus eam in medio reliquerit, neq; eius pstationem à  
nobis exigere vnq; voluerit. Kk. iij Por.

## VII.

Portorij maritimi exactionem, sine qua Ciuitatis rationes consistere nullatenus possunt, penes Ciuitatem supra hominum memoriam ab ipso primordio fuisse nullum est dubium, Quæ etiam ipsi ab omnibus retro Principibus singularibus Priuilegiorum et immunitatum diplomaticis confirmata fuit, penes quam Serenissimam M̄tēm Regiā Ciuitatem suam clementissimè quoq; conseruaturam, & Priuilegia illa, quod s̄apē iam recipere clementissimè dignata fuit, nobis benignissimè cōfirmaturam esse nihil ambigimus, ita vt cauſsa etiam ppter Priuilegia & longissimi temporis p̄scriptionē nulla, nostro quidem iudicio subsit, cur hic potissimum articulus ad Regni Comitia reiici debeat. Quāuis enim maritimi illius portorij semissē ob certis cauſas D. olim Sigismūdo Augusto Regi, à quo eius duplicandi facultas concessa, sed postea iterum remissa fuit, detulerimus, id tamen non nisi ad certum tempus, & quo ad ipse in viuis foret, quantumuis nobis contrarium nunc obiciatur, factum fuisse constanter adserimus, Et propter ea humillimè iterum atq; iterū rogamus, ne ea quæ cum præfato pientissimo Principe sepulta sunt, nunc iterum cum Ciuitatis excidio resuscitari Maiestas Regia patiatur, sed potius nos penes omnia ac singula iura & Priuilegia nostra clementissimè conseruare dignetur.

## VIII.

Speculatorum maris mentionem propterea fecimus, vt M̄t R. liberae nauigationis rationem, & quomodo cū Serenissimo Rege Danie ob speculatorum factum centum thalerorum

thalorum millibus, ad liberandas naues cum mercibus ac nauigationis libertatem, summo cum Ciuitatis detimento depacisci coacti fuerimus, ob oculos humillimè poneremus.

IX.

Dominorū Cōmissariorum Cōstitutiones nobis reclamantib. & legitimè ptestantibus editas ppter ea recipere non possumus, quod nō solum aduersus morē Ciuitatis in maximū piudicium, iurium, Priuilegiōrum, Iurisdictionis, libertatum ac cōsuetudinum publicarū, nō accedēte cōsensu illorum quorum intererat Magistrat⁹ et Cōmunitatis, fuissent pmulgatae, verum etiā quod in ijs publica Ciuitatis fides cum summa Magistratus & ordinū ignominia, non obscurè notetur & traducatur. Quo nihil nobis omnibus, ppter fidelissima sc̄pē p̄stita & in posterum p̄stanta merita accidere potuit, vel indignius, vel ad posteriorū memoriā acerbius: Tantum abest vt istae Cōstitutiones ad retinendā vel stabiliendā Ciuitatis incolumitatē, concordiā, et tranquillitatem aliquid roboris adferre possint. Proinde cū Sac. R. M̄tās sc̄pissimē verbo suo Regio clemētissimē receperit, se Ciuitatis iura, Priuilegia, libertates et cōsuetudines vndiq, sartas tectas conseruari velle, Idcirco iterū ac iterum quantis possumus humilimis precib. supplicamus, dignetur Sereniss. R. M̄tās abrogatis iam iam planè illis Cōstitutionibus, suæ Ciuitatis, ciuium, & incolarum clemētissimam rationem habere, neq; pmittere vt ijs iuribus, Priuilegijs, moribus ac consuetudinibus, cum quibus maiores nostri ad inclytū Poloniae Regnū spontē accesserunt,

contrarium

contrarium quidpiam vñquam statuatur, vel vt hic artio-  
culus, qui Priuilegijs nostris propter condendorum plebi-  
scitorum & legum libertatem planè aduersatur, ad Reg-  
ni Comitia absque vlla legitima cauſſa rejiciatur.

X.

*VI Serenissima Maiestas Regia authores famo, orū  
libellorum iuxta iura, Cōstitutiones, & consuetudines ha-  
rum Terrarum punire, & omnes famosos libellos ē medio  
tollere dignetur, maiorem in modum rogamus.*

XI.

*Non immeritò certè conquerimur, quod contra Ter-  
rarum Prussiæ Priuilegium et libertates antiquissimas, Ci-  
uitatis Magistratus ad Comitia Regni semper euocentur,  
& eadem occasione Ciuitas ad res Polonicas longè à rati-  
onibus suis alienas, ad Statuta & onera Regni contra pu-  
blica Terrarum iura pertrahatur. Verba autem Priuile-  
giij eius sunt tenoris: Item omnes cauſſas notabiles dictas  
Terras concernentes cum cōmuni Consiliariorum consilio  
Terrarum prædictarum tractabimus terminabimus, &  
diffiniemus. Idq; in Terris Prussiæ semper factum fuisse  
multi adduci poterunt viui testēs, qui meminerunt, Sere-  
nissimos Poloniæ Reges semper Oratores suos in has Ter-  
ras ad Conuentum publicum mittere, & ibidem cum Con-  
siliarijs harum Terrarum tractationes de publicis Terra-  
rum Prussiæ negotijs suscipere consueuisse. Tum notissi-  
mum est in omniib. Regnis singulas fermè prouincias suis  
singulari-*

singularibus Cōfiliarijs, iuribus, Priuilegijs, ac consuetudinibus absq; aliqua rerum confusione et perturbatione vti.

XII.

Ad Contributionis onus quod attinet, Constat ex plebiscito Culmeñ alijsq; Prussiae immunitatibus manifeste caustum esse, vt ab omnibus exactiōnibus, datijs atque oneribus Prutheni immunes habeantur, Neg. Magister aut Ordo Theutonicus vlo vñquam tempore citra omniā Prussiae Ordinum ac statuū spetialeū & spontaneū cōsensum, vel pecuniā vel vllum aliud onus quodcumq; Pruthenii indicere potuit. In ea libertate ac progratiua, alijsq; iuribus & Priuilegijs, quibus sub antiquis Dominis Terrae Prussiae gaudebant, D. Casimirus Rex, quando Prussia inclito Poloniae sceptro spontē accessit, Pruthenos se cum Serenissimis suis successoribus perpetuō conservaturum, confessis de super literis, sancte recepit. Cui Regiae promissioni inh. erentes D. Poloniae Reges, eamq; suis etiam diplomatis ex ordine successionis confirmantes, quoties de pecuniario subsidio, alijsue grauibus negotijs has Terras concernentibus Pruthenos compellare voluerunt, suos semp Oratores ad generales Prussiae Cōuentus, iuxta earundem Terrarū Constitutiones et hactenus obseruatas leges allegarunt, Interdum etiam ipsi Serenissimi Reges præsentes coram cum omnibus Prussiae Consiliarijs et Ordinibus præsentibus, qua de re libuit, deliberationem instituerunt. Quo factum est vt nihil nisi eo modo cōclusum

Ll atque

atque determinatum Prutheni reciperent, & cum inchio-  
ti Regni Constitutionibus, Statutis & Comitiorum De-  
cretis nihil vñquam commune haberent. Quæ consuetudo  
haçtenus in Terris Prussiæ supra centum & viginti an-  
norum spaciū inueterata, sine cuiusq; contradictione seu  
interpellatione, paucissimis nunc annis exceptis, continua  
serie inuiolabiliter ita obseruata fuit, quemadmodum id  
ipsum cum cōmuni Terrarum Priuilegio, tum alijs etiam  
documentis liquido demonstrari potest. Neque enim veri-  
simile est, Terras Prussiæ Magistri & Ordinis Theutoni-  
ci iugum prorsus intollerabile excutientes, quo in expedi-  
tionibus & exactionibus premebantur, ad onera Regni  
ferenda, nullo eorum consensu accedente, tam seruiliter  
se obligare voluisse. Quo & illud accedit, quod nec iuge-  
rum nec mansorum ratio alioquin à Regni iugeribus dis-  
simillima, æqualem vllam cum Regno contributionē ad-  
mittere possit. Ex quibus non obscurè appareat, quod Con-  
tributionis illud onus ex æquo cum Regno ferendum, sit  
res planè noua atq; inusitata, adeò vt nomen Poborrarum  
haçtenus in Terris Prussiæ nunquam fuerit exauditum,  
neque eiuscemodi Contributio in Terris Prussiæ, quamdiu  
Sceptro Regni Poloniae paruerunt, vñquam antea usur-  
pata vel indicta fuerit, neque vllum exemplum extat, etiā  
in summa Reipub: necessitate, homines Prussos cum gens-  
te Polona vñquam simul ex Decreto Regni contribuisse,  
aut ad aliqua onera cum Regnicolis æqualiter prestanta  
adactos.

adactos fuisse. Et quamvis nunc edicti fuerimus, reliquos  
Status & Ordines harum Terrarum Contributionem in  
Polonia laudatam exoluisse, Constat tamen id illos coa-  
ctos & non libere aut sua sponte, multo vero min⁹ ex ha-  
rum Terrarum iure aut consuetudine fecisse. Quare ni-  
bil dubitamus quin earum rerum omnium Serenissima  
Regia Maiestas æquissimam & clementissimam rationem  
habitura, et nos ac Terras omnes penes ea Priuilegia, iura  
& antiquas consuetudines benignissimè conseruatura sit.

XIII.

Eodem pacto bona Ciuitatis publica ad statuti Ale-  
xandrinii Executionem trahi cœperunt, Cum tamen Statu-  
tis incliti Polonie Regni Terræ Prussiæ non obstringan-  
tur, neq; eius Status ac Ordines ad illius Decreti promul-  
gationem vñquam vocati fuerunt, multo vero minus vt  
id propter peculiaria sua iura, Priuilegia & Constitutio-  
nes reciperent adduci potuerunt. Itaque non minus iustum  
quam æquum videtur, vt ea quæ tanto cum Reipub: præ-  
iuditio acta sunt penitus rescindātur, neq; ad Regni Comi-  
tia, cum manifesta sint nec vlla pbatione egeāt, reyciātur.

XIV.

Meritò etiam conquerimur, quod non Magistratus  
solum sed etiam priuati Ciues nouis et inusitatibus edictis in  
causis iniuriarum & rerum criminalium, contra antiquas  
consuetudinem, ad Regium tribunal euocentur, quæ sine  
vullo discrimine in Terris Prussiæ hacenus citraq; contro-  
uersiam terminatae fuerunt.

Lij

Pro

## XV.

Pro hoc articulo Serenissimæ Regiae Maiestati in-  
gentes agimus gratias, & planè confidimus, idem etiam  
in ceteris propediem futurum.

## XVI.

Nihil est certius q̄ quod Ordinum Decreta leges ac  
plebiscita, in quibus condendis & abrogandis ex præscri-  
pto Priuilegij Casimiriani plenissimam habent potestatem,  
Mandatis & Rescriptis Regis, cum summo dicti Priuilegij præjudicio soleant impugnari. Priuilegij autem ver-  
ba ex Germanico trāslata sic sonant: Nos Casimirus &c.  
Volentes ipsis spetialem vicissim gratiam nostram impar-  
elargini <sup>ad hanc</sup> concedere, ut nos tanto <sup>magis perfecto</sup> ardenter amore arclius  
prosequantur complectantur, de quorum fide non dubitamus, volentes  
eorum fortunas eorundem nomen & existimationem, fortunas, & bona  
temporales & auctiora reddere, concessimus iisdem Procōfūlibus, Con-  
augendam exi-<sup>sulibus</sup>, Scabinis, Iuratis opificibus & toti communitati  
stimationem Ciuitatis nostræ Gedanen ex innata Regia clementia, ple-  
nam Regiam potestatem <sup>cedimus</sup>, & pigore harum nostrarum li-  
terarum concedimus, <sup>consentimus</sup> impariunt, plenamq; facultatem  
præsentibus damus, quod possint et debeant, cum consilio,  
scientia, & voluntate prouidissimorum & præcipuorum  
ciuium sue Ciuitatis, pro temporum & causarum ratio-  
ne, Plebiscita, Contributiones, de omnibus bonis & mer-  
cib; omnibusq; caussis & rebus, quam s̄epe Ciuitatis ip-  
sas necessitatem, utilitatem & commodum id exigere co-  
gnoverint,

gnouerint, condere, indicere, laudare, ac viciſſim remittere  
re, quemadmodum ipsiſ ſuā oſſiſ ſuā pro beq[ui]a glaſto ſuā  
vlliſ in omne ēuum interpellatione, impeditio[n]e, interroga[n]tione, vel contradic[ti]one, tam noſtri, & ſucessor[um] ſuorum  
quam aliorum dignitariorum & quorumcunque officiālium noſtrorum.

## XVII.

Pro hoc item articulo immortales Maiestati Regiae  
agimus gratias, quod humillimas preces noſtras exaudire  
dignata fuerit.

## XVIII.

Literæ exemptionum ut nemini qui iure Ciuitatis  
vti, vel in Ciuitate habitationem habere velit, concedan-  
tur, iterum atque iterum demiffissimis verbis rogamus,  
cum ea res magnam inæqualitatem pariat, ciuilem obedi-  
entiam & debitum, sine quo Ciuitatis rationes ſalutē eſſe  
nullatenus poſſunt, diſſoluat, ac Magistratus authorita-  
tem labefactet, præſertim quod ut pluri[m]ū exemptæ per-  
ſonæ, dum plus ſibi quam alijs licere putant, ac Regium  
nomen quibusuis flagitys obtendunt, multa contra leges  
ac mores Ciuitatis cōmittere ſolent, cum ſummo Magi-  
ſtratus contemptu, cæterorumq[ue] ciuium damno & præiu-  
dicio. Cum tamen ipſi Nobiles in Ciuitatem commigran-  
tes, ad ciuilia onera ferenda, ex Constitutionibus Terra-  
rum Prussiae ſint obligati.

Ll iij Si Sere.

## XIX.

Si Serenissima Maiestas Regia in posterum nulli contubernio Priuilegia dare in animum clementissime inducere dignata est, quæ iuri publico & statui Ciuitatis contraria sint, maiorem in modum & submissè rogamus, ut ea quæ iam ad turbandum Ciuitatis statum & tranquillitatem publicam data sunt benignissimè abolere, & nihil eorum fouere vel admittere dignetur, quæ iuri Ciuitatis & bono publico quacunque ratione obesse possint, quemadmodum illum articulum in oblato per Internuncios suplici libello latius declarauiimus.

## XX.

Cur nobis integrū esse non debuerit, constituendæ communis concordiae caussā contractū cum braseatoribus iniire, caussam iustum nullam videmus. Quod vero Domini Cōmissarij eundem seditiosorum et leuissimorum hominū impulsu resciderint, ppter ea factum esse arbitramur, ut perpetuas inter Magistratum & ciues discordias commodius alere, & communem concordiam & tranquillitatem tanto facilius conuellere possent. Quem igitur articulum cur Maiestas Regia ad Conuentum Regni reycere dignatur, caussam non videmus, idq; ne Maiestas Regia faciat demississimis precibus rogamus & obtestamur.

## XXI. &amp; XXII.

Pro his duobus articulis magnas etiam agimus gratias.

## XXIII. &amp; XXIII.

A causis

A causis criminalibus quibusuis, appellationes in Terris Prussiae nullo vñquam tempore interpositæ, neque ea ad tribunal Regium reuocatæ fuerūt. Penes quam vetustissimam consuetudinem & antiquissimum morem ut Regia Maiestas incolas harum Terrarum omnes conseruare clementissimè dignetur, demississimis precibus submissè rogamus.

XXV.

Quod recensita incōmoda atque difficultates, Cittatum, Mandatorum, Saluorum conducluum, Exemptionum, Inhibitionum, nunc etiam initio noui regiminis, licet nondum Serenissimæ Mti Regiae iusurandum ab Ordinibus Ciuitatis datum sit, nibilominus tamen ingeri cœperunt conquerimur. Ex quo parum ſpej esse, cum in iuriu ac libertatum conseruatione, tum in eiusmodi incōmodorum abolitione, facile quis posset ſufpicari.

XXVI.

Cuius rei illud etiam argumentum est, quod Laniones profugi & proscripti, protuendis turbulentis & seditionis suis conatibus, palam recipiuntur, ſuſtinentur, ac defenduntur.

XXVII.

In hoc articulo non queritur, num Fiscalis metas officij ſui excederit nec ne, vel num vir bonus & poffeffionatus ſit, ſed humillimè petitur, ut Ciuitas penes ſuum Priuilegium & perpetuam consuetudinem conſeruetur. Pugnat enim cum Priuilegio & antiquissima consuetudine:

dine per Ciuitatem & in Terris Prussiae obtentas, ut in  
bonis caducis & ad Fiscum Regium pertinentibus prima  
instantia in loco iudicij Ordinary fiat. Quemadmodum  
semper hactenus procurator Fisci bona caduca in iudicio  
ciuili vendicauit, Super quibus quid constituendum, &  
quomodo procedendum sit, Privilegium D. Casimiri & Si-  
gismundi de bonis naufragis latius declarat. Nimirum  
quod bona caduca in fidei custodia Burggraby & totius  
Magistratus Gedaneñ debeant conseruari tam diu, quoad  
haeres ea iure repetierit. Si vero conuenienti temporis tra-  
etu nemo petat, extunc ipse Burggrabiū una cum Magis-  
tratu Gedaneñ de eis ipsis bonis Maiestatem Regiam in-  
formare & certiorare tenebitur, ut Maiestas Regia pro  
suo arbitratu disponat: Vnde sequitur bonorum caduco-  
rum vindicationem atque custodiā non ad procuratorem  
Fisci, cuius officium nuper admodum in has Terras nono  
exemplō introduclum est, sed ad Burggrabiū & Ma-  
gistratum huius Ciuitatis spectare, in quo etiam posthac  
nos conseruari humillimè petimus. Neq; minori fide, cu-  
ra, studio ac diligentia huic rei prouidebimus, atq; per ip-  
sum Fisci procuratorem fieri poterit. Atq; hoc ipsum etiā  
apertissimi iuris est, ut res à Fisco in controuersiam vo-  
catæ, non illicò dicantur esse Fisci, nisi causa prius coram  
Ordinario Magistratu, sit ne Fisci, liquidata fuerit. Ali-  
oquin per facilem effet sub prætextu rerum & litium Fisca-  
lium varias priuatorum hominum cauſas & actiones  
defendi.

defendi. Quapropter humillimè supplicamus, ut Sereniss:  
Regia Maiestas clementiorem ordinariorum iuditiorum  
rationem habeat, more veteri conseruato.

XXVIII. & XXIX.

Cur hos duos articulos Serenissima Maiestas Regia  
ad conuentum Regni reycere dignata fuerit, nō satis per-  
spicimus, cum ex publicis Inscriptionibus & diplomatib.  
sub sigillo Regni citra aliquam controuersiam manifestè  
appareat, centena thalerorum millia Serenissimo Regi piè  
defuncto in usum & urgentem necessitatem Magni Du-  
catus Lituaniæ mutuo data, & quatuor Monasteria huic  
Ciuitati vicina hypothecæ loco nobis ppter ea obligata esse,  
Tum quod redditus telony Cawneñ Ciuitati per publicam  
item inscriptionem concessi hucusq; non inferantur, cum  
ingēti Ciuitatis detimento, quæ interim mutuatæ sortis  
nomine non exiguae usurpas quotannis præstare tenetur.

XXX.

Nihil manifestius esse potest, quam in hac parte Ci-  
uitatis Priuilegium, quod aperte hisce verbis ex germani-  
co translati disponit, Quod nulla Ciuitas neque arx in-  
tra quinque milliaria circumcirca debet ædificari, erigi,  
aut renouari perpetuis futuris temporibus. Item Terra-  
rum Prussiæ Constitutiones, quæ volunt res venales in  
urbibus, & per consequens non in suburbis, villis, aut  
pagis distrahi debere.

Mm

Cum

Cum vero Schotlandiæ suburbium quasi altera vrbis adificari cœpta fuerit, & ciuilia ibidem cōmertia, ac omni generis opificum artificia hactenus tractata, usurpata & exercita fuerint, causam non videmus cur articulus hic suspendi debeat, vel quomodo Priuilegij & usu bono contra tam manifesta Priuilegij nostri verba quid receptum aut approbatum esse possit.

XXXI.

Aequum est vt illi qui in vna Ciuitate paribus frumentur cōmodis, paria etiam onera sustineant. Quare illi qui in monasterijs, parochijs, domo Carthusianorum & alibi habitant, non magis à ciilibus functionibus liberi esse debebunt, quam reliqui ciues et incole huius Ciuitatis. Et res infiniti laboris erit cum omnibus illis iure experiri, qui ius & aequum per Ciuitatem euertere conantur.

XXXII.

Quantumuis hic articulus pertineat ad forum Ecclesiasticum, tamen iniquum est, ciues utriusque sexus in causis matrimonialibus extra Ciuitatem in alienum forum euocari, quod Officiali nec iure nec legibus Ciuitatis competere certum est. Et nihil magis in votis habemus quam vt in ea re vsus & consuetudo recepta seruentur.

XXXIII.

Quod in villa Episcopali Stoltzemberg, plerisque facinoris, furibus, latronibus, decoctoribus, homicidis voluntarijs &c. receptus, præsidium, & securitas præstatur, abusu inoleuisse nullum est dubium, quare etiam merito

rito tolli debet. Priuilegio niti non potest, cum ea quae contra leges fiunt non solum inutilia sed etiam pro infectis habenda sint. Hæc autem contra diuini pariter ac humani iuris præscriptum facta, extra controversiam esse quod aboleri & abrogari debeant.

XXXIII.

Dominus Abbas Oliueni quamvis sui iuris sit, admoneri tamen potest, ne contra ius, homines facinorosos & seditiosos cum summa ciuilis iurisdictionis iniuria apud se in monasterio alat, & ipsis receptum ac securitatem contra suam professionem præstet.

XXXV.

Nelibera Istud nauigatio impediatur demissimis precibus rogamus, & ut Maiestas Regiae se in ea re iuxta Priuilegiorum, & Constitutionum harum Terrarum præscriptum conseruare & conquerentibus institiam administrare dignetur.

XXXVI.

Neminem in suo iure quod longissimi præscriptione temporis nititur turbari debere plus quam manifestum est, Quare rogamus ne sub prætextu vel Priuilegiorum vel alterius cuiusvis iuris in pescatione fluminum & aquarum Haab. ab ipsis qui vicina prædia possident villa ratione impediamur.

XXXVII.

Pro hoc articulo immortales agimus gratias.

XXXVIII.

Mm ij Ernestus

Ernestus VVeiher & alij nouo hostilitatis genere  
ante triennium vias publicas obsidere cæperunt, ne quid  
cōmeatus vel aliarum rerum posset in Ciuitatem importa-  
ri, eoque modo Ciuitatem magno incommodo ac detimento  
affecerunt, quod vt illos Maiestas Regia sarcire iubeat,  
non immerito petere videmur.

XXXIX.

Qui pro Serenissimo Rege defuncto vel pecunias suas  
expenderunt, vel fidem suam interposuerunt, ad Comitia  
Regni rejciūtur, cum interim varijs molestijs debitorum  
illorum nomine afficiantur, Quare iterum atque iterum  
rogamus, dignetur Serenissima Regia Maiestas clemen-  
tissimè prouidere, ne propter præstandas grauiissimas usu-  
ras præsenti periculo, & creditorum quiduis exigentium  
temeritati exponantur.

XL.

Ea quæ ad officium nostrum pertinent Ciuitas qui-  
dem libenti animo præstabit, Verum cum Ciuitatis ærario  
perdifficile sit quotannis etiam absente Maiestate Re-  
gia stationem trium dierum, contra aliarum omnium Ci-  
uitatum morem pendere, maiorem in modum iterum atque  
iterum obnixè petimus huius Ciuitatis sumptus hac in  
parte ad exemplum ceterarum Ciuitatum benignissimè  
moderari.

Propter præcedentes igitur cauſas submissè roga-  
mus, ne nos Majestas Regia diutius suspensos tenere, vel ma-  
iorem

iorem articulorum satis liquidorum partem ad Regni Comitiae reycere, sed ea potius ex augustissimæ potestatis plenitudine clemetissimè tandem abrogare dignetur, ut perspecta Sereniss. Regiae Mts clementia & æquanimitate tantò alacriores ad quemuis munia præstanta, & obedienciam ac fidem nostram declarandam esse possimus, Quemadmodum R. eius Mts benignissimè facturam esse amplius non dubitabimus, præsertim quod publici Conuentus decreto liberum sit Maiestati Regiae hanc causam terminare, & ex usu atque cōmodo Ciuitatis decernere, ita ut nihil opus sit vel incōmoda hæc longius extrahere, vel ad generalia Regni Comitia reycere.

Forma Placationis cuius in superioribus literis sæpiusculè mentione fit.

**Q**uam dolenter id Senatui & Ordinibus totam Communitatem repræsentantibus acciderit, quod Regie Maiestatis gratia ppter non receptos Dominos Commissarios, & si quæ alia offensionis causam præbuerunt, subditi Maiestatis illius fidelissimi præter spem exciderint, ipsi Magnifici Domini Commissarij inde aestimare benigne dignabuntur, quod statim post felicem illorum adventum, ad recuperandam Regalem gratiam nihil curæ, laboris, & obsequij prætermissum fuerit.

Mm iij

Cum

Cum enim Sacrae Regiae Maiestatis clementia & principali  
fauore omnem Ciuitatis Ciuiumq; salutem & incolumita-  
tē contineri existimarent, nihil prius, nihil antiquius ha-  
bendum esse putarunt, quam vt vicissim restituerentur  
eidem qua exciderunt gratiae Regie, quam vt semper pro  
debita subditorum fide & subiectione secundum Deum  
summo Venerationis loco, ita nunq; illius in re vel minima  
ledendæ animum vel propositum habuerunt, ipso Deo &  
vniuerscuisque conscientia teste.

Initis itaque variè placandæ Regiae Maiestatis rati-  
onibus, et si principio Mag: Dominis Commissarijs duo pla-  
cationis modi scripto compræhensi propositi fuerunt, quia  
tamen eosdem ex dignitate principis non esse existimatum  
fuit, denuo de alijs rationibus animis humilimis à Senatu  
& Ordinibus cogitari cæptum est, quantumuis ea res hoc  
tam perturbato temporum statu, & varia Ciuitatis diffi-  
cultate planè supra vires ardua videretur, quia verò fir-  
missimè concepta spe humilimè confidunt, Sacram Mtem  
Regiam pro officio pientissimi & clementissimi Principis  
in conseruandis iuribus, Privilegijs, libertatibus, consue-  
tudinibus & vniuersis & singulis iurisdictionis & possi-  
sionum prærogatiis, suæ Ciuitatis clementissimam ha-  
bituram esse rationē, quemadmodum inter cetera de ista  
Maiestatis Regiae planè paterna erga subditos affectione  
admodum illustria documenta in prohibenda Naruca  
nauigatione, nō solum Ciuitati, sed etiā toti Regno planè  
perniciosa,

perniciosa, omnium subditorum animos in maximarum rerum spem erigunt, atque confirmant, Ijs igitur rationibus moti pro debito subiectionis studio, nomine totius Cōmunitatis Senatus cum reliquis Ordinibus diu multumq; eō elaborandum censuit, vt re ipsa quam humilime ostenderet, quanti gratiam & clementiam Sacræ Regiæ Maiestatis subiectissimè faceret, quamq; humilimo obsequio ad prohibendæ Naricæ nauigationis, Regiæ Maiestatis consilia, promptissimum animum tanquam fideles subditi probatum testatumq; facere vellet.

Quocirca vnanimi tandem omnium consensu humilime conclusum est, quemadmodum totius Cōmunitatis nomine hisce præsentibus consentimus, primum vt accedēte eam in rem Sacræ Regiæ Maiestatis indulgentia et consensu, vetus Pfalgeldij (vt vocant) exigendi ratio augeatur ad hunc modū, vt præter vositatos duos denarios Pruthenicales de vna qualibet marca, ad Ciuitatis proprietatē & redditus ab antiquo pertinentes, alijs duo denarij de vna qualibet marca ex omnibus nauibus & mercibus importandis, exportandis, Sacræ Mti Regiæ concedantur, quam duorum denariorum auctionem ipsi Mti Regiæ ex summo subiectionis studio offerunt.

Deinde Eidem Maiestati Regiæ centum millia florinorum, triginta grossis Polonicalib. in singulos florenos computandis, humillime donentur, quam quidem centum milium florenorum summam, Sacræ Mti Regiæ clemētissimo

tissimo arbitrio relinquunt, ut sub fide Ciuitatis sue ali-  
unde in annos decem, mutuo accipiat, quo decem annorum  
spacio Ciuitas in singula centena octo florenos interesse  
loco numeratura, tandemq; exactis illis annis decem vni-  
uersam fortem exolutura est.

Hanc autem Senatus & omnium Ordinum nomi-  
ne totius Ciuitatis subiectissimam consensionem oblatio-  
nemq; vt Sacra Mts Regia clementissime in eam partem  
accipere & gratam habere dignetur, quam possunt humi-  
lime supplicant, atque obtestantur, ne quid ista Pfalzel-  
dy auctione tam Terrarum Prussiae quam Ciuitatis Iuri-  
bus, Priuilegijs, immunitatibus, libertatibus & consue-  
tudinibus in vlla parte preiudicetur, velitq; Sacra Regia  
Maiestas altius expensa illius Mts ingenita benignitate  
& clementia, non solum omnium ex superioribus actio-  
nibus animo conceptarum offenditionum et subortarum su-  
spicionum tandem clemetissime obliuisci, ac Ciuitatem suam  
ab omnibus grauaminibus Commissionum & inquisitionis  
benignissime liberare, sed etiam de omnibus Ciuitatis sue  
incolis, illorumq; in Maiestatem Regiam & vniuersum  
Regnum perpetua fide, atque obsequijs, tanquam de fidelis-  
bus subditis clementissime persuasa esse, eosdemq; in gra-  
tiam Regiam receptos, pari benignitate & clemetia com-  
mendatos habere, ac in perpetuam rei memoriam de his  
omnibus, publicis documentis, sub sacra manu & sigillo  
confectis, Ciuitati sue plenissime prouidere.

Et

Et cum omnis nouitas videatur périculosa, sitq; ab antiquo Pfalgeldij exactio receptioq; per Senatum, dele-  
Etis certis iuratis personis, administrata, omnino etiam nunc humiliè confidunt Senatus & Ordines, S. Mtem Regiam de ista antiquitus in exigendo recipiendoq; Pfalgeldio obtenta cōsuetudine nihil immutaturā, sed singulis annis à pfatis iuratis et eam ad rem delectis idoneis psonis sufficiētes rationes recepturā esse, vel si omnino etiam R. Mti videretur, possent ipsi scribæ nomine Mtis R. ab ipso Burggrabio Ciuitatis singulari iuramento obstringi.

Ne quid autem difficultatum ac cōfusionis non mo-  
dicē inde exoriri possit, si Maiestas R. quorundam preci-  
bus permota, super ista cōcessione Pfalgeldij literas immu-  
nitatis alicui indulget, ob eam causam Sereniss: R. Mtis  
supplicant, velit isti rei clementissimè prouidere, ne tales  
imperatæ immanitates quocunque modo & nomine vi-  
lius sint vñquam roboris.

Cæterum ut hac Sacrae R. Maiestatis benignitate  
& placatione vniuersa Maiestatis illius Ciuitas cum o-  
nibus incolis plenissimè perfruatur, uno omnium ore S.  
R. Mtis quam subiectissimè supplicant, velit illius Mtis  
detentos Proconsules, & Consulem, quorum eadem causa  
in ista placatione humiliè agitur, clementissimè in gra-  
tiam R. receptos, tandem omni molestia liberare, ac quam  
primum ad suos penates domesticos remissos, pristino loco  
ac dignitati clementissimè restituere.

Nn

Postremo

Postremò quanto animi morore non solum Magistratus, sed omnes Ciuitatis incolæ hacenus condoluerint, famam, nomen, & omnem existimationē Ciuitatis publicam, isto tam immaturo & contumelioso libello Fridwaldi per totum Christianum orbem traduci, existimantq; il maxime ad ipsius etiam Mīs R. & totius Regni deus & dignitatem pertinere, Ciuitatis & Ciuium famam & fidem vbiique saluam et inviolatam esse, ut nemo dubitat, ipsam S. Mīem Regiam clementissime expendere, ita eidem quam subiectissimè uno omnium ore supplicant, velit S. Mīas R. ex omnimoda Regia auctoritate per publicum Decretum, alijsue remedys, ad abolendum abrogandumq; libellum idoneis, fidelium subditorū rationibus clementissime consulere & subuenire. Habitura est ea ex re non solum ipsa Maiestas Regia apud omnes subditos immortalem gloriam & memoriam defensæ innocetiae semperitnam, sed etiam factura rem uti & quietati & iustitiae planè consentaneam, ita cunctis Ciuitatis incolis longe acceptissimam, tantoq; ad queuis humilimè obeunda obsequia alacriores reddetur, quanto in famosum auctore meritæ & legibus constitutæ pena acrius extendentur.

Atque hæc quidem omnia, posteaq; ad eum modum à Senatu & Ordinib. Ciuitatis, totius Cōmunitatis nomine probata sunt, postremum M. Dom. Cōmissarijs officiose offerenda esse censuerunt, eosdem singulari cum obseruati rogantes, velint ea planè ex subiectissimo animo profecta,

profecia atq; oblita benigne expendere, & apud S. Mitem  
R. primo quoque tempore gratiose commendare, vt hisce ra-  
tionibus omnium & singularum exortarum offensionum  
atque difficultatum obteta placatione, omnia suo pristino  
nitori restituantur, benignissimoq; exitu terminentur, non  
solum omnibus & singulis Iuribus, Priuilegijs, libertatib.  
immunitatibus, & antiquis consuetudinibus, quocunque  
nomine & modo appellatis, in omnibus & singulis pun-  
ctis, clausulis, & articulis suis saluis & illæsis permanen-  
tibus: sed etiam vt reliquorum sape exhibitorum et eò pti-  
nentium grauaminū ex Regia auctoritate, & benignitate,  
clemens & quissimaq; ratio habeatur, idq; planè ad eū modū  
futurū de S. R. Mte pietissimo ac clementiss: Rege ac Dño  
suo, & de Mag: Dñis Cōmissarijs, Senatus cū reliquis Or-  
dinib. humiliè & officiose sibi persuadet. Etenim nisi in  
his tantis tanque ineustabilib. rerum & temporū necessita-  
tibus ac Ciuitatis grauaminib. de quibus S. Mti R. mul-  
toties subiectissimè supplicatū est, Ciuitati cōsuleretur, ipse  
M. Dñi Cōmissarij pro sua singulari prudentia & aqua-  
nimitate gratiose expenditure, quam id Ciuitati ad conser-  
uandā illius alioquin valdè afflictæ incolumitatē, humili-  
tioneq; implenda promissa, futurum esset graue nimis ac  
difficile. Quæ oīa & singula vt Mag: D. Cōmissarij be-  
nignius accipere & expendere velint, q; hīc verbis idoneis  
& oratione satis digna et apta exprimi possunt, pro sua  
erga eosdē omnimoda obseruātia Senat⁹ ac cæteri Ordines  
Ciuitatis etiam atq; etiam rogant. Nn y His

**H**is de rebus omnibus postquam Internuncij cum Domina  
Consiliarijs in hoc negocium adhibitis verba  
comutassent, & ipsa quoque Regia Maiestas Internuncij  
in conspectum admissis coram animi sui sententiam ostendisset,  
responsum suum, quo tractatibus hisce finem de-  
mum imponere vellet, cum Syndico huc remisit, his con-  
ditionibus determinatum.

Responsum Sacræ Maiestatis Regiæ Internuncij Ciuitatis Regiæ Gedanensis à  
Maiestate Regia ad eorum supplicatio-  
nem datum Bidgostiæ xxv. Ianuarij  
Anno Dñi M. D. Lxxvij.

**S**acra Regia Maiestas satis abundè omnia intellexit,  
quæ Ciuitatis Gedaneñ nomine ab ipsius Maiestate  
petebantur, existimat autem ad frequentes Ciuitatis sue  
Gedaneñ supplicationes satis superquam usum esse clementia  
conniuientiaq; sua Regali, ita ut nō amplius utendum sibi  
esse putet tam diuturna procrastinatione rerumq; &  
negotiorum propositorum dilatione, verti ea in re iudicat di-  
gnitatem suam, expedireq; rebus & cōsilijs suis censet, ut  
ista tractatio iampridem instituta, nunc tandem finem  
suum sortiatur, modo & ratione infra scriptis.

In primis concedit Maiestas Regia, ut pro conclu-  
dendi ultimoq; fine terminandis conditionibus à R. Mte  
Ciuitati

Ciuitati oblatis, isto modo quo Regia Maiestas conclusit ac determinauit in spatio sex dierum Mii R. satisfiat, plement de his omnibus Ciuitas Mii R. respondeat. Hi vero dies ad respondendum Sacrae R. Maiestati, per reliquos mensis Ianuarij dies anni presentis Ciuitati concessi esse censeantur.

Primo quidem ducenta millia florenorum numeri & monetæ Polonicalis R. Mihi Ciuitas persoluere debet, Prima quidem centena millia nunc statim in spatio unius mensis numeret, alia vero centum millia prima die Martij anno proximo futuro Millesimo quingentesimo septuagesimo octauo Maiestati Regiae reponet, & nunc etiam oblationi Statuum Prussiæ innitendo duplicem Accisam Ciuitas iuste & integrè contribuet, eamq; in thesaurum Regiae Maiestatis inferet, prout id melius & utilius ipsius Maiestati fore videbitur. De quibus omnibus obligationem forma concepta quæ mittitur faciat.

Illa quæ merè Regalia sunt, quæ ex Priuilegijs Ciuitatis Gedaneñ Maiestati Regiae pendere debet, ea quotannis exoluatur, Ista enim obligationibus aut exemptionibus nullis subiici non vult.

De tormentis quatuor bellicis, vna cum puluere globisq; bene præparatis ad usum belli præstandis, Ciuitas Regiae Maiestatis voluntati satisfaciat, in eoq; R. Mii morem gerat.

De prorogatione temporis ad Palatum, aliaq; edificiis

Nn iij

dificiis

dificia Regalia in Ciuitate Gedaneñ extruenda, permittit  
Maiestas Regia, ex gratia clementiaq; sua, tempus com-  
petens Ciuitati se concessuram esse.

De portorio maris negotium, ad futurum Regni  
Conuentum reiçit, ita tamen ut Maiestatis Regiae Scriba  
peculiaris ibi adsit, iuxta priorem declarationem.

Grauamina quæ autoritate sua citra cōsensum Ore-  
dinum Regni tollere potest, ea tollit, Reliqua ad Conuen-  
tum Regni generalem differt, vt de illis ex sententia Ordio-  
num decernatur. Quæ tamen M̄ts R de Grauaminib. istius  
sententia sit, eam peculiari Priuilegio super his conscri-  
pto declarauit. Si vero vult aut magis cupit Ciuitas, non  
abnuit Maiestas Regia, vt omnes articuli & omnia gra-  
uamina, ac omnes actus Cōmissoriales, inter quos & Por-  
tory negotium est, ita vt etiam scriba interim ad id non  
adhibeatur, ad futurum Regni Conuentum reiçiantur;  
reliqua tamen placationis capita, ac declaratio Religionis  
conseruandæ stare debent, loco & tempore suo.

Confirmationem Iurium & libertatum iuxta for-  
mam præscriptam quæ mittitur Regia Maiestas Ciuitati  
dabit, omniaq; Priuilegia iuxta illius contenū conseruabit,  
eamq; authentice nunc extradet, si forte Ciuitati placeat,  
grauamina omnia articulosq; (placationis conditionibus  
& capitibus, tum etiam Religionis conseruatione, de-  
quo

quo specialibus literis cauebitur exceptis) ad futurum Regni generalem Conuentum rejecere.

Literas Reuersales prioribus non absimiles Ciuitati dabit, quibus promittet autoritatem suam apud Ordines Regni interposituram esse, ut Ciuitatis ratio habeatur: Grauaminaq; ipsius illegitimè irrogata discernantur & abrogentur.

Ante omnia vero Ciuitas militem dimittat, Regiam Maiestatem forma concepta deprecetur, Conuentis se stare obliget, Fidelitatis iuramentum praestet, omniaq; faciat, quæ ad subiectionis fidelitatisq; officium spectant & pertinent. In quorum omnium fidem sigillum nostrum apprimi iussimus. Datum Bidgostij die xxv. mensis Ianuarij Anno Domini 1577. Regni vero nostri Primo, Stephanus Rex.

**H**ic responso addita erant literarum exempla quibus de libero ysu Confessionis Augustanae nobis cauebatur, quibus item iura ac Priuilegia nostra confirmari debebant: nec non forma obligationis in ducentorum florenorum millia, ijs solutionum terminis circumscripta, qui responso designantur. Priuilegium autem de gravaminibus abolendis, cui denuò Reuersales literæ priorib. non absimiles coniungebantur, in hanc fermè sententiam conceptum erat.

Stepha-

Stephanus Dei gratia Rex Poloniæ,  
Magnus Dux Lithuaniae, Russiæ,  
Prussiæ, Masouiæ, &c.

**S**ignificamus præsentibus literis nostris, quorum interest, vniuersis & singulis. Quod cum Internuncij Ciuitatis nostræ Gedanensis, nobis tam suo quam omnium Ciuium adeoq; totius Cōmunitatis nomine obedientiam & subiectionem detulissent, & petiissent, ut ea oīa abrogare & abolere dignaremur, in quæ ex diuersitate Elec̄tionis per diuinam prouidentiam & temporum mutationes incidunt, vtq; Ciuitatum gratia nostra complectentes, illius grauamina, quæ vti dicebant, per abusum introducta essent, è medio tollere dignaremur. Nos igitur supplicibus precibus diectorum subditorū nostrorum permoti, posteāq; omnia & singula nobis oblata grauamina diligenter perspexissemus, & animaduertissemus, quædam esse eius generis, vt ad cognitionem & disquisitionē Senatus & Ordinum Regni ad generalia Comitia necessario differenda sint, quædam vero extra Comitia aboleri & tolli posse, vt tollerentur & abrogarentur. Quo nomine illis duximus declarationem nostram dandam esse, quemadmodum etiam harum vigore damus & firmiter concludimus.

I.

Atque in primis concedimus, vt usus Augustanae Confessionis, vti in Ciuitate, ita etiam extra illius muros in ipso.

in ipsorum Iurisdictione pacificus & quietus sit, sine cuiusq; interpellatione, quemadmodum hactenus fuit, & vt nemo Religionis ergo inquietetur vel molestetur. Et omnes penes liberum usum Augustanae Religionis conseruabimus, manutenebimus & defendemus, quemadmodum id tam in Transyluania, quam postea etiam Cracouiae iuramento nostro Regio confirmauimus.

II.

Propter Electionis diuersitatem neminem nec publicè nec priuatim molestabimus aut prægrauabimus, sed à vi defendemus & tuebimur. Cuiq; tamen propter illatas iniurias liberum erit suo iure uti, & priuatas iniurias iure vlcisci.

III.

Omnia Priuilegia, legitimè impetrata confirmabimus & conseruabimus.

III. V. VI. VII. IX.

Totum Commissionis negotium, & omnia in eo contenta, quibus Ciuitas se grauari existimat, Placationem, Commissionalium Constitutionum declarationem, ad futurum Regni Couentum rejecimus, quemadmodum & Portoriū negotium, ea tamen conditione, vt peculiaris Scriba noster interim adsit, vigore prioris responsi nostri.

VIII.

Speculatores abrogamus & eorum opera in posterum non vlemur.

X.

Famosos libellos cassamus, & prohibebimus, ne  
oo vel

vel palam vel clam edantur. Mandabimus autem de eorum authores ex prescripto Statutorum Regni puniantur.

XI.

Cum communis caussa sit, neque i, qui cum Magistratu sunt, ad Comitia Regni euocentur, existimamus hic de ea nihil agendum vel statuendum esse.

XII. XIII.

De Contributione & Executione putamus in Comitiis Regni agendum esse.

XIII.

Magistratum & Ciues Ciuitatis Gedanensis ad Tribunal nostrum Regium non euocabimus, nisi in causis merè nostris.

XIV.

Mandata prima non dabuntur poenalia sed simplicia. Tunc vero Senatus tenebitur ea aut exequi, aut Maintinare statem Regiam, de statu caussæ, qua de agitur, informare, si non fecerint, secunda Mandata poenalia dabuntur. Decreta etiam contraria ex Cancellaria non prodibunt.

XV.

Articulum de condendis plebiscitis ex Priuilegio Casimiri Regis ad Conuentum Regni rejecimus, cum ea caussa omnes tangat, & certum sit Magistratum in usus illius Priuilegij non fuisse.

XVI.

Salvi conductus à vi & potentia, non autem à iure dabuntur. In spatio vero trium mensium declarari debet, an is qui accepit, Salvo conductu sit dignus censendus,

Infras.

Infra trimestre etiam Saluum conducedum obtinens iure  
mediante se iustificabit, aut Maiestatem Regiam Senatus  
de eo informabit.

XVIII.

Exemptiones nemini dabimus, præterquam seruito-  
ribus nostris proprijs. Si vero quis Priuilegio aut exem-  
ptione abutetur, illum secundum rationem excessus puni-  
ri curabimus.

XIX.

Nihil aduersus cuiusquam legitima Priuilegia fa-  
ciemus, sed ea sarta tecta haberi volumus. In posterum  
etiam nulli Contubernio Priuilegia dabimus, quæ iuri pue-  
blico & statui Ciuitatis contraria sunt.

XX.

Contraclus, in quantum ad conseruandam com-  
munem tranquillitatem & concordiam initi fuerint, con-  
firmabimus. Sin minus, eos una cum reliquis Commissio-  
nis negocijs ad publicum Regni conuentum reiijcimus.

XXI. & XXII.

Nemini Ciuiū literas Moratoria dabimus, nisi qui  
fortunæ aduerso casu bona amiserint, & de amissis testi-  
monium à Senatu habuerint, eoque nomine commendati  
fuerint. Mandabimus etiam, ut unicuique ius & iustitia  
administretur citra præjudicium quorumuis.

Oo y Appellatio

XXIII. XXIV.

*Appellationes & reuocationes in cauissis criminalibus non admittimus, in cauissis maleficiorum recētis criminis, Executionis rei iudicatæ per M̄tēm Regiam, & que transferunt in rem iudicatam, præterea in accessoryis vim sāmen diffinitiue non habentibus.*

XXV. XXVI.

*Citationes, Mandata, Salui conductus, Exemptiones, Inhibitiones, quæ nunc initio huius noui Regiminis, antequam Ciuitas iuramentum præstitit, ex Cancellaria legitime extraditæ sunt, conseruandas esse censemus.*

XXVII.

*Curabimus ne Fiscalis metas officij sui excedat, Is vero dabitur vir bonus & possessionatus.*

XXVIII. XXIX.

*Debitum centum millium thalerorum Prædecessori nostri Regis Sigismundi Augusti, quemadmodum & redditus Telonyj Cawneñ, ad futurum Regni conuentum reycimus.*

XXX.

*Schotlandia cum aliorum Priuilegia speclet, Priuilegia & omnia ea, quæ vsu bono approbata sunt, conseruari debebunt. Præjudicialia vero iure terminanda sunt.*

XXXI.

*Si in Monasterijs, Parochijs, Domo Carthusianorum quidquam contra ius & Priuilegia fit, concedimus ut iure agatur.*

XXXII.

*Officialis*

Officialis vsum & consuetudinem receptam seruare, & ab omni nouitate recedere debebit.

XXXIII.

Si securitas illa in villa Stolkemberg, abusu inoleuit, tolli debet, si priuilegio nititur, seruandum est, Iure tamen agendum est.

XXXIII.

Abbas Olyuen sua opera Ciuitati satisfacere debebit.

XXXV. XXXVI. XXXVIII. XXXIX.

Ad Regni Conuentum reperiuntur.

XXXVII.

Si cuiquam ratione Telonyj merces interceptae aut sequestratae sunt, concedimus, ut iure agat, qui tali affectus est iniuria. Non enim volumus, ut in Regno nostro hoc admittatur contra iura & omnem aequitatem. Neq; quisq; hoc audeat facere, nisi prius litem contestatus fuerit in foro competenti.

XL.

Stationem & quæ Regalia sunt, ac dignitatem M̄tis Regiae, & ipsius Ciuitatis officium concernunt, ea Ciuitas libenti animo præstare debet.

Quæ omnia & singula supradicta à nobis diligenter expensa, nos cōfirmauimus & approbavimus, et pollicemur, quod eos penes illa conseruare & defendere velimus. Quæ vero ad Regni Conuentum reiecta sunt, in ijs Ciuitati nostræ Gedanensi gratiam & auctoritatem nostram R. deferimus, & cum Ordinibus Regni agemus, ut

Oo iii omniuns

omnium Ciuitatis grauaminum, quæ ipsis illegitimè irrogata sunt, æqua ratio habeatur. In quorum omnium fidem &c. Datum Bidgostij die 25. Ianuary Anno Dñi M. D. Lxxvij. Regni nostri primo.

Petrus Dunin Volski R. P. Cancellarius.

Subiungebatur forma Deprecationis  
præstandæ, quæ fermè talis erat.

**S**erenissime Potentissimeq; Rex ac Domine, Domine  
clementissime, Agnoscimus & fatemur, nos esse Se-  
renissimae Maiestatis vestræ & Regni fideles subditos,  
sed hoc tempore propter dissidium electionis Regiae plus  
quam æquum est, contra totius Regni consensum & pla-  
citum in nostro errore perseuerasse, & tali iacto funda-  
mento, in alios graues errores, & alia grauia delicta, con-  
tra Maiestatem nostram Regiam & Reznum incidisse;  
Agnoscimus delictum & culpam nostram, & rogamus  
vt ab ea per Serenissimæ Maiestatis vestræ gratiam &  
elementiam liberemur, & imploramus Sacram Maiestatem  
vestram, vt omnes & singulas offensiones nobis clemen-  
tissimè remittat, nos profidelissimis subditis habeat, & in  
posterum Regia sua gratia & benevolentia complectatur;  
Promittimus nos semper Maiestatis vestræ fideliissimos  
& obsequentissimos subditos futuros, nec unquam con-  
tra Regni & Terrarum Prussicæ tranquillitatē tale quid  
tentaturos esse. Petimus vt ad oscula manuum Mts  
*versus* *ii c)* *versus*

vestræ admittamur, & audiamus M̄tēm Regiam nos pro  
fidelissimis suis subditis accipere & culpam remittere.

**Q**uanquam autem apparebat, conditiones in eo Re-  
sponso repetitas, parum à superioribus totius ne-  
gocij difficultatibus recedere: tamen cum iam & de pace  
Religionis, & de Confirmatione Priviliorum, Regia  
Maiestas animum suum benignissimè declarasset, spera-  
bamus in ceteris etiam, quæ maximè Ciuitatis rationes, fa-  
mam, & fortunas onerarent, Maiestatem eius humilimis  
subditorum precibus, adductum iri, quò reliquæ difficul-  
tates æquiori temperamento lenirentur. Igitur Internun-  
cios Georgium Rosenbergium, qui iam ex morbo conua-  
luerat, & Doctorem Heinricum Lembken, Syndicum,  
sequentibus cum mandatis ac literis, quibus Regiā M̄tē  
humilimo subiectionis studio iterum adirēt, ablegauimus.

### Literæ ad Regiam Maiestatem.

**S**erenissime potentissimeq; Rex ac Domine, Dñe cle-  
mentissime &c. Quod Serenissima Reg. vestra Ma-  
iestas Internucios nostros nuper in conspectū suum, ratio-  
nesq; nostras & Ciuitatis statum misere nunc afflictū ad-  
regias aures admittere, tum & Priviliorum confirma-  
tionem, & Augustanæ Confessionis usum polliceri, clemē-  
tissimè dignata fuerit, ob tam regalis & planè paternæ  
mansuetudinis clementiam, gratias quām possumus ac de-  
betis humilimis verbis maximas agimus & immortales.  
Maioribus

Maioribus etiam votis subiectissimè precamur &  
supplicamus, ut Regia vestra Maiestas in posterum eadē  
etiam benignitate cum Internuncijs nostris agat, & huius  
caussæ difficultates clementius ad animum reuocet, quām  
ut grauioribus quibusvis cōditionibus, quæ vires nostras  
excedunt, Cūitatē de Serenissimis Regib. Antecessorib.  
nunq̄ malē meritam affligi patiatur: quin incumbentia  
grauamina potius abolere, quām temeritatis, superbiae, vel  
studiosæ procrastinationis in horum negociorū traclatione  
sinistram aliquam de nobis suspicionem concipere, & sic  
denique rebus omnibus pacatis finem harum actionum ita  
clementissimè cōstituere dignetur, ut cum fidelissimis sub-  
ditis non summo iure, non armis, non exitio demum, sed  
benevolētia potius, quæ Regiae dignitatis est maximè pro-  
pria, transegisse clementissimè videatur. Quod non mis-  
nori cum laude & æternae benignitatis testimonio R.

vestræ Maiestatis clementiam posteris etiam cōmen-  
dabit, quām nos omnibus fidelitatis & obsequi-  
orum studijs humilimè pmereri perpetuò co-  
nabimur, &c. Datum Gedani die ij.

mensis Februario Anno Domini

M. D. Lxxvij.

Instru-

MINSTRVCTIO EORVM  
quæ ad Serenissimæ Regiæ Mts Respo-  
sum nuper allatum, Ordines Civitatis  
Gedanensis Internuncijs suis Spectabili-  
bus & clarissimis Dnis, Costantino Fer-  
bero Præconsuli, Georgio Rosenbergio  
Consuli, & Heinrico Lembken I. V. D.  
& Syndico, in mandatis dederunt, die 3.

mensis Februarij Anno Dñi 1577.

**Q**uid Serenissima Regia Maiestas Poloniae &c.  
Dominus noster clementissimus, ad humilias Or-  
dinum petitiones nuper expositas, clementissime responde-  
rit, tam ex literarum monumentis ad præsens negotium  
pertinentibus, quam ex relatione Dñi Syndici, per quam  
reuerenter Ordines intellexerunt. Malassent Jane super-  
sedere tot responsis & legationibus, ipsi quibz Regiæ Mt  
fortasse molestis, & oēs bakum rerum difficultates iam  
pridem æquis conditionibus transactas compositasq; per-  
optassent. Cuius rei fiducia ita nunc etiam penes summum  
Deum & Regnum Mtēm certissime repositam habet, ut  
sinceris animis & humilio gratificanti studio, maioris  
quam in facultatibus sit, pacificam huius negotij  
compositionem redimere valuerint.

Pp

Caterum

Cæterum cum res per se non solum ardua sit ac dif-  
ficilis, verum etiam Ordinum deliberationes in tanta suf-  
fragiorum multitudine laxiori plerumque spacio tempo-  
ris indigeant, Serenissimæ Regiae Mii precibus humilimis  
Internuncijs nostri supplicabunt, vt ipsa pro sua perpetua  
benignitate, quicquid haclenus intercessit moræ, quo tar-  
dius Ordines & cōsilia sua terminarent, & Syndicum re-  
mitterent, rerum potius difficultati, quam procrastinati-  
onis culpe tribuere, quæque nunc etiam maximè Cinitatē  
vrgent, ad animum admittere, clementissimè dignetur.

## I.

Ac primum, quemadmodum Ordines in offerendis  
ducentis florenorū millibus, summum se fidelissimæ sub-  
iectionis obsequium præstituros decreuerant: ita solutio-  
num tempora, quam breuissimis spacijs quib. implendæ fo-  
dei pares esse possent, disposerunt. Etenim vt in præsen-  
tiarum aræliori promissionem suam adstringant vinculo,  
quam deinceps statis diebus soluendo sint, quid inde speran-  
dum aliud, quam vt non solum Ordines promissis cadant,  
sed etiā Regi.e Maiestatis offense longè magis ac magis  
indies fiant grauiores? Quin immò quo plus temporis hisce  
tractationibus accedit, eò difficilius futurum est primi  
saltem termini præstandi rationē inuenire, longe q. benig-  
nius ageret Regia Maiestas, terminum istum aliquatenus  
proferendo, quam fideles & obsequentissimos subditos ad  
impossibilium conditionem adigendo.

Augst

Auget huius rei difficultatem, quod hoc afflictissimo statu longè plures ac maiores quàm vñquam antea Ciuitatis sunt impensaæ, cū ob æris alieni rationes, tum quod eodem penè tempore Serenissimo Daniæ Regi, non exigua pecuniarum summa persoluenda restat. Ut nihil nunc dicamus de sumptibus in possessiones Insulares, præsertim si vis aquarum, quod plane verendum est, fluminis aggenses perrumpat, erogandis. Quæ quidē expensaæ eodem fonte Commissionis illius infelicissimæ, quo cetera Ciuitatis grauamina, contra paceti conuenti leges, sunt oriundæ. Quæ propter Regiam M̄tē humilimis precibus obtestabuntur Internunciū, vt quod Ordines iam antea subiectissimo fidelitatis proposuerunt studio, summis ac terminis ijsdem quibus receperunt, Regia M̄tā clementissimè sibi satisficeri dignetur, nec impossibilibus conditionibus, quarum per se nulla est obligatio, vel vrgeri Ciuitatē amplius, vel grauoribus etiam difficultatibus implicari patiatur.

Deinde cum præter Ciuitatis obsequium, Terrarum etiam Prussiæ Status, pro conseruanda publica tranquillitate, centena millia florenorum Regiæ M̄tī persoluenda suscepérint, citra tamen huius Ciuitatis ampliorem iacturam vel contributionem: Sic enim et renunciatum est nobis, & Terrarum Status itidem literis admonuimus: per quam iniquum censem Ordines, se liberalitatis eius, quod in rem suam publici cōmodi cauſsa collatū sit, onere prægrauari. Nam cum ea pecuniae quas ipsi promiserunt, nō  
Pp y aliunde,

aliunde quā ex ciuilium facultatam et publicarii possesi-  
onum erogationibus, in accessu et alias ciuius generis solli-  
citiones, comparari possunt, facile patebit intelligi, Ciuitatum  
utique simul oneri bandquaquam esse furendo, futuram.  
Quia de causa Regiae Mū supplicare Ordines humiliori-  
ne quo in Ciuitatis fauorem et impendiorum relaxatione  
nem vtrō propositum est, in eiusdem praetudicium validi-  
trimentum deriuetur, quin potius ut ducētorum milium  
obligatio sine honoris publici suffigillatione, vel vadimoni  
spousione tam acerba, modis ac terminis usq; quibus formar-  
imus, conscribatur.

Secundo loco, quod ratione subiectiovis Regie Mū  
Ciuitas prestare tenetur, debito suo nunquam hactenus  
defuerunt Ordines, nec in posterum quantum in ipsis est,  
decerunt. Ceterum Diuis Sigismundus Augustus, pensi-  
onem illam (Ratas vocauit) q; Serenissimis Regib; quo  
annis peniti solebat, simul et semel Ciuitati sumitem bel-  
lum Liuonicum uigeret, et Republica necessitas exige-  
ret, pro credito septuaginta milium florinorum, que sua  
fide Ciuitas sub usuris in mutuum accepit, cum Consilia  
riorum Regis in consensu, successorib; suis in eandem rem  
obligatis, hypothecae loco reliquit. Sic ut maiorem partem  
eius pensionis in usuras annuas Ciuitas erogaret, reliquā  
ad Majestatis eius ararium deferret.  
Ac ut præter eas pecunias quibus publico nomine  
abuado Civitas

Civitas in credidit in eum invenerat, in datus etiam fidei docimenterum  
constaret, optime pie etissimoque principi cum temporeisque  
Ordines et regimur militia florenorant liberosq; manus duc-  
merunt. Quo magis humilime confidunt, ipsam quod Regi  
giam Maiestatem, cuius nunc imperium est, obligatio nec  
Antecessoris, verbo Regio sancte confirmatam, non mi-  
nus clementissime retinat. Et statim post olim a suis successo-  
ribus suo nomine fieri velle, habitur. Cuius genere in eae  
tractus in eiusmodi perustionem quas, eadem necessitas in  
tempore, cum ays etiam Regia statibus iuit, nobis et  
firmitatem suam utrificat, semper obsequitur. Quod si  
de sorte septuaginta milium florenorant Civitatis ecclie, sup  
tiffici, nihil obstat, quo minus integra pensiones, non  
consuetum erat, quotannis excoluantur. Ita ays p. 20. q.  
. annos ad quinque. In hisque annis, interius et exterius  
in eis Tormenta, quatuor bellica quod attinet, Interna  
et Regiam. Mitem humilime deprecabuntur, ut eius operis  
Civitatis gratiam clementissime facere dignetur, cum quod  
Civitas instrumentis bellicis, quamq; in Regni limine posse  
est contra quasvis hostiles impressiones, haud satis abun-  
dat, tum quod apud alios ignominia non postremo loco  
futurum sit. Civibus, quasi rebellionis ergo, quam a cogi-  
tationibus suis semper obfuscat liquido testantur, ystora-  
mentis effent malefacti. Ac in aliis modis uniuersitatis  
militiae et civitatis invenientur. Ita p. 21. q.  
. milibus ad extruendam domum et stabulam iuxsus Regie  
Pp iij Maiestatis,

Maiestatis, recognoscunt Ordines, eo se modo, quo Dini  
Casimiri Priuilegium innuit, obstrictos. Confidunt autem  
humilimè, Regiam Mīēm Antecessorum exemplo, Ciuita-  
tis vehementer nunc afflīctæ, quoad facere poterit, etiam  
hac in parte, benignissimam rationem habituram.

V.

Porrò quod Regia Mīās negocium portorij mariti-  
mi ad generalem Regni cōuentum rejicit, proximis literis  
suis Ordines humilimè satisq; prolixè demōstrarunt, que  
primum eius negocij traclandi ratio fuerit, quæ conditio-  
nes adiectæ, per quem tandem steterit, quo minus ad effe-  
ctum p̄duceretur. Necessarium igitur erit, vt iisdem qui-  
bus antea scriptum est argumentis per Internuncios no-  
stros, Regiæ Mīi plenius & humiliori studio res ad ani-  
num reuocetur. Enimuerò si quid Ordines hoc nomine  
Regiæ Mīi deberent, vtique nollent aliquid in se parum  
dextrè desiderari. Cæterum nemini non manifestum est,  
omnes harum offensionum caussas ex Regalis Electionis  
dissidio natas. Qua in re, quod voto suo tandem Ciuitas  
instituit, quoad Cæsarea Mīās vixit, & Poloniæ regnum  
acceptare voluit, non magis Ordinibus huius Ciuitatis,  
quam cæteris Regni statibus, qui idem sentiebant, vitio  
verti potest, quandoquidē Ordines & quæ iampridem ac cæ-  
ri, subiectionis fidem saluis iurib. suis parati fuerint pro-  
fiteri. Proinde cum ex Internunciorum relatu gratissimis  
animis acceperint, Regiam Maiestate ob superiores actio-  
nes

nes huic Ciuitati sue nolle, quamquam rebellionis notam  
inuri, facile futurum erat, nisi per aduersarios stetisset,  
vt cum Regiae M̄t̄is bona gratia iamdudum res omnis pa-  
cificè transigeretur. Quod autem ad placationis tractatum  
pertinet, negotium istud cum solo Diuo Sigismundo Au-  
gusto, nec cum alio mortalium quopiam Ordinibus inter-  
cessit, in quo neque Successorum eius, neq; Regni Poloniae,  
vel minimum illa fuit facta mentio: Conditiones autem  
disertis expressae verbis, vt Regia M̄tas centena millia  
florenorum sub fide Ciuitatis alicundè fœnori sumeret, vt  
eidem Regiae M̄ti auctio portorij, quo ad in viuis esset, cede-  
ret: Ciuitatis tam iuri quam prouentibus id detimento nō  
esset, vt omnia grauamina que tum præ manu erant, pe-  
nitus abolerentur: demum vt in horum omnium fidem Re-  
gys literis Ciuitati probè caueretur. Quibus conditionibus  
ex parte Regiae Maiestatis minime completis, æquum bo-  
numq; videtur Ordinibus, ne se quidem eius paœli cōuenti  
nomine censeri debitores, nedum vt hoc casu Comitiorum  
censuram vel decretum agnoscere teneantur. Ac vt maxi-  
mè velit Regia M̄tas, summo fortassis iure, prædecesso-  
ris isthac negotium ad se pertinere, non sine ratione dice-  
tur, eam eodem iure, yf demq; legibus, quibus prædecessor  
rebus integris tenebat, usuram, nec minus ad abolenda  
grauamina, magis interim accumulata, quam Ordines ad  
promissi fidem, obligari. Verum cum auctio portorij non  
cum Ciuitatis solum, sed etiam incolarū Regni, qui merces

suas



ant, rebus non compositis, negotium s̄istitur, Regiae M̄tū  
cum Ciuitate non recte, quod oportebat, conuenit, offensi-  
ones remanent: Altera, quod hoc modo, negotium ad Re-  
gni Comitia, quibus cum nihil est nobis commune, remitti-  
tur, & Priuilegijs publici caput pr̄stantissimū, de caussis  
notabilibus (sic enim verba sunt) cum consilio Consilia-  
riorum Prusia trāctandis, determinādis & definiendis,  
cum cōmunis patriæ summo pr̄iudicio, vehementer viri-  
bus suis destituitur. Grauamina certè quæ scripto specia-  
tim p̄posuimus, parui quidem adhuc depensa, tanta sunt  
tamen, ut ijs non abolitis, breui quidem Ciuitatem nō so-  
lum ex iuribus, Priuilegijs, libertatibus, & fortunis suis,  
ad summam iniuriam, seruitutē, & infortunium deponi  
necessarium sit, verum etiam Ordines promissis suis, qui  
bus nunc obstringi volebant, horum pr̄cipue grauami-  
num abolendorum caussa, nequaquam satisfacere se-  
posse, intelligent. Illud saltem in dubiū non vocant, cum  
Regia M̄tas auctoritatem habeat plenissimam cum Ciui-  
tate transigēdi (nam & Diuus Sigismundus Augustus  
in Cōmissorialibus negocij eodem vtebatur iure) quineti-  
am abolēdorum grauaminum, citra Comitorum cognitio-  
nem, meram recte valeat usurpare potestatem. Enim uero  
si ius Regium in eo maxime consistit, ut subditorm iura,  
Priuilegia, libertates confirmentur, sarta tecta habeātur,  
& defendantur, eiusdem certe sublimitatis est, abusus,  
grauamina, pr̄iudicia, quæ quibusuis modis obrepserūt,

auctoritate principali, sine Comitiōrum censura, vel assēnsu Consiliariorū, qui sua iurā similiter tueantur, emendare, tollere, abrogare. Diuersis & planè contrarijs vicibus censem̄t, priuilegia, & grauamina, quæ reuera non tam uno loco consistunt, quam alterutrum ab altero creditibile sit expelli. Nec sanè multum interest, Priuilegia verbottenus, vel literis, vel etiam sigillis corroborari, si grauamina interim suo loco non moueantur, quoniam eo modo Ciuitas neque Priuilegiorū usu, neq; Confirmationis intuitu, quæ per se nihil noui iuris apportat, magnopere gaudebit. Quapropter Ordines denuò supplicant humilimis precibus, ut Regia Mīas omnia grauamina, quæ Ciuitatis iuribus, Priuilegīs, libertatibus, consuetudinibus, quoquo modo derogant, damno, fraudi, noxe, vel detimento sunt, & nominatim Cōmissionis negotia, citra Comitiorū cōsultationem, auctoritate sua Regia terminare, emendare, & penitus nunc abolere, clemētissimè dignetur.

Quo pacto Ciuitas de fortanis suis longè quam hæc enus melius sperauerit, et rebus omnibus idoneè pacatis, ad præstandum fidelissimè subiectionis obsequium quod iam antea recepit, multò fuerit alacrior: Regia verò Mīas, hoc benignitatis genere non sibi solum illustrissimi beneficij memoriam apud posteros comparauerit, verum etiam ciues & incolas omnes huius Ciuitatis dubio procul ad demerendam tantæ bonitatis gratiam, quantum in ipsis erit, perpetuò deuinctos habuerit.

Confirmation

## VII.

Confirmationem Priuilegiorum & Religionis can-  
tionem Ordines gratissimis accipiunt animis. Hoc saltem  
Internuncij prospiciant, ne cum Ciuitatis præindicio sit,  
quod in Confirmationis calce scriptum est, eo modo salua-  
fore Ciuitatis iura & Priuilegia, quo primum Regia Ma-  
iestas Regno iurauerit. Iuramentum enim Regium de-  
conseruandis iuribus vtriusque gentis Polonicae & Li-  
thuanicae, nostris iuribus & Priuilegijs planè videtur esse  
contrarium. Quapropter vel omittendum erit illud, quod  
in calce ponitur, vel ea forma Confirmationis petenda  
quam nos descripsimus.

## VIII.

His conditionibus cum Regia Maiestas consenti-  
re clementissime dignabitur, (nec enim Ordines amplius  
facere possunt) & rebus omnibus pacifice compositis,  
Decretum proscriptioneer tam immerito, quam iniuste Ci-  
uibus irrogatum, abolebit, omnibus simul offenditionibus,  
damnis & iniurijs, publicis & priuatis, æternæ com-  
mendandis obliuionis, non recusant Ordines quin & fi-  
delitatis iuramentum præstent, & alia que debent sub-  
iectionis officia subeant, & militem quamprimum per  
stipendiorum exolutionem liquebit, a se dimittant.

Q q y Illud

Illud interim opere pretium fuerit Regiam M̄tēm humili-  
mis verbis edocere, quod rebus adhuc in transactione posi-  
tis, non solum milites illi, qui Regiam tesseram profiten-  
tur, in vicinia summo cum incolarum detrimēto, ac penē  
non exitio, cōmorantur, rapinis & deuastationibus pro-  
uinciales diuexant, verum etiam in Pomerania, & ulte-  
riori Prussia quotidie milites colliguntur, Regiae M̄tēs au-  
toritate, contra Ciuitatem Gedanensem, quinimō mili-  
tes qui dimittūtur à Ciuitate, mox in vicinia contra Ciui-  
tatem conscribuntur. Non potest fieri quin Ordines hoc  
rerum statu multa suspicari cogantur, veruntamen mini-  
mē sperant, Regiam M̄tēm, reiectis fidelissimorum sub-  
ditorum obsequijs, ipsis vim aliquam vel conditionem im-  
possibilem inferre, proponere voluissent.

IX.

Tandem quod ad Deprecationis formam attinet Or-  
dinibus propositam, summo certè cum dolore perspiciunt  
ita conscriptam esse, ut sine ignominiae nota præstari ne-  
queat. Regia verò M̄tēs iam antea clementissimè consti-  
tuit, humilitate sibi, non ignominiosa, sed qualis Christi-  
anos decet, satisfieri posse, honorem eum qui Deo sacer est  
se non desiderare. Quapropter Internūcij M̄tēm eius sub-  
iectissimis precibus obtestabuntur, ut omnes offensiones  
pro benignitate sua regali clementissimè remittat, et eius-  
modi Deprecationis Ciuitati gratiam faciat, cum quod in-  
de Regiae dignitati nihil accedet, tum quod Ciuitas, alio-  
quin

qui apud exterorū præclari nominis, hoc modo maculam existimationis non leuem sibi cōparabit. Sin obtineri non possit, vt Deprecatio penitus exauctoretur, non recusant Ordines, quo minus Internuncij secundum id quod prius in cōmissis habebant, ea forma quam ipsimet conscripsimus, nomine Ciuitatis piè religioseq; deprecentur, sic vt citra Ciuitatis infamiam fiat. Nec enim Ordines cum sua & posteriorum nota quoduis delictum agnoscere possunt, à quo semper fuerunt alienissimi.

Hæc vti superius scripta sunt, ad Regiam M̄tēm Internuncij cum humilimo subiectionis studio fideliter referent, & operam dabunt vt ijs conditionibus, secundū Instructionis huius tenorem, negocium hoc difficilimum tandem aliquando bona cum gratia transfigatur. In quorum omnium fidem Sigillum suum Ordines scientes ap̄ primi voluerunt.

Literæ, quarum in præcedenti Instructiōne mentio fit, ad Dominos Consiliarios harum Terrarum in hanc ferme sententiam perscriptæ.

**S**Alute præmissa, &c. Quantæ difficultates ex superioribus actionibus, iam ab aduentu Serenissimi Regis Dñi nostri clementissimi in basce Terras, aduersus banc potissimum Ciuitatem, exortæ fuerint, sine temporū Qq iij infelicitate,

infelicitate, siue malorum hominum opera, notius est Regnus  
ueredissimae, Magnificis, Gen. ac Sp. Dom. vestris, nobis  
autem longè acerbius, quam ut hoc loco pluribus libeat co-  
memorare. Quemadmodum autem iam tum ab initio, oēs  
actiones & consilia nostra in eum solummodo finem ani-  
mo sincero direximus, quo iuxta vetustissimam yunionem,  
qua Regno Poloniæ coniuncti sumus, & patriæ cōmunis,  
& huius Ciuitatis, iura ac Priuilegia, sarta teclā essent,  
& vitia q̄ passim obrep̄sissent, abolerentur: ita postq̄ cæ-  
teri Terrarum Status cum Ordinib. Regni, ratione noui  
Principis, in ynum coiſſent, nihil magis curae nobis fuit,  
quam ut haec etiam Ciuitas saluis patriæ iuribus, saluum  
id haberet, quod à maiorib. accep̄ſſet. Ac in eam rem ſae-  
pius animū nostrū, ab oī rebellionis studio, q̄ p̄ter meritū  
nobis irrogatur, cum verbis tum literis, alienū ostēdimus,  
ac innocentiae nostrae Deum & hoīes testes laudare poſſu-  
mus. Enī uero petitionib. nostris equissimis planè reiectis,  
vel in deteriorē partē acceptis, agri publici hostiliter rapi-  
nis, depopulationibus, igni, ferroq̄ diuexati, & irrecupera-  
bili dāno Ciuitas nūc etiā indies magis ac magis affligitur.  
Ut taceam⁹, Internūcios p̄ter publicae fidei literas in custo-  
diā datos, nullo certe Diuorū Antecessorū Poloniae Regū  
exēplo. Cæterū cum nos oēs nihil magis optemus, quam re-  
cuperaſſa Regiae M̄tis gratia, saluis iuribus & priuilegijs,  
cum cæteris Regni statibus, ſub ei⁹ M̄tis regimine ac tute-  
la pacifice viuere, eamq̄ felicitatē etiam posteris relinquere  
cūpiamus,

enpiamus, ideo rebus iterum ac iterū deliberatis, eās ratio-  
nes iniuiimus, quibus omnino confidimus Regiam M̄tēm  
placari, & offendentes oēs sopiri & aboleri posse: tanto  
certè cum gratificandi studio, ad ducenta florenorū millia  
præstāda, quod vix nunc in Ciuitatis facultatib. est, præ-  
sertim cum publici prouentus vehementer attenuati, Ciuiū  
facultates hoc perturbato rerum statu magis ac magis ac-  
cīsae, publicum ærarium quotidianis sumptibus sit exbau-  
stum. Proinde cum intellexerimus ex Internuncyis nostris,  
Reuerēdissimam, Magnificas, Gen. & Sp. Dom. vestras  
pro conseruando prouinciae statu tranquillo, vehementer  
huius controuersiæ transactionē cupere, neq; recusare quo  
minus in Ciuitatis subsidium, ex Contributione pruinciali,  
centum etiam insuper florenorum millia Regiae M̄tē præ-  
stentur: pro ea benignitate gratias quām possum⁹ habēm⁹  
maximas, & si facultates nostræ tulerint, meliore quan-  
dog; rerū statu, nō ingrata memoria p̄mereri conabimur.  
Neq; dubitamus, quin hoc in Cōuentu Grudētinensi ratio-  
nes inibunt, quib; ea summa centenorū miliū, citra Ciuita-  
tis ulteriore molestiā vel collationē, quām cōmodissimē  
cōficiatur. Vertitur hac in re nō Ciuitatis solum incolūnū-  
tas, sed in vniuersum totius pruinciae salus et trāquillitas.  
Neq; nos quicq; iniquū, nouū, vel Regiæ dignitati non cō-  
ueniens petimus, Religionis pacē, iuriū ac libertatum con-  
seruationē, grauaminum abolitionē, q̄ Regia Miās omnia  
subditis suis ex officio Regio p̄stare tenetur, sic vt hoc ob-  
sequium nostrū, gratificandi potius studio, quam cuiusvis  
multæ loco sit censendum.

Qua-

Quapropter iterum ac iterum diligentissimis preci-  
bus rogamus, benignè dent operam Reuerendiss: Magni-  
ficæ Gen. & Sp. Dom. vestræ, vt ysdem rationibus quic-  
quid adhuc est controuersiarum pacificè cōponatur ac so-  
piatur, vtq; in conficiendis, quæ nomine prouincia super-  
adiecerunt, cētenis florenorum millibus, Ciuitas eius one-  
ris sit immunis, cum alioquin maioribus fermè quam face-  
re possit præstationum oneribus sese illigauerit. Facient  
rem & æquitati conuenientem, & ad præcauenda maio-  
ris mali pericula maximè idoneam, nobis autem vicissim  
omnibus obsequiorum generibus diligenter promeren-  
dam, &c. Datum Gedani die 4. mensis Ianuarij, Anno  
Domini M. D. Lxxvij.

## Ordinum supplicatio pro grauamini- bus realiter abolendis.

**C**Vm Sacra Regia Miſtas declarationem suam Regiā  
ratione incōmodorum, difficultatum, atq; grauami-  
num huius Ciuitatis iterum proponere clementissimè dig-  
nata fuerit, eamq; declarationem vim Priuilegij obtinere  
voluerit, quāuis priori declarationi parum ita additū fue-  
rit, vt incolæ huius Ciuitatis id suo cum cōmodo atq; emo-  
lumento coniunctum fore perspicere possent, pro subiecti-  
onis tamen atque fidei studio intermittere non potuerunt,  
quin ea omnia iterum demississimis verbis, breuibus ta-  
men, repeterent, atque humilimo studio officiosissimè ro-  
garent,

garent, dignetur Sacra Regia Mi<sup>tas</sup>, cum Privelegiorum confirmationem clementissime polliceri, eiusq<sup>ue</sup> confirmatio-  
nis exemplum nobis pro singulari sua Regia clementia trans-  
mittere dignata fuerit, ea incōmoda atque grauamina omnia & singula, sine quorū abolitione Ciuitatis Pri-  
uilegia & libertates consistere nullatenus possunt, & con-  
firmatio absque ea per se nullius momenti sit, benignissi-  
mè abrogare & è medio tollere, vt ita Privelegijs nostris libere vti, cum non nisi in vſu consistant, & ijs quemad-  
modum à maiorib. nostris factum semper fuit, frui, absq<sup>ue</sup>  
alicuius impedimento atque interpellatione possimus.

I.

Atq<sup>ue</sup> ad primum Articulum de Confessione Augu-  
stana quod attinet, Sac. R. Mi<sup>ti</sup> immortales plane agimus  
gratias, quod nobis eius liberum vſum permettere clemen-  
tissimè dignata fuerit, et humillimis precibus maiorem in  
modum rogamus, vt hæc isti articulo adhuc addatur ver-  
ba, vt ea vti possint quemadmodum nunc vtuntur, & in  
eius possessione pacifica in omnibus templis, monasterijs,  
atque Xenodochijs sunt, neue ritus ceremoniarum vlo-  
paclio immutentur.

II.

Electionis negocium, & quæ illud ad hanc vſq<sup>ue</sup> diem  
quoquo modo tam in Ciuitate quam extra Ciuitatem cum  
publicè tum priuatim subsecuta sunt, demississimo studio  
obnixè rogamus, ne cuiquam cuiuscunq<sup>ue</sup> status aut cōditio-

Rr nis bo-

nis homini, neq; in iudicio neq; extrajudicialiter illa ratio-  
ne vel modo, fraudi, periculo, aut detimento esse possint.

III.

Pro transmissa priuilegorū cōfirmatione, Serenissi-  
mæ R. M̄tā ingentes et immortales agimus gratias, Rogamus  
autem humillimo studio vt ea adiici adhuc possint, quæ per  
Internuncios nostros peculiari exemplo exhibebuntur.

III.

Vbi M̄tās R. per Dei gratiā Ciuitatē feliciter ingre-  
dierit, iterū atq; iterum humillimè petimus, vt tum comi-  
tatum suum ita moderari clementissimè dignetur, ne vel  
oneri sit Ciuitati, vel inde perturbatio aliqua proueniat.

V. VI. VII. IX.

Cōmissorialia negotia, & quæ ijs quomodo cunque,  
ratione placationis, portorij maritimi, atq; Cōstitutionum  
adhærent, demississimis verbis obnixè rogamus, vt ea om-  
nia & singula Serenissima M̄tās R. clementissimè abole-  
re dignetur, cum nihil magis iuribus, Priuilegijs, liberta-  
tibus, & consuetudinibus nostris sit contrariū, Et omnia  
ea quæ præteritis temporibus Dominis Cōmissarijs promissa  
fuerint, non purè sed sub cōditione, neque indefinite, sed  
ad vitam Maiestatis Regiæ laudabilis memoriae Sigismū-  
di Augusti promissa fuerint, quemadmodum id antehac  
satis superq; ostendimus.

VIII.

Quod Serenissima R. M̄tās speculatores remouere,  
nec in posterū eorum opera vt cōstituit, humillimis ver-  
bia magnas gratijs agimus.

Liber-

## X.

Libellos famosos, quod cassare, & prohibere, ne post  
hoc vel clam vel palam edantur, Serenissima R. Mtas di-  
gnata fuerit, quas possumus maximas agimus gratias.  
Eorum autem authores ut iuxta iura, Constitutiones, &  
harum Terrarum consuetudinem, punire mandet, demis-  
sissimis verbis rogamus.

## XI.

Nihil dubitamus, quin Sereniss: R. Mtas una cum  
reliquis Statib. & Ordinib. harum Terrarum Prussiae nos  
penes oia & singula Priuilegia clementissime conseruatu-  
ra, neq; eos qui cum Magistratu sunt, ad Regni Comitia,  
contra antiquam consuetudinem, euocatura sit.

## XII.

Humillimo studio rogamus, ut præteritis temporib.  
in Regno Poloniæ laudatae Contributiones, quemadmodum  
iam Mtas R. recipere clementissime dignata est, à nobis  
auferantur. De futuris nihil ambigimus, quin ea in spe  
sumus certissimi, futurum, ut Mtas R. Status & Ordi-  
nes Terrarum Prussiae penes sua Priuilegia & libertates  
clementissime conseruet.

## XIII.

Executionis negocium tale est, ut si Sacra Regia Ma-  
iestas nos penes Priuilegia conseruare voluerit, quæ admo-  
dum nō semel polliceri clementissime dignata fuit, certū sit  
oia nostra bona terrestria, quæ Priuilegijs ita innituntur,  
ut ab eis auelli nulla ratione possint, nobis per oia salua-

R r i y      futura

futura esse, neque vel Comitiorum vel aliquam aliam cogitationem, neque Executionis rigorem desiderare.

XIII.

Quod Sacra M<sup>t</sup>as R. neminem ad Tribunal suum Regium in causis maleficiorum euocare cōstitutum habet, immortales & permagnas agimus gratias. Cum autem ea exceptio annexa sit, nisi in causis merē Regijs, maiorem in modum humillimē petimus, vt scribatur, Exceptis tam causis Regiam nostrā personam merē cōcernentibus.

XV.

Quemadmodum pro huius articuli clementissima declaratio ne permagnas egimus antehac gratias, ita nunc etiam humilias agimus.

XVI.

D. Casimiri Regis Priuilegium de condendis & abrogandis Plebiscitis, in dubium vocare nullatenus possumus, cum clara & apertissima sint Priuilegij verba, & Ciuitas in eius vsu supra hominum memoriam fuerit, Quare rogamus ne Sacra M<sup>t</sup>as R. nos ad conuentum Regni eius Priuilegij nomine rejicere, sed nos penes illud & reliqua omnia conseruare clementissimē dignetur.

XVII.

Pro eo articulo & egimus & agimus permagnas & immortales gratias.

XVIII.

Cum omnes simus seruitores Serenissimae M<sup>t</sup>is Regiae, & eius M<sup>t</sup>is seruitio ac ministerio addicti, & equitas ra-

tis rationem non admittere censemus, alios præ nobis, qui sumus Consiliarij & Magistratus M̄t̄is R. eximere, vel ijs maiores prærogatiwas concedere. Si autem ipsa necessitas omnino exigere visa fuerit, vt seruitores suos M̄t̄as Regia in Ciuitate habeat, & quissimum esse iudicamus, vt nobiscū ad oīa iura & onera ciuilia obligentur & obstringantur.

XIX.

Lanij priuilegia sua contra cōmunia Ciuitatis Priuilegia & Plebiscita, ad turbandam cōmunem Ciuitatis tranquillitatem impetrarunt. Cum autem priuata priuilegia publicis derogare non possint, & equitatis & iustitiae rationem exposcere iudicamus, ea oīa tollere & abrogare.

XX.

Cum transactio, quæ ab omnibus Ciuitatis Ordinibus, cum braseatoribus ex Priuilegijs præscripto inita fuit, ad Cōmissoriales actiones pertinere videatur: submissè rogamus, vt ea perpetue firmitatis robur habere iubetur, nec ad Comitia Regni rejciatur.

XXI. & XXII.

Pro declaracione clementissima ratione Moratoria rum, & earum caussarum que per appellationem ad Tribunal Maiestatis Regiae deuoluentur, antehac egimus & nunc etiam agimus magnas ac humili more gratias.

XXIII. XXIV.

Vt in actionibus criminalibus Constitutiones harum Terrarum, Responsa Regia, & mos antiquus obseruentur maiorem in modum rogamus.

R r iij

Cum

## XXV.

Cum hic articulus ad articulum secundum de subleuanda contumacia & quæ bannitioni quomodocunque adhærent pertineat, submississimè rogamus, ut Ciuitas in integrum restituatur, & ea incòmoda, Citationum, Mandatorum Decretorum &c. quæ initio huius noui regimenis ante Ciuitatis iusjurandum, quomodocunque obtensa sunt, abrogentur & aboleantur.

## XXVI.

Ne Laniones profugi & proscripti pro tuendis turbulentis & seditiosis suis conatibus recipiantur ac defendantur maiorem in modum humillimè rogamus.

## XXVII.

Ad Fiscalis officium quod attinet, petimus ut Ciuitatis & eius apertissimi Privilegij clementissimà ratio habeatur, præsertim cum Ciuitas eo nomine semper interpellarit, & ius atq; Privilegiū suum integrum conseruarit.

## XXVIII. XXIX.

Iterum atque iterum humillimè rogamus, dignetur Serenissima R. M̄tas ea media nobis clementissimè ostendere, quibus ad persolutionem centum millium thalerorū, et eius quod nobis ex arenda telony Cawneñ debetur, peruenire possumus, vel saltem nullam de nobis sinistram suspicionem induere, si Inscriptionis seu obligationis vigore hypothecam legitimè vendicauerimus, & nostro iure usi fuerimus.

## XXX,

Ratione

Ratione Schotlandie iterū atq; iterū obsecramus, vt  
Sereniss: M̄t̄s R. Ciuitatis Priuilegij clementissimā rati-  
onem habere, neq; negotiū illud dinti extrahere dignetur.  
XXXI.

In Monasterijs, Parochijs, domo Carthusianorum  
ex pr̄scripto declarationis Serenissimae Regiae Maiestatis  
iure nostro vtemur.

XXXII.

Pro huius articuli declaratione Sacrae Maiestati R.  
quas possumus maximas gratias agimus, Et similem in  
alijs quoque propediem sperabimus.

XXXIII.

Ratione securitatis in villa Stolzemberg, Sac:  
R. M̄t̄m obtestamur, vt Ciuitatis suæ clementissimam  
rationem habere dignetur. Quantumuis enim Reueren-  
dissimus D. Episcopus Pr̄ivilegium obtēdat, tamen illud  
à multis annis, quēadmodum ex Responsis D. Sigismun-  
di Regis laudabilis memorīa appetet, pducere non potuit.

XXXIV.

Vtinam Dominus Abbas Oliueñ suo officio Ciuita-  
ti tandem satifaciat.

XXXV.

Penes liberam Istulæ nauigationem vt nos Sac. M̄t̄s  
R. secundum Priuilegij coīs Terrarum Prussiae pr̄scri-  
ptum conseruare dignetur, iterū atq; iterum obtestamur.

XXXVI.

Cum p̄ficationis v̄sum in flumine Istula & lacu  
Haab. supra hominum memoriā habuerimus, & in eius  
pacifica-

pacifica possessione semper fuerimus: Maiorē in modum  
rogamus, vt in ea post hac quoq; conseruemur, neq; ab ad-  
uersa parte turbemur. Quæ si aliquid iuris se habere existi-  
mauerit, Cōmissarios petat, nec se ipsam Iudicem statuat.

XXXVII.

Quemadmodum pro huius articuli declaratione an-  
tea humilimas egimus gratias, ita & nunc quoq; agimus.

XXXVIII. & XXXIX.]

Dum Sacrae Mti R. omnino visum est negocium  
Ernesti VVeiberi & eorum qui fidem suam pro D. Si-  
gismundo Augusto Rege venerandæ memorie interpo-  
suerunt, longius extrahere, nihil tamen dubitabimus  
quin Mtas R. et Ciuitatis & illorum clementissimam ra-  
tionem habituræ sit.

XL.

Circa stationem ita nos comparabimus, ne quid Sac.  
R. Mtas in nobis desiderare possit. Rogamus autem hu-  
millimè vt Ciuitatis suæ nunc admodum afflictum statū  
cōsiderare & eius clementissimā rationē habere dignetur.

Atque iterum ac iterum supplicibus precibus humili-  
limè rogamus, dignetur Sacra R. Mtas Ciuitatis suæ cle-  
mentissimam tandem rationem habere, & ea grauamina  
omnia & singula, sine quorum abolitione Ciuitatis ratio-  
nes nullatenus consistere possunt, sine qua Privilegiorum  
confirmatio nullius etiam erit momenti, benignissimè tolle-  
re & abrogare dignetur.

Rever-

Reuersales literas Ordines hoc exemplo conscribi supplicabant.

Stephanus Dei gratia Rex Poloniæ &c.

Significamus presentib. litteris nostris quorum inter se sunt vniuersis & singulis. Quod cum nobis Internunciij Ciuitatis nostræ Gedanensis, quædam capita incommodorum, difficultatum atque grauaminum, cōtra ipsius Ciuitatis iura, Priuilegia, libertates atque hactenus receptas consuetudines introducta, scripto quodam atque quadraginta articulis comprehensa, humillimo studio obtulissent atq. petiſſent, vt ea pro gratia et authoritate nostra Regia tollere, Ciuitatemq; ab ijs grauaminibus immunem facere vellemus. Nos visis & perspectis omnibus ijs quæ nobis scripto oblata fuerant, examinatisq; ritè omnibus illorum petitionibus, cum animaduerteremus atque apertè perspicceremus, ea omnia esse eius generis, vt sine illorum abolitione Ciuitatis rationes nullatenus consistere, iura, Priuilegia, libertates, consuetudines, & quævis munimenta salua esse nequaquam possent, tum confirmationem quoq; Iuriū, & Priuilegiorum, quam ab initio Ordinibus & cōmunitati illius Ciuitatis nostræ polliciti sumus, inutilem prorsus absque illorum abrogatione fore: ex plenitudine potestatis nostræ Regiæ ea omnia nobis oblata grauamina è medio tollenda, abolenda & abroganda esse duximus, quæ admodum etiam tollimus, abolemus & abrogamus pra-

Ss      sentibus

sentibus literis nostris, ita ut nullis vñquam futuris tem-  
poribus Ciuitati nostræ eiusq; iuribus, Priuilegijs, ac con-  
suetudinibus, præiudicio vel damno esse possint aut debe-  
ant. Atque in eius rei fidem &c.

## Forma deprecationis quam Ordines non detrectabant.

**S**Acra Regia Maiestas ac Domine, Dñe noster clemē-  
tissime, Agnoscimus & fatemur nos esse S. R. Mts  
vestræ subditos fideles, Quia autem hoc tempore disidiū  
Regiæ Electionis inciderit, nosq; cum alijs multis Regni  
prouincijs & Ordinibus ex iure & Priuilegio nostro vo-  
tum nostrum in eligendo Rege constanter defenderimus,  
postea etiam errore quodā & rerum humanarum euen-  
tu incerto, qui nec à prudentissimo præuideri potest, eo de-  
ducti fuimus, vt præter alios omnes diutius in hac intēcio-  
ne nullo culpabili proposito perstiterimus, Qua ex re Sac.  
R. M. vestram nō parum offensam dolenter admodū in-  
telleximus, ideoq; S. R. Miēm vestrā humillimis precibus  
obtestamur, si quid S. R. Mtās vestræ offendionum in-  
de contraxerit, vt id pro sua innata Regia clementia &  
benignitate clemētissimè remittere, errorum & offendionū  
obliuisci, nosq; pro fidelissimis subditis habere, & dein-  
ceps gratia sua & clementia prosequi dignetur. Nos dein-  
ceps omnem fidelitatem, subiectionem, & obsequium S.  
R. Mtī vestræ promittimus, nihilq; quod ad fidelissimorū  
subditorum

subditorum officium pertinere possit, in nobis desiderari patiemur.

**H**is in medium prolati, tanta Regiae Maiestatis animaduersa fuit indignatio, ut humilimis Internunciorum precibus planè reiectis, proscriptionis Decretū publicari, nobis securitatem omnem adimi, nec non aqua signi iussit interdici, quod ex sequentibus apparebit. Internuncij vero Constantinus Ferberus Praeconsul, & Georgius Rosenbergius, cum Secretario qui illis aderat, per equites nonnullos, arbitris omnibus exclusis, nescimus quō locorum, more captiuorum abducti. Syndicus vix agrē dimissus ultimum Responsum ad nos retulit.

## Internunciorum supplicatio.

**S**acra ac Serenissima Regia M̄t̄as, potentiss: Princeps ac Domine, Domine clementissime, Sacra Regiae Maiestati vestræ humillima seruitia & obsequia parasimis animis deferimus, Et sanè perquam dolenter & summo animi mœrore intelleximus, Sacram Regiam Maiestatem vestram, ea quæ omnium Ordinum Ciuitatis nomine Maiestati vestræ proposita sunt, magna cum indigatione & inclemetia accepisse, constituisseq; extremis nunc rationibus procedere, & hanc suam fidelissimam Ciuitatem armis exitiosis aggredi.

Ss ij

Quod

Quod uti vniuerso orbi terrarum nō solum, sed ipsi quoq;  
Regno, præsertim Terris Prussiæ nocebit plurimum, &  
ad interitū, ipsius etiam Ciuitatis spectabit in primis, ita  
nos Sac. R. Mts vestræ fidelissimi subditi eandē Mtēm  
vestrā subiectissimis ac humilimis precibus obtestamur, vt  
pro sua singulari Regia clementia & admiranda rerum  
moderatione, hanc suam fidelissimam & de omnibus An-  
tecessoribus totoq; Regno benemeritam Ciuitatem clemen-  
tiore animo amplecti, eamq; cum cæteris omnibus incliti  
Poloniæ Regni membris saluam et florentem conseruare,  
susceptumq; illud Sac. R. Mts propositum vt pientiss: &  
prudetissimus Princeps, quem omnia prius q; armis experi-  
ri decet, ad iustum aliquod tēporis spacium differre, nosq;  
sub fide Salui cōductus Regij ad Ciuitatē, vt Sac. R. Mts  
voluntatem et intentionem ea qua decet fide & diligentia  
Ordinibus referamus, clementiss. dimittere dignetur, Quo  
bac ratione & Sacra R. Mts vestræ summa benignitas  
& in tam arduis Reip: negocij deliberatiss: animus toti  
mundo magis magisq; innotescere, Ordinesq; hac singulari  
clementia attenta, ad accōmodandum se se Sac. R. Mts ve-  
stræ eo facilius induci possint. Pertinebit hoc non solum  
ad Sac. Regiæ Mts vestræ perpetuā gloriam totiusq; Re-  
gni decus, sed insuper etiam apud oēs posteros nomen sibi  
comparabit immortale, quod Ciuitatem illam suam tanq;  
pieniiss: pater & clementiss: Princeps ab interitu seruare  
potius quam armis opprimere clementiss: dignata fuerit,

Omnesq;

Omnesq; Ciuitatis Ordines id ipsum ppetuis seruityjs & pa-  
ratissimis obsequijs in debita fide subiectione & obedientia  
sedulò extremis virib. huic millime promereri conabuntur.  
Nos etiam pro exiguis nostris facultatibus nihil in nobis  
desiderari patiemur, quod ad officium bonorum et fidelis-  
simorum subditorum pertinere possit: Eandem S. R. M.  
vt Deus Opt: Max. quam diutiss: saluam, in columem, omo-  
nibusq; Regijs fortunis florentem conseruare dignetur, ar-  
dentissimis votis exoptamus.

S. Reg. Mtsi vestræ  
humiliissimi subditi

Internuncij Ciuitatis  
Gedanensis.

Responsum Sac. Reg. Mts datum Ge-  
danensibus Bidgostiæ die xj. Febru-  
arij Anno Dñi M. D. Lxxvij.

P Rospiciebat animo Sacra Regia Maiestas Dominus  
noster clementissimus hæc oīa, quæ agerentur à Ge-  
danensibus, impetrandi toties Salui conductus proroga-  
tionibus, non alio spectasse, quam vt rem extraherent ad  
hoc usque tempus, quod ad detegenda aperte nefaria sua  
consilia magis idoneum arbitrabantur.

Cuius illorum instituti, cum antea non parua india-  
cia hæc essent, quod in tractationibus à leuiorib. postula-  
tis orsi, grauiora quoties legatos suos ad Sac. Reg. Mtem  
remitterent indies adderent, quibus tantum abest, vt pro  
Ss ij patrato

patrato criminis omnium grauiissimo Regiae Maiestati sa-  
tissifacerent, ut etiam eam prope gloriando, de crimen hoc  
admisso, magis magisq; offenderent.

Quod tamen Sacra Reg. Maiestas patienti ac pater-  
no animo ferebat, ac ea etiam, quæ ad iura illorum & li-  
bertates augendas spectarent, illis concedebat, quæ non re-  
bellibus, verū bene meritis de Principe suo subditis deberē-  
tur, vt hac sua clementia eos ad officium reuocare posset.

Nihil tamen, vt videt, eos hæc benignitas mouit,  
cum ad superiora postulata iniqua, hæc posteriora impia  
ac nefaria prorsus adiecerint, ita concepta, vt iam diu me-  
ditatum scelus prorsus detegant, & tam Regiae Maiesta-  
ti, quam Reipub: cōmuni Regni Poloniæ, contra iusin-  
randum maiorum suorum D. Casimiro Regi eiusq; suc-  
cessoribus ac regno, datum, valedicant, nec se cum publi-  
cis regni consilijs, ac ipso regno, in cuius titulum ac ius, vt  
maiores ipsorum iurarunt, concessissent, quidquam com-  
mune habere impudenter & nefariè scribant.

Iam vero Sacra Regia Maiestas non solum iniqui-  
tate & insolentia postulatorum in dies lœdebatur, verum  
etiam alio genere iniuriarum, non modo Ciuitate non ex-  
onerata, iuxta formulam Salui conductus, mittendorum  
ad R. Mitem oratorum dati, externa milite, verum etiam  
maioribus conductis copijs, & nobilium, ac aliorum sub-  
ditorum Sac. Regiae Maiestatis vrbi vicinorum, pagis ac  
ædibus spoliatis, direptis, ac etiam exustis.

Quamobrem

Quamobrem cum iam aperte constet, obfirmatas  
in scelere perduellium Gedanensium mentes, humanitate  
Sacrae Regiae Maiestatis ac alijs lenioribus rationibus ad  
officium perduci non posse, alijs grauioribus Sacra Regia  
Maiestas vti, pœnasq; meritas de illis sumere necesse ha-  
bet. Itaque decretum suum, quo illos perduellionis dam-  
nauit, iam iamq; publicat & promulgat, omnem securita-  
tem terra & aqua illis adimit, ac tanquā impys in Prin-  
cipem suum ac patriā hominibus, aqua & igne interdicit.  
Stephanus Rex.

**N**eque multo pōst tempore secutum est Interdic̄lum,  
quo communicatio commerciorum nobiscum tam  
exteris quam incolis Regni prohibetur, atque adeò Empo-  
rium ipsum aliò transportatur, quod ex sequentibus lite-  
ris Vniuersalib; euidentius liquebit.

Stephanus DEI gratia Rex Poloniæ,  
Magnus Dux Lithuaniae, Russiæ, Prus-  
siæ, Masouïæ, Samogitiæ, Lituonie &c.  
neçnon Transyluanie Princeps.

**V**niuersis & singulis Principibus Ecclesiasticis &  
secularib. Dominis Regibus, Archiepiscopis, Epi-  
scopis, Ducibus, Marchionibus, Comitibus, Baronibus,  
Nobilibus, Ciuitatib. & alijs omnibus, ad quoscunq; literæ  
nostræ

nostræ peruererint, salutem & felicitatis continuum incrementum, subditis vero nostris gratiam nostram Regiam. Pro nostra benignitate adhibuimus omnes rationes, quibus Gedanum Ciuitatem rebellem ad officium reducere possemus, Etenim & ipsi illis conditiones proponebamus, quæ cum ad dignitatem nostram, tum ad illorum salutem & cōmoda pertinerent, vt non modò de antiquis illorum libertatibus nihil diminueremus, verum etiam illos auctiores faceremus. Præterea quoque illorum postulata clementer audiuimus, & quæ iusta erant, locum dedimus, nihil tamen profecimus. Postremo enim cum nos diu verbis duxissemus, ea nobis apertè & insolenter p̄fuerunt, quibus obfirmatū suum in scelere animum planè apparuerunt. Quare cū leniora nō p̄fuerunt remedia, ad alia necessaria venire necessum habemus, & nostram & Regni ius, pro iusirandi Ordinibus Regni nostri dati religione, armis psequi, & omnes mercaturas in emporio illorum exerceri solitas, inhibere, ac omnibus & singulis interdicere, vtii & his literis nostris inhibemus & interdicimus, Emporiumq; & mercaturas omnes tam frumentorum quam alias rerum omniū, quæ per mare, flumina ac terram, ab externis hominibus, ex Regnis & ditionib. suis, tum etiā à nostris subditis è Regno & dominijs nostris, Gedanum antea demitti & deuehi solebant, in Ciuitates alias, potissimum verò Elbingam & Thorunium, ibiç emporia rerum omnium instituimus atque indicimus, & pro institutis & indictis habere volumus.

Proinde

Proinde id ad vniuersorum & singulorū, quicunq;  
mercaturas cum subditis nostris exercere soliti sunt, &  
alijs ad quoscunque literæ nostræ præsentes peruererint;  
noticiam deducimus. Hortamur q; omnes & singulos, ne  
deinceps Gedanum, sed eo quo scripsimus cum mercantys  
suis, siue per mare, siue per terram aut flumiina se confe-  
rant, atque ibi & non Gedani mercaturam suam exerce-  
ant: præsertim cum maiori commodo & emolumento suo  
hoc facient. Nam cum ipsis subditis nostris, qui frumenta  
& alias mercaturas demittēt, mercari illis licebit. Nostris  
etiam cum extraneis omnibus. Quod Gedanenses ptextu  
quodam libertatum & prærogatiuarum suarum, & ex-  
quisitis quibusdam modis, illis prohibebant, plurimum q;  
lucri ad sua cōmoda conuertebant, non sine magno præiu-  
dicio & damno, non modò externorum, sed etiam & no-  
strorum subditorum, cum & totius huius Regni nostri.

Vt autem omnibus & singulis tutus & securus tran-  
situs cum nauibus, curribus & mercib. quibus suis ad dicta  
emporia pateat, nos eiusmodi omnes tam in eundo, quam  
in redeundo, Saluo conductu nostro & securitate quavis  
prouidemus, prouideriq; semper quoties opus fuerit curabi-  
mus. Iamq; exnunc mandamus omnibus subditis nostris,  
ab alijs verò pro iure amicitiae ac vicinitatis & fæderum  
amicè postulamus, vt omnes & singulos vnde cunque eò  
eentes & nauigantes, & ad sua redeentes, cum rebus &  
mercibus omnibus libere & securè permittant permittiq;  
Tt iubeant.

iubeant. Facturae Dominationes vestrae nobis rem gra-  
tam, pari officiorum nostrorum genere referendam, sub-  
diti verò nostri, pro gratia nostra secus facere non aude-  
ant. Datum Bidgostij die vij. mensis Martij Anno Dñj  
M. D. Lxxvij. Regni verò nostri Anno Primo.

Stephanus Rex.

Ioannes Bornkovvski  
Præpositus Lancien.

**E**X eo Responso, quod ultimo loco datum est, si cum  
superioribus actionib. probè conferatur, iterum fa-  
cile quiuis intelligere, & re ipsa quasi depræhendere pote-  
rit, aduersarios nostros perpetuos, iam ab initio solum in  
eum finem consilia sua præmeditata habuisse, quo Ciuita-  
tem arbitrio suo premerent, Priuilegijs omnibus, dignita-  
te, iuribus, libertatibus exuerent, prouentibus & fructi-  
bus priuarent, ac tandem pedibus subyicerent. Quicquid  
autem horum, sub specie fidei, subiectionis, ac officij no-  
stri, mandatis & persuasionibus obtineri non potuit, vi  
tandem & ferro, prætextu dignitatis & auctoritatis Re-  
giae Maiestatis, conati sunt extorquere. Quasi nimirum  
Regia dignitas in opprimendis saltem subditis, & non pos-  
tu in tuendis eorundem iuribus ac libertatibus, conse-  
ctior effet. Interim haud erubescunt, ore satis illoto, nos  
& concives nostros tot criminibus nefarijs, & ignominia  
plenis, passim onerare & traducere, quæ, Deo volente,  
nullis

nullis & nquam temporibus in nos, veris rationibus, & iure integro, probare valebunt. Quam in rem, nec ipsam Regiam Mtem, nec quosvis viros bonos, non suspectos, iuris & aequitatis amates, cuiusvis vel maioris vel minoris ordinis, arbitros, iudices, & cognitores non recusamus.

Primum enim, quod in eo Responso nobis impingitur, quasi haec omnia quae acta sunt a nobis, impetrandas toties Salui conductus prorogationibus, non alio specie classe, quam ut rem ad hoc usque tempus magis idoneum extraheremus: sane tractationes aliquoties habitae, quarum superius, suo cuiusvis ordine, mentio fit, satis ostendunt, quam arcte semper totius rei rationes ex latere nostro circumscriptae fuerint, sic ut plerunque ne temporis quidem eius usuram integrum habuerimus, quo saltè res praesentes cum conditionibus earundem, accurate satis vix animo complecti, nedum ex publicis omnium Ordinum deliberationibus certi quidpiam statuere, vel Internuncijs committere, possibile fuerit. Quia de caussa nemo certè vitio nobis recte vertet, quod ad deliberandas res tam arduas, in tanta propositarum conditionum varietate, prorogationem literarum, quae strictè nimis dabantur, aliquoties petuerimus. Enim uero si tum ab initio bona gratia consequi licuisset id, quod iure nobis competebat, quodq[ue] Regia Majestas ex officio Regio singulis subditis debet, haud sane tot tractationibus opus fuisset, quin immò difficultates postea secunda facilius potuissent praecaueri.

Tt ij

Ex

Ex contrario non est obscurum, quām festinanter  
¶ districte plerunque nobiscum actum fuerit, cum Ma-  
riemburgo Gedanum usque, sursum versum, quinq[ue] pri-  
num dies, mox biduum, Grebino triduum, biduum, dies  
etiam unicus, Torunio Gedanum ultrò citroq[ue], vix duode-  
cim, Bidgostia demum sex dies, ad rerum grauissimarum  
deliberationem & expeditionem, concederentur: præsertim  
quod interim, stantibus Salui conductus literis, pactis etiā  
inducis, & Internuncijs detinebantur, & ab incendijs ac  
populationibus aduersus Ciuitatis subditos nihil omagis  
temperabatur. Quae res argumento nobis fuit, hoc agi so-  
lum ab aduersarijs, ut hisce terroribus Ordines circumuen-  
ti, neglectis suis iuribus, Privilegijs, & libertatibus, ipso-  
orum arbitrio sese, vitam, & fortunas subiçere coge-  
rentur.

Quod autem additur, ad detegenda aperte nefaria  
consilia nostra, rem à nobis protractam, non est dubium,  
si calumniatores vel minimam eius criminatiois speciem  
præ manu probabilem habuissent, quin haud occultassent.  
Nos verò nullius consilij nobis conscijs sumus, vel coram  
Deo nefarij, vel apud bonos viros ignominie loco ponēdi.

Porrò quod huius instituti subiçitur indicium, quasi  
in tradictionibus superioribus, à lessioribus postulatibus  
orsì grauiora indies addiderimus, non ut pro patrato cri-  
mine Regiae Maiestati satisfaceremus, sed Eandem, propè  
gloriādo de crimine admisso, magis magisq[ue] offenderemus:  
hanc

haud recusamus quo minus etiam hac in parte superiorū  
saltē actionum testimonio dijudicemur. Ex quibus luce  
meridiana clariss apparet, nos ab initio tractationis ad  
finem vſq, nec secus in vltima quām in prima legatione  
nihil aliud fermē petiuiffe, supplicasse, reseruasse, q Reli-  
gionis, & iurium, Priuilegiorum, ac libertatum idoneam  
grauaminum abrogationem, Decreti proscriptioñis, &  
cautionem, quicquid inde malifuit exortum, abolitionem.  
Hæc præcipue fuerunt, tam prima, quam vltima petitio-  
nū capita, prout omnes Inſtrucliones Internuncijs datae,  
nec non plæræque literæ cum ad Regiam Maiestatem, tum  
ad Consiliarios & Status perſcriptæ, satis abundeq, te-  
ſtantur. Et quanquam interdum etiam aliae conditiones,  
pro rerum præſentium neceſſitate, fuerunt interiectæ,  
veluti de Cæſarea Maiestate, de iuramento Regio, vel  
ſimiles, eae tamen cum ipſo tempore cauſsam etiam muta-  
runt, nec vñquam à nobis pertinacius, quam præſens re-  
rum ſtatus poſtulabat, ſunt deſideratae. Quinimmò nihil  
magis in omnibus iſtis traſlationibꝫ curæ nobis fuit,  
quam vt honestis quibus cunque rationibus, que ſaltē  
in facultatibus noſtris eſſent, gratiam & clementiam Re-  
giæ Maiestatis promereri, & ſub eius feliciffimo regimi-  
ne ſaluis iaribus & Priuilegijs tutò degere poſſemus.  
Tantum abeft vt inter proposita humilimæ ſubiectionis  
obsequia, de quo quis criminè, cuius minimè conſciū  
nobis ſumus, gloriari debuerimus.

Tt ij

Quod

Quod autem iurium ac Priuilegiorum nostrorum obser-  
uantes sumus, deg̃. ys more maiorum, prout Antecessores  
Serenissimi Poloniæ Reges consueverunt, rectè nobis ca-  
ueri petimus, nemo certè ad ullum crimen, nedum rebellis-  
onis notam, iure detorquere poterit hoc, cuius ex fide nostra  
nō nobis solum, sed posteris etiam nostris sumus obnoxii.

Vicissim verò quibus modis ex altera parte, nomine  
Serenissimæ Regiæ M̄t̄is, propositæ conditiones, de die in  
diem accumulatae, exasperatae, quam festinanter ab uno  
postulati iurisurandi capite, ad contumaciæ decretum, ad  
yim armatam, cædes, direptiones, incēdia descensum, mox  
ad conditiones Ciuitati maximè pñciosas, tandem etiam  
ad impossibiles omnino pecuniarum summas paulatim  
deuentum fuerit, sic quidem vt hoc negotiū ex Electionis  
diuersitate recens ortum, ad veteres Cōmissionis illius in-  
felicissimæ controuersias, cum haud dubia rei tam publice  
quam priuatæ pernicie, traduceretur: ex ys quæ supra suo  
recensita passim sunt ordine, liquidius appetet. Enim uero  
quò leuiora fuerunt postulata nostra primo loco proposita,  
eo facilius initio componi potuerant, sic vt illi nunc ipsi,  
qui Regiam M̄t̄em ad alia consilia impulerunt, harum se  
difficultatum quibus deinceps conficiati sumus, authores  
fateantur necessum sit, nec illarum caussam meritò nobis  
impingere debeant.

Quod ad Confirmationem iurium ac Priuilegiorū  
pertinet, eam promissam nobis esse scimus (eorundem au-  
tem au-

tem auctiōni quidquam accessisse non sanē meminimus). Veruntamen adiuncta Confirmationi clausula, nimirum ex iuramento Cracoviæ præstito Priuilegia salua fore, non immerito nobis scrupulum iniecit, quandoquidem iuramentum illud ea saltem complectitur, quæ iuribus vtriusque gentis Polonicæ & Lithuanicæ non sint contraria. Cuius generis iusurandum vti Serenissimis Antecessorib. Regibus in harum Terrarum iura non fuit usitatum: ita videri poterat cum summo nostrorum iurium, & libertatum præiudicio coniunctum. Quocirca Declarationem eiusdem iuramenti, ne detrimēto iuribus nostris esset, saepius humilimis preciis desiderauimus. Quam cum hacenus obtinere non potuerimus, metuendum fuit, Confirmationem eam non multum cōmodi iuribus et priuilegijs nostris allaturam. Quanquam autem peculiarem Confirmationis formulam, talem qualem Ciuitati putabamus commodissimam, humilimo studio pponeremus: non ideo tamereum Regiae Mti modum præscribere volebamus, vt non priori Confirmationi, modò clausula nobis præiudicio non esset, acquiescere voluissimus.

Præterea cum summo nostrorum omnium dolore nobis obijcitur, quasi ad superiora postulata iniqua (de quibus iam dictum est) hæc posteriora impia ac nefaria prorsus adiecerimus, ita cōcepta vt iamdiu meditatū scelus prorsus detegant, quib. tam Regiae Mti quam Reipublicæ cōmuni Regni Poloniæ contra iusurandū Diuo Casimiro Regi,

Regi, eiusq<sup>ue</sup> successoribus, ac Regno datum valedicamus,  
neque nos cum publicis Regni consilijs ac ipso Regno quid-  
quam commune habere impudenter & nefariè scribamus:  
Quod sane crimen quemadmodum nunquam ne cogitati-  
one quidem conceperimus, ac planè diuersum sapientius ac sapientius  
in superioribus literis publicè contestati sumus: ita nobis  
non potest non vehementissime dolere, perpetuos aduersa-  
rios nostros nunc etiam verba nostra tam euidēter calum-  
niari, & in contrarium sensum improbè detorquere. Vi-  
dere licet nos in superioribus tractationibus his plerunque  
verbis usos fuisse: resistas de quibus agimus & præser-  
tim grauamina proposita, cum Regni comitijs nihil ha-  
bere commune: nos publico terrarum Prussiae Pri-  
uilegio, de causis notabilibus cum consilio Consiliariorum  
Prussiae determinandis inhærere. Hoc in eam nunc par-  
tem accipitur, quasi Regie Maiestati & Regno valedica-  
mus, nec cum Regno quicquam habere commune veli-  
mus. Quæ sententia quam ab ipsis verbis aliena sit, nemo  
non intelligit. Facile vero vel ex hoc uno colligi potest,  
quod re ipsa quoque sumus experti, qua fide & integritate in  
superioribus tractatibus verba nostra interdum accepta,  
& per interpretes ad Regiam Maiestatem relata fuerint:  
Enimvero quæ ratio sit Incorporationis maiorum  
nostrorum cum Regno Poloniae, quibus iuribus ac liber-  
tatis ad regnum accesserint, in responso nostro quod

Legatis

Legatis Regijs Reuerēdissimo Dño Episcopo Culmensi, et  
Magnifico Dño Palatino Brestensi die 12. mensis Septē-  
bris anno superiori datum est, fusius ostenditur. Illud  
nunc saltē admonere p̄sens res postulat, quod quēadmodū  
eius Incorporationis vigore, Prussia non minus ac Litua-  
nia, vel alia quævis prouincia, liberum Regni Poloniæ  
membrum effecta fuit, & vñā cum ceteris prouincijs so-  
lam Regiam M̄tēm, nec ullum hominem alium, caput ac  
dominum suum agnoscit, eaq̄ de cauſſa peculiarem suam  
Rēpublicam, peculiares Cōſiliarios, peculiaria iura, pri-  
uilegia, libertates, confuetudines habet, ac eadem omnia  
yltra hominum memoriam liberē usurpauit: ita ſumma-  
cum iniquitate coniunctum appetat, quod cōtra maiorum  
morem, contra priuilegiorū expreſſa verba, Status ac Or-  
dines Prussiæ, multis grauibus ac intolerabilibus oneribus  
& difficultatibus, ad necem priuilegiorum publicorum, et  
extremā totius prouinciae calamitatem, per annos aliquot  
fuerint inclemēter afflīti, obruti, ac penē pefſundati. Cu-  
ius rei præcipuum præbet argumentū Vno noua, qua con-  
tra vetuſtissimam Prussiæ libertatem, ad oīa Regni one-  
ra, à quib. ex præscripto priuilegiorum immunes sumus,  
quæq̄ maiores nostri nunquā agnouerunt, perperam trahi  
cœpimus. Hinc Executio statuti Alexandrini, Contribu-  
tiones, & alia onera Maiorum incorporationi planè con-  
traria, ſunt enata. Per contrarium autem præcipua Pri-  
uilegiorum capita, præſertim de dignitatib. & officijs, de

Vv cauſſis

caussis notabilibus, & alia eius generis, penitus labefactata, oppressa, & ineptis interpretationibus planè depravata cernuntur. Hinc iuramētum illud nouum Regiae Majestatis, à prædecessorum exemplo longè diuersum, de iuribus Polonicis & Lituanicis, scilicet ad harum Terrarū Priuilegia & libertates obliterandas, & Prussos demum ad mancipiorum conditionem redigendos, recens ex cogitatum. Hinc nimirum Priuilegia maiorum nostrorum sanguine consignata, quasi non legitimè fuerint obtenta, vel quasi iuri publico derogent, in dubium reuocari cœperunt. Sanè si maiores nostros perpetuam illam cum inclito Poloniae Regno coniunctionē, cum tot oneribus, gravaminibus, præiudicijs, & sinistris iurium interpretationibus, cōmunem esse voluisse probandum sit, non quidem libertatē, maximis facultatū iacturis, nec non vita et sanguinis impendio quæsiuisse, sed de seruitute leuiore potius in grauiorem transiuisse, meritò viderentur. Quod neque Incorporationis legi, neq; Diuorum Regum testimonijs et exemplis, neq; perpetuis moribus inuenitur cōsentaneum. Proinde quicquid in præiudicium ac fraudem iurium ac Priuilegiorum admissum constat, proprius est, vt ex præscripto Priuilegiorum emendetur, quam vt interpretacionib; ex Comitiorum Censura conquisitis, contra mentem vniōnis, & maiorum morem, in dubium debeat reuocari. Polonia, Lithuania, Russia, Prussia, vnius corporis membra sunt, singulæ suis iuribus, Priuilegijs, moribus, separatim.

ratim utuntur fruuntur, non ut unum membrum ceteris  
imperitet, vel aliud ab alio pedibus subiugetur, sed ut sub  
uno Regis sui capite constituti, citra cuiusuis iniuria, sua  
libertate gaudent omnes. Proinde cum huic Ciuitati plu-  
ra ferme grauamina, quam ceteris statibus, contra iura  
& libertates suas, obtrusa fuerint, nec appareat de illorū  
emendatione cogitari, quin immo augeri paulatim illa ma-  
nifestum sit, ut hoc palam agi videamus, quo pacto Pri-  
uilegijs eneruatis, Ciuitatis publici prouentus imminuan-  
tur, publicae possessiones auferantur, cōmoda nauigationis  
& ius maritimum eripiantur, nemo certe vel vitio nobis  
vertere, vel ad secessionem detorquere meritò poterit, quod  
non statim initio cum ceteris prouinciae statibus ad subie-  
ctionem & iusurandi vinculum accessimus, priusquam de  
iurium & priuilegiorū tot modis labefactatorū indemni-  
tate nobis caueretur. Præsertim cum aduersarij sum-  
mum etiam ornamentum ac præsidium huius Ciuitatis,  
Priuilegium scilicet Diui Casimiri de plebiscitis con-  
dendis & contributionibus imponendis, maximis maio-  
rum nostrorum sumptibus, & fidelissimis obsequijs dia-  
uturno bello promeritum, in ambiguum sensum per-  
traxerint, nec obscurum esse possit, quid de ceteris  
fuerint aestimaturi. Non iam prolixius illud comme-  
morabimus, nos uti Priuilegio constitutum est, ad Coro-  
nationem Regiae Maiestatis legitime vocatos non fuisse,

Vij sed

MUNIOIBA

sed quod præsentis negotij proprium est, negari minime  
potest, maiores nostros, ratione iurium & Priuilegiorum  
suorum, nec non irrepentium vitiorum, solam Regiam  
Mitem interpellasse, nec præter eam cum alio quoq; agere  
voluisse, nedum illorum de Priuilegijs suis cognitione su-  
bire, quos Dominos nā agnoscerent. Ostendit hoc ipsum  
aperte Legatio Prussiæ Statuum, ad Diuum Sigismundum  
Anno 1542. hanc in rem missa, in qua Inter-  
nuncij sequentibus inter cætera verbis vñi expressim fuere:  
**Quoniam** nobis & fratribus nostris plus  
præsidij est in naturali illa clementia &  
æquitate Maiestatis vestræ, quam in con-  
tentiosa verborum & argumētorum ex-  
plicatione, ipsas Priuilegiorū literas, qui-  
bus nitimus, publica fide exceptas, repo-  
nimus et prosternimus ad pedes Mts ve-  
stræ, cui potestas est, vel conculcare eas,  
si id cōmeriti sumus, vel rata inuiolataq;  
cōseruare ea, quæ solenni pactorum fœ-  
dere sanctè recepta, & frequentibus ap-  
probationibus, verboq; & manu Regia  
non semel firmata &c. Item: Cum sit  
actionum

actionum nostrarum summa, vt cuique  
iura sua salua maneant, obsecramus ne  
diutius nos Mtās vestra in hac ambigui-  
tate sustineat, sed potentibus nobis respō-  
dere dignetur, volet aut non volet Priuilegia  
nostra integra nobis conseruare &  
manutenere, simulq; nobis integra resti-  
tuere, quæ contra Priuilegia nostra sunt  
alienata, ac scripto aliquo hanc suæ volū-  
tatis declarationem nobis attestari, vt de  
actis nostris, & huius legationis nostræ  
successu, fidē fratribus nostris facere no-  
bis liceat, ac omnibus Mtis vestræ subdi-  
tis referre, quæ ipsis restet Libertatis spes  
& conditio. Non enim, Sereniss: Rex,  
propterea huc missi sumus, vt de statu &  
libertatibus nostris iudicio cōtendamus  
cum quoquā, minimè verò vt eorum su-  
beamus cognitionem, quorū superiorita-  
tem non agnoscimus, sed quorundam ex

Vv iiij illis

illis aduersitatem experimur. Negocium  
nobis cum nemine est, nisi cum Sacra  
Maiestate vestra, quæ vt pacta & con-  
uenta, & toties promissa seruet, diuino  
& humano iure nobis est obligata, &c.

**H**Æc cum Maiores nostri tum petiuerint, & alias  
sæpe flagitauerint, quantum est delictū illud, quod  
nos etiam præsentium grauaminum abolitionem ab ipsa  
Regia Maiestate, tanquam Capite, citra Comitiorum dis-  
putationem, supplices rogauiimus: præsertim cum præcipua  
grauaminum illorum, aduersus publicas libertates, præ-  
textu decretorum Comitialium irrepserint. Neque verò  
vel cum æquitate, vel cum Ciuitatis emolumēto coniunctū  
fuerit, ut de Cōmissionis & Placationis negocio, cum Do-  
minis Regni Consiliarijs disceptemus, vel illorum cogniti-  
onem desideremus. Quemadmodum enim isthæc Cōmissio  
superioribus annis, ad nostrorum omniū summam iniu-  
riam, & Ciuitatis perniciem, ab aduersarijs nōstris cōpo-  
sita fuit, eo colore, quasi multa Reipublicæ vitia per eam  
tollenda vel emendanda viderentur, tandem autem res oīs  
ad oppressionem quorundā ex magistratibus, ad imminu-  
tionem Priuilegiorum, & iurisdictionis ciuilis, demum ad  
defalcationem prouētuum publicorum aperte fuit directa,  
quod alias in eius Cōmissionis tractatibus suo loco plixius  
demonstratum fuit: Ita iam antea, cum eiusmodi nego-  
cia

cia, in Regni Comitijs disceptarentur, præter insolentem  
iuris ordinem, etiam aduersarios & accusatores, eosdem  
iudices nostros in causa propria pati coæli fuimus. In  
placationis autem negocio Cōmissary adeò periculose neg-  
sine suspicione rem tractarunt, vt post placationem ex-  
tortam, non solum magnifica sua promissa, de grauami-  
nibus ex pacto abolendis, in dubium retraherent, verum  
etiam Ordinum huius Ciuitatis obligationem reciprocam,  
planè aduersus contrahentium mentem, & conditiones di-  
sertè interpositas, cum summo Ciuitatis præiudicio perpe-  
ram interpretarētur. Qua fide verò nobis absentibus Le-  
gationem renunciauerint, quo pacto rem transactam do-  
cuerint, non quidem omnino constat nobis, veruntamen  
non obscurè fuit animaduersum, Dominos Regni Consi-  
liarios in Commissariorum partem adeo pertractos, vt nō  
imperito recusauerimus illorum cognitionem, yjs in nego-  
cij, quæ cum solius Regiae Maiestatis persona nobis inter-  
cedebant, quæque Commissariorum opera per qualem cun-  
que relationem nobis inscrys & absentibus præoccupata  
fuerant. Neque ignotum est, eos ipsos qui Ciuitati semper  
varj modis aduersati sunt, hos etiam motus ad Ciuitatem  
opprimendam, absque Comitiorum auctoritate quam  
nobis opponere solent, vt plurimum concitasse. Ex  
quibus omnibus satis abunde patet, quām perperam  
& irreligiose nos criminentur aduersary, quasi Regiae  
Maiestati & Regno valedicere, nec quicquam cum  
illis

illis habere cōmune, vel etiam à Regno secedere vēlimus.  
Enim uero si propositum illis est, Ciuitatem tot grauamini-  
bus de quibus querimur, non exonerare, sed ad extremā  
potius calamitatem redigere, quod iam dudum ex Decreto  
proscriptionis, & eius promulgatione, nunc etiam ex hoc  
ultimo Responso, quod hostilis instar denunciationis est,  
non obscurè comprobatur, nemini dubium est, Ciuitatem  
ipso facto à Regni cōmunione excludi, nec in posterum, iu-  
ribus ac libertatibus ereptis, pro Regni membro amplius  
censeri. Nec aliud certè sibi volunt, nostrarum mercium,  
bonorum, ac nominum, paſſim in Regno & Terris Prus-  
siæ, tanquam hostium res effent, sequestrationes, pig-  
norationes, direptiones, nuper institutæ.

Additur deinceps in eo Responso, quod Sac. Regia  
Mtäs insuper etiam alio lœsa fuerit iniuriarum genere,  
non modò Ciuitate non exonerata, iuxta formulam Salui  
conductus, mittendorum ad R. Mtēm oratorum dati, ex-  
terno milite: verumetiam maioribus conductis copijs, &  
nobilium ac aliorum subditorum, Sac. Regiæ Mtis vrbi  
vicinorum, pagis ac ædibus spoliatis, direptis, ac etiam ex-  
ustis. Cæterum militis quidem conscribendi rationes suo  
loco non semel explicauimus, quas iterum h̄ic repetere non  
est operæ premium. Evidem cum inter medias actiones de  
modo pacificationis institutas, non exercitus solum Regi-  
us ceruicibus nostris immineret, sed insuper etiam paſſim  
intra & extra prouinciam plures milites, pedites, equites,  
(inter

(inter quos nōnulli nomine nostro) conscriberētur, arma  
& instrumenta bellica cōpararentur, nō lites etiam à nobis  
exauētorati, mox contra Ciuitatē ad stipendia vocarētur,  
maris etiam vicini littora, per Ernestum V Veierum incipe-  
rent infestari; nemo certe sanus negauerit, rationibus no-  
stris eo statu rerum accuratiis aliquantò fuisse prospiciē-  
dum. Nec enim naturalis iuris indulgentia nobis denegata  
videri poterat, pro tutela corporis, vxorum, liberorū, for-  
tunarum, dignitatis, priuilegiorum ac libertatum, vim &  
iniuriam ppulsandi, quam in brutis etiam animalib. ne-  
mo vñquam reprehendit. Quanq' ne ius quidem gentium,  
quod hostium etiam Legatis sacrosanctum est, in nostro-  
rum Internunciorum personis vidimus obseruari.

Verum quidem est, Salui cōduclus literis conditionē.  
eam adiectam, vt militem dimitteremus, quapropter initio  
plane non consultum nobis videbatur, Internūcios ea lege  
mittere, cum nec rationes stipendiorum tam celeriter exol-  
uendorum in promptu essent, nec satis tutum videretur,  
rebus nondum cōpositis Ciuitatem omni p̄sidio destituere,  
milite p̄sertim Regio magis ac magis indies suppleto: viris  
tamen nonnullis primoribus, & Regni Consiliarijs diligē-  
ter adhortātibus, ne quid sinistri de R. M. suspicaremur,  
neue rei transigendae occasiōne prætermitteremus, bonam  
spem facientes, legationem hanc cum totius Reipublicæ  
commode fore procul dubio coniunctam, plus illorum ad-  
monitioni quam suspicioni minus necessarie tribuimus.

Minus etiā deinde periculi subesse putauimus, cum a clie-  
nibus vltro citroq; vtilitat, Saluus cōduclus sine expres-  
sa conditionis eius clausula prorogaretur, ac Dñi Consili-  
arij quibus cum Internuncijs tractandi negocium datum  
erat, omnimodam securitatem illis pollicerentur. Tandem  
cum Georgius Rosenbergius huc remitteretur, & facile  
intelligeret, conditiones quæ tum repetebātur, ab Ordini-  
bus minimè receptum iri, ideoq; maioris offensionis cauen-  
dae caussa, legationis illius gratiam sibi fieri peteret, Mag-  
nificus Dominus Palatinus Brestensis, nomine R. Mūs  
ip̄i denunciauit, daret operam mādatis efficiendis quan-  
tam posset, quemcunq; res finem sortiturā fuisse, absque  
eius fraude vel periculo futurum. Quibus nihilominus in  
partem reiectis, præter cæteras contumelias, violentias, et  
iniurias, quibus durante Legatione varijs modis Inter-  
nuncij fuerant affecti, postremū etiam Bidgostia, nescio-  
mus in quos carceres, ab armatis hominibus sunt abducti,  
& promulgato Responso, de quo diximus, extremæ hosti-  
litatis Decretum Cūitati denunciatum.

Qua de causa, si quid in his rerum motibus forte  
vicinis, ijs præsertim qui malignis suis cōsilijs hasce turbas  
excitarunt, damni quidq; datum est (quod tñ ante pro-  
scriptionis decretum editum nostro mādato factum haud  
meminimus) non est quod meritò nobis adscribant. Nam  
& antea cum quotidianis ab initio deprædationibus, incē-  
dijs, & vastationib, agrorum, possessionū, & colonorum,  
plus

plus satis ad idem exemplum irritaremur, militem tamen nostrum, & Ciuium multitudinem ab eruptionib. quantū eius fieri potuit, diligenter cohibusimus. Enim uero ipsimet homines religiosi, monasteriorum incole, cum in calamitate publica Ciuib. palam insultarent, & Insulanorum incomodis gaudere viderentur, ac incendia quasi trophya quædam digito demonstrarent, insperatum tumultum in Ciuitate, sibi autem exitium penè conciliarunt, multis ad vim spectantibus, & eodem impetu monasterijs nonnullis direptis ac spoliatis. Tumultus sedato, nonnullis etiam comprehensis & in carcerē cōieclis, quidquid monastici mundi vel supellec̄tilis conquiri potuit, in fidelem custodiam reposuimus. Ac ut maximè quis de damno iniuria dato conqueri possit, detimenta profectò quæ nobis tam publicè quam priuatim eodem motu rerum irrogata sunt, plusq̄ decies illa, cum iniuriarum atrocitate, tum incomodorum magnitudine, superant ac excellunt. Sanè quod in hoc genere quidam iure se facere cōtendunt, ceteris, quod idem sibi licere potent, criminī vel iniuriæ verti non oportet.

Quod autem ad Oliuense monasterium attinet, quamuis iampridem Abbatem eius malum admodum experti sumus vicinum, qui non postremus fuit semper recentis huius calamitatis auctor, perinde ut iam antea Ciuitatis incommodis studere consueuit, & in monasterium ipsum secundum formam hypothecæ nobis inscriptæ, iure nostro iamdudum uti poteramus: tamen & loci

Xx y religionem,

religionem, & pignoris integritatem antehac negligere  
noluimus. Verum cum non obscurè animaduerteremus,  
ex ipsius Abbatis consilio, militi peregrino stationem &  
præsidium, ad circumcidendam & oppugnandam Ciuita-  
tem in monasterio destinari, magis ex securitate Ciuitatis  
publica videbatur, locum suspectum destruere, quam mu-  
nitionibus ab hoste positis, quotidianas inde ex vicino de-  
prædationes, & longinquam obsidionem expectare.

**E**X his omnibus, quæ suo superius ordine cōmemora-  
uimus, liquidò patet, præsentes basce pturbationes,  
non ex aliquo temeritat̄ proposito, vel rebellionis studio,  
sed dissidio potius Electionis habitæ, primum exortas:  
Ad quas deinceps bona cum gratia sedandas & pacificè  
cōponendas, quanq̄ nihil certè quod vel fidei, subiectioni,  
& officio nostro conueniret, vel iuri consentaneū, vel des-  
mum in facultatibus & æquitate positum esset, detrecta-  
uerimus, neq; nunc detrēfemus: tamen nescimus quo fato,  
vel temporum infelicitate, nihil hacenus æqui impetrare  
potuimus. Quin potius vrgentibus & instigantibus illis,  
qui perpetuos Ciuitatis aduersarios gesserunt, qui neque  
Regni, neque Terrarum Prussiæ commodis, vti par erat,  
consulunt, sed mero odio, & priuatis affectionibus stimu-  
lati, in perniciem eius feruntur, vis armata primum illa-  
ta, mox cædes, deuastationes & populationes perpetratae,  
incendia passim facta, tandem proscriptionis Decretum  
latum,

latum, nobis & omnibus Ciuiis & incolis, terra mariq;  
securitas adempta, ac tanquam impis in Principem &  
patriam hominibus (cuius criminis minimè nobis consci  
sumus) aqua & igni interdictum. Neque minori cum  
iniuria paulò post, prætenso Regiae Maiestatis nomine  
passim in Regno grauissimæ de nobis calumniæ sparsæ  
sunt, quasi conditiones in hisce Tractatibus semel initas  
retractare, vel ad reprobum sensum detorquere vellemus,  
multoq; maiora quā in conuentis fuisset nunc demum  
postularemus. Nos certè nō solum præter æquissimas con  
ditiones, de quib. sæpe diētum est nihil amplius petiuimus,  
neque nunc quid aliud petimus: verum etiam post allatū  
interdicti responsum cum per literas, tum per interpositas  
personas, quibus ad Regiam Maiestatem esset aditus, in  
hunc usq; diem non destitimus orare, precari, supplicare,  
fidem & obedientiam deferre, non parum etiam à supe  
rioribus conditionibus remittere, saltem ut Regiae Maiie  
statis gratiam, pacem, tranquillitatem, quibuscunque  
tandem, honestis modò, rationibus redimere ac recupe  
rare possemus. Verum ne sic quidem precibus nostris  
huc usque locus relinquitur, sed omnia potius in eum  
finem comparari videntur, quo Regni Consiliarijs &  
Ordinibus aduersum nos concitatis, Ciuitas hostiliter op  
pugnetur, & ad extremam calamitatem (quod DEVS  
auertat) redigatur.

Xx ij Ex

Ex quo perspicimus, necessitatem nobis etiam nolentibus  
et vim deprecantibus impositam, charissimae patriæ no-  
stræ, maiorum opera et sanguine comparatas libertates,  
iura, et Privilegia, iuxta cum libero Augustanæ Con-  
fessionis ysu, quantum in nobis est defendendi, faculta-  
tibus, vita, et sanguine propagandi, vim, iniuriam,  
contumeliam, necem, ac feruitutem, à nobis, liberis, et  
yxoribus propulsandi. Quam in rem opem et auxilium  
immortalis Dei supplices imploramus, et eiusdem consilio  
exitum per se dubium deuotè commendamus. Cuius prou-  
dentia dubio procul isthac calamitas, in paenam delictorum  
nostrorum, quibus aequè ut ceteri mortales quotidiè sumus  
obnoxij, nobis cōciliatur. Neg, verò desperam⁹, vel ea fidu-  
cia decidimus, quin non solum pro paterna sua clementia,  
condonatis benignè delictis, oculis misericordiae suæ vi-  
cissim ad nos respiciet, verum etiam pro iusticia sua, in  
calamitatis istius ai. Et res et instigatores suo tempore vin-  
dicabit, ut malum quod alijs concinnarunt, in ipsorum  
met ac complicum caput redundet, tandem etiam pacem  
ac tranquillitatem rerum omnium desideratissimam, ys  
quibus facilimè potest modis cum volet, nobis ac vicini  
clementissimè restituet.

Ceterum postquam in hunc casum res deuenit, pa-  
lām ac solenniter coram omnibus hominib. contestamur,  
et ipsorum etiam posterorum memoriæ relinquimus, si  
qua deinceps, ex his rerum initijs, vel Poloniæ Regno  
vel

vel Terris Prussiae, grauior calamitas vel perturbatio fortassis oriatur, vel si qua ob eam rem à Regno Poloniæ secessio & auulsio contingat, vel demum, ut res in malum semper procliviiores sunt, quidpiam atrocius quam nunc existimari possit, inde proueniat, totum id absque culpa nostra futurum, & illorum solummodo consilijs & instinctu commissum iri, qui turbarum harum auctores sunt, quique per iniuriam, & illegitimæ proscriptionis praetextu, Ciuitatem hanc, neglectis æquissimis & honestissimis nostris precibus ac conditionibus, à Regno Poloniae iampridem abscederunt, & quantum in illis est, neci ac excidio prostituerunt, eoque paœlo nos ad necessariam honoris, famæ, vite, fortunarumq; defensionem, vi & armis hostili animo illatis, compulerunt.

**Q**Vapropter omnes ac singulos supradictos, Inuictissimos, Serenissimos, Reuerendissimos, Illustriſſimos, illustres, magnificos, ac generosos, Christiani nominis Cæſares, Reges, Electores, Principes, tam Spirituales quam Seculares, Prælatos, Palatinos, Comites, Castellanos, Barones, Dominos clementifsi:

mētissimos, gratiōfissimos, gratiōsos;  
ac plurimum honorandos, nec non Præ-  
consules, Consules, Ciuitates, Status ac  
Ordines, amicos, vicinos, fœderatos, ac  
cæteros harum literarum noticiam habi-  
turos, per omnia sacra, deuotissimis pre-  
cibus, humilimè, subiectissimè, humili-  
ter, demissè, diligenter, ac reuerenter,  
obsecramus, petimus, ac oramus, dignē-  
tur ac velint, præsentis status periculis  
expensis, pro amore & studio pacis ac  
tranquillitatis publicæ, clementissimè ac  
benignè auctoritatem & operam suam  
interponere, ac nunc etiam æquis & ho-  
nestis rationibus apud Serenissimā Re-  
giam Maiestatem Poloniæ, nec non Re-  
gni Cōfiliarios, Status & Ordines (quos  
hanc in rem peculiari nomine, perquam  
reuerenter ac diligenter oramus, mone-  
mus, & hortamur) intercedere, quo res  
ha

hæ satis iam perturbatæ ad pacificum  
statum reducantur, & resectis belli diffi-  
cultatibus, omnes controuersiæ, bonis  
& æquis conditionibus, citra Ciuitatis  
extremam calamitatem & detrimen-  
tum, sopiantur & componantur. Quam  
in rei, quoad in nobis est, quod hone-  
stum, æquum, fidei, subiectioni, & offi-  
cio consentaneum, ac in viribus & facul-  
tatibus possumus erit, bonorum virorum  
arbitrio, nunc etiam ut antea, nihil re-  
cusamus vel detrectamus. Sin autem  
(quod abominamur) nec precibus no-  
stris humilimis, nec æquis aliorum inter-  
cessionibus, quod ius fasque est obtineri  
poterit, Eosdem perquam humilime, de-  
missè, & reuerenter obsecramus ac ro-  
gamus, ut ipsimet tanquam æquitatis &  
pietatis amantes, vi & armis oppresso-  
rum caussam clementer & benignè su-

Yy. scipere,

scipere, suaque auctoritate, gratia, fauore, ope, & auxilio nobis suppetias ferre, commeatu alijsque rebus necessarijs liberaliter suppeditis, Ciuitatem hanc contra vim armorum iniustum defendere, & ab exitio vendicare dignentur. Pertinet hoc ad perpetuam non harum solum Terrarum, sed ipsius etiam orbis Christiani tranquillitatem conseruandam, & nos cum vniuersis Ciuibus & incolis, eam clementiam, gratiam, benevolentiam, opem, defensio nem, & assistentiam, erga Cæs: & Reg: illorum Majestates, Reuerēdissimas, ac Illustrissimas, nec nō illustres Celsitudines, Magnificas, & generosas Dominationes, et cæteros sigillatim omnes, omnibus vi- ciſſim quibuscunque possumus ac debe- mus seruitiorum, obsequiorum, & stu- diorum generibus, humilimē, demissē, reuerenter

reuerenter ac diligenter promereri, gra-  
tique animi memoria perpetuo comple-  
cti, nec non, si quid Deo largiente in fa-  
cultatibus nostris aliquādo fuerit, æquis-  
simo studio compensare pro viribus  
conabimur. Datum Gedani, Men-  
se Aprili, Anno Domini supra  
millesimum quingentesimum  
septuagesimo septimo.



**SOLI DEO LAVS ET GLORIA.**



Excusum Gedani in officina typ-  
ographica Iacobi Rhodi.


lum. scilicet ac diligenter permutari. et  
pro simili membris etibzis belbmo corripere.  
Graecorum sunt hinc Deo laudes in illis.  
Sed ipsorum sicut eti ipsi libato dicitur.  
Mox ergo condescendit pto. ut pte  
consipit. Damni Gerasini Vies  
anno Domini. A. ille. Et  
in illis annis dimicatio  
et expeditio iacobino.



201 DE LA ET CROIX



Exhibitum Gerasini in officina dyp  
Bibliothes Iacobini Rpoli.





Biblioteka Śląska

223079-80

II

CIRCUITUS

